



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




58. V. 15.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

58. V. 15



DE REBUS GE STIS LUDOVICI, EIVS

NOMINIS VNDECIMI,

Galliarum Regis, & CARO-

LI, Burgundiæ

Ducis,

PHILIPPI COMINAEI, VIRI PA-

tricij, ex equestri ordinis, Commentarij, vere ac prius
denter conscripti.

Ex Gallico facti Latini, à Ioanne Sleidano.

Adiecta est brevis quædam illustratio
rerum, & Galliæ descriptio.

Cum Gratia & Priuilegio Imper. & Regio.

Argentinae apud Cratonem Mylium,
Anno M. D. XLV.



3
ILLVSTRISSIMIS PRINCIPIBUS, IOANNI FRIDERICO,

Saxoniae Duci, Electori, & Philippo,

Lantgrauio Hefsiæ. Ioannes

Sleidanus S. D.



E laudibus historię multi copiose dixerunt & eleganter, illustrissimi Principes, acut nulli dixissent: omnium tam sensibus & oculis expositum est, quantā illa rebus humanis utilitatem adferat. Itaq; in re satis per se commendata & aperta, non utar pluribus uerbis, deq; his commentarijs & eorum authores speciatim loquar. Is fuit nobili genere natus, & ubi per annos aliquot cum Carolo Burgundiæ Duce fuisset; accessit ad Ludouicum undecimum, Gallię regem, qui illius opera summis in negocijs utebatur. Historię prima laus est, & unica propē, si uerē conscripta sit. Hanc ille in magno scriptorum numero, iure sibi potest arrogare. Quam uero sit in scribendo rationem secutus, clare testatur eius præfatio. Cū Carolus octauus, Ludouici Regis filius, Gallię præesset: in lucem hæcemisit, quo tempore, si quid alienum à uero dixisset: facile poterat à multis, qui spectatores fuerant eorum, de quibus agit, insimulari mendacij. Quin uera sit igitur eius narratio, dubitari non debet. Loquitur

A ij autem

autem de rebus maximis, & quod in præfatione scribit, se nouisse plerosq; omnes Europæ Reges, atq; consilia cū ipsis communicasse: quousquisq; est omnium historicorum, qui hoc sibi uendicare possit? Nihil hîc est uanum, nihil uulgare, nihil ex auditione aliqua leui perceptum: sed spectator & actor ipse fuit, & adeo quidem diligenter omnia notauit, ut uideatur nihil aliud spectasse, quàm ut posteris prodesset. Atq; ex eo facile intelligi potest, quanta fuerit in ipso naturæ foelicitas, & ingenij bonitas, & rerū experientia, qui cū nullā eruditionis partem attigisset, tam aptè & cōcinne, tamq; sententiose scripsit. Vtriusq; autē uitam, mores ac ingenium eleganter depingit, ita ut Ludouicus rex, uideatur esse callidi, nec omnium innocentissimi: Carolus autē industrii & laboriosi, & acris & aperti principis exemplar. Quod in utroq; reprehendendū, aut etiam prædicandū fuit, nihil in eo dissimulat: longe diuersus à plerisque, nostræ præsertim ætatis hominibus, qui dum in similibus argumentis uersant: nimia uel laudatio: ne uel uituperatione modū omnem excedunt, sic ut Panegyricum aut Verrinam aliquam actionē uideantur uelle conscribere: quo nihil esse potest magis indecorū. Est enim intolerabilis in omni historia, falsitas & mēdacium. Qui sunt regibus familiares, pulcherrimas habent scribendi occasiones: uerum ex ijs pleriq; non adficiuntur ea cura, & rebus alijs, unde maius emolumentum sperant, intenti sunt:

Quo

Quò sit, ut hoc munus ferè sibi sumant homines priuati, & à principum negocijs alienissimi, què admodum & superiori etate, & nostra memoria uidemus in eo genere occupatos fuisse monachos, ita quidè, ut à multis iam tēporibus, nulla propè sit cōscripta historia, cui fides haberi possit. Omnes enim, uel deprauatis iudicijs eorum qui scripserunt, uel incertitudine narrationis, factæ sunt mendosiores. Antiquitūs proprium hoc erat munus maximorum uirorum, qui uel ipsi præfuerāt rebus, uel cum ijs, qui gesserunt, familiariter et domestice uiixerant. Tales fuerunt olim Thucidides, Cæsar, Polybius, Sallustius, Tacitus, & alij quidam. Oportet sane historici, non minus quàm oratorem, esse uirum bonum, qui falsi nihil admisceat, in quo nullum impotentis affectus appareat uestigiū, qui cupiat lectorem fieri prudentiorem ex cognitione rerum, quas tractat, & meliorem. Qui hoc præstare non potest, is ad eam prouinciam se fateatur esse minus idoneū. Pertinet enim ad bonos mores, ac rei publicę interest, ne quid omnino, nisi quod sit cōpertum et exploratum, in lucem exeat. Est igitur summę res difficultatis, hodie, cōscribere ueram & puram narrationē. Nam qui id omnium optimè efficere possunt, regū & principum familiares, ij uel plane cessant, uel gratiæ & fauori plus quàm æquū est, tribuunt. Reliqui omnes, quin multa parum fideliter & integrè recitent, dubitari non debet. Nimum profecto longe

A iij recessis

recessimus à ueterum fide ac diligētia. Et sicut illorum industriam in plarissq; rebus omnibus assequi uel æquare non possumus: ita quoq; in hac eruditōnis parte cum ipsis collati, multis passibus à tergo relinquimur. Si quis autem est omnium, uel nostræ, uel etiam paulò superioris ætatis, qui prudentia & ueritate proxime ad illos accedat: is meo quidem iudicio est hic author, quoniam grauissimas deliberationes, habitas in ipsis regum penetralibus, antequam in actum uenirent, ponit ob oculos, & diligenter explicat. quod uix pauci fecerunt, & pauciores multo præstare possunt, & ut possint, uix tamē audent, ne quid offendant. Quod cum ita sit: et quia simulachrum quoddam in his libris continetur atq; pictura horum temporum, in quibus uersamur: idcirco putauī me facturū esse rē, nec ingrātā nec inutilē Germaniæ, si scriptorem optimū, qui per Galliam et probitatis et fidei amplissimum à morte testimonium habet, latinitate donarem. Nullum enim extare puto scriptū, eius quidem generis, magis aptum nostris temporibus, & quod formandæ prudentiæ civili, ac ipsis, qui principum negotiis et Reip. præsumt, plus cōferre possit. Idem opinor omnibus esse iudicaturos, qui diligenter totum euoluerint. Si post illū, alij similem diligentia præstitissent, eaq; fide & religione seriem historiæ deduxissent ad hoc usq; tempus: an dubitet aliquis, nostra cum ueteribus posse conferri? Excitauit Deus his nostris temporibus

temporibus. maximas rerum mutatiōes, inter quas primum obtinet locum, causa religionis, quæ ab humili & contempta origine, paucis annis, contra omnium hominum expectationem, ita crevit, ut sine admiratione summa nemo possit ea de re cogitare. Et quemadmodum maxima nostræ ætatis uirtute ratione futurum sit, si non hæc omnia transmittantur ad posteritatem: ita quoque præclaram & insignem cōsecuturi sumus laudem, si rem omnem ab ipso statim primordio, diligenter & bona fide literarum monumentis inseremus. Quod ut fiat, in uobis, illustrissimi Principes, positum est in primis, qui in ista causa nullum aut laborem aut periculum hæcenus defugistis, & palam sæpenumero estis contestati, malle uos omnia uobis eripi: quam huius actionis patrociniū atque tutelam deponere. Ad uos igitur proprie pertinet, providere, ac operam dare, ut quid priuatim & publice uobiscum, & cum uestri ordinis hominibus, à multis nunc annis actum sit, omnes intelligant, & iudiciū inenarrabile potentiamque Dei reuerenter agnoscant. Oportet enim eū, qui uere & integre tractare hæc omnia uelit, ex uestris bibliothecis instructū prodire, & à uobis sociisque uestris materiā scribendi desumere. Sunt non pauci magna uirtute & eruditione uiri, qui hoc à uobis præstari, magnopere cupiunt, & ut rem in primis utilem, ac posteritati quoque necessariam, ualde requirunt. In his etiam est Iacobus Sturmius, patricius Argentīnensis, qui & uobis, ob excel-

ob excellentem ac saepe cognitam uirtutem, est per
 gratus, & toti Germaniæ, propter singularem ipsi
 us, ac perpetuam fidem studiumq; erga Rempub.
 debet esse longe charissimus. Quoniã uero ipsi, pro
 uestra prudẽtia, huius rei dignitatem satis intelli
 gitis; multi in bonam spem ueniunt, non defuturos
 esse uos publicis utilitatibus. Atq; ut magis appa
 reat, quã sit res illustris, uerẽ & prudenter scripta
 historia; uolui hos Commentarios, Gallice percri
 ptos ab authore, latino sermone nostris hominib;
 bus exhibere, & sub splendore uestri nominis emit
 tere, qui quoniã insignem obtinetis locum, inter
 alios Germaniæ Principes, ac plurimis pro uestro
 munere estis occupati negotijs; non pauca, meo
 quidem iudicio, reperiẽtis in hoc libro, uestris acti
 onibus & institutis accommodata. Deum pre
 cor, ut ad nominis sui gloriam, & ad pa
 trię salutem, consilia uestra
 gubernet, Argentis

ne, Calend.

Ianuarij.

1 5 4 5.

Authoris

AVTHORIS, AD ARCHIE

piscopum urbis Viennæ, in Gal
lijs, præfatio.



Aepentumero à me petijsti, ut ea, quæ
mihi comperta essent de rebus gestis
Ludouici undecimi, Principis no
stri, uir clarissime, tibi conscriberem.

Feci, quod mandasti, & quàm uerissime omnia,

quæ mihi quidem in mentem uenerunt, notauî.

Quæ fuerit eius uita, iuuenilibus annis, præter ea,

quæ mihi aliquando recitauit ipse, nihil habeo:

Sed posteaquam cœpi cum eo domestice uiuere:

ex meis collegis, nemo crebrius & familiarius a

pud eum uersatus est. Nam aut ex intimis cubi

cularijs eram, aut alioquin occupabar in maxi

mis illius grauissimisq; negocijs. Habebat suas

uirtutes, habebat quoq; uitia, sicut omnes alij

principes, quos ego quidem nouerim. sunt enim

homines, ac in solum Deum cadit omnis perfe

ctio: Veruntamen, quando, quod prauum est

atq; uitiosum, fugiunt, et uirtuti sese tradunt: ma

gnam sane merentur laudem, eò quòd indulgen

tius & mollius educantur, & natura ferè propen

B dent,

dent ad uehementiores affectus, quos nemo cohercet, & postquam excreuerint, illorum & auribus & ingenio moribusq; pleriq; seruiunt. Quantum ad me pertinet, uere omnia perscribam, nec enim mentiri libet. Atq; ita fortasse fiet, ut aliqua loca incidant, quæ parum ad ipsius laudem spectare uidebuntur. Sed spero futurum, ut qui lecturi sunt, cogitent secum atq; perpendant eas, de quibus antea diximus, rationes, ac ueniam mihi dent, ubi rem ipsam spectasse, & ueritati omnia, nihil autem affectui priuato me tribuisse animaduertent. Hoc tamen ausim de illo confirmare, nullum me nouisse principem, in quo minus esset uitiorum, si quis generatim omnia complectatur & inspiciat. Vidi enim plerosq; reges ac principes, non Galliæ tantum, sed & Britanniæ, & Flandriæ, & Germaniæ, & Angliæ, & Hispaniæ, & Lusitaniæ & Italiæ, nec solum uidi, uerumetiam res maximas egi, & consilia cum ipsis communicaui, sic, ut ex meis æqualibus & coæuis, nemo per Gallias ampliorem habuerit eorum noticiam. Alios autem non uidi quidem ipse: uerum, quo essent ingenio præditi, ex legatis, quos mittebant, & literis, non obscure cognoui. Sed

Sed dum illius uirtutes prædico : nolim aliorum principum honori & gloriæ per me quicquam esse detractum, & quicquid à me notari potuit, simpliciter & bona fide tibi mitto. Nam arbitror ideo te requirere hanc meam operam, ut quicquid Gallice scripsi: tu inter alia referas in opus latinum, quod constituisti aliquando perficere. Quod cum exhibit: & Ludouici regis maxima uirtus, & ingenij tui præstantia fiet illustrior. Quicquid à me peccatum, aut minus bene per scriptum, aut etiam prætermissum erit: facile suppleuerit & Bocagius, & quidam alij, qui plenius omnia sunt & ornatius multò dicturi. Si quis autem ad intimam illius & familiarissimam consuetudinem, ac meritorum magnitudinem respiciat: nemo est omnium, qui maiorem, quàm Bocagius & ego, cognitionem habeat. Et quum ipsius morte magnum mihi sit inflictum uulnus: nõ debet cuiquam uideri mirum, si quantis ab eo, dum uiueret, affectus fuerim beneficijs, memoria optime cõplectar. Visitatum est enim, ut ab interitu summorum principum, magnæ fiant rerum conuersiones: dum alij crescunt & locupletantur, alij uerò detrimentum accipiunt, & in uarias

B ij acerbis

acerbitates incidunt. Honores enim & opes, & quicquid est eius generis, ab alieno pendent arbitratu. Atque ut certò perscribam de tempore, quo familiariter cum eo uixi: opus est, ut eius quoque temporis memoriam, quo nòdum in ipsius familia eram, prius percurram & repetam.

Ordine deinde totam narrationem, ad extremum usque uitæ illius diem, persequar.

Philippi

PHILIPPI CO
MINAEI COMMENTARIO

rum Liber Primus.



Vum in ea essem ætate, quæ la
borem equestrem ferre pote
rat; dedi me in familiam Caro
li, cui pater erat Philippus
Burgundiæ Dux, ad quem, cū
esset Insulis, oppido Flandriæ,
paucis post diebus uenerunt

1464.

Ludouici undecimi, Galliarum regis, legati, Can
cellarius Moruillerius, & Archiepiscopus Narbo
nensis, qui conuocato concilio, palam suæ legatio
nis causam ad hunc modum exponebāt. Carolum,
quo tempore fuit in Hollandia, cepisse nauigium
quoddam Gallicum, armatum, & in eo Rubempriz
um, uirum nobilem, ac in carcerem coniecisse illū,
oblata criminatione, quasi eò sui capiendi causa
uenisset. Hoc autem eò esse grauius & indignius,
quod eius rei fama passim, maxime uerò Brugis,
oppido Flandriæ celeberrimo, esset disseminata ius
su Caroli, per Oliuarium quendam Marchianum,
uirum equestris ordinis. Regem igitur, quoniam
hoc ipso magnam sibi factam esse putet iniuriam;
postulare, Oliuarium ad se mitti Lutetiam, exem

B in pli sta

pli statuendi causa. Philippus ad ea respondit, Ollivarium ducere originem ē superiori Burgundia, & esse unū ē suis præfectis domesticis, nec ulla ratione subiectum esse regis imperio: se tamē diligenter inquisiturum, & si quod deprehendat eius factū, quo regis honor uiolatus esse uideri possit, se uere & grauius animaduersurum. Rubemprium uero, non leuibus de causis fuisse captum, præcipue uero, quod apud Hagam, Hollandiæ uicū, ubi tum Carolus filius erat, hēssit instructus et armatus. Se quidem nullo unquam tempore suspicionibus indulsisse: quod si filius in suspicionem propendat, in eo ipsum representare naturam & ingenium matris, quæ fuerit admodum suspiciosa mulier: ueruntamen idem se fuisse facturum in eo rerum statu, quod filius fecit, habiturum se nihilominus quæstionem, & si quo tempore constet de illius innocentia, fore, ut liber factus, ad regem, sicuti petiissent, remittatur. Cancellarius deinde multum acerbè inuectus in Franciscum, Britanniae minoris Ducem, asfirmabat, Carolum inisse foedus cum illo, quo tempore Turoni apud Regem fuisset, eamque rem atrociter admodum & odiosè exaggerabat. Carolus, qui indignissimè ferret iniuriam hanc fieri socio & amicuoluit: non semel ad ea respondere. Sed Cancellarius dicentem interpellans, nō inquit, huc ueni, ut tecum agerem, est mihi solum res cum tuo parente. Tum ille patrem obtestatur, ut sibi dicendi potestas

potestatem faceret . Ad hæc ille : equidem pro te
sum locutus , ait , ita ut patrem decet , sed tamen si
cupis omnino respondere , præcogites hodie , quid
tibi dicendum sit , & quæ putabis ad rem pertinere ,
cras in medium adferas . Superiori sermoni Can-
cellarius hoc etiam addebat , non uidere se , quam-
obrem foedus illud inierit Carolus , nisi quod Rex
annuam pensionem , & Normanniæ præfecturam
ipsi ademisset . Postridie coacto iterum concilio ,
Carolus , genu ad terram inflexo , & subiecto pul-
uino , conuersus ad parentem , initio demonstrat , ius-
tis de causis captum fuisse Rubemprium : deinde ,
non diffitetur , habere se quidem foedus cum Britan-
no : sed id non spectare ad detrimentum aliquod res-
gis , imò futurum ei utile , temporibus necessarijs .
Pensionis autem annuæ , quam sibi Rex ademisset ,
se nihil unquam accepisse , præter trientem , ad no-
uem circiter francorum millia , non se petiisse illam
à Rege , nec etiam Normanniæ ambuisse præfectu-
ram : facile carere se posse omnium aliorum munis-
ficentia , quamdiu patrem habeat amicum & bene-
uolum . Erat haud dubie dicturus multò asperius ,
nisi patrem , ad quem sermonem instituerat , fuisset
reueritus , qui prudenter admodum & demisse tan-
dem petebat , ne Rex , uel de se , uel de filio suo teme-
re aliquid sinistri crederet . Posteaquam deinde uis-
um fuit allatum : quod apud Principes fieri solet ,
legati parant abitionem , in eoq; temporis puncto ,
Carolus

Carolus, qui aliquantò remotior erat à parente, conuersus ad Archiepiscopum Narbonensem: commendabilis, inquit, me Regi, meisq; uerbis dicces, quemadmodum per Cancellarium suum pro dignitate me tractarit, sed antequam exierit annus, poenitebit eum huius facti. Ille in Galliam reuersus, exponit mandata. Rex eo sermone multum offensus, grauè suscepit odium. Ad hanc offensionem illud etiam accessit, quòd rex non ita pridem receperat Ambianum, Abbeuillam, Sanctoquin-
tinum, & alia quædam oppida Picardiæ, ad Som-
miam flumen, quæ Carolus septimus Galliæ rex, pater Ludouici, dederat Philippo Duci, quo tem-
pore cum eo transegit apud Atrebatas, & dede-
rat tum ipsi, tum ipsius liberis masculis, ea condi-
tione, ut cuius Galliæ regi liberum esset ea redi-
mere quadringentis aureorum millibus. Cùm au-
tem Philippus esset ætate grauis: procurabant
eius negocia nobiles è familia Croiõrum, qui per
Hannoniam et Flandriam magnas retinent posses-
siones. In eos culpam transferebat Carolus, quod
pater, accepta pecunia, reddidisset eas urbes, &
quoniã in finibus posite sunt, impatientissimè fere-
bat. Paulo post abitionem legatorum, uenit Insu-
las Ioannes Borboniæ Dux, ut Philippum auuncu-
lum, officij & honoris gratia, sicuti præ se ferebat,
inuiseret. Inter omnes enim Principum tribus ualde
amabat Burgundicam, & erat è sorore nepos
Philippi, quæ cum esset uidua: commorabatur una
cum

cum liberis apud fratrem. Sed uera, cur aduenisset, hæc erat causa, ut eum incitaret, quò in sua ditione conscriberet exercitum, affirmans futurum, ut reliqui Galliæ Principes idem facerent, eo uidelicet consilio, ut Regem, qui multa insolenter ageret & iniuræ, cogant sanio rem Reipub. formam instituere, & quia bellum hoc uidebatur suscipi pro Republica totius Galliæ, uocatum deinde cognomento fuit, Bonum publicum. Philippus non difficulter quidem assensit, uerum non detegebatur ei tota res, neque fore putabat, ut ad arma ueniretur. Collectæ sunt igitur copiæ, & Sanctopauli Comes, Cameracum, ubi tum Philippus erat unâ cum filio, accessit, cumque uenisset etiam eò Burgundiæ Mareschallus Nouocastrensis, Carolus indicto concilio, pronunciat, familiam illâ Croiorum, sibi, suoque patri summè aduersariam & inimicam esse. Et quanquam ex ijs quidam habebat uxorem Sanctopauli Comitissæ filiam, proscripti tamen fuerunt omnes ab eo, & facultatibus exuti, & è uestigio, nulla interiecta mora, salutem sibi fuga petere cogebantur. Aegre quidem ista tulit Philippus, è cuius etiam cubicularijs quidam, eò quòd esset eius familiæ, cum salutandi Principis non haberet spacium, subito & tacitè profugit, sed grauior ætas in causa fuit, ut patientius omnia ferret. Carolus deinde placato patre, copias, quibus Comitem Sanctopauli præfecerat, educit, nempe circiter trecentos equites cataphractos, &
C quatuor

quatuor sagittariorum milia, & inter hos, complures Artesia & Hannonia & Flandria viros nobiles, deinde Rauestenus, frater Ducis Cliuensis, habebat non pauciores copias, & inter alios belli Duces, erant duo quidam, summæ apud Carolum auctoritatis, Haubordinus & Contæus, quorum ille uersatus erat in ijs bellis, quæ Angli confœderati Burgundionibus, gesserunt in Gallijs, quo tempore Henricus quintus rerum apud Gallos potiebatur, alter eiusdem erat cum Haubordino ætatis. Totus exercitus erat circiter mille quadringentorum equitum cataphractorum, sed quoniam insolentes erant belli, diuturnitate ocij, ut qui post Atrebatensem illam pacificationem, per totos triginta, nisi fallor, annos, nullum gesserant externum bellum, male erant instructi, & parum exercitati plerique omnes. Sagittarii surgebant ad nouem milia, & habito delectu, quanta fuit antea difficultas in conducendo, tanta tunc extitit in dimittendo, seruatis tantum lectissimis quibusque. Cæterum, ob diuturnitatem pacis, & Principis Philippi bonitatem, florentissimæ erant omnes illæ prouinciæ, cumulata omnis generis opibus, ita quidem, ut cuius populo præferri possent, ea referociore facti, nullius Principis potentia labefactari se posse putabant, sed qui fuerunt antea plurimis annis omnium gentium fortunatissimi, nunc ita sunt afflicti, ut ærumnosiores hodie populum non norim, et est credibile, iam ipsos dare poenas

pœnas eorum , quæ rebus prosperis elati admiserunt. Nam & cultu corporis, & uestitu, & quotidianis uictu, & balneis & epulis, & omnino rebus omnibus modum excedebant, obliti pudoris & honestatis . Instructo exercitu , progreditur Carolus, erant autem equites omnes, præter eos, qui deducendis tormentis, quorum maximam uim habebat, alijsq; operibus destinati erant . Profectus igitur Nouiodunum, castellum Nelam ijs locis obsidet, ac licet militum præsijs firmatum esset, paucis tamen diebus deditione capit. Obequitabat non procul à Carolo Ioachimus Galliæ Marescallus, à Perona digressus , uerum quòd exiguas habebat cohortes, non poterat impedire illum, quò minus ad Lutetiam propius accederet, quam tamen ipse prior ingressus est. Toto itinere, quâ transibat Carolus, iussu à ui & maleficio abstinere, nec passus est ullum detrimentum alicui inferri, ciuitates etiam illæ, quæ sunt ad Somiam flumen, & aliæ quæcunq; modicis cohortibus nos recipiebant, & accepta pecunia, supeditabant, quæ usui esse poterant, & uidebantur belli euentum expectare. Ventum est tandem Sanctodionysium, quod oppidum duobus miliaribus abest à Lutetia, quò & reliqui Galliæ Principes confœderati, sese uenturos esse promiserant. Pro Duce Britanniaæ aderat Procancellarius, qui chartas alias quothabebat puras, sui Principis sigillo consignatas, cuiusmodi solent aliquando dari discedentibus

C ij

Legatis,

Legatis, in ijsq; pro ratione temporis & negotiorum, subinde scribebat quicquid uisum esset. Valebat quidem ingenio, sed certè propter excitatam nō semel aduersus eum indignationem & fremitum in castris, opus etiam ipsi erat magna dexteritate & industria Carolus Lutetiam usq; progressus, leuioribus prelīs laceſſebat oppidanos, qui præter Ioachimū, & eas, quibus ille præerat, cohortes, nullum habebant præsidium. Itaq; tanta fuit ibi consternatio multitudinis, ut subinde clamarent, hostem iam superasse mœnia. Haubordinus, eò quòd habitasset aliquando, & ingenium loci non ignoraret, suadebat oppugnandā esse, & quanq; equitatus idem sentiebat, ut qui contemnerent hostem, excursionibus factis in ipsas usq; portas: Carolus tamen Sanctodionysium reuersus, poſtridie conuocato cōcilio, deliberat, an eſſet obuiā iturus Biturigum Duci, fratri Regis, & Britanno, quos Procancellarius in propinquo eſſe dicebat cum exercitu, conatus ſiſdem eius rei facere, demonstratis literis, quas ipſemet finxerat in ijs, quas diximus, chartis, cū nihil tamen haberet certi. A multa deliberatione placuit, tranſiendum eſſe flumen Sequanam, tametſi complures dicerent, quoniam ſocij & confœderati ad diem non ueniſſent, poſſe Carolum honeſtè redire domum, qui traiecto Somia & Matrona fluiuijs, officio ſatiſfecerit, nec opus habeat longius progredi. Quod ipſum eò uehementius aliqui contendebant, quò mas

quò maius uidebant esse periculum, ideò quòd à tergo nulla haberent loca munita, in quæ, temporibus coacti, sese reciperent. Et quanquam magnus erat fremitus omnium aduersus Comitem Sancto pauli, et Britannię Procancellarium, qui progressio nem suadebant, Carolus tamen, trāsmisso flumine, castra ponit ad pontem Sanctoclaudianum, qui uicus infra Luteciam est ad duo miliaria. Postridie, quàm eò uenit, certior fit literis foeminæ cuiusdam nobilis, Regem ex Borbonia magnis itineribus ipsum petere. Cum enim excitatos in se Rex uideret Gallię Principēs, cogitabat huic rei preuenter, & prior ipsos adoriri, sed in primis Borbonium, quòd & hunc sibi crederet infestiorē, & ditionem eius putaret magis oportunam esse iniurijs. Impetu igit in eum facto, multa iam ademerat, occupaturus etiam reliqua, nisi uicini Burgundiones, atq; etiam Aquitani aliquot Proceres subsidio uenissent. Cum igitur ibi non posset, quod cupiebat perficere, tempore exclusus, eò quod Carolus immineret Lutetiæ, & ueritus, ne reciperetur, præsertim aduentante fratre cum Britanno, maximè uero, quòd præ se ferrent, bellum esse necessario pro Reipubl. susceptum, & quia in Luteciam illis receptis, uidebat reliquas urbes, facili momēto, ut idem facerent, posse impelli, his de causis magna celeritate eò proficisci constituit, & prohibere, ne duo illi exercitus coniungerentur, nihil autem minus decreuerat,

C iij. quàm

quàm præliò concertare, sicut ipse mihi non semel retulit, delapsus in mentionem eius belli. Carolus igitur cognito Regis aduentu, statuit obuiam ei properare, & tunc demum recitatis literis, quas acceperat, tacito nomine authoris, demonstrat se uelle tentare fortunam, & ad uirtutem cohortatus militem, cum aliquantulum esset progressus, castra posuit ad Longumeum, qui uicus abest à Lutetia, quatuor miliaribus, uia Aureliana. Primum agmē ducebat Sanctopauli Comes, qui propè Montheris cum duobus miliaribus longius à Carolo confedit, multis huc illuc emissis exploratoribus, qui de Rege aliquid cognoscerent, & quam uiam esset ingressus, nunciarent. Cum deinde præliò delectus esset idoneus locus apud Longumeum, ita conuenit, ut si Rex eò accederet, Sanctopauli Comes, reductis copijs, cum Carolo sese coniungeret. Cenomanorum autem Comes, cum octingentis cataphractis ibat in exercitum Britannicum aduentantem, in quo multi erant egregij & honesti uiri, quos Ludouicus, tametsi bonam operam nauassent ipsius parenti, simul atq; principatum obtinuit, dimiserat. Cenomanus autem uiribus inferior, non ausus ad hostem propius accedere, sed interuallo aliquo præcedens, Regem petebat; Britannus uero & Bisturix cupiebant sese coniungere Carolo, qui cum esset Longumei, cognouit ex captiuo, Regem, ad iuncto sibi Cenomano, et collectis undiq; copijs, habere

beread duo milia cataphractorū. Re deliberata cū
Cenomano & Normanniæ Præfecto & Amirallio,
Rex omnino constituit, euitato prælio Lutetiam
sefe conferre, tamen si diuersum aliqui suaderent.
Quia suspectum habebat Normanniæ Præfectum,
familiariter eum rogat, num fidem Principibus de
disset, ad quod ubi ille iocosè respondit, ac facete
suo more, placatus Rex primam aciem ei attribui
it, & uigē duces adiungit, eò quòd ab hoste uellet des
flectere. Tum Præfectus ille, ut erat liberali inge
nio, cuidam è suis familiaribus, hodie inquit, ita pro
pè sistam utrunq; exercitum & arcte, ut eum, qui ue
lit dirimere prælium, oporteat insigniter esse rei
militaris peritum, atq; hunc eius sermonem Rex ali
quando mihi recitauit. Progressus igitur ille cum su
is copijs, uenit Monthericum, eam rem Sanctopau
li Comes, qui ibi consedit, ut suprà diximus, Carolo
celeriter renunciat, orans, ut quandoquidem sibi
non sit integrum retrocedere, subito mittat auxilia,
ne si discedat, fugientis uideatur præbere speciem,
quod toti exercitui futurum sit ualde periculosum.
Carolus igitur mittit alias cohortes, eisq; Anthoni
um, è familia Burgundica, nothum, præficit, cumq;
secum aliquamdiu deliberasset, progreditur et ipse,
ac in castra uenit. Iam aliquot hostium signa uenes
rant, positis castris secundum fossam quandam spa
ciosam, quæ inter utrosq; erat media. Procancellari
us autem Britannicæ & alius cum eo uir nobilis, me
tu peris

1465.

tu periculi, eò quod Principes, de quorum aduentu maximam spem iniecerant, non adessent, profugissent, & ad ea loca, ubi credebant se posse reperire Britannos, contendunt. Habita uero deliberatione, placuit Carolo, ut pedites pugnarent omnes: commutato deinde consilio, cataphracti omnes cõscendunt equos, ueruntamen ex nobilitate complures, eius mandato, relictis equis, coniungunt se sagittarijs peditibus, qd' & honorificũ erat, & reliquis addebat animum, cumq; morem acceperant Burgundiones ab Anglis, quando fœdere ipsis coniuncti, bellum gesserunt in Gallijs, per totos triginta duos annos, nullis interpositis inducijs. Principio, cum se nobis ostenderet hostis, è uicina sylua, erant circiter quadringenti cataphracti, quod si tum fuissimus eos adorti, multorum iudicio facile profligassimus. Nam qui subsequabantur, non poterant, nisi cum modicis cohortibus, progredi, tametsi paulatim augetur, Ibi tum Contaus ad Carolum, Si uelis, inquit, uictoria potiri, opus est ut acceleres, quod si maturius fecisses, iam uideres debellatum hostem, quicquid intercedit temporis, hoc omne uictoriam moratur: Fuerunt initio pauci, cum nobis primum apparerent, & ne nunc quidem satis multi sunt, ut resistent, & uides ut augeantur. Hic ceptum est agi tum uultuosius, nullo seruato ordine, & perturbatis consilijs, dum suam quisq; sententiam dicit, iamq; ad exitum Montherici committatur

batur utrinque leuius praelium à sagittarijs, & quamquam nos sine ordine pugnabamus, multitudine tam eramus & numero superiores. In concilio decretum fuit, quoniam longius erat interuallum, ut non continua progressione, sed dato ad respirandum spacio, pedetentim iremus in hostem, excitato autem clamore, & concursatione illa facta, ut diximus, Carolus immemor eius, quod antea constitisset, subito, celeriterque progreditur, hostes erant ad castellum Montherici, à fronte muniti ampla quadam fossa & sepe syluestri, totus ager consitus erat frugibus & fabis, alijsque leguminibus, Carolum antecedeabant sagittarij, absque ordine ferè. Meo quidem iudicio, cum est dimicandum, nullum genus militum praestat sagittarijs, uerum ita, si sint aliquot millia simul, & uel equos habeant tales, quorum iacturam leuiter ferant, uel prorsus non habeant ex ipsis autem, ij qui praelijs nunquam interfuerunt, potiores sunt exercitatis, & ita quoque sentiunt Angli, qui in eo genere quosuis antecellunt. Constitutum fuerat, ut dixi, dum iretur in hostem, bis quiescendum esse, quò pedites ad pugnam essent recentiores, eò quòd præter uiae spaciū, segetes etiam impedirent iter, sed Carolus continenter accelerabat. Hostes obiectam sepe, duobus diuersis locis, quā poterant, transeunt, cumque tam essent uicini facti, ut hastas aptarent ad concursum, noster equitatus, perruptis & disiectis sagittarijs nostris,

D prouolat,

prouolat, sic ut spacium illis non darent telum ul-
 lum efficiendi, cum tamen in ijs omne robur & spes
 tota consisteret. Nam ex mille ducentis equitibus,
 uix quadringenti erant, sic ut oportet, armati, & ex
 his ipsis arbitror non fuisse quinquaginta tractan-
 dis hastis idoneos, è famulis autem, ob diutinum
 ocium, nemo quisquam armatus erat, Duces enim
 Burgundiæ, ne multitudinì grauiora onera iniūger-
 rent, nullos alebant equites extra belli tempus. Ad
 hunc modū, florem ipsum exercitus, & spem maxi-
 mam, sagittarios, perturbant & disijciunt ipsi, &
 quanquam in eo summum erat periculum, Caro-
 lus tamen, qui ad dextram erat, prope castellum, ne-
 mine ijs locis magnopere resistente, uincit. Eram
 tunc unà cum eo, & quòd periculi magnitudinem
 per ætatem non intelligebam, animo fui maximè se-
 curo et ocioso. Ad sinistrū latus erāt Rauestenus &
 Iacobus, Sanctopauli comitis frater, & alij complu-
 res, qui cum essent numero inferiores, in fugam cō-
 iijciuntur, & ex ipsis pleriq; omnes in propinquam
 syluam excurrunt, alij, qui ad impedimenta &
 carros in fuga substitierant, sese recolligunt, Sancto-
 pauli quoq; Comes in syluam sese recepit. Caro-
 lus ex diuersa parte, cū paruo comitatu insequitur
 fugientem hostem, ultra Monthericum, & cum ne-
 mo quisquam resisteret, suam esse putat uictoriam:
 ibi nobilis quidam uir Lutzenburgicus, ætate gra-
 uis, Anthonius Britānus, equo celeriter aduectus,
 nunciat

nunciat ei, hostes denuo collectos redintegrare pugnam; si longius progrediatur insequendo, periculum ipsi imminere, nihil autem commotus eo sermone, pergit, mox idem nunciatur à Contao, & ita quidem acriter, ut tandem ab incepto desisteret, quod si paulò fuisset prouectus longius, incidisset in eorum manus, ut quidā alij, qui proxime ipsum antecedeabant. Reuersus itaq; per Monthericum, reperit cohortem peditum fugientium, quos insecutus, cum centum circiter equis, ictus est à quodam pedito, qui & solus in fuga restitit, & interemptus fuit, reliquis fere omnibus elapsis per uicinos hortos. Cum propius ad castellum præterueheremur, ecce conspiciamus ibi sagittarios stipatores Regis, ad portam immotos, mirum hoc uidebatur Carolo, nullū enim superesse putabat hostem, qui resisteret. Deflectens igitur ad planiciem, inuaditur à cataphractis aliquot, numero sedecim, & quoniam è suis pleriq; erant dispersi, in summo uersabatur discrimine, adeò quidem, ut in gutture accepto uulnere, circumdatus & comprehensus, urgeretur ab hoste, ut sese dederet, neq; sineret interfici, ut qui agnosceretur, Ipse contra moratur & sustinet impetum, quantum potest, donec medici cuiusdam Parisiensis filius, Ioannes Cadetus, uasti corporis homo, per mediam turbam inuectus ingenti equo, disijcit turbam, & ipsum eripit. Hostes deinde ad oram eius fossæ, ubi constiterant ante prælium, sese recipi-

D ij unt,

unt, eò quòd cohortes aliquot nostras in propinquo conspicerent. Carolus ex uulnere totus sanguinolentus, rectà contendit ad suos, eramus autem in uniuersum circiter septuaginta, sumpto deinde recenti equo, rursus euolat, ut suos recolligeret, quo quidem tempore, si uel centum modo equites aduersum nos exiissent, fugæ nos mandassemus. Nostris enim milites uix tandem paulatim aduentabant cum modicis cohortibus, partim sauci, partim ex itinere & labore defatigati, nam & segetes grandes impediebant euntes, & tanta erat uis pulueris, ut prospectus non pateret, & quocunq; respiceres, coopertum erat solum militibus & equis interemptis. Interea prodit Sanctopauli Comes è propinqua sylua, cum quadraginta circiter cataphractis, & ad nos contendit, inter eundum plures undiq; ad eum ex fuga confluunt. Nos, quibus uidebatur esse periculosa mora, missis ad eum nuncijs, hortamur ut properet, ille uero nihil eo commotus, placide progreditur, & hastas iubet à suis tolli, quæ passim iacebant humi, deinde se nobis adiungit, & iam eramus circiter octingenti cataphracti, pedites uero perpauca, quæ res in causa fuit, quo minus integram obtineret uictoriam Carolus. Ex hostium numero profusgit Cenomanus & alij multi, cum octingentis cataphractis: erant qui dicerent eum communicasse consilia cum nostris Principibus, sed opinor iniuriæ amei factam esse, breuiter, ingens fuit utrinq; fuga, sed hoc

sed hoc est in primis memorabile, quod Principes ambo nō exceſſerunt ē campo. Cum igitur ad hunc modum ſtarent hinc illinc inſtructæ acies, dirempte ſolum ſoſſa & ſepē ſylueſtri, tormentis utrinq; cadunt aliqui, pugnam nemo amplius affectabat, & eramus numero ſuperiores, ueruntamen Regis præſentia magnum ſuis attulit momentum, quando militem, & præſertim equites, ad uirtutem cohortabatur, nam alioqui crediderim omnes fuiſſe præcipites in fugam abituros. Ex noſtris aliqui cupiebant redintegrari prælium, in primis uero Haubordinus, eò quòd diceret ſe uidere cohortem aliquam hoſtium fugientem, quòd ſi centum modo ſagittarios habuiſſemus inſtructos, qui tela conieciffent trans illam ſepem, exercitus noſter omnis fuiſſet progreſſus. Interea dum ſic deliberamus, & adminiſtratio belli conſiſtit, Rex, interuentu noctis, Corbelium, quod eſt ſupra Lutetiam ſeptem milliaribus oppidum, ad Sequanam, ſeſe confert, cum nos crederemus eum in caſtris pernoctare. Forte eo loci, ubi Rex fuerat, excitatus ignis, longè lateq; uagabatur per carros, & ſepem illam, de qua diximus, ibi Sanctopauli Comes & Haubordinus iubent carros omnes adduci in eam partem, ubi tum eramus, & totum exercitum eis circumcludi. Dum hæc geruntur, ex hoſtibus complures, qui noſtros fugientes inſecuti fuerant, redeunt, arbitantes uictoria ſe poſitos eſſe, coacti tranſire per noſtras munitiones,

D iij pleriq;

pleriq; omnes occumbunt, paucis admodum elapsis. Ex aduersarijs cecidit statim inter alios, commissio praelio, Normanniæ Præfectus, à nostris desiderati sunt plurimi pedites, ab illis autem equites, utrinq; cæsa sunt ad duo millia. Magnum quiddam est, meo quidem iudicio, restaurare copias à conflictu, & per horas aliquot, in acie utrinq; consistere propius, & merito Principes complectantur eos, à quibus in tali rerum statu non fuerunt deserti, uerum, ut fieri solet, non admodum erant memores officij: Quidam, eò quòd profugerant, loco fuerunt & dignitate submoti, alij contrà, qui multo longius abierant in fuga, honoribus aucti fuerunt & beneficijs, ex nostris quidam auctoritate omni excidit, iussus è conspectu Principis abire, mensem unum post, illustriori loco fuit, quàm antea. Cum totus exercitus esset receptus intra munitiones, ut supra demonstrauius, reficiebat se quisq;, utcunq; poterat. Ex nostris quàm plurimi erant sauci, pleriq; etiam animis demissi, quoniam uerebantur, ne Parisienses cum equitibus cataphractis egressi, quibus præerat in urbe, is, cuius antea meminimus, Ioachimus, nos adorirentur, eumq; metum auxit, quòd crederent Regem in propinquo uersari. Emittimus ergo de nocte quinquaginta cataphractos, qui de Rege aliquid explorarent. Carolus interea sumpto cibo reficit se non nihil, & acceptum uulnus in gutture, curat, quo loco cœnabat, submouenda erant

erant aliquot cadauera, positis deinde duobus fasciculis straminis, asidet, dum loco mouentur cadauera, unus ex miseris illis potum flagitat, inijcitur illi in os aliquid eius portionis, qua Carolus utebatur, statim incipit habere melius, cumq; agnosceretur, curatus fuit, & ualitudini restitutus, erat autem unus e sagittarijs stipatoribus ipsius. Deliberatur postea quid facto sit opus, omnium primus sententiam dicit Sanctopauli Comes, uersari nos in magno periculo, sibi uideri, prima luce mouenda esse castra, & petendam Burgundiam, exusta parte aliqua impedimentorum, & abductis tantum tormentis, fieri non posse, ut medij inter regem atq; Lutetiam, diutius ibi sine commeatu perduremus. Haubordinus deinde, & alij quidam post eum, licet ignorarēt, quid essent allaturi, qui exploratum fuerant emissi, nō dissentiunt ab illo, Contæus autem omnium postremus, ait futurum, ut milites, re intellecta, propter timoris suspicionem perterriti, fugæ se mandent, & ab hoste intercipientur, præstare multò, ut relictis nonnihil corporibus, hostem prima luce statim adoriamur, aut uictoriam esse reportandam, aut fortiter ibi pugnando moriendum, hoc sibi uideri non solum honestius, uerum etiam ad salutem utilius atq; tutius. Ea laudata sententia, Carolus iubet, ut quieti sese darent omnes per horas duas, & ad tubæ clangorem essent expediti, interea per homines idoneos militem cohortatur ad uirtutem

tem. Sub mediam noctem reuersi equites nostri exploratores, nunciant Regem esse in propinquo. Statim emittuntur alij, qui certius aliquid cognoscerent. Post horam deinde unam, arma capiunt omnes, & ad prælium sese instruunt, sed profecto plerique omnes fugam spectabant. Exploratores, quos secundo loco misimus, obuïam facti cuidam aurigæ, cognoscunt Regem demigrasse cum toto exercitu, quare nobis nunciata, ipsi longius progrediuntur, cumque uerum esse, quod dixerat ille, comperissent, reuersi maximam in castris lætitiā excitant, neque tum deerant, qui cum paulò ante fuissent animis deiectioni, dicerent persequendum esse fugientem hostem. Erat mihi tum equus, et uetulus admodum & fractus laboribus, is forte situlā uini reperi tam hausit, eaque potione sic fuit recreatus, ut alacriorem antea nunquam fuerim expertus. Cum illuxisset, conscendimus equos, ibi monachus quidā Franciscanus, à Carolo summissus, confirmabat adfuturum eo die Biturigem & Britannum, ex quorum castris ipse iam iam uenisset, ea res animum addebat nostris, tamen non omnes haberent fidem, & artem intelligerēt, ueruntamen sub meridianum tempus, rediit ad nos Britanniae procancellarius, qui paulò ante prælium se subduxerat, quoque maiorem faceret fidem, duos è numero stipatorum sui Principis adduxit, magna per exercitum excitata læticia, cumque suæ fugæ causam rogatus exposuisset, ualde laudatus

laudabatur ab omnibus, quod autem rediisset, eo uero nomine pergratus erat. Carolus totū diem in campo commoratus, belli omnem laudem ad se pertinere putabat, lætus admodum, sed ista gloria magno deinde constitit ei. Nam ab eo ferè tempore, aliorum repudiatis consilijs, pro suo unius arbitrio gerebat omnia, quæ res in causa fuit, ut tandem in uite discrimen adductus, & occisus, grauissimum uulnus populo prouincijsq; suis infligerit. Qui ordine præcesserunt ipsum, pater, auus, atq; proauus, honoratissimi fuerant potentissimiq; principes, adeo quidem, ut præter Galliarum reges, pauci admodum illis præferri possent. Modestia sane decet omnibus hominum ordines, in primis uero principes uiros, ut intelligant, & sint memores in omni actione, esse Deum, à quo proficiscuntur & emanant omnia. Erant in eo duæ res, maxime memorabiles, laborum patientia, & animi robur incredibile. Militauit sub eo per annos septem, nec ullum uidi tempus, quo uel lassitudinis, uel timoris daret significationem, moliebatur in animo res maximas, & fortasse maiores etiam uiribus humanis. Postridie, qui tertius erat dies à prælio, recipimus nos Montheriacum, ex agris omnes confugerant uel in turrim templi, uel in castellum, sed Carolus & reuocari omnibus, & à maleficio abstineri iubet, secutus deinde consilium Contæi, Stampium, quod est inter Lutetiam & Aureliam oppidum, loco multum fertili,

E se se con-

se se confert, ut & Britannico exercitui praeueneret, & militem ex uulneribus, alijsq; incommodis male affectum, recrearet, hæc enim diuersiorum oportunitas, multos, qui periclitabantur alioqui, seruabat. Aduenientibus Biturigi & Britanno, obuiam proficiscitur cum primis ordinibus, & ipsos quidem Principes in oppidum recipit, equitatum autem omnem in campo contineri mandat. Erant circiter sex equitum millia, tam cataphracti quam sagittarii, bene instructi, & inter eos multi honesti homines, quos Ludouicus, ut supra diximus, dimiserat. Quanta esset Britanni potentia, facile erat ex eo apparatu cognoscere, nam eius exercitus potissimam partem ipse unus alebat. Interea Rex, Corbelio relicto, Normanniam petit, ut copias ibi cogeret, & ne quis per ipsius absentiam oriretur motus, circa Lutetiam, quibus locis maxime necessarium esse uidebatur, equitum præsidia disponit. Quo die Principes conuenerant Stampij, multus fuit inter eos sermo de uarijs rebus. Britanni, ex hostibus, qui profugerant, nonnullos coeperant, & si paulò fuissent propinquiore, bonam exercitus partem profligassent: Ex captiuis acceperant Regem interisset, sic enim illi putabant, eò quòd commisso prælio, in fugam abierant. Exhilarati eo nuncio, magna sibi pleriq; promittebant à Biturige, ad quem, morte fratris, imperium deferri sciebant, & ut accipi à quodam fide digno, qui ei concilio interfuit, deliberauerant

rauerant de nobis opprimendis, uerum non admodum diu ea lætitia fruebantur, atq; hic uiderelicet, qui sit rerum status, et quę perturbationes oriantur, quā aliqua sit imperij commutatio. A cœna, cū multī passim deambularent, Biturix et Carolus, ex fenestra, cui innitebantur, serio de suis rebus colloquuntur. Erat inter Britannos homo plebeius, cui pro ludo fuit, in aërem eiaculari ignem artificiose compositum, Galli uocant fusas, quæ cum è sublimi deciderunt, huc illuc discurrunt, & flammeum quiddam emittunt, ex ijs cum eiecisset aliquot, una forte impexit in fenestram, ad quam illi colloquebant, attorniti ambo & subito erecti, respiciunt alter in alterum, admirabundi, collecta suspitione, de industria factum esse, lædendi causa. Contæus, quum secretò quiddam dixisset Carolo, descendit, & in armis esse iubet ilicò cataphractus omneis & sagittarios, ut idem faceret, Biturigem hortatur Carolus. Inquiritur postea de autore, is, qui coniecerat ignem, profectus ad pedes Principum, fatetur à se factum esse, & ueniam deprecatus, quò suspicionem omnem tolleret, rursus eiaculatur, ad hunc modum risu soluta turba, deponuntur arma. Postridie, conuocato concilio, deliberant Principes, quid agendum sit, & quoniam diuersarum gentium erant, nec unī alicui parebant, quod in eiusmodi rebus necessarium est, uariabant sententiæ. Sed notatum fuit in primis & exceptum, quòd Biturix, qui per ætatem nul-

E ij lum ha

lum habebat rerū usum, neq; talibus assueuerat spectaculis, uidebatur ita loqui, quasi iam tæderet ipsum belli, deplorans miseriam eorum, quos in exercitu Caroli uiderat saucios, et corporibus malè affectos, nam eò tandē delapsus est, ut diceret, præstare, bellum non fuisse inchoatum, quàm suā causa tantas existere calamitates. Eum sermonem grauiter tulit Carolus, ueruntamen re deliberata, placuit traducendum esse exercitum Lutetiam, & tentandum, an oppidani unā cum ipsis uellent animum adijcere ad procurationem reipublicæ, pro qua bellum se suscepisse dicebant, quòd si ea ciuitas permoueri posset, de reliquis, quin idē essent facturæ, nihil dubitabant. Carolus priuatim ad suos locutus, de Biturigis oratione, ecquid uobis, inquit, uidetur, ille, quòd saucios uiderit nonnullos, qui ad ipsum tamen nihil pertinent, animo est demisso & languido, quid faciat, si quod detrimentum ipsius milites acciperent? sane leui aliquo momento queat impelli, ut nobis desertis, cum hoste paciscatur. Propter diuturnum enim bellum, quod inter ipsius & meum parentem intercessit, & propter ueteres inimicitias, facile sit, ut cōiunctis ambo uiribus, nos oppugnent, nouæ sunt igitur tentandæ amicitia. Fuit hæc sola ferè & potissima causa, cur ad Eduardum Angliæ Regem missō statim legato, mentionem aliquam iniiceret connubij cum illius sorore: quum enim sciret hoc uehementer ei placere, uidebat facile ipsum

le ipsum ad amicitiam posse adduci, & quanquam id temporis non agebat serio, duxit tamen eam postea uxorem, quod eo libentius refero, ut ostendam, eiusmodi multa sepius euenire ex opinione aliqua leuiter suscepta, maxime uero inter Principes, qui propter delatorum multitudinem, suspicionibus fere indulgent. Commorati per dies aliquot Stamptii, Sanctomaturinũ & Morettum proficiscimur, quod est prope Sequanam oppidulum, ad sedem supra Lutetiã milliaria. Carolus in planiciem progressus, castra ponit iuxta flumen: Iusserat autem, ut uncum aliquem unusquisque secum deferret, religandis equis idoneum, carris etiam deuexerat naues aliquot, & uasa dissoluta, ut ex his effecto ponte, Sequanam coniungeret. Cum ad fluuium peruenit, exoneratis & depositis sarcinis, occurrat patur insula, sagittarii Galli conabantur nos aditu prohibere, sed cum iniquo loco pugnarent, tormentis reiecti fuerunt. Sub uesperum iubet pontem fieri, ipse tensis tabernaculis, cum quinquaginta cataphractis ibi pernoctat: postero die circa meridianum tempus, perfecto ponte, exercitum omnem & tormenta traducit, idem postridie faciunt Biturix & Britannus cum suis copijs, collaudato opere. De nocte apparent nobis plurimi ignes e longinquo, plerique regem esse putabant, sed aliquot horis postea cognouimus, Ioannem Calabria Ducem, Renati Siciliae regis filium, castra ibi posuisse. Duce

E iij batille

bat ille insignem equitatum ex utraq; Burgundia; pedites uero non ita multos, & inter hos, circiter quingentos Heluetios, qui primi omnium suæ gentis nostris temporibus in Galliam uenerunt, & sua uirtute reliquis nomen & authoritatem magnam conciliarunt. Hæ copiæ, cum prima luce castra mouissent, eo die pontem transeunt, Burgundionibus præerat Mareschallus Nouocastrensis, erant cum eo frater Montagutius, & Marchio Rethelensis, & ingens nobilium turba, quorum nonnulli militauerant Borbonio, quum bellum ei Rex inferret, hi omnes, periculi uitandæ causa, coniunxerant se cum Duce Calabriae, quem propter fortitudinem & rei militaris scientiam Carolus in magno habuit honore. Exercitu omni traducto, qui sane longe maximus erat, Lutetiam cum uniuersis copijs contendunt. Primam aciem ducebat Sanctopauli Comes, & cum eo Britanni aliquot & Bituriges, in reliquo agmine erant ipsi Principes. Carolus & Calabriae Dux, ut homines militares decet, in hoc toti erant, ut rebus omnibus diligenter prouiderent, nec obscurè præ se ferebant, cupere se aliquid magni persicere, Biturix & Britannus uehebatur paruis equis, leuiter admodum armati. Vbi Carentonium uenissent, qui uicus ad Matronam positus, Lutetia distat duobus miliaribus, occupatur ibi pons, frustra resistentibus sagittarijs Gallis, eum ubi transissent, Conflantium progressi, quod est in propinquo, Carolus

rolus occupata planicie, copias suas omnes & tormenta, carris, alijsq; munitionibus cingit, adiuncto sibi Calabria Principe, Biturix & Britannus, cum magna sui exercitus parte, Sanctomaurum, qui uiscus modico distat interuallo, sese conferunt, reliquum agmen Sanctodionysium abire iubetur. Postridie, quam eò uenerant, faciunt excursionem ad urbem, non absq; magna trepidatione uulgi. Erant inter alios ordines multi non alieni à Principibus, & eorum institutum iudicabant esse utile ac salutare Gallia, è ciuib; etiam multi addicti erant Burgundionibus, eorumq; negocia procurabant, spe cõsequendi publica munera, quæ Lutetia sunt, & plurima, & admodum quæstiosa, dum quisq; non quantum æquitas permittit, sed quantum omnino potest, extorquet. Nostri, cum hoc non ignorarent, amplis pollicitationibus eos sollicitant. Tertio post die, cogitur in urbe Senatus, & acceptis principum postulatis, qui Reipub. salutem se procurare ostentabant, placuit legationem esse mittendam. Ea decernitur Gulielmo Carterio, Parisiensi Episcopo, homini singulari uirtute. Principes omnes Sanctomauri conuenerant, præsidebat ei concilio Biturix, reliqui astabant, hinc Britannus & Calaber, illinc uero Carolus, præterquam capite, totus armatus, & tectus eleganti pallio, uenerat enim Conflantio, & quoniam hostes in propinquo tenebant Vincennium arcem, non poterat nisi magno comitatu eò

tu eò proficisci. Summa petitionis hæc erat, ut urbẽ patefaciant, quò cum reliquis ordinibus communis cato consilio, rationes ineant bene constituendi regni, quod insolenter admodum, & iniquè per Regem administrari dicebant, multis in eum effusis criminationibus. Ad quæ cum legati amicè respondissent, sumpto ad deliberandum die, domum reuertuntur: priuatim autem Principes unumquemque sollicitabant, & opinor sic inter eos tunc fuisse decretum, ut ipsi quidem unà cum suis necessarijs ingrederentur, exercitus autem modicis cohortibus per intervalla transiret, quo facto, perfecissent, quod instituerant, multis enim de causis facile traduxissent ad se populum, ac deinde, quod ea ciuitas fecisset, aliæ quoque per Galliam urbes sine contentione erant facturæ. Priusquam legati retulissent ad Senatum, Rex Lutetiam uenit cum maximis copijs, nam ad duo cataphractorum millia, & è Normannia nobilitatẽ insignem, & sagittarios complures, stipatores suos, aliosque multos, præsidio ibi collocat: Ita & consilium nostrum intercidit, & populi fuit immutata uoluntas, nemo iam audebat amplius de pactione nobiscum facienda loqui, nonnulli etiam, quòd in colloctionem uenissent, poenas persoluerunt, exutijs, quibus erant præpositi, munerijs, & aliò relegati, quæ sanè moderatio laudanda mihi uidetur in Rege, quod atrociori uindictæ genere non sit usus. Nam si, quod moliebantur

Principes

Principes, id effecissent, perierat, & non semel ipse mihi retulit, quod si fuisset ab ea urbe interclusus, rectâ se uel ad Heluetios, uel ad Mediolani Ducem Franciscum, de quo magnam habebat amicitie opinionem, profecturum fuisse. Is enim, Galeacio filio Duce, auxilio prius miserat quingentos cataphractos, & peditum ad tria millia, qui in Aruerniam usque progressi, bellum inferebant Borbonio, facturi maiora, nisi allatus de morte Francisci nuncius, domum ipsos reuocasset. Idem etiam, ubi de fortuna Regis, & Principum audiuit conspiratione, per Legatos admonuit eum, ut tota mente & animo hanc illorum societatem distraheret. Rex Lutetiam ingressus, bello nos undique laceffit, maxime uero pabulatores nostros, qui longius prodire cogebantur, & ad sui tuitionem, opus habebant maiori comitatu. Sanè magna est eius urbis opportunitas, & ingens uicinæ regionis copia, quæ duos tam potentes aleret exercitus, Nobis enim nihil unquam deerat, & in urbe nulla fuit annonæ caritas. Non intermittebatur dies, quo non leuius aliquod prælium fieret, hostes equitatu præstabant, nos autem peditatu, Britanni circum Sanctodionysium populabantur agros, Ex Aquitania quoque nonnulli Principes auxilio nobis ueniebant, cum sex millibus equitum, sed Carolus metuens, ne, si propius accederent, inedia consumeremur, missa pecunia, quâ commeatum emerent, renunciat, ne progredere-

F tur lonz

tur longius. Præter quotidiana illa prælia nihil magnopere agebatur, nolebat enim Rex totis uiribus dimicare, neque suis permittebat, ut magno numero prodirent, eo quod suas Galliæque fortunas nequaquam uellet in dubium deuocare, sed hoc solum spectabat, ut pace quocunque modo facta, foedus illud Principum dirimeret, certo tamen die, prima luce sagittarii, ad quatuor millia, e regione Cōstantij, iuxta Sequanam castra ponunt, ab his nobiles Nortmanni, & cataphracti aliquot modico distabant interuallo, pedites etiam non longe aberant in pulcherrima planicie, et Sequana tantum eramus diuisi, statim incipiunt accumulare aggeres, & e terra materiaque castellum efficiunt, quam longe nostra patebant castra, interlabente, ut diximus, fluuio, dispositis deinde tormentis, Carentonio eiciunt cohortes aliquot Calabrię ducis, ita quidem, ut hæc cogerentur se nobis adiungere, desideratis nonnullis & militibus & equis. Deinde in nostras etiam munitiones emissis tormentis, extulerunt aliquot, & cum in cœnaculum Caroli bis eiaculati essent, inter prandendum, ex famulis quendam, qui cibum deferrebat, in gradibus occidunt. A prandio Carolus descendit in inferius tabulatum, ueniebant ad eum quotidie Principes consilij causa, quo dimisso, prandebant simul. Re deliberata, placuit, ut nostra tormenta statim opponerentur hosti. Perforatis igitur muris, qui sunt prope Conflantium, iuxta flumen,

men, collocantur ibi quorum maximus erat usus, & alia deinde alijs locis, quàm fieri potuit commo-
dissime. Aggeres illorum longe se diffundebant uer-
sus urbem, exhaustam uero terram, eiciebant in
eam partem, quæ ad nos pertinebat, ut ab ictu telos-
rum tuti essent, in fossis enim continebant se, nec
caput modo proferre audebant. Tormentorum tan-
ta uis fuit & impetus, ut maiorem non uiderim,
nam è Lutetia suppetebant eis omnia copiose; quas
tuor ita sunt consumpti dies, ab utraq; parte maior
fuit metus, quàm iactura, nemo enim, qui in aliquo
esset numero aut honore, interijt. Principes ubi ui-
dent hostem non commoueri loco, iudicabant hoc
pertinere ad suum non dedecus modo, sed & pericu-
lū, eò quòd oppidani firmiori essent animo futuri,
quum superiori quodam die, per inducias, maximo
numero, spectandi gratia prodijissent. Mandant igitur
è nauibus pontem fieri, traducendis copijs, in
eum usum maiores etiam naues aliquot fuerunt
adductæ, quibus transmitteretur flumen, & in hos-
tem impetus fieret. Qui ad hoc opus efficiendum
delectus fuit, eius hæc erat sententia, illos aggeres,
& terram eiectam ab hoste, nobis usui fore, quòd tra-
lecto flumine, illi essent loco futuri inferiores, nec
auderent metu tormentorum è fossis prodire. Qua-
re cognita, maior nobis incessit cupiditas transeun-
di. Perfecto ponte, & in usum accommodato, accur-
rit ab hostibus fœcialis, affirmans hoc ipso uiolari
F ij inducias,

inducias, quæ & in biduum pactæ fuerant, & eo die sub uesperum cedebant. Venerat autem, ut quid ageretur à nobis, cognosceret. Pons ea magnitudine erat, ut tres simul equites hastati facile transirent, sex præterea naues onerariæ aderant, quæ singulæ transportabant mille milites, & alia minora nauigia magno numero, ut ipsorum adminiculo tormenta eo lenius prouerherentur. Ex omni igitur exercitu deliguntur, qui transeant, ijs præficitur Sanctopauli Comes & Haubordinus, Post mediam noctem, sumptis armis, antequam illucesceret, instructi erant omnes. Eram ea nocte in excubitorum numero, nam immunitatem nemo quisquam habebat, hic subito exaudimus clamorem sublatum ab hostibus, quum enim castris incensis & abductis tormentis abirent, acclamatione facta, nobis illud significabant. Nostri ad eam rem delecti, iam ceperant transire flumen, animaduerso autem illorum discessu, læti ad nos redeunt. Fuerant autem illi à Rege in hoc solum emissi, ut nos ex longinquo lacerassent, non etiã ut prælio concertarent. In hoc enim totus incumbebat, ut quocunq; modo pacifceretur, & nos dissiparet, ideoq; subinde fiebant induciæ, per quas alij ad alios commeabant, dirempti fossa, quam transire uetitum erat, interea proponebantur aliquæ rationes pacis, & utrinq; multi ad defectionem sollicitabantur, ab illis mittebatur internuncius, Cenomanus, à nobis, Sanctopauli Comes,

mes, & quanquam nihil magnopere perficerent, integræ tamen erant induciæ, nec ullus intercedebat dies, quo non ex ipsis aliqui ad nos, & ex nostris in illorum castra perfugerent. Eiusmodi sane colloctiones non uacant periculo, & ei præsertim, cuius infirmiores uidentur esse partes, magnum sæpe detrimentum adferunt. Sic enim inter homines comparatum est, ut & augescere cupiant, & sua tueri, eoq; facile sit, ut sese potentioribus adiungant, & cū in principem liberalem incidunt, idoneūq; comparandis hominum gratijs, leui momento traduntur aliō. Pacis igitur tractatio prudentibus atq; fidis hominibus est committenda, eos à legatione reuersos, separatim audiat princeps, ac solus, ne si minus iucunda renunciēt, pattores ea res atq; metum inferat multitudini. Sunt enim omnes cupidi rerum nouarum, & non desunt, qui cum familiariter norint legatos, audent sibi polliceri, fore, ut omnia resciscant, uerum si iudicio sint præditi illi, cauebunt modis omnibus, ne quid efferant, quod uel alienationem animis, uel trepidationem excitare possit. Hoc ideo mihi dicendum fuit, quòd princeps à suis non raro circumueniri sciam in eiusmodi actionibus, illos præsertim, qui præ fastu & arrogantia, quæ sit aliorum sententia, non auscultan, nam qui se demittunt, ac libenter aliorum iudicia cognoscunt, ij minus falluntur. Omnium autem principum, quos ego quidem noui, Ludouicus rex

F iij optime

optime tenebat rationem ex rebus aduersis eluctandi, cultu corporis erat admodum simplici, & sermone demisso, quos uel metueret, uel a quibus aliis quid speraret, eos omni ratione studebat ad se traducere, et si forte repulsam ferret, nihilominus & donis & magnis pollicitationibus instabat: Quos rebus secundis eiecerat, eos in necessitate positus, magno sibi reconciliabat, eorumque utebatur opera, neque propter ueteres inimicitias oderat. Homines mediocri conditionis, naturaliter amabat, potentioribus atitem, & ijs qui facile ipsius ope carerent, minime fauebat, diligenter de singulis rebus percontabatur, & cupide audiebat omnes, earumque ratione hoc effecit, ut qui per Europam esset in autoritate, & aliquo numero uiri, omneis cognosceret, hac industria & uirtute, se suasque facultates omnes seruauit, quæ sanè in dubium & præsens periculum deuocata fuerant, hoc principum exorto bello, et plurimis in eum excitationis aduersarijs, largitionibus autem & liberalitate admodum proficiebat, & ut rebus aduersis multum erat prouidentis, ita quoque secundis, & in ocio captabat offensiones ac similitates, neque diuturnam ullam pacem ferre poterat, & leuiter de hominibus iudicabat aliquando, etiam si coram adessent. Veruntamen quia timidior erat à natura, ne quid de ijs, quos metuebat, diceret, diligenter cauebat, cumque per intemperantiam linguæ detrimentum aliquod accepisset, agnouit culpam, & cons

& conuersus ad eum, quem offenderat, non melastet, inquit, obfuisse mihi linguam, sed & profuit aliis quando, nunc autem, ut, quod illa peccauit, emendem, æquum est, ac simul, cum ad eum modum familiariter ageret, donum aliquod dabat non contemnendum. Est profecto magnum Dei beneficium, agnoscere quod uiciosum est, ac mentem ad meliora conuertere, mea quidem hæc est sententia, ut arbitrer, eam sollicitudinem atq; molestiam, in qua iuuenilibus annis fuit, quo tempore, deserto patre, uixit apud Philippum Burgundiæ Ducem, per annos sex, plurimum ei profuisse. Nam in eorum statu cogeatur accommodare se, & seruire plurimorum affectibus, & providere, ne, quorum opera carere non poterat, eos offenderet, & hoc quidem boni attulit ei fortunę inclementia. Post mortem patris, delato ad ipsum principatu, studebat ulcisci, quas putabat sibi factas esse iniurias, uerum pcensuit eum, accepto detrimento, & quos prius à se alienauerat, cum ipsi in gratiam deinde rediit. Quod si fuisset educatus, ita ut hodie plerique nobiles per Galliam, arbitror eum ex illis tempestatum fluctibus non fuisse emerfurum, sic enim hodie complures instituantur, quasi ad ludum essent facti & iocum, in uestitu et omni sermone nihil moderate faciunt, aut prudenter, literarum nullam cognitionem habent, uiris nobis atq; peritis non patet ullus ad eos aditus, de negocijs aut suis, aut populi non cognoscunt ipsi,

ipsi, uerum in familiares omnia reijciunt, qui per hanc illorum ignauiam atq; socordiam, suas facultates insigniter amplificant, & hoc ferè solū agunt, si quis est aliquando, qui forte, tanquam ex ueterno expergefactus, animum rebus gerendis adijciat, hoc sero admodum fit, amissis propemodum occasionibus. Indubitatum enim est, eos, qui in ulla re unquam excelluerunt, maturè puerilibus annis ad eam rem accessisse, Totum hoc cōsistit, primum in beneficio Dei, proximè in educatione. Suprà diximus de discessu hostium, qui è regione nostrarum munitio- num, ad Sequanam considerant. Induciæ ferè fiebant in unum diem & alterum, ijs finitis, res agebatur excursionibus utrinq; & leuioribus prælijs, è Lutetia quidem non prodibant magnis cohortibus, nisi quod speculatores nostros equites subinde reijciebant. Suspicionem habebat rex de plærisq; nulla magnopere de causa, noluit igitur confertis copijs pugnari, & suos à prælio continuit. Retulit aliquando mihi, se nocte quadam reperisse arcem, quæ est ad portam Antonij, patefactam, ea parte, quæ ad campū pertinet, ea res suspicionem augebat. Qui erant Lutetiæ belli duces, cōstituerant nos adoriri tripartitò, sed detecta res fuit per adolescentè, qui ex aduersa fluminis ripa, clamore nobis enūciabat istud, emissus ab ijs, qui principum rebus fauebant, è quibus etiam nonnullos, fidei faciendæ causa, nominabat. Prima luce ueniunt duæ hostium cohortes

cohortes diuersis itineribus ad pontem Carentol
nū, quo loco tormenta nostra erant disposita. Fit ter
mitus totis castris, dum creditur hoc illud esse,
quod antea significatum fuerat: confestim arma
capiunt Carolus & Calabriae dux, & temporis fere
momento instructus erat omnis exercitus, pedites
eramus omnes, ac ducenti solum equites obequitas
bant, ut quid hostis moliretur, obseruarent. Eo pri
mū die res uidebatur ad praelium spectare. Bitus
rix & Britannus, quos antea non uideram arma
tos, ilico sese nobis adiungunt. Quum ad pontem
propius accederet hostis, quam plurima in eos emis
simus tormenta: Parisienses autem ex moenibus ad
nostras usque munitiones suis machinis penetrabant.
Caelum erat obscurius, et nostri equites, qui propi
us ad urbem accesserant, credebant se uidere ingens
tem numerum hastarum, arbitrati regem ibi copias
omneis atque uires habere coactas, reuersi igitur, ces
siterit hoc perferunt ad principes, & confirmant pre
lio decertandum esse: Ex hostibus autem, qui premissi
fuerant equites, speculandi causa, cum uiderent nos
tros retrocedere, consectati eos, augebant nobis
illam, de qua diximus, opinionem. In eo rerum sta
tu, Calabriae dux, consociatis armis, militem ad uir
tutem hortatur, oblatam esse dicens illam toties op
tatam dimicandi occasionem. Nostri equites, quod
uiderent hostem, qui prius insequabatur, Lutetiam
reuerti, & simul illum, quem putabant esse confers

G tum

tum exercitum, conspicerent non moueri loco, dubitare secum incipiunt, & progressi longius, caelo iam sereniori, cognoscunt eum locum, in quo putabant hostem consistere, consitum esse præaltis carduis, qui ex longinquo præbebant hastarum speciem. Prouecti igitur ad urbem usq; , Principes de eo certiores faciunt, excusabat autem eos & cœli obscuritas, & allatus nocte superiori nuncius.

PHILIPPI COMINAE I

commentariorum Liber secundus.



Acis conciliandæ rationes, inter regem præcipue & Carolū, qui duo longe prius mi erant, minime intermittebantur, habebant autē postulata principū magnā difficultatē, Biturix enim Normanniam à rege fratrepetebat, uti portionē iure hæreditario sibi debita, Carolus autem, Ambianū, Abbeuillam, Sanctoquintinū, Peronam, et alia quę sunt ad Somiam oppida, quę rex ante menses quatuor à Philippo principe recuperauerat quadringentis aureorū millibus, uolebat sibi restitui, affirmās, quamdiu ipse superesset, non esse regilicium, illa sibi adimere, simul cōmemorat, quantum Burgundicæ familie rex debeat, in qua, multis annis, cum à patre secessionem fecisset,

fecisset, liberaliter & honorifice tractatus, ac deinde mortuo patre, Rhemos & Lutetiam esset ipsorum sumptu deductus, & regno inauguratus. Post crebras utrinque missiones, rex aduerso flumine, nauisigio subuectus, uenit ad eam partem, quæ ad nos pertinebat, ad oram fluminis comitabatur eum magnus equitatus, in naue pauci admodum erant. Prius, quam exponeretur, conuersus ad Carolum, qui una cum Connestablio ad ripam expectabat, an fidem, mihi das, inquit, sororie? (nam in matrimonium aliquando Carolus habuit eius sororem) illo affirmante, egressus, ubi salutasset amanter, agnosco, ait, te uere nobilem, & è Franciæ regum stirpe procreatum esse, rogatus à Carolo, quid ita? Nusper, ait, quo tempore legationem misi ad parentem tuum, cognatum meum, atq; te, cū ineptus ille Moruillierius, tam illiberaliter te tractaret, denunciabas mihi per Archiepiscopum Narbonensem futurū, ut intra annum me poeniteret eius facti: seruasti nimis promissa, et citius quidem opinione: Ridens et hilariter ista loquebatur, quod illum eiusmodi sermone sciret oblectari: Pergens deinde, cum id genus hominibus, ait, qui non discedunt à promissis, uolo mihi commercium intercedere. Post hæc, sui purgandi causa, negabat se Cancellario quicquam eorum, quæ liberius & inepte dixerat, mandasse: Medius obambulabat inter Carolum & Sancto pauli Comitem, ex propinquo diligenter obserua-

G ij bant

bant à Carolo dispositi equites. Postulata erant
eius generis, ut paulò suprà demonstrauimus, & cū
antea prætexerent bello, commodum Reipub. de
priuatis rationibus iam singuli cogitabant. Vt fra-
tri Normanniam daret, non potuit omnino rex ad-
duci, reliqua facile permisit, & ut Carolo gratifica-
retur, deferebat Comiti Sanctopauli Connesta-
bliatum, quod est totius Galliae maximum munus,
& honor amplissimus, atq; ita quidem tunc nulla re
alia perfecta, disceditur. Consumptis ad hunc mo-
dum aliquot diebus, etsi non tam crebro commeas-
bant utrinq; pacis conficiendae causa, ut prius, rex
tamen & Carolus, etiam ardente bello, per inter-
nuncios, homines obscuros de pace agebant: id re-
liqui principes egre tulerunt, et collecta suspicio, re-
tadebat eos belli, & longioris morae, & nisi magno
casu quiddam interuenisset, de quo postea sum dis-
citurus, non absq; ludibrio domum reuertissent. Vi-
di, quo tempore in eodem coenaculo, cum adessent
omnes, alij cum alijs separatim consultarent, id mo-
lestè admodum tulit Carolus, quoniam se præsente
bis iam acciderat, et alioquin sic erat, ut ferre non
posset collocutionem ullam in aspectu suo fieri, cui
non & ipse adhiberetur. Hunc suum dolorem, ad
Contæm, magna uirtute uirum, non dissimulat,
is hortatur, ut moderatè ferat, nec ullam præbeat
offensionis causam, illos ad gratiam & amicitiam
regis habere faciliorem receptum, uarijs de causis,
qucūq;

quemadmodum sit omnium longè primus & potentissimus, ita etiam equum esse, ut sit prudentissimus, caueat modis omnibus, ne quod oriatur dissidium, sed agnitudinem illam animi dissimulet, & amanter cum socijs agat, non esse nihil, quod offendatur illi, displicere multis, etiam aliquot ipsius necessarijs, tam humilis conditionis homines, agere de pacificatione, & tractare negocia tam ardua, quod eò sit periculosius, quò magis rex in largitiones propendeat, quibus expugnare queat etiam constantioris hominis animum. Secutus hoc consilium, fingit uultum, & incipit agere familiarius, & sua cum ipsis cõsilia subinde communicat, prudenter quidem, et tempore ualde necessario, mea sententia, nã alioquin ad defectionem omnia spectabant. Multum hercle positum est sæpe in unius hominis uirtute, modo fidem & auctoritatem obtineat, sed ferè sit, ut principes, nisi necessitate coacti, non agnoscant, alijs quid alijs præsent, magna enim ex parte, præsertim iuuenilibus annis, complectuntur eos, qui sunt ipsorum affectibus magis accommodati, & cupiditatũ ministri, uerum qui sapiunt, etiam si iudicio lapsi fuerint aliquando, sanare tamen student errorem, & ex uirtute suos estimant. Id omnium optime sciebat Ludouicus, & tum quoque temporis, Carolus, & Eduardus Angliæ rex, quos omnes eò loci adductos esse uidi, utijs, quos aliquando despexerant, uehementer opus haberent, eosque

G iij desiderat

desiderarent. Supra demonstrauius, & quid persequi sit in illis conuentibus, qui fiunt per inducias, & quemadmodum principes prouidere debeant, ut idoneis hominibus negocia sua committant, illi præsertim, qui uiribus et causa sunt inferiores. Nunc autem, cur ei loco sim diutius immoratus, exponam. Interea dum de pace agitur, & utrinque mittuntur nuncij, inita fuerunt à quibusdam clandestinis consilia, de Biturige in Normanniam recipiendo, & eò tandem deducta res fuit, ut eius ditionis præfetti uxor, uidua, & simul nobiles aliquot, Borbonio, tam arcis, quam urbis Rothomagi possessionem traderent, quò Biturigi bona fide restitueret. In eam rem facile populus assensit, ut qui principi alicui suo parere malint, quam regis imperio subiecti esse. Pro magnitudine enim prouinciæ & facultatibus, honestius id esse ducunt, ut qui nongenta francorum millia pendant quotannis. Recepta ad hunc modum arce, ciues fidem dant Borbonio, nomine Biturigis, prætor autem urbis, qui cum rege fuerat educatus, & Gulielmus Picardus, ad quem eius prouinciæ quæstura deinde est delata, & is, qui hodie est eius regionis præfectus, adduci non potuerunt, ut iurarent, tamen omne negocium ipsius præfecti mater confecisset. Ea re cognita, rex, cum aliud non posset, decreuit omnino pacisci, cumque die em colloctioni Carolo constituisset, egressus è Lutetia cum centum circiter equitibus, magna ex parte

parte Scotis, Conflantūm uenit, ibi reperto Carolo, deambulans exponit, quid accidisset Rothomagi, fortuna & casu factam nunc esse pacem dicebat, se quidem sua sponte non fuisse daturum fratri Normanniam, nunc uero, postea quā Normanni ipsi statum imperij mutassent, & res noua esset oblata, se non repugnare, & placere pacis conditiones illas, de quibus antea non semel agitatum fuisset. Eo sermone Carolus admodum fuit recreatus, propter annonæ & pecuniæ inopiam, quæ tanta erat, ut si in Normannia casus hic non incidisset, nulla re perfecta discedendum nobis fuisset, quantū paucis interiectis diebus, auxilio uenerunt, missi à Philippo centū & uiginti cataphracti, mille & quingenti sagittarij, telorum & arcuum maxima uis, adhæc, centum & uiginti aureorum millia, summo certe nostro cum gaudio, nam metus erat, ne socij, nobis desertis, cum rege paciscerentur. Inter deambulandū sicerant ambo intenti sermoni, ut quò deflecterent, nō animaduerneret. Nam ingressi uiam, quæ Lutetiam ducit, ueniunt in castellum illud ab aduersarijs extructum è regione nostrarum munitionū, ut supra diximus, quo quidem ex loco tutus erat in urbem receptus. Erant apud Carolum perpauci quidā ipsius familiares, ilico perculsi nouitate rei, obtupescunt omnes, ipse utcūq; poterat, dissimulat: Is nuncius in castra perlatus, magnam excitauit trepidationem. Collecti subito duces, ac militum

litum praefecti, uehementer incusant hanc illius audaciam, & eorum, qui cum ipso essent, incogitantiam ualde uituperant, facta mentione eius temporis, quo ipse auus, Ioannes Burgundiae dux, quando in colloquutionem uenit cum Ludouici patre, miserabiliter trucidatus fuit. Reuocatis igitur omnibus copijs intra munitiones, Burgundiae Marschallus, etiam si iuuenis hic, & stolidus, inquit, princeps, in praecipitium aliquo discessit, nobis tamen prouidendum est, ne Philippi principis, a quo sumus emissi, fortunas in discrimen adducamus, optimum mihi uidetur, ut instructi quemlibet euentum expectemus: coniunctis uiribus, omnem impetum sustinebimus, & uel in Hannoniam, uel Picardiam, uel Burgundiam, ubi armorum atque ferro penetrabimus. Post haec, Sanctopauli Comes, equo circumuectus, respicit, numquos uideat a Parisiensi, tandem ecce conspicatur ad quinquaginta equites, qui missi a rege, Carolum reducebant incolumem, Is cum appropinquaret castris, dimisso comitatu Gallorum, sermonem ad Marschallum, quem ob excellentem uirtutem reuerebatur, conuertit, qui grauius eum obiurgans, tuus inquit, parens me tibi attribuit, alioqui non sum tibi deuinctus. Ille uero leniter, noli, ait, increpare me, culpam agnosco, sed non prius deprehendi, quam essem castello propinquus. Atqui, me, inquit ille, absente & inscio, fecisti, Carolus demisso capite, et uoce compressa, ubi in ca-

in castra uenit, magnam intulit letitiam, regis fidem prædicabant omnes, ueruntamen ab eo tempore nunquam in eius potestatem ille rediit. Postero die Carolus delectum habet totius exercitus, præterquam eorum, quibus Burgundiæ Mareſcallus præerat, hic enim infestior erat regi propter ademptum sibi quoddam oppidum in Lotharingiæ finibus: Constitutum erat, ut principes omnes regis beneficiarii & clientes, ad certum diem adessent Vincennii, prope Lutetiam, & ne qua doli suspicio resideret, permittēbat rex Carolo, uti militum suorum præsidio muniret eam arcem, donec peracti essent cōuentus. Postq̃ eò uentū est, Biturix, ea ditione, quam hactenus possederat, relicta, fidem regi dat pro Normannia, Carolus autem pro illis Picardiæ oppidis, quæ sunt ad Somiam flumen, Sanctopauli Comes delatum sibi munus à rege, Connestabliatum, iurat bona se fide administraturū. Est apud nos quotidiano sermone tritum prouerbium, quo dicitur, in splendidissimis etiam epulis existere semper aliquos, qui minus bene tractentur: Idem usu uenit in hac quoq̃ pacificatione, dum alij, quod uellent, adepti sunt, alij spe & expectatione deciderunt. Mediocris conditionis homines rex ad se traducebat, reliqui Normanniæ ducem & Britannum sectabantur. Confectis apud Vincennium literis de pacificatione & præteritarum offensionum abolitione, discedunt pariter omnes, Abeuntem Carolum in Flandriam, rex cū

H paruo

paruo comítatu, per aliquot milliaria deducit, subsequētibz eum circiter ducentis cataphractis, qui reducerent. Carolus, multa nocte, cum se quieti daturus esset, ea de re certior factus, collecta suspiciōe, iubet suos esse in armis. Atq; ita uidere licet, quām aegrē consistat inter principes amicitia, propter diuersitatem eorum, quę singulis propē momentis ad ipsos deferuntur. Cauere igitur debent, ne in colloctionem ipsi ueniant, sed per legatos, uiros prudentes, qui quod utrinq; peccatum est, sanare possint, sua negocia conficiāt. Postero die rex, humaniter & perbenignē dimisso Carolo, redit Lutetiam, ille per Nouiodunum facto itinere, quacuncq; transibat, honorificē fuit exceptus, mandato regis. Cum peruenisset Ambianum, prouinciā illam omnem, quam hac pacificatione recuperauerat, in sua uerba per iusiurandum adigit. Illinc proficiscitur aduersum Leodios, qui per ipsius absentiam, aliquot mensibus, bello uexauerant Philippum principem, incursionibus factis in Brabantos & Namurcos, hyemis autem interuentu exclusus, & impeditus, nulla re maiori perfectā, uicos & ædificia multa uastat incendijs. Facta deinde pace, quam illi cōstituta pœna iurabant minime se uiolatu-
ros esse, ad Brabantos reuertitur. Inter Normannum autem & Britannum, ubi Rothomagum uenerunt, natę sunt dissensiones: eas alebant ipsorum familiares, qui cum aliquando re lauta fuissent apud Carolum septimum,

septimum, non mediocriter doluerunt ex ista commutatione fortunæ. Britannus autem, quòd omnem ferè belli sumptum sustinuisset, æquum esse putabat, aliquam administrationis partem ad se pertinere. Simultas eò usq; creuit, ut Britannus, in montem, qui proximus urbi imminet, sese recipere recogeretur, cumq; ne ibi quidē satis esset in tuto, domum reuertitur. Quare intellecta, quum aliorum qui rex calleret artem dirimendi amicitias, utilē sibi futuram esse uidens eam factionem, cum exercitu propius ad Normanniam accedit, Qui erant ijs locis præfecti, complures in deditiōem ultrò ueniebant, ut ad eius gratiam receptum haberent. Et ut Britannum à fratre diuelleret, auxiliaq; detraheret, in colloctionem cum eo uenit, eò quòd inferioris Normanniæ loca quædam ille tenebat, de quibus, cum ex utriusq; arbitrio constitutum esset, Britannus domum redit, ipse uerò exercitum in fratrem educit, qui repentino bello perterritus, amissis iam aliquot oppidis & castellis, in Flandriam statuit profugere. Carolus, qui tum erat in Leodiorum finibus, implicatus bello, per hyemem, dissidium hoc grauissimè tulit. Cupiebat enim in primis, ut Normannia suum separatim haberet principem, sic enim tertia ferè parte uidebat imminutam esse regis potentiam. Conducit igitur copias, quæ præsidio essent Depæ, maritimo Normanniæ oppido, decem à Rothomago milliaribus, uerū anteq; ad

H ij duces

ducerentur, eius loci præfectus paciscitur, atq; ita
Normanniam rex omnem recuperat, præter ea loca,
de quibus inter ipsum & Britannum certis conditionibus
antea conuenerat. Normannus, ut supra dixi, constituerat in
Flandriam sese recipere, sed interea facta fuit inter eum &
Britannum amicitia, uidebant enim uterq; quemadmodum
hac simultate fortunas suas omnes & facultates in discrimen
adduxissent. Est sane difficile admodum, ut qui sunt
equali potestate principes, diuturnam colant amicitiam,
nisi maiori alicuius authoritate cohibeantur, eius rei multa
ipse uidi et cognoui documenta. Sic enim est inter homines
comparatum, ut facile suscipiant inimicitias, neq; respiciant
ad eum, qui ferè comitari solet, tristem & luctuosum exitum.
Mea sic est sententia, ut existimem, eum, qui solus in potestate
habet decem hominum millia, magis esse metuentum, quam
decem confederatos, qui singuli senis millibus præfunt,
nam quia nullius hinc est præcipua uel singularis
authoritas, multa quotidie in disputationem incidunt,
& antequam aliquid constitutatur, prætereunt ferè
occasiones. Normannus, amissa ditione sua, cum ipsius
familiares prope omnes regi sese dedissent, ad Britannum
proficiscitur. Prouerbio dici solet de Britannis, quod isti
sapiant: illud hic locum habet. Inter regem & principes
ultrò citroq; crebri commeabant nuntij, partim, ut de rebus,
quæ gerebantur, cognoscerent, partim, ut ad defes

ad defectionem aliquos sollicitarent; alij etiam, ut res turbatas componerent, & hi quidem minus prudenter, nimis enim erant circumspecti, & ad rem suam intenti, rex atq; Carolus. Sed est quoddam genus hominum, qui sibi persuadent ipsi, explicare se posse negocia, quæ tamen cuiusmodi sint, magna sæpe ex parte ignorant, eò quòd ij, à quibus emittuntur, non semper se patefaciunt illis totos, & sicut Principes providere debent diligenter, quibus hominibus rerum tractationem committant, ita quoq; uicissim illi, qui mittuntur, debent explorare suas vires, neq; munus ullum, cui se putent esse impares, subire. Nec enim paucos novi, magnos alioqui viros, qui similium rerum tractationibus adhibiti, summam offenderunt difficultatem. Sunt omnino duo genera principum, alij tam sunt acuti & suspiciosi, ut uix ægrè sustineri possint, ferè enim est, ut se circumueniri putent & ludificari: Alij, suspicionibus quidem non indulgent, uerum ingenio sunt ita stupido, & ignauo, ut quid utile sit, quid minus, non intelligant, atq; in his parum est constantis animi, facile enim & ab amicitia discedunt, & ab odio transeunt ad amicitiam, & quanquam illaudatum est utrumq; genus, ut in quo non possis acquiescere, cum priori tamen illo malim mihi rem esse, quia multæ sunt rationes tuendi se apud illos, cum altero nihil recte perfeceris, eò quod ipsi rerum omnium secuti, in suos familiares omnia reijciunt.

H ij Rex

1466.

Rex impeditum uidens Carolum bello contra Leodios, moliebatur semper aliquid aduersum Britan-
nos, & ipsis quoq; Leodijs auxiliorum aliquid sum-
mittebat. Id animaduertēs Carolus, dabat operam
ut socios defenderet, nōnunquam de inducijs cum
rege paciscebatur. Ad hoc fere tempus captum fuit
Dinantum, quod est in Leodiorum finibus oppi-
dum, ad Mosam, ualde munitum & locuples. Phi-
lippus Caroli pater, & si ætate confectus erat, uoluit
tamen ad obsidionem eius urbis deferri lectica.
Propter insignem enim atrocitatem eius populi in
Burgundiones, oderat eos infestissimè, nā & perpe-
tuis incursionibus uexauerant antea Bouillos, qui
sunt ad alteram fluminis ripam, Burgundici imper-
ri, et recēs, per octo menses durissime illos circum-
uallauerant, ita quidem, ut miseri, tormentis & alia
ui maiori coacti, abderent sese in loca subterranea,
cunq; sint planè uicinæ hæ duæ urbes, dici tamen
non potest, quàm acerbè & hostiliter inter se disside-
ant, atq; id eo mirabilius est, quòd matrimonia in-
uicem coniungunt, quoniam ab alijs oppidis sunt
aliquanto remotiores. Anno superiori, priusquam
euerterentur, quo tempore Lutetiam uenit Caro-
lus, pacem fecerant cum Philippo, & pecuniæ sum-
ma aliqua persoluta, discesserant à fœdere Leodio-
rum, & sua separatim negocia tractabant, quod ip-
sum erat indubitatum interitus ipsorum ueluti præ-
ludium quoddam. Quoties enim illi, qui fœdere
coniuncti

coniuncti sunt, secessionem faciunt, & se dissipari patiuntur, dubitari amplius non debet, quin paulatim omnes cladem aliquam accipiant, idq̃ pertinet tam ad principes quàm ad ciuitates, & quoniam eius rei plurima existunt documenta, longiori sermone nihil est opus. Omnium uero mortalium optimè callebat Ludouicus rex artem dirimendi societates atq̃ foedera, in eoq̃ non parcebat ulli, uel sumptui uel labori, modo perficeret, quod uellet, neq̃ uero principes tantum, uerum etiam familiares ipsorum sollicitabat. Non multo post, pœnituit Dinantenses eius pactionis, ideoq̃ de quatuor ciuibus, qui illius consilij principes fuerant, graue sumptulerunt supplicium, redintegrato bello, quod uicinis Namurcis inferebant. Circumsedit igitur eos Philippus, sed bellum gubernabat Carolus. Venerat eo Sanctopauli comes, Gallie Connestablius, ut eis opem ferret, non quidem iussus à rege, uerum sua sponte, coacta militum manu in finibus Picardiae. Octauo die postquam tormentis admodum fuissent oppugnati, fecerunt eruptionem, sed non absq̃ summo detrimento, ita quidem, ut socijs ipsorum deesset spacium auxiliandi. Captum enim oppidum, solo fuit æquatum, & qui à caede supererant, circiter octingenti captiui, è regione, & in conspectu Bouillorum, in flumen præcipitati submergebantur. Atrox admodum fuit ista uindicta, sed credibile est diuinitus accidisse, propter antea tactam
ipforum

ipſorum crudelitatem in uicinos. Poſtero die Leodiorum maxima uenit manus, ut illis eſſet ſubſidio, plane contra datam fidem, nam ex pacto diſceſſerant ab ipſis. Confecto eo bello, Philippus ob grauem ætatem domum reuertitur, Carolus cum exercitu in Leodios proficiſcitur. Occurrimus autem illis opinione citius, eò quod primum noſtrum agmen aberraffet à uia, & tametiſi diei tempore excluderemur, tamen inſtruimus aciem. In hoc ipſo tempore, legati ueniunt ad Carolum, oratum, ut ignoſcat multitudini, ipſi uero Leodiꝝ præ ſe ferebant deſyderium quoddam & ardorem pugne, neq; uidebantur idem ſentire quod legati, ueruntamen ultro citroq; miſſis nuncijs, Carolus his conditionibus pacifcitur, eoſq; recipit, ut anni ſuperioris pacificationes ſeruent, ut certam pecuniæ ſummam dependant, ut trecentos dent obſides ante horam octauam inſequentis diei, eorum nomina fuerunt ſcripto comprehenſa. Fuit ea nocte ualde à nobis trepidatum, quòd neq; munitiones ullas haberemus, & longiori interuallo eſſemus direpti, loco ualde iniquo, cum & hoſtium copię eſſent pedes ſtres omnes, & loci naturam optimè tenerent. Ex ipſis pleriq; cupiebant nos adoriri, nec abſq; cauſa, meo quidem iudicio, ſed qui fuerant pacificationis authores, obſiſtebant. Prima luce cogitur omnis noſter exercitus, cataphractorum circiter tria milia, ſagittariorum ad quatuordecim milia, & pediatatus

tatus mediocris ex uicinia collectus, Expediti contendimus ad illos, accepturi promissos obsides, uel nisi darent, prælio dimicaturi. Postquam eò uentum est, offendimus eos dispersos, absq; ordine, ut fieri solet in populo, qui nullo continetur imperio. Iam multus erat dies, cum obsides nondum dedissent. Carolus perquirat sententias quid sit agendū. Burgundiæ Mareschallus primus omnium rogatus, ait, impetum in eos debere fieri, facile citra periculum posse eos profligari, & ipsos adeò in culpa esse, qui datam fidem non seruassent. Proximus Contēus, ea comprobata sententia magis etiam instigat, pulchriorem offerri non posse ullo tempore occasionem, & simul demonstrat, quemadmodum nullo ordine, & sine timore uagarentur, non esse igitur diutius morandum. Connestablii contrà suadebat, si illos adoriatur, fore, ut existimationis & honoris iacturam subeat, tantam hominum multitudinem, in retā ardua, non posse tam facile statuere, mittendum esse potius legatum, qui de uoluntate ipsorū cognoscat. Carolus diu multumq;, nunc in hanc nunc in illam partem fluctuat, hinc stimulabat eum uetus in illam gentem odium, quam facile posse deleri totam uidebat, illinc mouebat eum pudor & honestas. Tandem mittitur legatus, ei in itinere obsides fiunt obuī. Connestablii sententiā ualde improbabant milites propter ereptam prædā. Leodium continuo mittuntur legati, ut pacificationis

ficationem illi confirmarent. Vulgus hominum, ut est leue & inconstans, præter alia multa, quæ proteruè in legatos admiserunt, hoc quoq; dicebant, Carolum non fuisse ausum concertare prælio. His rebus perfectis, in Flandriam redit, & ad hoc fere tempus è uita discessit ipsius pater Philippus. Agitabatur semper aliquid inter principes. Rex iratus erat & Carolo & Britanno, inter quos difficilis erat commeatus, propter itinerum impedimenta, & belli quidem tempore, non nisi per mare & Angliam patebat transitus, & à Caletis ad Carolum, nisi per ambages, & cum periculo ueniri non poterat. In his rerum difficultatibus, dum nunc bellum geritur, nunc induciæ fiunt, nunc alij in alios intenti sunt, & suos quisq; socios in pacificationibus comprehendunt, hoc beneficij Deus præstitit Gallia, ut factionibus & bellis ciuilibus Anglia diuexaretur. Nam alioqui Gallia dubio procul in magno fuisset discrimine. Rex totus in hoc erat, ut Britannum debellaret, eò quod ad iniuriam uideretur esse opportunior, & quod suis hostibus præberet hospitium, in primis autem fratri, multisq; alijs, quorum in Gallia non leuis erat authoritas. Sollicitabat igitur omni ratione Carolum, egregijs propositis conditiõibus, ut fratrem atq; Britannum desereret, atq; ut facilius hoc impetraret, pollicetur se quoq; Leodiosos, & alios ipsius aduersarios deserturum esse, uerum Carolus ijs omnibus repudiatis, exercitum in Leodios

Leodios iterum educit, qui pacem nuper factam, uiolauerant, tametsi dedissent obsides, ea quidem conditione, ut si quid contra pactiones facerent, integrum esset ipsi, supplicium de illis sumere. Dum Carolus apud Louanium copias cogit, regis legati, Connestablius, qui iam totum sese dederat Galliae, & Cardinalis Baluensis, cum eiusmodi mandatis, eò ueniunt, Leodios esse comprehensos in inducijs, quòd si bellum in eos moueatur, regem ipsis non defuturum, ueruntamen si patiasur, Britanno bellum ex Gallia inferri, discessurum esse regem ab eorum defensione. Carolus ad hæc respondit, non se belli authorem esse, uerum Leodios, qui pactas inducias uiolassent, ut autem socios & confederatos prodat, nullam esse iustam causam. Eo dato responso, discedentibus iam legatis, clara uoce dicebat, orare se regem, ne quid in Britannia moueret. Tum Connestablius, qui paulò magis urgebat, Tu uero, inquit, optione data, nò eligis, sed utrūq; tibi sumis, bellum uis inferre quibusuis pro tuo arbitratu, nostris etiam amicis & confederatis, atq; interea iubes, ut ociosi spectemus, ne hostem ulciscamur, fieri ista non possunt, neq; rex admissurus est. Ad hæc Carolus, Hostes, inquit, coactis copijs expediti sunt, et opinor intra triduum mihi dimicandum esse, quòd si me uinci contingat, facietis quod erit ex usu uestro, sed si praelio sim superior, non infestabitis Britanniam, atq; ita legati

I ij disce

discedunt. Carolus Louanio digressus cum insigni exercitu, obsidione cingit Centrones oppidum. Sed antequam eò ueniret, conuocato concilio, deliberauerat, quid de obsidibus statuendum esset. Dicebant aliqui necandos esse, Contæus in primis, cuius sententia præter morem & ingenium ipsius, uisa mihi fuit admodum atrox. Optimum igitur est, ut principes multorum audiant sententias. Sæpe enim accidit, ut prudentes etiam uiri labantur, & errent in dicendis sententijs, quando uel gratia, uel odio, uel æmulatione quadam impulsus, diuersum ab alijs dicunt, deinde non semper sumus eodem animi uigore, nam quæ fiunt à prandio consultationes, inter decreta referri non debent. Quòd si quis putet, eos, qui sic aberrant & labuntur, non esse principum adhibendos consilijs, ille meminisset, neminem esse omnium hominum, qui non fallatur aliquando, atq; ex affectibus aliquid agat, ideoq; in magno deliberantium numero hoc boni est, quòd aliqui semper existunt, qui quod ab alijs peccatum est, emendant atq; sanant. In hoc concilio quidam, præiudicio Contæi decepti, sequebantur eius sententiam, quòd magnæ esset authoritatis. Nam in omnibus ferè conuentibus non desunt, qui nihil quidem ipsi pronunciant, sed aliorum sententiam, & si nihil intelligant, sequuntur, eoq; ipso placere sæpe student, & gratificari ei, quem uident in illustri loco positum esse. A Contæo rogatus Imbercourtus

bercortus Ambianus, uir nobilis, & singulari uirtute, ait, in primis cauendum esse, ne Deus aliquo scelere offendatur, debere Carolum ita se comparare, ut hoc uno facto clarum faciat, & demonstret omnibus, quàm non sit, aut crudelis, aut uindictæ cupidus. Sibi uideri, dimittendos esse obsides, qui suorum fidem secuti, pro salute patriæ in discrimen uenissent, abeuntibus autem illis declarandum esse beneficium, quo sint affecti, & mandandum, ut modis omnibus hortentur suæ ciuitatis populum ad æquitatem & pacem colendam, quod etiam si non impetrent, ut tamen ipsi memores accepti beneficij, non sumant arma, uel in Carolum, uel in Episcopum suum. Hæc sententia cum in concilio uicisset, liberati obsides, fidem dabant, se satisfacturos esse mandatis. Tum & illud additum fuit, quod si qui deprehenderentur ex ipsis, ullo tempore, cum armis aduersus Carolum, magno id eorum capitis periculo futurum. Posteaquam Contæus tam atrociter dixisset in miseros obsides, qui simplicitate persuasi, in eas angustias deuenerant, ex nostris quidam ad me tacite, Vides, inquit, Contæum, licet ætate sit grauis, firma adhuc esse uoletudine, sed auisim affirmare, quandoquidem adeo crudeliter sententiam dixit, intra annum esse moriturum. Atq; ita quidem accidit, sed ante mortem, Principi suo bonam operã nauauit, ut postea sum dicturus. Erant in eo oppido, quod obsidebatur, Leodieneses ad tria
I iij millia

millia, ijs præerat uir quidam nobilis, egregia uirtute, is ipse, qui de pace legatus ad nos uenerat, cum obuios illos haberemus, ut supra diximus. Tercio obsidionis die, Leodienses, ad triginta circiter millia, pedites omnes, præter quingentos equites, cum maxima ui tormentorum, auxilio illis uenerunt, paulò sub meridiem. Aberant à nobis ad dimidium milliare, in quodam uico, quem ab altera parte alluebant paludes. una cum ipsis erat Franciscus Roietus, legatus regis. Illico propius ad nostras munitiones excurrunt, in hoc enim errauerant nostri, quòd potiores equites longius emisissent, & de hostium aduentu primum ex pabulatoribus nostris cognouimus. Carolus eo die, præter morem & consuetudinem optimè distribuit exercitum. Cohortes enim aliquot, & inter hos circiter sexcentos Anglos ad obsidionem reliquit, ad utrumq; latus uici disponit mille ducentos cataphractus, ipse paulò longius, è regione, cum octingentis cataphractis & sagittarijs, et magno peditum numero consistit. Primam aciem ducebat Rauestenus, pedites omnes. Hi cum uenissent ad oram fossarum, quæ & latæ erant, & altæ, & aqua plenæ, telorum multitudine hostem reijciunt, occupatis fossis & tormentis, sed cum nulla iam nostris tela superesset, illi redintegrato animo prælongis hastis impetum faciunt in nostros sagittarios, occisis in eo temporis uestigio circiter quingentis, ita quidem, ut ad fugam nostri propesmodum

modum spectarent, uerum in eo rerum statu, Carolus iubet progredi reliquam manum sagittariorum, quibus præerat Cordeus: Hi magnis animis hostem adorti, primo statim concursu profligant. Equites nostri, qui ad latera uici erant dispositi, & Carolus etiam, ex eo loco ubi constiterāt, impediti paludibus, uim ullam inferre hosti nō poterant, sed hoc solum expectabant, ut si primo nostro agmine pulso, & superata fossa, in planiciem illi uenissent, exciperent eos. Disiecti igitur illi à nostris sagittarijs, fugiunt per loca palustria, & præterquam pedites, nemo consectabatur eos. Ibi Carolus cohortes aliquot equitū emittit, qui persequantur, sed in paludibus tardati, cogebantur longius oberrare, superueniens deinde nox, periculo multos eripuit. Carolus postea magno per oppidum audito fremitu, ueritus eruptionem illorū, nouas eō mittit equitum cohortes. Id quod metuerat, accidit. Ter enim conati eruptionem facere, reiecti sunt. Qui non profugerant, collecti denuo circa munitiones, aliquantum restiterunt. Desiderata sunt in eo prælio ad nossem millia, quod nisi nox persequendi finem fecisset, ædita fuisset multo maior cædes. His rebus peractis, Carolus multa iam nocte redit in munitiones cum toto exercitu, præter mille & ducentos illos equites, qui ad duo milliaria progressi, persequabantur fugientem hostem, quem propter interiectū amnem alioqui non potuissent assequi, tametsi

metu tenebris impediti, nihil magnopere efficiebant. Eodie Carolus egregia usus est opera Constanti, in instruenda acie, ab eoq; prælio paucis post diebus è uita ille decessit, cum in obsides adeo fuisset asper & implacatus, ut supra docuimus. Depositis armis, Carolus scribam accersit, dat literas ad Connestablium, et alios regis legatos, qui ante quadriduum ab eo discesserant, nunciat casum & profligatum esse hostem, ideoq; petit, ne qua uis inferatur Britanniae. Biduo post prælium, oppidani obsessi, quod arbitrarentur eadem suorum esse multo maiorem, deditiorem faciunt, & decem ex omnibus uiros dant in potestatem Caroli. De his supplicium capitis sumitur, ex his erant sex, qui cum recens fuissent obsides, beneficio Caroli sub conditione fuerant dimissi, ut diximus. Est sanè res plena periculi, dimicare prælio, propter incertissimum euentum. Nam etiam ut modica sit accepta clades, fieri tamen non potest, quin aliqua fiat rerum conuersio, partim metu hostium, partim contemptione & despectu illius, qui infœliciter pugnauit, oritur fremitus & indignatio militum, qui & magnis iacturis conciliandi sunt. Optimum igitur est, ut qui prælium aduersum fecit, contineat se quantum fieri potest, intra suas munitiones, & experiatur, si qua ratione non difficillè possit recuperare amissam gloriam, ut suis animum addat, & eos metu liberet. Disci enim non potest, quantas secum incommoditates

tates trahat secum aduersum praelium: ubi qui uictoriam adeptus est, auctoritatem suam amplificat, & facile quiduis impetrat, & militem habet ad quem uis obsequentior. Sed a uictoria praestanti quaedam opus est moderatione ac temperantia, ne quis prospero fortunae cursu fiat insolentior, & ea deinde consilia sequatur, quae ad praecipitium deducunt, id quod non paucis florētissimis uiris accidisse constat. Carolus, in deditiōem acceptis Centronibus, Tongros obsidet, qui & ipsi quod infirmum esset oppidum, non expectata uel ulla maiori, deditiōem faciunt, traditis etiam in potestatem illius decem uiris, inter quos & ex obsidibus aliqui erant: De his quoque sumptum est supplicium. A Tongris contendit Leodium. Diuisa erat ciuitas, nonnulli resistendum esse putabant, alij, quod uiderent omnia circum incendijs atque depopulationibus uastari, pacem dicebant esse redimendam. Vbi propius ad urbem uentum est, inita sunt aliquae rationes pacis, eoque rem deduxerunt quidam ex priorum obsidum numero, memores accepti beneficij, ut ex primarijs ciuibus trecentos adducerent, cultu corporis miserabili, qui ad Carolum delatis portarum clauibus, in fidem ac potestatem eius sese dabant, ea lege, ut ab incendio & direptione abstineretur. Erant tunc apud Carolum legati regis, missi, ut idem quod antea Connestablius, sollicitarent. Quo die cum Leodijs transactum fuit, Carolus ingressurum se putans

K tang

tans in urbem, præmisit Imbercortum, qui, quòd ei
ciuitati aliquando præfuiſſet, acceptus erat multi-
tudihi. Is cum non admitteretur, in uicinam abba-
tiam ſeſe recipit cum ducentis circiter militibus, in
eòq; numero & ipſe eram. Nunciabat ei Carolus,
quòd ſi tutò ibi eſſet, ne diſcederet, ſin minus, ut in
caſtra rediret, propter incommoditatem enim loci,
& uariſſimas rupes non facile poterat ei ſubuenire.
Imbercortus, quoniam erat in loco munito, conſti-
tuit ibi manere, & ex oppidanis, qui ſupplices ue-
nerant, ut diximus, quosdam apud ſe detinuit certo
conſilio, ut poſtea ſum dicturus. Noctu, ſub horam
nonam, audimus pulſari campanam. Ad hoc ſi-
gnum oppidani conueniebant, & uerebatur Im-
bercortus, ne cõſilium inirent nos adoriẽdi. Certior
enim factus fuit, eſſe quosdam in urbe potẽtes & lo-
cupletes homines, qui pacem repudiarent, & uera
fuit eius coniectura: Nam hoc agebatur, ut nos in-
opinantes opprimerent. Ibi tumille, quòd ſi poſſu-
mus, inquit, ſuſtinere ipſos, & demorari ad mediã
uſq; noctem, ſalui ſumus, defatigati uolent ſeſe re-
ficere ex labore et uigilia, et qui ſunt infeſtiores no-
bis, re parũ foeliciter tentata, fugã ſeſe mandabunt.
Atq; ut commodius perficeret, quod habebat in ani-
mo, ex oppidanis, qui cũ ipſo erant, duos emittit in
urbem cum mandatis & pacis conditionibus, eo
conſilio, ut interea, dum illi ſuper ijs rebus delibera-
rent, tempus extraheret. Eſt enim eius populi per-
petua

petua consuetudo, ut quoties grauioris rei aliquid allatum est, in curiam, ad sonitum campanæ, conueniant. Cum ciues illi duo, quos emisimus, ad portam uenissent, offenderunt magnam uim hominum, quorum alij prælium, alij pacem poscebant. Ibi nostri legati, clara uoce dicebant urbis Præfecto, adferre se non iniquas condiciones ab Imbercorto, Caroli legato: rectè facturos igitur, si in curia tributum collecti de summa rei cognoscant. Placuit ea sententia, & continuo pulsatur campana, quo signo facile intelligebamus eos occupari negotio. Nostri quidem legati non redibant, sed horam unam post, multo quàm antea maiorem fremitum exaudimus ad portam. Confluebant enim eò maxima multitudo, et ex moenibus proteruemulata, & iniuriose in nos dicebant, Imbercortus, quòd intelligeret nos in maiori esse periculo, quàm antea; reliquos quatuor obsides emittit ad illos cum literis in hanc sententiam: Quo tempore ipse mandato Caroli præfuisset urbi, perbenigne se & amanter ipsos tractasse, uelle nunc quoq; se tota mente & animo prouidere, ne quod detrimentum ea ciuitas accipiat, cupere se modis omnibus ipsorum salutem, quam si consequi uelint & retinere, opus esse, ut quemadmodum fuissent pacti, Carolum in urbem recipiât. Præter eas literas, ipsos etiam oppidanos, qui mittebantur, quæ dici uellet, edocuit. Qui cum eò uenissent, patentes repperunt portas, plac-

K ij ricq; cons

riq; contumeliosis uocibus, & grauib; interminationibus eos excipiebāt, alij, quò minus audirētur, non repugnabant. Itaq; redierunt in curiam, cumq; notum campanæ sonitum denuo exaudiremus, ualde fuimus exhilarati, & paulatim iam remittebatur ille, qui fuerat ad portam tumultus. Cum ad secundam usq; horam post mediam noctem deliberassent, placuit seruandas esse priores pactiones, et postero die unam ex portis Imbercorto tradendam esse. Quo facto decreto, Rastius Lutrius, uir potens & nobilis, qui pacem dissuaserat, cum sua clientela omni profugit. Immoratus sum huic loco diutius, ut ostenderem, per eiusmodi ratiōes, quibus usum esse uidemus Imbercortum, magna sæpe pericula & incommoda posse declinari. Postmodò prima luce ex obsidibus ad Imbercortum multi ueniunt oratum, ut in curiam, ubi coactus esset populus, ueniat, & iureiurando ipsis caueat de incendio & direptione, quod si faciat, fore, uti in portæ possessionem mittatur. Ea re prius ad Carolum nunciata, proficiscitur in urbem, & data fide, quam petebant, redit ad portam, eamq; mutatis custodibus, in suam potestatem recipit, & uexillum Caroli ad eam præfigit. Occupatas deinde tres alias portas, firmo presidio munit. Erat id temporis Leodium, urbs florantissima, & populosa ualde. Nam ex uicinis locis quàm plurimi eo se receperant, sic, ut è superiori clade nullos uiderentur desiderare. Non premebatur ullis

ullis angustijs rerum necessariarum, & hyems erat,
& perpetui imbres, & ipsum alioqui solum eius re-
gionis ualde cœnosum. Nos autem in magna era-
mus difficultate & pecuniæ & annonæ, neq; decre-
uerat Carolus obsidere urbem, & ut uoluisset, non
poterat tamen, & si per biduum modo sustinuissent
illi, nulla re perfecta, temporis incommoditate &
rerum inopia exclusus, domum reuertisset. Hoc eò
pertinet, ut demonstrẽm, Imbercorti maximam fuisse
uirtutem in huius rei tractatione, & haud dubiẽ
gubernabat ipsius consilia Deus, eò quòd tam clem-
entem & humanam sententiam dixerat pro mise-
ris obsidibus, ut suprà docuimus. Eoq; libentius
ista commemoro, quòd Principibus aliquando do-
let, contulisse beneficium in aliquem, seq; deinceps
non tam faciles futuros esse dicunt, cum tamen pro-
prium sit ipsorum munus, de quàm plurimis bene-
mereri. Malum igitur iudiciũ faciunt, qui ita sen-
tiunt. Nam eum, qui nunquam circumuentus est,
truncum esse dixeris, aut stiptem potius, quàm ho-
minem, propterea, quòd inter prauum et uitiõsum,
quid intersit, dijudicare non potest. Deinde, non
omnes eodem sunt ingenio, neq; propter unius aut
alterius improbitatem intermittendæ sunt benè de
quàm plurimis merendi occasiones. Hoc tamẽ su-
ferim, explorandum esse, cuiusmodi sint, qui bene-
ficiũ petunt, nec enim omnes digni sunt qui acci-
piant, & mihi quidem absurdum quiddam esse uis-

K iij deur

detur, hominē prudētem posse ingrātū esse. Quam obrem optimum est, ut Principes adhibeant sibi uiros magna uirtute pręditos. Sic enim existimabunt omnes, quandoquidem eiusmodi uiroꝝ consuetudine delectantur, ipsos quoq; eisdem esse uirtutibus ornatos, & ut paucis absoluā, semper benefaciens dū est alijs. Fieri enim potest, ut unus aliquis, licet tenui sit beneficio affectus, insignem aliquā operam pręstet, et reliquorum ingratitude cumulatę res sarciat, & compenset, cuius rei documentum sumi potest ab istis obsidibus, e quorum numero, tametsi pleriq; omnes ingrati essent, & illiberaliter agerent, pauci tamen quidam, memores accepti muneris, hanc tantam rem, magna cum gloria Caroli & utilitate perfecerunt. Postero die Carolus magnificē in urbē ingreditur, prostrata ac diruta parte aliqua muri, & adæquata fossa. Stipatus erat duobus cataphractorum millibus, qui pedites erant omnes, & totidem sagittarijs, magnam etiam manum in castris reliquit. Ipse equo uectus, ingreditur splendide uestitus, cumq; ad sacram ædem eius urbis summam uenisset, ex equo descendit. Commoratus ibi per dies aliquot, supplicium sumit de sex, qui erant ex obsidum numero, deq; ciuitatis tabellario quodam, quem acerbē oderat. fert aliquot leges, & pecuniā magnam summam imperat, quam sibi deberi confirmabat ex uiolata superiorum annorum pace, deinde tormenta omnia ipsis adimit & armaturas

turres etiam & mœnia solo æquari iubet, post, domum reuersus, honorificè fuit exceptus à populo, præsertim autem à Gandauensibus, qui priusquam in Leodios proficisceretur, cum alijs quibusdam urbibus ad rebellionem spectauerant, nunc uero posteaquàm uictor rediisset, reuerenter ipsum habebant, & per primores ciuitatis, signa sua militaria Bruxellam usq; deferri ad ipsum iusserant. Nam à morte patris, Carolus, quod amari se crederet ab eius ciuitatis populo, solenniter, omnium primum ad ipsos ingressus est, futurum sperans, ut si liberè ab eis haberetur, ad alias quoq; urbes ea res magnam ipsi conciliaret authoritatem, sed postridie, quàm eò uenit, in forum armati ciues confluerunt. Eò tandem & ipse descendit, ut turbam sedaret, sed frustra. Per totos enim octo dies ibi constituerunt, & inter alia petebant sibi restitui omnia, quæ ipsius pater Philippus ademisset, deinde, ut singulæ opificum tribus haberent suum quæq; uexillum, ut antiquitûs institutum esset. Cum aliud non posset, neq; satis in tuto uersaretur, temporibus coactus, largitur eis omnia, & quæ postulabant priuilegia, concedit. Mox illi in foro signa sua proferunt & affigunt, multò antè parata, non obscure præseferentes, etiâ si non impetrassent ab eo, se tamen illa fuisse priuata authoritate recuperaturos. Dixerat antea Carolus, fore, ut reliquæ urbes, Gandauensium sequerentur uestigia, & quia passim erant exortimotus,

motus, uoluit ad eos primum, à quibus diligere se putabat, proficisci, quò sic alias urbes contineret. Pro uerbis dicitur, Gandauenses amare quidem sui Principis filium, sed non ipsum principem, ei dicto si fidem habuisset, non fuisset in eas redactus angustias. Proxime enim secundum Leodios, ualde sunt mobiles & inconstantes, uerum hoc est in ipsorum tumultibus boni, quòd principi uim nullam adferunt: Honestiores etiam ciues, uulgi leuitatem & inscientiam ualde detestantur. Hanc illorum proteruitatem id temporis ferre cogeatur Carolus, ne belli daret occasionem tam suis quàm Leodijs, interea tamen non dubitabat, quin, si Leodios debellaret, facile ipsos esset cohibiturus, atq; ita quidem accidit. Parta enim uictoria, procures urbis, pedites omnes, & uexilla & priuilegia, & literas, quas Gandauo discedens coactus fuerat ipsis largiri, deferrebant ad eum Bruxellam, ut dixi, magna circumfusa nobilium & legatorum multitudine, ut de ijs pro suo arbitratu decerneret. Ex ipsius foecialibus quidam, iussus ab eo, detrahit signa de hastis, quibus erant alligata, atq; ea deinde deferrebantur Boloniam, quod oppidum à Caletis abest octo miliaribus, ad mare. Exhibitis postea priuilegijs, Cancellarius, quod precipuum ex ijs erat, & ad ipsorum administrationem pertinet, abrogat. Cum enim per omnes Flandriæ urbes, Princeps magistratum constituat quotannis, & rationes ab eo poscat, apud solos Gandauos

Gandauos, per hoc priuilegium ei non erat integrum, creare supra quatuor senatores, ipsi uero reliquum numerum implebant: & sunt in ea urbe uiginti sex omnino senatores, in quorum manu est, uel instigare populum aduersus principem, uel in officio continere, & obsequentem efficere. Multastis ad eum modum Gandauensibus, reliquæ ciuitates, quòd nihil grauius admisissent, data pecunia, ipsum placabant. Ex qua una re uidere licet, quantum in uictoria positum sit, & quàm sit periculi plenum, facere aduersum prælium. Non est ergo, nisi necessario, dimicandum, & ante prælium de summa rei cogitandum est. Nam qui meticulose aliquid faciunt et pauide, melius ferè suis rebus prospiciunt, & sapius uincunt, quàm illi, qui fastuose & superbe progrediuntur, tametsi cum Deus aliquid decreuit, frustra sumitur omnis labor, ut in Leodiensium causa uideri potest, qui, licet ipsis interdictum esset sacris, obstinate tamen pergebant, neq; probabilem ullam suæ insolentiæ causam adducere poterant, sed sublati facultatibus intemperanter agebant. Quo in loco, in mentem mihi uenit prouerbiū quoddam Ludouici Regis, qui dicere consuevit, dedetus & detrimentum esse comites, ac ueluti pedissequas superbiæ. his rebus Bruxellæ confectis, Carolus Gandauum sub armis profectus, honorificentissimè fuit exceptus, patefecerant ei partem aliquam urbis, uti militē pro suo arbitratu
L uel emit

uel emitteret, uel introduceret. Interea ueniunt ad ipsum à rege multi legati, sed et à Britanno ipse uicissim ad utrosq; mittit. Rex in primis cupiebat, ipsius uoluntate bellum in Britanniam inferre. Cum impetrare nō posset, grauiter tulit, præsertim, cum ille suos confœderatos atq; socios Leodienses perdomuisset. Impatiens igitur moræ & ocij, prima æstate exercitum in Britanniam mittit, occupatis ibi duabus arcibus. Normannus ilico & Britannus opem Caroli implorant. Conductis igitur copijs, quanta potuit celeritate, & missis ad regem literis, petit, quoniam utriq; & confœderati sui essent, atq; in inducijs comprehensi, uti à bello & iniuria abstineret. Accepto minus commodo responso, Peronam cum exercitu proficiscitur, cumq; per triduum esset ibi commoratus, uenit ad eum Cardinalis Baluensis, à rege, qui tum erat Compendij, oppido Picardiæ, cum mandatis aliquot, & pacis rationibus. Is inter alia dicebat, fieri posse, ut illi separatim, ipso excluso, cum rege paciscantur. Nam eò spectabat rex, ut societatem dissiparet. Per eundem Carolus nunciat regi, quòd copias collegisset, id se munienti sui, & socios defendendi, non oppugnandi ipsius causa facere. Lenibus utrinq; uerbis res agebatur. Non multò post illius abitionē, adferuntur à Normanno literæ ad Carolum, quibus nunciabat, se unaq; Britannum esse cum rege pactum, & ab omni alio, potissimum autem ab ipsius fœdere discessisse, &

sisse, & relicta Normannia, se quotannis accepturū
ā rege fratread sexaginta francorum millia. Hīs ille
conditionibus transegerat, inuitus quidē, sed coger
batur dissimulare, & ferre. Carolus eo nuncio ualde
fuit commotus, præsertim cum esset in armis, & cor
pias ideo coegisset, ut opem ipsis ferret. Tabellaris
us autem, quoniam iter fecerat, qua parte rex erat,
in magno fuit discrimine, quò crederetur fictas at
tulisse literas, uerum in eo ipso temporis uestigio,
ex diuersis locis idem nunciabatur. Rex tum putar
bat se peruenisse quò uoluit, & facile posse Caros
lum ad se traduci, atq; ideo multi commeabant in
ter eos nunci, eoq; tandem res deducta fuit, ut pro
belli sumptibus rex ei dependeret centum & uigin
ti aureorum millia. Eius pecuniæ dimidiā partem
statim persoluit, antequam cum exercitu ille disces
deret. Post hæc, familiarem quēdam suum, Vobris
setum, Carolus misit ad regem, qui ualde amanter
eum & benigne complectebatur, fore sperans, ut
Carolus plane sibi deuinciret, primum, quò ipsis
us frater & Britannus eum deseruissent, deinde,
quò accepta pecunia delinitus erat. Per hunc ip
sum igitur, & huic adiunctum Cardinalem Bal
uensē denunciat, quantopere cupiat cum eo collo
qui. Carolus autem, qui tum erat Peronæ, non
admodum huc inclinabat, eò quod Leodienses da
rent non obscuram significationem rebellionis, in
citatiā regis legatis, ut id facerent ante inducias,

L ij. quæ

quæ in paucos dies pactæ fuerant. Cardinalis respondit, Leodieneses, quorum turres ac propugnacula essent ab ipso deiecta, qui tormentis omnibus & armis essent dispositi, nihil tale molituros; & ut maximè uelint, non ausuros tamen, ubi conspexerint hanc ipsorum colloctionem & amicitiam. Assensit tandem Carolus, ut rex, quoniam ita uellet; Peronam ueniret, simul fidem dat, ut id ei tuto liceret; atque inde, ut Leodiorum motus componeret, Episcopum eius urbis, propter quem ortum fuit dissidium; & Imbercortum, eò misit.

PHILIPPI COMINABII commentariorum Liber tertius.



Exigitur ad constitutum locum uenit, paruo comitatu, secutus fidem Caroli, cui totum se permisit. Erant cum eo Borbonius, & eius frater Cardinalis, & alter Baluenensis, & Conestablius, qui colloctionem hanc ægre tulit. Iam enim ferocior erat factus, neque Carolum, ut antea, reuerbatur. Aduentanti regi, Carolus obuiam progreditur, & hospitium præbet apud quæstorem oppidi, eò quòd arx angustior erat & ruinosæ. Facile quidem est, & procliue, ut inter potentes Principes bellum exuscitetur, sed ob diuersitatem

uersitatem rerum, quæ incidunt, uix magna difficultate componitur. Nocere enim quisque studet ad uersario suo, quantum potest, & celeres plerumque sunt in eiusmodi rebus, animorum motus, qui posteaquam semel in actionem transierunt, sisti non possunt aut reuocari. Quod ipsum regi uidemus & Carolo euenisse, qui cum subito, et contra plurimorum expectationem, in colloquium uenirent, suis legatis, quos alio miserant, nihil eius rei significauerant. Carolus enim Burgundia copias euocauerat, in hisque nobiles aliquot erant Sabaudi, infestiores regi, quod ab eo fuissent aliquando in carcerem coniecti. Et quo tempore Peronam rex uenit, isti etiam aderant: Burgundiæ uero Mareschallus, quod & ipse regem ualde odisset, extra oppidum sese continuit cum suis cohortibus. Ea re nunciata, rexorat Carolum, ut sibi liceret in arcem diuertere, quò periculum uitaret. Carolus, confirmato eius animo, libenter morem gerit. Sane minus prudenter faciunt Principes, cum alterius potestati se permittunt, præsertim intercedente bello. Maximum itaque momentum adfert historiarum cognitio, iuuenilibus annis percepta. Nam extant in his pulcherrimæ picture, quæ clare demonstrant, quàm multa perfide sæpe, & insidiosè fiant in eiusmodi colloquutionibus, & in quantas acerbitates aliquando coniecti sint multi, eò quod suis aduersarijs nimis am habuissent fidem. Verum quidem est non omnes per-

L iij nes per-

nes perfidioſe agere, ſed unius calamitate complures fieri poſſunt cautiores. Quantum enim longo rerum uſu potui cognoscere, qui iam per annos duodeuiginti uerſatus ſum in maximis regum negotijs, equidem ſic arbitror, quemadmodum & uite diuturnitate, & robore corporis multo ſumus inferiores priſcis illis hominibus: ita quoq; ab ipſorum fide & integritate permultū nos degeneraſſe. Vix enim eſt, ut providere ſibi aliquis diligenter ſatis poſſit, quominus fallatur, et quò ſunt potentiores Principes, eò maior eſt inſidijs & improbitati locus. Nam & ſua quadam ſponte illi eò propendunt, ut quod libet, licere ſibi putent, &, qui ſunt circum ipſos, quoniam aucupandę modo gratiæ ſunt intenti, plane ſeruiunt illorum cupiditatibus, & ſi quis ad meliorem frugem aliquando hortetur, magnas tempeſtates excitant. Temperare mihi non poſſum hoc loco, quin grauius aliquid dicam in Principes imperitos & ignauos. Habent ſibi pleriq; familiares, aliquot iuriſperitos, & quosdam, qui longiori ueste diſcernuntur ab alijs: & recte quidem, cum ſunt uiri boni, ſed periculoſe admodum & magno cum detrimento, quando ſunt uicioſi. Cuiuſcunq; rei ſermo inciderit, ilicò legem aliquam, aut hiftoriam adferunt, plerunq; & ſæpenumero præter rem, dum ad ſuum ſenſum & affectum omnia detorquent, idq; eò crebrius faciunt & audacius, cum Princeps ipſe nullam habet rerum

rerum cognitionem, qui si uel ingenio ualeret, uel librorum lectione quaesitam haberet aliquam prudentiam, non temere circumueniri posset, nec sic ludificationibus aliorum esset expositus. Hoc enim certo statuendum est, Deum non condidisse regna, ut gubernarentur ab hominibus ineptis et stolidis, qui friuola quadam et misera iactatione solent dicere, se, quod usum literarum non habeant, suis familiaribus & necessarijs omnem actionem committere; ac deinde, nulla probabili adducta ratione, cur ita loquantur, totos sese dedunt uoluptatibus. Quod si bene fuissent à teneris annis educati, longè aliam uiam ingrederentur, & hoc darent operam, ut homines bene & praeclare de ipsis sentirent. Neque tamen hoc eò dico, quasi omnes Principes suis negocijs praua ingenia praeficiant. Nec enim desunt, qui uerum iudicium faciunt, & prudenter sibi deligunt optimum quemque, cuius utantur opera. Qua quis de in re maxime prouidus ac diligens erat Ludouiscus rex. Nam qui uirtute aliqua singulari praediti essent, eos magno in honore habuit: mediocriter ipse erat literatus, & quod praecipuum est, ingenio ualebat & sensu communi, quæ quidem facultas omnem aliam cognitionem antecellit, labore & industria comparatam. Omnes enim qui extant libri, praeteritarum rerum continent monumenta, in ijsque breui temporis spacio plus uideri potest atque cognosci, quam multae hominum aetates ordine percipiant.

piant. Nulla igitur maiori clade populum Deus affligere possit, quàm si Principem ei præficiat stolidum & imperitum, neque enim dici potest, quàm multa hinc oriantur incommoda. Nam quia totus ab aliorum arbitrio ille pendet, neque per se quicquam ipse gerit, nascuntur factiones, diuiditur populus, diuiditur senatus et regni procures: inde bellum nascitur, atque ex bello rerum penuria, quam excipiunt deinde morbi & uarij generis erumne. Iustā ergo & doloris & querimoniā causam habet populus, cum sui Principis liberos uident malè institui, & ab hominibus uiciosissimis educari. Suprà diximus de ijs, qui Peronam ex Burgundia uenerunt. Carolus enim tempore exclusus, non habebat spacium remittendi illos, eo quod iam erant in Campania, cum inter ipsum & regem ageretur de colloctione: ad quam posteaquam uentum est, & aliquousque facta esset progressio, grauis est allatus & intempestiuus nunciuse Leodiorum finibus. Nam cum Peronam rex iret, de suis legatis, quos Leodium miserat, seditionis excitandę causa, non cogitabat, & hi quidem iniunctum sibi munus diligenter obibant. Instigati enim ab ipsis Leodij, Tongrorum urbem, in qua tum erat Episcopus, & Imbercortus, & circiter duo hominum millia, ex insidijs capiunt, familiares aliquot Episcopi trucidant, ipsum & Imbercortum captiuos abducunt. Inter eundem Imbercortus percipitur cum nobili quodam uiro, in cuius fidem & potestatem

potestatem receptus, multitudinis insaniam euasit, quæ tanta fuit, ut inter alios Ecclesiastici ordinis uiros & canonicos, Robertum quendam, Episcopum necessarium, membratim cōscinderent, & per ludibrium deinde frustra conijcerent alter in alterius caput: breuiter, quò longius progrediebantur, eò magis incruduît ipsorum furor. Certiores autem facti de collocutione Principum, Burgundionibus aliquot captiuis dimissis, præ se ferebant, quicquid eius rei fecissent, aduersus Episcopum modo fecisse, quem & uinctum abducebant Leodium, Captiuis Tongris, plerique omnes profugerant: ij quacunque transibant, magnam excitarunt trepidationem, ita quidem, ut ad Carolum ilico perferretur nuncius. Dicebant alij, trucidatos esse omnes, alij contrâ, & multi simul nunciabant, ex ijsque non pauci spectauerant cædem illam Canonîcorum, & credebant in eorum numero fuisse & Episcopum & Imbercorum. De regis quoque legatis affirmabant, se uidisse illos, & qui essent, nominatim dicebant. Ea re Carolus uehementissime fuit commotus, confirmans regem insidiosè agere. Iubet igitur claudi portas, tam oppidi, quam arcis, in qua rex erat. Interea spargebatur rumor, amissam esse pyxidem cum gemmis, alijsque rebus preciosis. Rex in ijs angustijs positus, ualde sibi metuît, præsertim, cum inspiceret turrim cubiculo suo uicinam, in qua Veromandorum Comes aliquando necauit quendam Gal-

M. liæ rex

lia regem. Clausis portis, Carolus, remotis omnibus, ad paucos, qui cum ipso eramus cubicularij, conuersus, inuitum se ac contra uoluntatem suam ad eam colloctionem descendisse dicebat: regem mala fide secū agere, eoq; sui prodendi causa uenisse: Et cum deinde, quod apud Leodios acciderat, ordine recitasset: ita fuit exacerbatus, ut grauiter interminaretur, neq; dubito, quin atrociter aliquid facturum fuerit in regem, nisi eorum, quibus loquebatur, oratiōe fuisset mitigatus. A nobis transit ad alios, & inter paucas admodum horas ita fuit diuulgata res, ut ad regem deferretur, qui sane in maximo erat metu, sed & omnes iudicio præditi, tristem aliquem uerebantur exitum, & simul uidebant, quā sit difficile, pacificare tam potentes principes, & quā inconsiderate ab utrisq; factum esset, quod suos legatos, antequam ad colloctionem uenirent, non reuocassent. Imprudenter faciunt principes, æquali potentia præditi, meo quidem iudicio, ut non semel antea dixi, quod in colloctionem ipsi descendunt: nisi forte ea sint ætate, ut præter iocos & ludū nihil spectent aliud. Nam posteaquam grandiores euaserunt, & æmulatio aliqua coepit inter ipsos oriri, quod ferè fit, non est consultum, ut ipsi congrediantur, ac longè præstat, ut controversias, & quicquid est negotiorum, curent per legatos, uiros bonos atq; prudentes, componi: Et quoniam multo rerū usu compertum istud habeo, non

non grauabor, quid uiderim ipse, commemorare. Ludouicus, paulò post quàm ad ipsum esset delatù imperium, in collocutionem uenit cum Henrico rege Castiliæ, qui ad Fontemrapidum accessit magno comitatu: Venit etiam eò regina Arragoniæ, cui cum Henrico lis erat. Colloquio fuit delectus locus prope flumen, quod Galliam ab Hispaniis diuidit. Bis modo colloquebātur, neq; prolixè admodum, prorsus ex arbitrio Turbendensis Archiepiscopi, cuius apud Henricum erat summa authoritas. Ipsorum domestici famuli, qui Baionæ habebant hospitium, primo statim aduentu inter se pugnarunt. Henricus erat deformior, & cultu corporis inuenusto, & ridebatur à Gallis. Ludouicus breuib; utebatur uestimentis, & adeo neglectis, ut nihil suprâ: pileum gestabat diuersum ab alijs, & huic affixa erat imago plumbea. Hanc tenuitatem ridebant Hispani, & parsimoniæ tribuebant, atq; ita quidē tunc discessum fuit, excitatis utrinq; ludibrijs, & cū antea fuisset inter utrosq; constans amicitia: cœperunt ab eo tempore relanguescere. Eius, de qua dixi, Istis et controuersie Ludouicus rex datus fuit arbiter: ac iudicauit secundū Hispaniæ regem: Id grauitèr admodum tulerunt Arragonijs, qui tametsi ipsius opera deinde sunt usi aduersum Barcinonenses, exortum est tamen postea bellum inter eos, quod annos sedecim durauit, & ne hoc quidē tempore satis est pacatum. Carolus,

M ij cum

cum diu sollicitasset, in Treuironum urbe, cum Friderico Cæsare, qui nunc rerum potitur, congressus est, atq; ut opes, potentiamq; suam ostentaret, sumptuosissimus erat in omnibus. Agebatur ibi de uarijs rebus, & inter alia de matrimonio, quod postea contraxerunt ipsorum liberi. Post aliquot dierum colloctionē, Cæsar illinc abiit insalutato Carolo, eamq; rem secuta est animorum alienatio. Germani uituperabant luxum in Carolo, & genus dicendi paulò sublimius: Burgundiones contrā tenuitatem Cæsaris, & exiguum comitatum, & negligentiorē ornatum despiciebant, & eousq; processit hæc æmulatio, ut aduersus Carolum, quando Nosesium obsedit, maximam Germanorum manus Cæsar adduceret. Eduardus Angliæ, rex apud Atrebatē, per biduum fuit cum Carolo sororis suo. Dissidebant inter se ipsius familiares. Carolus, apud quem utriq; querebantur, in alterā factionem magis propendebat, eaq; res auxit illis odium. Et quanquam Carolus ipsum iuuabat milite, pecunia & nauibus, ad recuperandum regnū, e quo profligatus tum erat à Comite Beruicensi, tamen ab eo congressu, male senserunt, & locuti sunt alter de altero. Vidi, quo tempore Carolus comitem Palatinum Rheni, per complures dies honorifice tractabat Bruxellæ. Burgundiones dicebant Germanos esse sordidiores in rebus omnibus, ideo potissimū, quod ocreas conijcerent in lectos cubiculares, spem dide

splendide magnificeq; paratos, & leuius multo quam antea, cum nondum uidissent, de ipsis iudicabant. Germanis autem displicebat luxur illa immodicus & ostentatio. Vidi, cum Austria Dux Sigismundus ad Carolum uenit, eiq; ditionē Pfirsensem, propinquam superiori Burgundiæ, oppi- gnorauit, acceptis ab eo centum aureorum millibus, cum ab Heluetijs illam defendere non posset. Erat inter hos magna & ingenij, & morum dissimilitudo. Sigismundus tandem reconciliatus Heluetijs, ademit eam Carolo, neq; precium reddidit. Presens eram, & coram spectauit, cum Rex & Eduardus prope Piccenium oppidum, non procul ab Ambianis, conuenirent, qua de re postea sum plura dicturus. Abstinerunt quidem à bello deinceps, atq; etiam interiacebat mare, sed beneuolentia nulla fuit inter eos, & quæ tum utrinq; promittebant, magna ex parte uiolata fuerunt. Sic igitur existimo, debere principes à cōgressibus abstinere, modo saluam esse uelint & integrā amicitiam. Fieri enim nō potest, quin ipsorum familiares de rebus antea actis loquantur, non absq; molestia & fremitu alterius partis. Alij sunt alijs elegantius uestiti, nascitur ex eo ludibrium & iocus, atq; ita fieri necesse est, præsertim inter eos, qui lingua & sermone & moribus differunt. Ex ipsis quoq; Principibus, alijs alijs sunt decentiores, & aspectu magis honesto. Iis iucundum est prædicari à multis, neq; id fieri potest absq;

M iij alterius

alterius, qui deformior est, uituperatione. Dimisso conuentu, passim ab omnibus ista iactantur, initio quidem tacite & submisse, postea uero palam & clare. Nihil enim propemodum est ita secretum, quod non efferatur aliquando. Interea dum rex tenetur inclusus, ut supra diximus, Carolus abstinuit ab eius colloquio, & ex ipsius familiaribus, qui in aliquo essent numero, pauci ad eum accedebant. Erat in oppido magnus admodum fremitus, primo quidem die, postridie fuit aliquanto mitior Carolus, totumq; ferè diem & partem aliquam noctis consultabat. In eo rerum statu, Rex per suos necessarios sollicitabat omnes, qui putabantur aliquid posse apud Carolum, in eosq; distribui iussit ad quindecim aureorum millia: sed qui huic rei prefectus erat, eius pecunie partem aliquam fraudauit, quod postea compertum est. Rex in primis metuebat illos, qui aderant ex Burgundia Sabaudiaq; nobiles, de quibus antea sumus locuti. Iam enim illi suam operam, ipsius fratri, Normanie duci se addixisse profitebantur. Conuocato concilio, sententias Carolus exquirat. Plurimiq; dicebant, regi datam fidem seruandam esse, præsertim, cum ratas haberet pacis conditiones, scripto comprehensas: Erant sententia, quæ detinendum esse in carcere censerent, alia, quæ fratrem ipsius celeriter euocandum esse dicerent, ut ipso præsentem, pax constitueretur, planè ex usu omnium Principum Gallia. Sic enim fore uidebant,

debant, ut ei ponerentur arctiores custodiae, nec ignorabant, si quidem durius ad hunc modum haberetur, difficilem eius futuram esse liberationem. Ea sententia siciactata fuit, ut uiderim tabellarium, qui ad iter expeditus, Caroli tantum literas expectabat, sed commutatum fuit consilium istud. Rex interea, multis in medium adductis rationibus pacis, promittit dare obsides, Borbonium, eiusque fratrem Cardinalem, & Conestabulum, & alios complures, ac petit, ut facta pace, Compendium sibi redire liceat; daturum se operam, ut Leodienses ei de iniurijs integre satisfaciant, sin minus, hostium numero se illos habiturum. Quos ille deferebat obsides, ipsam quidem praese ferebant non recusare: quid priuatim senserint, ignoro, nisi quod arbitror, si tum facta fuisset eis discedendi potestas, non fuisse reuersuros. Erat ea tertia nox, cum uestes non deponeret Carolus, & per interualla, nunc deambulabat, nunc in lectulum se coniciebat, qui mos ipsius erat, quoties perturbato esset animo: & quoniam ex cubicularijs eram, una cum eo nonnunquam deambulabam. Exorta luce, magis estuabat ira, quam prius, grauiterque interminatus, uidebatur atrociter aliquid esse facturum. Paulatim tamen remissior factus, dicebat sibi satisfacturum iri: primum, si rex iureiurando confirmaret pacem, deinde, si secum in Leodios proficisceretur, in eoque bello sibi ferret opem, ad ulciscendam iniuriam Episcopo, suo pro-

pinquo

pinquā ab ipsis illatam. Hanc eius uoluntatem eue
stigio quidam enunciauit regi, spem certam faciens,
nullum ei fore periculum, si eas condiciones admittat,
sin autem repudiet, imminere ipsi discrimen longē maximum. Posteaquam ad regem uenit
Carolus in cubiculum, incipit uoce tremula: neq;
multum aberat, quin grauiter irasceretur. Gestu
quidem corporis erat satis demisso: uerum sermo
eius & uultus asperitatem atq; offensionem magnam
pre se ferebant. Rogat, an ratas habeat pacis
condiciones antea præscriptas, & an iurare ueliet
Rex benignè assentitur: nihil enim propemodum
erat diuersum ab ea pacificatione, quæ facta fuit ante
Lutetie, quantum quidem ad Carolum pertinebat.
De fratre autem regis ita conuenit, ut ei, loco
Normanniæ, traderetur Campania tota. Rogat de
inde, uellet ne unā secum proficisci Leodium, & si
ibi adesse cum auxilijs in ulciscenda perfidia, quam
Leodienses, ab ipso instigati, admississent aduersus
Episcopum suum, qui & ipsius esset propinquus.
Ille respondit, post iureiurando sancitam pacem,
quod in primis cupiat, iturum se cum ipso Leodiu
um, eo quem uellet comitatu. Quo dato responso,
ualde fuit recreatus Carolus. Adferuntur ilicò scrip
tæ pacis condiciones, cumq; iusiurandum inter
uenisset, magna fuit per oppidum excitata læticia.
Rex aliquando me dignatus est eo honore, ut diceret,
me bonam ipsi & fidelem operam in ea tractatione

tionē praeſtitiffe. Carolus in Britanniam iſta confeſſim enunciat, ſimul exemplar mittit pacificationis. Normanniæ ducis non erat poenitenda conditio, ſi quis ad ſuperiorem ipſius ci in rege tranſactionem reſpiciat. His rebus agitatſ, digreſſi Perona, rex & Carolus, Cameracum, & inde in Leodiorum fines peruenerunt ſub hyemem, cœlo ualde difficili et incommodo. Erant cum rege Scoti ſtipatores, cataphracti uero pauci, quanquam deinde circiter trescentos accerſiuit. Exercitus Caroli bipartitus erat. Primam aciem ducebat Burgundiæ Mareſchallus. erant in ea Lutzenburgenſes, Hannonij, Namurci, & Limburgij: cum reliquo agmine ſequebatur ipſe. Cum ad hoſtium fines peruentum eſt, deliberaſtur, quid factio ſit opus. Suadebant aliqui, dimittendam eſſe partem exercitus, primum, quod oppidanij & turribus & muro eſſent denudati, & ſpe omni auxilij carerent; deinde, quod rex, in quo magnum habuiſſent preſidium, ipſe ad eſſet. Eam ſententiam Carolus reſecit, & magno quidem ſuo bono, minus enim aberat ab internecione, & quia ſuſpectum habebat regem, putabat non eſſe diminuendas copias. Parum ſane prudenter iudicabant eius conſilij authores, cum ſe putarent uiribus & potentia longè præſtare. Fit autem non raro, ut duces proponant eiſmodi ſententias, uel quò uideantur audientiores, uel quò magnitudinē rei, quam agunt, non intelligant. Ineſt autem in utroq; temeritas, &

N inconfider

inconsiderantia. Qui iudicio ualent principes, eius
modi consilia repudiant, in eoq; magna fuit indu
stria regis. Nam ut lentus erat & timidior in ardu
is deliberationibus, ita quoq; simul atq; cōstituit ali
quid, sic undiq; se communiebat, ut uix unquam
falleretur, aut expectatione sua caderet. Præmissus
est igitur Marefchallus, & urbem, si posset, ingredi,
sin, minus, uim facere iubetur. Iam enim ab hosti
bus nonnulli, pacificandi causa, ueniebant Namur
cum usq;, quod supra Leodium est oppidum pro
pe Mosam, ad decem milliaria. Cum essemus urbi
propinqui, tumultuose eruptionem illi faciunt, sed
absq; magna contentione reijciuntur. In his turbis
euadit ipsorum Episcopus, & se nobis adiungit.
Miserat eò Romanus Pontifex legatum, qui cog
nosceret de controuersia ciuium & Episcopi, ue
rum ille suæ legationis modum excedens, quod
eius loci Episcopatum ambiret, fauebat ciuium re
bus, eisq; fuit author, ut sumptis armis, uim à se des
pellerent; cumq; periclitantes uideret, frustra cona
tus profugere, captus fuit unà cum suis familiari
bus. Ea renunciata, Carolus mandat ijs, qui cepe
rant, ut aliquò ipsum traducerent, & pecuniam ab
eo, tanquam à mercatore quopiam extorquerent;
quod si palàm ad se deduceretur, cogi se honoris &
officij causa, in gratiam Ecclesiæ Romanæ, illum
libertati restituere. Inter eos, qui ceperant, natum
est dissidium, cumq; causam apud Carolum disce
ptarent,

ptarent, ille captiuum in suam fidem & potestatem accipit, & quum honore etiam affecisset, omnia ei restitui iubet. Primum nostrum agmen, cui Mares schallus & Imbercortus præerant, Leodium cõtens dunt læti, tanquam explorata uictoria, & spem disreptionis præferebant conditionibus oblati, nec opus esse putabant, reliquas copias, quæ sequebantur, interiectis aliquot milliaribus, expectare. Celestiter igitur progressi, ueniunt in suburbium. Nox erat, nec quò diuerterent, habebant, & locus erat angustior, et nullis ordinibus errabāt. Hanc opportunitatem conspicati hostes, qua parte urbis prostrata erant mœnia, erumpunt, perq̃ uineas & colliculos impetum in nos faciunt, & seruulos, qui ad exitum suburbij seruabant equos, magno numero interficiunt, reliquis in fugam coniectis. Desiderati sunt à nobis in eo tumultu circiter octingenti, in ijsq̃ centum cataphracti. Qui uirtute præstabant, consociatis armis impetum demorantur & sustinent, cunq̃ signis militaribus contendunt ad portam, ut reliquos eruptione prohiberent. Solum erat ex continentibus pluuijs ualde cœnosum. Oppidani, confertissima multitudine, cū tædis & grandioribus lucernis cogitabant se foras eijcere, ut nos adorirentur, sed tormentis emissis in uiam, quâ ueniebant, & plurimis interfectis, nostri cogeabant eos referre pedem, & occludere portas. Veruntamen in suburbio totam noctem erat perpetuus tumultus, &

N ij

tus, & postquàm illuxit, omnino pulsi fuerunt, amissis aliquot ducibus. Eruptiones illæ, tametsi necessario fiant aliquando: ualde tamen sunt ijs, qui obsidentur, periculosæ. Nullam enim isti faciunt tam paruam iacturam, quin eis, & propter paucitatem ipsorum, & simul propter difficultatem recuperandi noua præsidia, longè maxima uideri debeat. Quid actum esset, ilicò nunciatum fuit ad Carolum, qui cum reliquo exercitu aberat ad quatuor milliaria. Principio ferebantur omnes pariter esse trucidati, nihilominus ille progreditur: simul mandat, ne quid efferatur ad regem. Vbi propius ad urbem uenit, ex diuersa parte lætior allatus est nunciatus: opinione pauciores interiisse: nullum, qui in aliquo sit numero, interfectum: sed uersari tamen militem in summis angustijs, eò quòd superiori nocte constitissent in acie, proximè ad portam, loco multum lutofo & incommodo: rediisse quidem nonnullos ex ijs, qui profugerant, sed eos tam esse animo demisso & consternato, ut nihil præclari de ipsis sperari debeat: rogare duces magnopere, ut acceleret, quo ipsius aduentu, hostis, qui nunc confertim uno in loco prælietur, ad portarum & turrium defensionem distrahatur: nihil etiam superesse, quo fames tolerari possit amplius. His nuncijs acceptis, Carolus trecentos equites magna celeritate præmittit, qui & confirmarent eos, & cibaria, quæ subito comparari poterant, deferrent. Iam enim per biduum

duum cibo illi carebant, cœlo supra modum difficili & pluuio: quodq; omnium erat molestissimum, ut in urbem inuaderent, nulla spes erat, nisi Carolus hostem ab altera parte distineret. Ex nostris quàmplurimi erant fauci, & inter eos Aurica princeps, qui fortiter pugnauerat, & stationem suam egregie tutatus erat, cum alioqui magna esset nostrorum trepidatio, & circiter duo millia profugissent. Carolus, ad quem ille nuncius sub uesperum allatus est, ubi rebus omnibus prouidit, quid actum esset, tunc demum recitabat regi. Postquam ad suburbium uenimus, è uestigio cataphracti & nobiles complures descendunt ex equis, & sagittarijs sese coniungunt: & capto suburbio, deligunt hospitij idonea loca, propius urbem. In ijs erant præter alios, Rauestenus & Comes Rossius, Conestablii filius. Rex aliquanto longius aberat in uilla quadam benè exædificata, stipatus magno suorum & nostrorum militum numero. Posita est urbs inter ualles, solo admodum fertili, interlabente Mosâ flumine, & tum temporis admodum erat populosâ. Inter nos & primum nostrum agmen, si per urbem iter faceres, non erat magnum interuallum, sed foris, propter ingentem circuitum, intererat iter trium milliarium, impedita uia & fossis, et rupibus, & uarijs anfractibus, locisq; asperis & montuosis. Quoniam diruta erant undiq; mœnia, oppidani facilem habebant eruptionem: propter soli uero du-

N iij ritiem

ritiem & asperitatem, nulla erant muniti fossa. Caroli aduentu ualde fuerunt recreati milites primi agminis, quòd hostis iam cogeretur plures tueri stationes. Ad mediàm noctem oritur tumultus in castris, & undiq; ad arma conclamatur. Statim Carolus accurrit, neq; multò post etiam Rex unà cum Connestablio. Varius erat ibi clamor, & incertus, & pauoris plenus: cœli etiam obscuritas & tempestas metum augebant. In Carolo quidem non poterat ulla desiderari fortitudo uel audacia, sed maior aliquando prouidentia; & sanè in eo temporis uestigio, non præ se ferebat illam animi præsentiam, quam pleriq; cupiebant, eò quod rex coràm adesset. qui in ista trepidatione, cum uideret illum remissius agere, cœpit imperare, & prospicere, ne quid damni acciperetur. & conuersus ad Connestabliũ: Recipias, inquit, te cū tuis cohortibus in eum locum; (& simul indicabat) Nam si uenturi sunt, omnino ea parte erumpent. Sed uanus fuit iste terror, et præter causam excitatus. Postridie rex uenit in suburbium, & diuertit in ædiculam Caroli diuersorio propinquam, unà cum Scotis stipatoribus. Equitatus autem ipsius non procul aberat in quodam uico. Dum hæc geruntur, Carolus in magna erat sollicitudine, & metuebat, ne rex uel ad hostem transiret, uel prius quàm urbs caperetur, profugeret, aut in ea propinquitate contra se moliretur aliquid. In uicino igitur horreo, quod medium erat inter ipsum &

sum & regem, collocat circiter trecentos equites, qui pariete effracto, ut minori periculo, cum opus esset, erumperent, diligenter obseruabant, quid circa regem ageretur, idque per dies octo, quo toto tempore sub armis quiescebant omnes. Pridie quam urbs caperetur, sub noctem decreta fuit oppugnationis in posterum diem, ideoque ijs, qui erant in primo agmine, ad alteram urbis partem, nunciatum fuit, ut simul atque tormentum unum & alterum audirent emitti, eo signo dato, statim ad oppugnationem accurrerent: Carolum in sua statione idem esse factum ad octauam horam. His rebus procuratis, arma Carolus deponit, quod ante id tempus non fecerat, militibus etiam, praesertim illis, quos ad horreum disposuit, ut idem facerent, mandat, quod se non nihil ex labore & uigilia reficerent. Quare intellecta, oppidani constituunt ea quoque parte, sicut antea fecerant aliunde, eruptionem facere. Atque hic uidere licet, quam subito Princeps aliquis in maximam calamitatem incidere possit, etiamsi modica sit hostium manus. Diligenter igitur omnia prius, quam ad actionem ueniat, deliberanda sunt. Carebant hostes omni externo praesidio, & quos habuerant uiros fortes, ij uel occisi erant, uel uulneribus confecti: portis etiam & castellis & muro & fossa & tormentis erant prorsus denudati. Ex uicinis solum regione, uocant Francemontium, collegerant circiter octingentos pedites. Cum igitur res ipsorum

ipsorum esset ad extremum perducta casum, & regem haberent aduersarium, desperata salute, statuerunt ingenti eruptione facta, extremum auxilium experiri, ideoq; decretum fuit, ut, qua parte deiectus & prostratus erat murus, post domicilium Caroli, fortissimi quiq; prosilirent, circiter sexcenti pedes Francemontani, & in Carolum ex improviso impetum facerent. Erat inter rupes uia multum sinuosa & concaua. Per eam, indicio hospitis Caroli, poterant ad ipsum & ad regem peruenire, priusquam sentirentur, modò tacite irent, nullo excitato strepitu, & ut aliqui per uiam excubitores laterent, putabant tamen se uel opprimere illos, uel etiam præuenire posse, certissima spe concepta, uel interficiendi utrumq; Principem, uel antequam subueniri eis posset, capiendi: quòd etiamsi interficerentur, tamen nec ingloriam esse ducebant mortem, nec iniucundam, re tam insigni & memorabili perfecta, præsertim, cum in una uirtute omnis spes salutis consisteret. Atq; ut foelicius omnia cederent, et maiorem nobis trepidationem inferrent, constitutum etiam fuit, ut eo ipso tempore, reliqua multitudo prorumperet in suburbium, & nos magno clamore adorirètur. Erat profecto in primis arduum, quod moliebantur, & factu difficillimum, etiam multò maiori hominum multitudinì, ueruntamen minimum aberat, quin quod cupiebant, perficerent. Nam, ita ut conuenerat, sub decimam horam noctis

noctis egressi, circiter sexcenti, nostros excubitores huc illuc dispositos, trucidant, & si rectâ contendissent ad designatum locum, absq; tumultu, dubio procul interemissent ambos principes cubantes in lectulis, iuxta Carolum erat in tabernaculo quodam dux Alenconius. Hic subsistunt, & hastis perforato loco, ex famulis quendam occidunt. Hinc excitatus clamor, in causa fuit, ut aliqui expergefasci, arma caperent. Illinc digressi, regem & Carolum petunt, & ad horreum illud, de quo diximus, morantur, & hastis rem gerunt per ea foramina, quæ illi, eruptionis causa fecerant. Qui erant in eo cataphracti nobiles, ante duas modo horas, mandato Caroli, deposuerant arma, ut se nonnihil reficerent, & instaurarent ad oppugnationem insequentis diei: sed tamen ex ipsis aliqui, audito ad Alenconij ducis tabernaculum tumultu, & subita fortuna permoti, arma, quæ possunt, arripiunt, cumq; nauiter se defenderet, spacium dabant alijs armandi sese & colligendi. Ea pugna magnum attulit nostris ad salutem momētum, ipsosq; seruauit Principes. Eram ea nocte cum duobus alijs in cubiculo Caroli: supra nos sagittarij duodeni stipatores excubabant, & depositis armis, ludebant alea: Maiores autem excubix longius aberant à nobis ad portam urbis. Veniunt igitur illi, eo, quod diximus, indicio, oppugnatum nostras ades, & adeo quidem celeriter & ardentem, ut uix spacium nobis esset armandi Principis.

O

cipis.

cipis. Descendimus autem ad inferius tabulatum,
 ut in uiam nos eijceremus. Hic offendimus sagittas
 rios nostros excubitores, pugnantes in hostē, quem
 à foribus & à fenestris uix magno labore & con-
 tentione reijciebant. Ingens erat undiq; & terrificus
 tumultus, dum quisq; suam factionem, ut fieri so-
 let, inclamat. Impediti ea pugna cogebamur ali-
 quando subsistere, atq; interea non constabat nos
 bis quicquam de rege, neq; compertum erat, quas
 rum esset partium: quod ualde moleste nobis acci-
 dit. Tandem eruptione facta, domum egressi cum
 aliquot facibus, conspicamur circum nos undiq;
 pluribus uis pugnari: sed concurrentibus ab omni
 parte militibus nostris, ilico depugnātū fuit. Oms
 nium primus cecidit uix dux & index, de quo dixi-
 mus, pōst etiam alij propē omnes. Ad eundem pla-
 nē modum oppugnaverant quoq; regem, strenuē
 sese defendentibus Scotis, ut qui ab illo non disces-
 derent, & multa conijcerent tela, quibus aliquantū
 plures Burgundiones uulnerabant, quā hostes.
 Oppidani etiam, ita ut constitutum fuerat, porta se-
 se foras uniuersi proripiunt, sed facile fuerunt à nos-
 tris repulsi. Compresso eo tumultu, colloquuntur
 Principes. Erat uidere passim magnam stragem ho-
 minū occisorum, & initio quidem uerebantur Prin-
 cipes, ne maiorem aliquam suorum iacturam fecisse-
 sent, uerum paucis admodum interemptis, multi
 sunt reperti sauci. Quod si rectē fuissent illi secuti
 uix dus

utque duces, ut supra quoque diximus, neque substitissent
in itinere, praesertim ad horreum illud: poterant si-
ne contentione utrumque Principem necare, & mea
quidem sententia, magnam exercitus partem pro-
fligassent. Principes obstupefacti, & summo opere
admirati tantam illorum audaciam, domum reuer-
tuntur. Paulo post coeptum est à nobis deliberari,
quid postridie sit agendum. Rexangebatur admo-
dum in animo, ueritus, quod si Carolus frustra op-
pugnaret urbem, fore, ut ipse praeter ceteris ualde pe-
richitaretur. Carolus autem metuebat, ne si rex disce-
deret, bellum aliquod excitaret. Atque hinc uidereli-
cet, quam sit misera conditio summorum Princi-
pum, & quam inter eos nulla queat esse firma uo-
luntas aut amicitia. Fecerant hi duo pacem ante dis-
ces quindecim, eamque iureiurando fanciuerant, &
tamen ut alter alteri fidem haberet, fieri non potu-
it. Rex ut ab ea sollicitudine se eximeret, horam
unam postquam domum rediit, ex familiaribus
Caroli, qui concilio interfuerant, nonnullos accers-
sit: rogat quid sit decretum. E quibus cum audisset
urbem oppugnandam esse, coepit periculi magni-
tudinem proponere, & rei difficultatem, prudenter
admodum, ita quidem, ut plerique omnes adficeren-
tur, eo quod nemo fere esset, qui non extimesceret
oppugnationem, partim ob multitudinem & nu-
merum hostium, partim propter insignem illam su-
terioris noctis audaciam: ideoque maluissent uel dis-
O si ferre

ferre per dies aliquot, uel cum hoste pacisci. Refe-
runt igitur ad Carolum, quid regi, quid etiam ipsis
uideretur: sed tamen à rege dicebant omnia profi-
cisci: propterea, quòd metuerent, ne, si uiderentur
diuersum sentire ab eo, quod constitutum erat, of-
fenderetur. Ille in peiorem partem interpretatus,
dicebat hoc à rege fieri, quò seruaret hostem, longè
aliud esse rerum statum, denudatum esse hostē mor-
tibus, & si qua fecissent propugnacula: iam illa esse
disiecta tormentis, non se prætermittiturum esse op-
pugnationem: Quòd si rex uellet interea Namur-
cum discedere, non se repugnare, ueruntamen ita,
ne illinc, nisi bello perfectò, digrediat. Ea oratio
nulli magnopere placebat, quòd superioris noctis
eruptione, ualde essent metu occupati omnium
animi. Rex prudenter & amice respondit, non mo-
do non abiturum se aliquò, sed uelle etiam interesse
rebus omnibus. Sane, si subducere se uoluisset, mea
quidē opinione, facillè poterat ea nocte. Nam erant
cum eo centum sagittarij stipatores, & nobiles ali-
quot, & in propinquo trecenti cataphracti, sed ho-
noris & existimationis rationem in primis habebat:
Sub armis igitur quieti sese aliquantulum dabant
omnes, donec illucesceret: nonnulli etiam de sua sa-
lute solliciti, faciebant quod in tam presenti pericu-
lo fieri solet. Posteaquam illuxit, & iam appeteret
hora constituta: Carolus, emissis aliquot tormen-
tis, ita ut decretum erat, signum dabat agmini illi,
quod

quod in diuersa urbis parte longius à nobis aberat. Expediti igitur illi, progrediuntur ad oppugnandum. Fit clangor tubarum, & signa militaria moribus inferuntur. Rex cum suis copijs erat in media uia. Cum ad muros uentum esset: reperimus omnia loca uacua defensoribus, præter unum aut alterum excubitozem. Reliqua omnis multitudo pransum iuerant, & quoniam sacer erat ille dies dominicus, non putauerant futuram oppugnationem. Parum est certe præsidij positum in promiscua multitudine, nisi contineatur aliqua necessitate & imperio, tametsi tempus incidit, cum ipsorum furor & repentinus impetus, ualde est pertimescendus. Erant illi iam pridem exhausti & fessi, partim anterioris noctis eruptione & uigilia: partim superiorum dierum laboribus et ærumnis. Cogebantur enim simul omnes ad defensionem stare, quoniam undique & muro & alijs omnibus præsidijs erant denudati. Primum nostrum agmen ante nos in urbem peruenit, paucis admodum occisis, eò quòd populus trans Mosam profugiens, Arduennam syluam & loca uicina petebat. Qua parte nos eramus, tres modo uiros, & foeminam unam necatos uidi, reliqui omnes aut fugæ se mandabant, aut in templa, & ædificia sese abdebant. Rex, cum uideret nulla parte resisti: placide progreditur. Eramus in uniuersum ad quadraginta hominum millia. Carolus paulò longius in urbem prouectus, conuertit se ad

O iij regem

regem, & cum in curiam eum deduxisset, contendit ad ædem diuo Lamberto sacram, quod est eius urbis amplissimum templum. In illud milites conabantur irrumperè, ut prædam auferrent, & tanta quidem fuit uis illorum, ut etiã præsidio & custodia, quam Carolus ibi collocauerat, cohiberi non possent, quominus in utramq; portam eius templi inuaderent; in eorû tumultu uidi, cum ipse metè suis familiaribus quendam interfecit. Sedata uix tandem turba, qui confugerant eò, capti fuerunt unã cum bonis. Præter hoc templum, reliqua ferè omnia direpta fuerunt, dum simularent milites, inuestigare se hostem profugum & latitantem. Pontifex Romanus deinde sacris interdixit, omnibus, qui, quod è templis abstulissent, nõ redderent. Hoc illius edictum Carolus per suas prouincias omneis iussit esse ratum. Capta urbe atq; direpta, Carolus sub meridiem redit in curiam. Rex iam pransus erat, & magnum lætitię signum præ se ferebat, ualè de prædicata uirtute & fortitudine Caroli, ad quem hæc omnia sciebat deferri. Nec enim aliud spectabat, quàm ut primo quoq; tempore domum rediret. A prandio uenit in colloquutionem cum Carolo, & sicut antea uehementer prædicauerat apud alios absentem: ita quoq; tunc præsentem & coram, non poterat satis magnis laudibus efferre. Sed nunc alio quantulũ digrediar ad oppidanos, ut demonstrẽ, quod in his commentarijs non semel dixi, quàm sit

res

res periculosa, & plena calamitatum, facere aduersum prelium. Fugiebant miseri cū uxoribus & liberis ad Arduennam sylvam. Profugientes, nobilis quidam uir eius regiōis, qui rebus secundis amicus illorū fuerat, oppressit, & ad mortū fortunę se quoque mouit, & ut uictori gratificaretur, datis literis, pleniora etiam atque uberiora ad ipsum nunciabat, eaque ratione fuit ei reconciliatus. Alij fugiebant Maceras, Galliæ oppidum, ad Mosam, in finibus Campaniæ positum. Duces aliquot ipsorum, captiui ad Carolum perducti, supplicio fuerunt adfecti. Ex multitudine nonnulli, & fame & frigore, & longis exhaustis uigilijs moriebantur. Quinto die post captam urbem, rex pereos, quos à se putabat esse non alienos, Carolum de sua profectione sollicitat, sed & ipse collocutus, ait, si præterea sui possit esse usus aliquis, ne labori suo uel periculo parceret, sin minus, ut eius uoluntate sibi discedere liceat, quò in senatu Lutetię cures pactiōes recitari. Sic enim fert Gallię consuetudo: & alioqui non sint ratę futuræ, tametsi regum potestas in ijs rebus omnibus est singularis & eximia. Rogabat etiam, ut per æstatem alicubi in finibus Burgundiæ conuenirent, animi recreandi causa. Ille, tametsi nonnihil submurmurabat: annuit tamen, & uolebat præsentem regem de nouo recitari conditiones, ut si quid in ijs offenderet, id palam contestaretur, & liberum ei faciebat, ut uel ratas haberet illas, uel repudiaret, nonnihil etiam ex

am excusabat, quod ipsum eousq; perduxisset. Deinde, pro nobilibus illis, qui nuper ex Burgundia uenerant, quorum possessiones atq; facultates rex tenebat, intercessit, ut in integrum restituerentur. Rex, licet ægrè ferret hanc intercessionem, assensit: tamen, ea lege, si ipse inuicem restitueret Comitum Niuernensem, & familiam Croiorum. Eius rei iniecta mentiōe, nihil amplius urgebat: Sic enim illos oderat, ut reconciliatōni nullus esset locus. Quantum ad conditiones attinet, rex aiebat, nolle se quicq; mutare, atq; ita discessit, per aliquod uia spacium deductus à Carolo. Cum essent digressuri, perconctatus eum rex, Si frater, ait, qui nunc est apud Britannum, nolit esse contentus illa portione hæreditaria, quam in tui gratiam dedi: quid uis ut faciam? Carolus repente, nihil præmeditatus, quòd si recuset, inquit, fac ut eum quacumq; ratione pacatum reddas: equidem uestro arbitrio totum hoc permitto. Quæ sola uox magnorum deinde motuum causa fuit, ut postea dicemus. Abeuntem, ex nobilitate complures, mandato Caroli, prosequebantur in fines usq; Gallia. Carolus interea Leodiū substitit, qua in urbe nullum genus atrocitatis prætermisum fuit. Crudeliter enim multa gesserant & effrenatè Leodienses in Burgundiones, iam inde ab auo Caroli, ruptis omnibus pactiōibus: & quintus hic erat annus bellī, quod cum eis gerebat. Et quanquam Pontifex Romanus eis interdixerat facris,

cris, propter contumelias Episcopo factas, pergebant tamen in sua insania, cōtemptis omnibus edictis. Post abitionem regis, Carolus constituit proficisci in uicinam regionem Francemontanam, e qua prodierant sexcenti illi pedites, de quorum audacia insigni supra diximus. Verum antequam discederet, captiui, qui occupata urbe, sese passim in ædificijs abdiderant, magno numero in flumen præcipitati, submergebantur, Mandabat etiam, ut urbs exureretur tota. Ei negotio destinati sunt ad quatuor hominum millia, Luxenburgenses omnes, quibus iniunctum fuit, ut à templis incēdium prohiberent, Primum igitur omnium rescinditur insignis pons lapideus, qui Mosam coniungit: & disponuntur milites, qui à Canoniorum ædibus, & ab omnibus templis uim arcerent. Post hæc, Carolus urbe excedit, & uix paululum progressi, conspiciamus ignem multis in locis per urbem, ad orā fluminis. Ac licet eo die conficeremus ad quatuor milliaria, tantus tamen extitit clamor & strepitus, ut nobis planè uideremur esse in propinquo. Tempia propè omnia fuerunt incendijs erepta, & circiter trecentæ domus in usus Ecclesiastici ordinis hominum: quæ deinde causa fuit, ut ex his reliquijs, breuissimo tempore, urbs reædificaretur. Francemontanos bipartitō sumus aggressi, disiectis ipsorum ferrarijs officinis, qua sola ferè ratione uictum sibi parant eius regionis miseri homines, qui cum in syluas profugissent:

P perues

peruestigati à nostris, partim occisi, partim capti fuerunt, & rebus omnibus exuti. Tam grauis autem erat hyems, tantumq; frigus, ut ex nostris uir quidā nobilis, pedem, alius uero digitos manuum amitteret. Vinum sic erat astrictum gelu, in ipsis uasis, ut securi fractum distribueretur militibus, qui ascito aliunde calore, circumferebant illud, donec liquesceret. Commorati ibi per dies octo, cibariorum inopia coacti, discessimus. Carolus per Namurcorum fines in Brabantiam reuersus, honorificentissime fuit exceptus.

PHILIPPI COMINAE I

commentariorum Liber quartus.



Ex à Carolo digressus, rediit in Galliam, & uidebatur nō impatienter illud ferre, quod Peronę et Leodię acciderat. Renouatū est quidem inter eos bellum, uerū interiecto aliquo tēporis interuallo. Et quanq; illa Peronensis custodia conciliauit aliquod odium: nō tamē fuit pręcipua belli causa, & pacis conditiones erant regi nō intolerabiles: Verū Carolus, & impulsus ab alijs, & etiam sua sponte, cogitabat amplificare fines; deinde, subtili quadam ratione iacta fuerunt

runt nouæ simultatis atq; dissidij semina, ut suo loco sum dicturus. Frater regis, ubi de Peronēsi compositione accepit, misso legato, petit in eius ditionis, quam rex dare promiserat, possessionem mitti. Carolus etiam magnopere hortabatur eum, ne aliam prouinciam, præter Campaniam, & huic adiuncta loca, sibi pateretur obtrudi: mentione facta, quam esset eius studiosus, ut qui rationem non ipsius tantum, sed & Britanni, in hac pacificatione habuisset, cum ab eis tamen antea fuisset exclusus atq; desertus. Orat igitur, ut Campaniam postulet sibi tradid, quæ quidem regio sit utriq; peropportuna: Nam si rex aliquid aduersus ipsum aliquando molitur, fore sibi non difficile, opem ei ferre ex uicina Burgundia. Ille uero, tametsi uicesimum ætatis annum excefferat, totus tamen ab alijs pendebat: & comæabant inter principes in hac causa crebri inter nunciij. Rex enim, qui nollet eos pariter sibi finitimos esse, aut ijs locis inueterascere, nihil minus habuit in animo, quam dare Campaniam: sed conabatur ei totis uiribus persuadere, ut ea ditione relicta, susciperet bonam Aquitaniam partem. Ille autem inuitus admodum eo descendit, ueritus, primum, ne Carolum offenderet, deinde, si quidem assentiretur, ne non seruato promisso, delusus à rege, & præstantissimi amici & facultatum iacturam faceret. Cum igitur frustra se rex moliri uideret: Odetum quendam, uirum nobilissimum, & summæ as-

P ij pud

1470.

pud fratrem authoritatis, magnis præmijs & pollicitationibus conducit, ut ad Aquitaniam possessionem illum impellat, quæ Campania longe sit amplior & copiosior; cupere se perpetuam cum ipso colere amicitiam, & fraternam ei benevolentiam præstare: hanc autem rationem sibi uideri optimam, et utriusque commodissimam; non dubium esse, quin, quod polliceatur, exhibeat. Odetus conditionem accipit, & Principi suo, quod rex cupiebat, persuadet, inuitissimo Carolo, ipsiusque legatis, qui tunc, quum istud perficeretur, aderant. Cardinalis autem Baluensis, quod fratrem regis erat literis hortatus, ut pactionem Peronensem urgeret, in carcerem coniectus fuit. Quibus rebus constitutis, regi cupiditas quædam maior incessit ulciscendi, quam sibi putabat à Carolo factam esse iniuriam, atque ut id perficeret, putabat se natum esse tempus idoneum, Initis igitur clandestinis consilijs, hoc agit, ut oppida illa, quæ sunt ad Somiam flumen, excitato motu, & rebellionem facta, militem suum admittant. Principes, illi præsertim, qui non sunt inepti, suis negocijs aliquam semper honesti speciem prætexunt. Atque ut intelligi possit, quàm sint in eiusmodi rebus ingeniosi Galli, recitabo, quicquid in huius causæ tractationem incidit. Nam & redintegratum est inter utrosque bellum, et in eo suscipiendo circumuenti fuerunt ambo. Rex insimulabat Carolum nimiam cupiditatis, quod præterius & æquum uellet proferre

ferre limites, ideoq; totus in hoc erat, ut illa, quæ dis-
ximus, oppida, molirentur res nouas. Ibant ultrò
citroq; nunciij: qui mittebantur à rege, per eas ur-
bes, quas ille sollicitabat, iter faciebant, eaq; tum
occasione mandata secreto perficiebant. Quoniam
belli nulla erat suspitio, facta nuper pace, nullis præ-
sidijs ea loca continebantur. Vt unum & alterum
oppidum rex occuparet, non erat facturum bellum,
sed eò tendebat, ut per omnes Caroli prouincias,
populum ad rebellionem concitaret. Ad eam rem,
non deerant, qui magna pollicebantur, quasi fauo-
re & gratia plurimum in ditione Caroli possent.
Verum, etsi doloris ac offensionis causam aliquam
rex habebat; tamen, si quod postea euenit, præcogi-
tasset: non erat uiolaturus pacem, quam trimestri
post, quàm Lutetiā redijt, diuulgari iussit. Timide
quidem renouauit bellum, sed incitabat eum ultio-
nis amor. Deinde Connestablius, magni uir consilij
& uirtutis, ac familiares aliquot Aquitaniæ Ducis,
bellum, quàm ocium malebāt. Pacis enim tempore
metuit Connestablius, ne, quos habebat à rege pro-
uentus & pensiones, diminuerentur: Ad hæc, pla-
riq; regem eo esse ingenio dicebant, ut si nullas ha-
beret externas occupationes, domi turbas excita-
ret, & quia suis commoditatibus ocium illius puta-
bant esse contrarium, ideo dabant operam modis
omnibus, ut ad arma protruderetur. Et Connesta-
blius quidem, quod possessiones haberet in finis

P iij bus,

bus; promittebat se occupaturum esse facile Sanctoquintinum, neq; sibi deesse rationes, instigandi aduersus Carolum, multas & Brabantiae & Flandriae ciuitates. Aquitanus etiam, qui ei concilio intererat, auxilia promittebat, circiter quingentos cataphractos. Et licet bellum isti suaderent, atq; in Caroli perniciem uiderentur conspirasse: longe tamen alium finem spectabant. Rex, quum uellet uideri, non sine causa bellum suscipere: conuentus egit apud Turones, quod neq; ante id tempus unquam fecerat, nec postea fecit, uerum eos conuocauerat solum, de quorum uoluntate nihil dubitabat. In eo conuentu exponit, quam inique Carolus multa in detrimentum Galliae moliretur. simul nobislem quendam summittit, qui grauer conuestus, iniurias ab illo sibi factas esse complures dicebat: in primis autem, quod fide illi esset obstrictus, & congeretur ei ad quoduis etiam bellum auxilia polliceri. Aderant in eo concilio multarum ciuitatum legati. Communi tandem consensu omnium decernitur, Carolum euocandum esse Lutetiam in senatum, ad certam diem. Sciebat enim Rex, futurum, ut ille ad hunc modum citatus, aut superbe responderet, aut aliquid in contemptum senatus admitteret: quò maiorem se uidebat habiturum esse faciendi belli occasionem. Mittitur ilico nuncius publicus, per quem, Gandau, dum iret ad sacrum, citatur. Præter opinionem hoc ei prorsus accidit, & ubi perdis

per dies aliquot in custodia nuncium detinisset; dimisit. Certior autem factus à nonnullis, quid ageretur; ex promiscua multitudine conscribit militem mercenarium, ut in omneis casus essent expediti: Eorum delectus habebat singulis mensibus. Tandem coepit eum tædere huius impensæ. Itaq; omni se metu liberauit, remissa cura & diligentia, præsertim, cum frequentes acciperet à rege nuncios, & in Hollandiam sese contulit, nullo relicto milite in præsidij, ad finium defensionem: quæ quidem res infortunè ei uertit, ut postea dicemus. Dum esset apud Hollandos; Borbonius ei nunciat, fore, ut breui non in Picardia tantum, sed & in Burgundia ei bellum inferatur: quosdam è suis communicasse consilia, suamq; operam regi esse pollicitos. Eo nuncio ualde fuit commotus. Nec enim militem habebat ullum, & quas nuper conduxit copias, eas dimiserat. Traiecto igitur mari, Hesdinum uenit, quod est apud Atrebates oppidum. Hic demum aliqua suspitione collecta de rebus, quæ secretò gerebantur, lentè nihilominus & remissius agebat, quòd rumori & auditionibus illis fidem nō haberet. Cumq; duos ciues Ambianos, de quibus nō bonā habebat opinionem, accersiuisset, audita illorum purgatione, satisfactionem accepit. Verum in hoc tempore quidam eius familiares, ipso deserto, transierunt ad regem, quò magis metuere coepit, ne aliq; hoc exemplum imitarentur. Itaq; suos in armis esse iubet.

Sed &

Sed & hyems suberat, & ab Hollandis iam primum redierat: quæ causa fuit, ut pauci admodum expe-
direntur. Postq̃ illi, de quibus diximus, ad regem se cõtulissent; Connestablius Sanctoquinum ingressus, oppidanos fide & iureiurando regi deuincit. Tunc primum Carolus periculum suum agnouit. Nam & imparatus erat, & tribunos, militumq̃ præfectos emiserat, ut copias contraherent; uerum tamen cum illis ipsis, quas habebat, cohortibus, Dorlanum proficiscitur, comitatus circiter quingentis equis, ut Ambianos uacillantes contineret. Ibi per sex dies substitit. Exercitus regis, qui erat in propinquo, certa die propius urbem accessit, sed quod è ciuibus nonnulli rebus Caroli fauebant, non fuit intromissus. Et si Carolus maiorem habuisset manum, seruasset urbem. Cum autem propter paucitatem suorum non auderet progredi: qui contrarias partes in oppido sequebantur, eo metu depressi, regium militem admittunt. Idem cogitabant Abbeuillani perficere, sed Cordæus maturè ingressus, anteuertit. Carolus de capto Ambiano certior factus: quia Dorlanum ab eo quinq̃ tantum milliaribus abest, celeriter illinc digressus, Atrebatum proficiscitur, ualde sollicitus, ne plures à se deficerent, præsertim, cum se uideret undiq̃ septum esse propinquis & amicis Connestablij: Sed & domesticorum ille, quem dixi, transitus ad regem, agebat ei metum & suspicionem: cogeatur tamen interea

interea is, quem conscribi iusserat, exercitus. Rex, qui crederet se iam peruenisse quò uoluit, nitebatur totus Connestablij & aliorum pollicitationibus; & nisi ea spes ipsum excitasset, non erat eousq; progressus. Iam uero, quamobrem, Connestablius, & Aquitanix Dux, & eius familiares tantopere cuperent bellum antea sedatum renouari, dicendum est. Vnam & alteram causam paulò supra recitauì, sed hæ non erant præcipuæ. Aquitanus in matrimonium habere cupiebat Caroli filiam unicam; & ipse quidem Carolus aliquando interpellatus, nò admodum repugnabat, sed ut prorsus assentiretur, impelli non potuit, & consimili spe multos alios alebat. Ambiano & Sanctoquintino in Regis potestatem adductis: Aquitanus ad Carolum, qui apud Atrebatès exercitum instruebat, literas mittit breues admodum, in hæc uerba. Da solum operam, ut ditioris tuę populum habeas non alienum abs te, quantum ad reliqua pertinet, ne sis sollicitus, nec enim amici tibi deerunt. Carolus, qui initio rebus ualde metuerat, misso legato, Connestablium orat, ne bellum nimis infestè gerat, quod sibi nihil opinanti, neq; præmonefacto sit illatum. Eo nuncio multum exhilaratus ille, quòd se rede gisse Carolum putabat eò loci quo cupiebat, respòdit, uersari ipsum haud dubie in maximo discrimine, & unam modo rem huic difficultati subsidio esse posse, nempe, si filiam Aquitano dederit uxorem; Ita futurum, ut præter

Q

genum,

generum, alij etiam Principes auxilia subministrēt: se quoq; Sanctoquintinum esse redditurum, & paratum arma sumere pro ipso. Quod nisi matrimonium hoc interueniat, non esse integrum sibi, quicquam tentare, propter eximiam regis potentiam, qui & exercitum expeditum, & per Flandriam multos habeat à se non alienos. In eam sententiam plurima nunciabat plena terroris. Imprudenter sanè faciunt, qui suos Principes in metu continere uolunt, nec ullum, cui ea res bene cesserit, noui. Spectare hoc licet in Connestablio: Nam tametsi ad regem se contulerat: ipsius tamen facultates omnes ac liberi erant in potestate Caroli. Constituerat ambos tenere dubios inter spem & metum, sed eius audaciæ tandem pœnas dedit. Cum enim nemo sit omnium, qui non cupiat se in libertatem asserere: qui non male uelit ijs, à quibus aliqua seruitute uel metu coerceretur: hæc sanè libertatis cupiditas, & seruitutis odium, maxime uigent in Principibus. Carolus igitur acceptis Connestablij mandatis, quoniam intelligebat eum huius belli facem accendisse, magnū aduersus eum concepit odium, in primis autem id eo, quòd ille quibusdam terriculamentis cogitaret sibi nuptias extorquere. Et quia coactas iam copias habebat: nihil erat magnopere sollicitus. Ex ijs, quæ de Aquitano primum ac de Connestablio deinde diximus, facile est uidere, de composito rem inter ipsos actam fuisse. Nam eodem ferè tempore,
Britannus

Britannus etiā multa in eandem sententiam, & ferē terribiliora nunciabat: nec id modo, uerum etiam ē suis proceribus cuidam potestatem fecit, ut cum centum cataphractis Britannis regi militaret. Quæ omnia eò recitauī, ut demonstrē, primum, eo cōsilio bellum hoc susceptum fuisse, ut Carolus ad nuptias cogeretur: deinde, regem à suis ludificatum fuisse, quando iniecta spe rebellionis per ditionem Caroli, ad bellum fuit impulsus. Ficta enim erant propē omnia, & temere excogitata, tametsi Connestablius, odio Caroli, quem à se grauiter offensum & exacerbatū esse nouerat, fidelem & egregiam operam in eo bello regi præstabat. Sed et Aquitanus acriter bellum gerebat, ideoq; res Caroli malo erāt loco. Quòd si uoluisset initio sponderē nuptias: qui nunc ipsum oppugnabant, conuersis armis, conati fuissent totis uiribus potētiam regis infirmare. Sed qualiacunq; tandem sint hominum consilia, Deus pro suo arbitratu solus omnia moderatur. Acciderunt hæc omnia, breui temporis interuallo. Nam capto Ambiano, quindecim pōst diebus, Carolus cum exercitu prope Atrebatum cōsedit. Nec enim retrocesserat longius. Inde rectā contendit Piccenium. In uia sit obuius ei tabellarius quidam Britanni, cum eiusmodi mandatis. Regem inter alia multa nunciāsse Britanno, se per ditiones Caroli, multos habere amicos, in primis autem Antuerpiæ & Bruxellæ & Brugis, & constituisse ipsum

Q ij circum

circumuallare, quocunq; tandem loco deprehendat. Hæc ille Carolo significabat, in gratiam, ut opinor Aquitani, quò magis eum ad nuptias instigaret. Verum Carolus in sinistram partem interpretatus omnia, statim, non interiecta mora, respondit, Britanno sic esse persuasum à suis aduersarijs & maleuolis, eo consilio, ut perterrefactus hac ratione, si ibi non ferat opem, quod alioqui facere debeat, pro communi fœdere & societate inter ipsos: Gandauum, & eas, de quibus dixisset urbes, multò esse maiores, quàm ut circumsideri possint, & firmiores, quàm ut breuem & facilem habituræ sint oppugnationem; domum reuersus diceret Britanno, se constituisse transire Somiam flumen, & prælio decertare cum rege, ubicunq; tandem eius rei potestas futura sit; orare se Britannum, ut se contra regem adiuuet, eamq; fidem & amorem sibi uicissim præstet, quam ipse in Peronensi pacificatione illi præstiterit. Postero die uenit Piccenium, quod est ad Somiam oppidum, natura munitum, atq; ibi cogitabat ponte coniungere flumen; sed erant forte in oppido circiter quingenti sagittarij, & pauci quidam nobiles. Ii cum uiderent transeuntem illum, eruptione facta, tam longe sunt progressi, ut terga dare cogerentur, plurisq; desideratis, ante quàm receptum haberent ad suos. Capto deinde suburbio, & tormentis aliquot admotis, tametsi ea parte, propter interiectum flumen, capi non poterat oppidum.

oppidum: sagittarij tamen metu perculsi, cum uiderent pontem effici, & ueriti, ne ab altera parte obsiderentur, in fugā conuersi, discedunt ē statione, relicto oppido. Castellum uero, cum per unum & alterum diem sustinuisset impetum hostilem, deditio nem fecit. Ea re perfecta, licet non admodum magni esset momenti, factus est animosior Carolus, ac motis inde castris, prope Ambianos consedit, affirms, hærere se ijs locis, & expectare, an prælio rex concertare uellet. Tandem ita propē ad urbem accessit, ut tormentis etiam, modo uellet, oppugnare posset, atq; ita per mensem unum & dimidiatum ibi restitit. Erant in oppido pro rege, mille quadringenti cataphracti, & quatuor sagittariorum millia, quibus omnibus & Connestablius & Amirallius, & procures alij multi præerant. Rex interea cogebat exercitum apud Bellouacos, & erant cum eo frater Aquitanus, & Nicolaus Calabriae Dux, natu maior filius Ioannis Calabriae & Lotharingiae ducis, hæres unicus familiae, & domus Andegauensis: Qui erant Ambiani in præsidio, constituerant eruptionem facere in Carolum: si modo rex eū, quem habebat in Bellouacis exercitum, auxilio mitteret. Rex autem certior factus, prohibuit, ne quid tentarent. Tamen si enim hæc eruptio uidebatur posse non incommode fieri: tamen ipsis, qui erumperent, erat fortasse periculosa futura. Duabus enim portis erant erupturi, quarum altera non procul distabat à

Q iij nobis

nobis, ideoq; si reiecti fuissent, quoniā pedites erant omnes; & se & urbē in discrimen adduxissent. Dum hæc geruntur, Carolus per adolescentem quendam, Simonem Quintiū, dat literas perbreues ad regem: queritur ualde sibi dolere, quod instigatus à nonnullis, bellum sibi intulisset, quod sua quidem sententiā, facturus non fuerit, si modo recte fuisset de rebus omnibus edoctus. Alter Regis exercitus in Burgundia foeliciter rem gerebat, plariscq; omnibus, qui resisterant, profligatis, & captis aliquot castellis. Ea re cōmotus fuit nonnihil Carolus, uerum tamen longe diuersum rumorē in castris edidit. Ac ceptis literis rex, ualde fuit exhilaratus, iamq; tædebat eum morē & longioris bellī. Posteaq; ad eas res spōdit, potestatem suis fecit, qui erant Ambiani, ut de inducijs cum illo agerent: quæ primum quidem pactæ fuerunt in dies aliquot, postea uerò in annū, nisi fallor. Grauius istud tulit Cōnestablius, qui, tametsi aliter nonnulli sentirent, infestissimus erat Carolo, & post aliquot inter ipsos commutata uerba, graue conceperant odium, alter in alterum. Interea tamen per internuncios aliquam præbebant amicitiae speciem. Connestablius quidem, quod opinio nem amicitiae cum Carolo, sibi uidebat utilem esse ad retinendam auctoritatem: Carolus autem, ut odij dissimulatione, Sanctoquininum aliquando recuperaret. Quoties enim aliquid incidit, ut res gemueretur Connestablius: promittebat Carolus ei

lo eius oppidi restitutionem, nec id modo, uerum etiam iubebat aliquando propius eum accedere cum copijs, intromittēdispe magna iniecta. Cuncq; Carolus fidem eius & promissa non semel secutus, id tentaret; ille mutata sententia, diuersum renuntiabat. Nam quia summam obtinebat auctoritatem, & amplissimas habebat à rege pensiones annuas; cogitabat eos per hæc dissidia continere in perpetuo metu. sed consilium ipsius erat periculi plenum, ob uirtutem & potentiam & industriam illorum. Pactis inducijs, & dimisso exercitu, rex in Turones proficiscitur. Et is quidem fuit aliquandiu rerum status. Carolus ad suos reuersus, conuentus agit, in ijsq; demonstrat, quanto suo factum sit detrimento; quòd in promptu non habeat, & in omnem euentum expeditas copias: Quòd si quingentos tantum habuisset cataphractus, ad tuitionem finium, non fuisse regem denuo facturum bellum: & nisi provideat, imminere sibi suisq; prouincijs multò maiora incommoda. Quamobrem hortatur & instat, ut stipendia conferant, quibus alat octingentos cataphractus. Populus, & si grauātē id faceret, assenserunt tandem id temporis, eiq; centum & uiginti aureorum millia dependebant, in eaq; collatione non fuit comprehensa Burgundia. Sanè, non absq; causa, difficulter et inuitus eò descendit populus. Mouebat eos exemplum Galliae, quæ perpetuum alit equitatum. Sic enim sunt Principes, ut paulatim

latim crescat in ipsis ambitio & cupiditas: & quod maioribus nituntur præsidij; eò facilius captant sit multatum & dissensionum occasiones cum vicinis. Hæc, de qua diximus, contributa pecuniæ summa, creuit deinde ad quingenta millia, creuit etiam numerus equitum, non absq; magno populi dispendio. Verum quidem est, equestres illas copias, bonam operam posse nauare, quando reguntur prudentis alicuius Principis autoritate: sed si Princeps aut imperitior sit & ignauus, aut liberos relinquat paruulos: magis fere nocent, quam prosunt prouincijs, quarum defensionis sunt destinatae. Ausgescebat in dies magis atq; magis odium inter regem & Carolum. Aquitanus etiam domum reuersus, per legatos frequenter Carolum de nuptijs sollicitabat, & alebatur bona quadam spe, sicut alij multi. Sed arbitror, Carolum non fuisse daturum ulli suam filiam, ac seruaturū potius, ut affinitatis iniecta spe, multorum amicitiam sibi conciliaret. Moliebatur enim res ingentes, ac tales omnino, quibus perficiendis humana uita nō sufficiat. Vix enim dimidia pars Europæ, mentem illius potuisset explere. Animo quidem erat inuictus, & ad omnia subeunda paratus, & ea corporis firmitate, ut quemuis laborem sustineret: deinde ijs facultatibus & potentia, ut præ ceteris aliquid magni posset: uerum nec ingenij uim satis magnam, necq; malitiæ satis habebat ad perficiendas res tam arduas. Nam
eum,

eum, qui late dominari uelît, oportet excellēti quodam & singulari præditum esse ingenio: idq; totum penderet à beneficio Dei. Quæ in rege erant uirtutes, atq; etiam in Carolo, simul temperatæ: potuissent perfectum Principis exemplar repræsentare, sed ingenio certe rex multum illi præstabat, idq; rerum exitus tandem docuit. Quoniam ad hunc locum peruentum est: præterire non possum, quin de rebus Anglicis aliquid adferam. Suprà diximus, Carolum, ut firmiori præsidio se muniret aduersus regem, & quosuis alios: uxorem duxisse Eduardi Angliæ regis sororem. Erat tum in Angliâ Comes Beruicensis, longè potētissimus inter alios proceres. Is paulò antè quàm Carolus Ambianum uenisset cū exercitu, cœpit dissidere ab Eduardo: ad eamq; dissensionem nonnihil contulerat Carolus, primum: quòd indigne ferret, tantam esse Comit̃is illius auctoritatem in Angliâ: deinde, quod non ignoraret, eum esse studiosum Ludouici regis. Verum ea tunc fuit Comit̃is per Angliam potentia, ut multis Angliæ proceribus trucidatis, Eduardum in suam potestatem redigeret, ac ueluti captiuum aliquamdiu seruaret: liberaliter quidem & honestè, sed tamen ademptis ab eo familiaribus. Carolus igitur, cui hæc omnia uehementer displicerent: initis clandestinis consilijs, cogitabat Eduardum eripere, cūq; ipso in colloctionem uenire. Tandem eo deducta res fuit, ut elapsus ille, contractis modicis copijs,

R Beruici

uici Comit̃s cohortes profligaret : sed oppressus tandem ui maiori, cum duabus nauibus, & circiter octingentis militibus profugit, pecuniā, & rebus omnibus necessarijs destitutus. Miserum sanē spectaculum, uidere tam potentem Principem, possessionibus exutum, fuga sibi salutē petere, & tam indigna pati à suis beneficiarijs : Vixerat per annos duodecim in summis delicijs & altissima quiete, planē securus, & hoc solum spectans, ut quā suauissime in rebus omnibus haberet. Fugiens, cursum tenebat in Hollandiā, & tametsi confectarentur eum hostes, tamen, quoniam maiori intervallo præcedebat, elapsus, in oram Frisiæ peruenit, ad oppidū Alcmariā, quod ad Hollandiā pertinet. Eo in loco tum erat illius regionis præfectus, uir honestus, qui liberaliter ipsum excepit, & datis uestibus, nō ipsi modo, sed & eius comitatui, ad Hagam, Hollandiæ uicū perduxit, re omni statim ad Carolū perscripta, qui eo nuncio ualde fuit commotus. Intermis̃s aliquot diebus, uenit ad Carolū Eduardus, apud Atrebatē, eumq̃ pro auxilijs uehementer sollicitabat, uti primo quoq̃ tempore domū redire posset, affirmans, esse complures in Angliā, qui suis rebus faueant, ideoq̃ orabat, ne ab ipso, qui & socius esset, & confœderatus, & sororius, destitueretur. Carolus autem, ne multorū odiā uno & eodem tempore in se concitaret : palā quidem simulabat, se nullam ipsi opem ferre, idē publico

publico edicto cauit, clanculum autem, interpositis alijs, iuuit eum quinquaginta millibus aureorum, & classe quatuordecim nauium. Ad hunc modum instructus ille, quo tempore Carolus prope Ambianos cum exercitu substitit aduersus regem, in Angliam decurrit: quò simulatq; uenit, auxilia reperit, ad duo hominum millia, & in ijs circiter quadringentos nobiles. Quare cognita, Beruicensis, magna celeritate cum exercitu progreditur, ut Londinum prior occuparet, sed prauertit Eduardus, & cum ingenti ciuium applausu perbenigne fuit exceptus, contra plurimorum opinionem, eò, quod profligatus esse crederetur. Quòd si fuisset ab ea urbe interclusus, actum erat, praesertim, cum hostis in propinquo magnum haberet exercitum. Tres autem fuerunt omnino causae, cur facilem haberet ad Londinenses aditum. Primum, recens natus ei filius, deinde, aë conflatum: Creditores enim & reditum ipsius in primis desiderabant, & facultates cupiebant esse quam maximas. Postremo, consuetudo illa & notitia, quam habuit, rebus florentibus, cum eius urbis foeminis, quae maritos ad commiserationem & lenitatem facile impellebant. Londini biduo commoratus, & cum exercitu profectus in hostem, postridie illi occurrit, die Paschae. Instructis utrinque copijs ad praelium, Clarentiae Dux, deserto Comite, cum duodecim millibus hominum transit ad fratrem Eduardum, quae quidem res & Beruic

R ij cum

1471.

cum uehementer conturbauit, & Eduardum, qui exiguas alioqui copias habebat, multum erexit. Fuit pugna longe acerrima, & pedites erant oēs utrinque. Primum Eduardi agmen non mediocrem cladem accepit. Beruicus, cum ea parte copiarum, quas ipse ducebat, Eduardum petit, qui non imperatoris tantum, sed strenui quoque militis officio fungebatur. Habebat hunc morem Beruicus, ut pedes non pugnaret, sed distributo exercitu, & rebus omnibus instructis, consueuit in equum ascendere, et si foeliciter a suis rem geri conspiceret, ingerebat se medium, sin minus, fugæ sese mandabat. In hoc autem prælio compulsus à fratre, pedes dimicabat, & adeo fuit acris pugna, ut una cum fratre, & maxima nobilissimum turba caderet. Angliæ consuetudo fert, ut in præliis, belli duces atque nobiles interficiantur, seruata multitudine: sed Eduardus, cum à Carolo discederet, adiutus rebus necessarijs, constituit non uelle, ne multitudinē quidem parcere, eò quod contra se arma sumpsissent. Fuit igitur edita maxima caedes. Ipse tantum mille & quingentos è suis desiderauit. Quo die prælium istud factum fuit: Carolus erat prope Ambianum, ibi per literas certior fit ab uxore, Eduardum esse in ipsum animo minus beneuolo, quod auxilia sibi malignius præbita, & parum abfuisse diceret, quin omnino fuisset ab ipso desertus. Vtuncque sit, indubitatum illud est, ab eo colloquio, quod apud Atrebatē habuerunt, extinctam

etiam fuisse prope omnem, quæ prius fuit inter ipsos, beneuolentiam. Veruntamen Carolus, quod existimabat hanc illius uictoriam ad suas quoque commoditates pertinere: passim diuulgauit eam, dimissis huc illuc nuncijs. Princeps Vuallia, qui secundum regem, primas in Anglia tenet: adiutus à suis confœderatis, exercitum habebat ad quadraginta millia. Quod si Beruicensis paululum modo differre potuisset, coniunctus cum ijs copijs: foeliciter, ut est credibile, pugnasset. Sed quoniam erat in eo exercitu Dux Sombressius, cuius patrem & fratrem ille necauerat; idcirco potissimum solus pugnare uoluit, non expectatis auxilijs. Interfecto Beruicensi, & cæso illius exercitu, Eduardus in Vualensensem rectâ contendit, qui licet multitudine superaret: aduersum tamen prælium fecit, interemptus ipse cum multis proceribus. Sombressius è pugna superstes, & captus, postridie fuit interfectus. Beruicensis intra dies undecim occupauerat omnem Angliam: Eduardus autem intra dies uiginti totam recuperauit, & parta uictoria, supplicio multos diuersis locis affecit, præsertim coniurationis Principes. Ab eo tempore pacatè quidem uixit, & sine contentione fruebatur imperio: sed non caruit tamen magnis animi molestijs. Quod reliquum est de rebus Angliæ, suo loco sum dicturus: nunc ad institutum reuertar. Aquitanus continenter urgebat nuptias, propterea, quod cur incepto desisteret,

R iiij aut

aut desperaret: causam nullam Carolus præbebat, qui tamen nihil minus constituerat, quàm illi in eo gratificari, imò indigne ferebat, esse aliquos, qui putarēt, se posse cogi: Cōnestablius ultrò se ingerebat, & uoluit omnem huius rei, si perficeretur, laudem & gratiā ad se redire: Idem etiam affectabat Britannus. Rex uero totis uiribus conabatur, tametsi nihil opus erat, impedire matrimonium, duabus de causis, ut aliquando diximus. Sed & Carolus non cupiebat habere tam potentem generum, & hoc solum agebat, ut spe matrimonij complures sibi deuinciret. Neq; uero mirum uideri debet, regem se totum opposuisse. Nam eo confecto negotio, ualde fuisset fratris aucta potentia, qui Britanno deinde coniunctus: in maximas difficultates regem ac ipsius liberos adducturus erat. Commeabant ergo super ea re plurimi inter ipsos nunciij, priuatimalij & secreto, alij uero palam. Quæ quidem res non caret suis incommodis & periculo. Sub legationum enim specie multa sepe perniciose tractantur. Quamquam sanè fieri non potest, quin & multos subinde mittant Principes, & uicissim accipiant, sed prudentia singulari & dexteritate quadam opus est in tractandis exterorum legatis. Et principio, meo quidem iudicio, amicorum legati, de quibus nullam habemus malè suspicandi causam, liberaliter sunt & honestè tractandi, facta subinde illis potestate conueniendi Principis, ad quem missi sunt, modo sit prus

fit prudens & honesta specie. Nam alioqui præstat, cum uel rarius conspici, uel non diu insistere collo- cutioni. Ad quam cum descendit, prouideri debet, ut sit eleganter uestitus, & de ijs, quæ pronounciari & responderi oportet, edoctus, & mox reuocetur à congressu. Nec enim diuturna est Principum be- neuolentia. Cum autem uel publici uel priuati ue- niunt ab aliquo Principe parum amico, tametsi pe- riculum est in ea re non leue: excipiendi tamen sunt non incommode, & destinandi aliquot idonei ho- mines, à quibus tractentur. Hoc enim ad honesta- tem pertinet, ac simul eò confert, ut quid agant, & quibuscum loquantur, & quos habeant sibi fami- liares, cognoscatur, nec id modò, uerum etiam, ut homines leues atq; seditiosi non habeant ad ipsos aditum. In omnibus enim Principum familijs sem- per aliqui existunt, qui mutationem aliquam, & res nouas cupiunt. Et quoniam periculi plenum est, ha- bere domi suæ hostem: sua serim, primo quoq; tem- pore eiusmodi legatos dimitti, uerum ita tamen, ne quam habeant occasionem de inhospitalitate con- querendi. Sed ne bello quidem exorto, sunt inter- mittendæ pacis rationes, aut repudiandi legati, ue- rum audiendi sunt omnes, ac inuicem ad hostem mittendi, ijsq; mandandum, ut diligentissime ob- seruent, quid quoq; tempore geratur, qui cum qui- bus colloquantur. Crebro enim mittendum est, eti- am si hostis iubeat abstineri deinceps, & comiteatu
prohis

prohibeat. Nec enim ullus, quantumvis prouidus & fidus explorator, facultatem habere potest, tam multa cognoscendi, quàm eiusmodi legati, qui cum sunt unus & alter, aut etiam plures: fieri non potest, quin aliquid odorentur. Nam, qui sunt prudentiores Principes, id operam dant, ut etiam apud aduersarios habeant quosdam à se non alienos. Verum, si quis tam frequentes mittat internuncios, futurum est, dicat aliquis, ut hostis fiat insolentior. Atqui in eo sane nihil est mali, & interea de ipsius rationibus, ac consilijs cognoscetur semper aliquid. Et licet eandem rationem hostis instituat, ut modo dixi, & suos inuicem mittat: non tamen idcirco desistendum est, & uel ob hanc solam causam immorandum est legationibus, ut uaria multaq; cognoscantur. Huc etiam accedit, quod non omnes æque sunt ingeniosi: neq; parem semper habent rerum usum, & quò quisq; prudentior est in eiusmodi tractationibus: eò maiori cum fructu & honore in ijs uersatur. Quod ut clarius intelligi possit: exēpli causa quidam sum dicturus. Pactio nulla facta fuit unquam inter Gallos & Anglos, in qua nō ingenij ui & acrimonia Galli præstiterint: adeoq; prouerbio dictur apud Anglos (quod ipsi aliquando mihi in rerum tractatione recitarunt) Quoties cum Gallis prælio concertarint, uictores se plerumq; fuisse, quoties uero cum illis pacti sint: detrimentum semper aliquod accepisse. Et recte quidem ita iudicant:

Habet

Habet enim Gallia præstantissimos uiros, ex ijsq̃
nouï non paucos, quibus rectissime committi possit
maximarum rerum gubernatio: quorum ex numero
sunt illi ferè, qui diu multumq̃ & familiariter
cum Ludouico rege uixerunt. Fui aliquanto prolixior
in hoc argumento, ut ostēderem, quemadmodum
obseruari debeant externorum Principum lægati:
sed non temere sum immoratus. Multa enim
sub eo prætextu, & ab alijs uidi fieri, & feci ipse alio
quando callidè, & insidiosè, quam obrem silētio hæc
præterire nō potui. Aquitanus adeò diligenter agebat
suum negocium apud Carolū: ut & uerbo & literis
aliqua interueniret pollicitatio. Sed uidi, quando
& Nicolaum Calabriæ Ducem, & Philibertum
Sabaudia, & Maximilianum Friderici Cæsaris
filium, Romanorum regem, consimili quoq̃ spe
ille foueret: idq̃ intra treis annos omnino.
Quod si uiuisset diutius: nullum erat sibi delectus
rus generum, sed Maximiliano ualde profuit ea,
quam filia, ipsius mandato fecerat, sponsio, ut suo
loco postea sum dicturus. Et hæc quidem omnia re
cito, non ullius lædendī causa, uerum quod & ipse
ea uiderim, & habeā comperta, & ad formandū iur
diciū in rebus ciuilibus pertinere mihi uideantur:
Sic enim statuo, homines inertes & stupidos &
plebeios, non esse daturus ullum tempus his com
mentarijs, uerum Principes non ignaui, & homi
nes iudicio præditi, non absq̃ fructu, meo quidem,

S iudicio,

iudicio, in eorum lectione uersabuntur. Interea dñs
de nuptijs agitur: ineuntur noua consilia contra re-
gem. Habebant Aquitanus & Britannus apud Car-
olum legatos: & qui à Britanno erant missi, dice-
bant regem sollicitare quacunq; ratione familiares
Aquitanie Ducis, & iam demolitum esse castellum
quoddam eius regionis: ex quo facile sit intellige-
re, quid moliaur, hoc scilicet, ut sicut antea Nor-
manniam ex pacto traditam, recepisset, ita quoq;
nunc Aquitaniam recuperet. Missis igitur à Carolo
super ea re literis & nuncijs, rex ita respondit: Fra-
trem suum Aquitanie Ducem, proferre nimium fis-
nes, & excedere limites: eorum, quæ iam ei dedis-
set: nihil se quicquam adempturum illi. Atq; hic
spectare licet, quàm sint confusa et perturbata Gal-
liæ negocia, simul atq; dissensio aliqua nata est, &
quàm sit arduum, ea pacificare. Tamen si enim prin-
cipio unus & alter solum dissideant: tamen breui
post tempore, multi alijs, studio alterius partis, im-
miscentur. Sed ferè fit, ut excitata primum offensio-
ne, quisq; putet se iam finem & exitum illius pro-
spicere. Inter alia, Britannus & Aquitanus orabant
Carolum per legatos, ne Anglorum uteretur auxi-
lijs, quòd essent perpetui hostes Gallie, cuius incol-
umitatem atq; salutem ipsi modis omnibus cupe-
rent: satis magnas ipsorum esse uires atq; potentis-
am, ut bellum uel inferant regi, uel illatum defen-
dant: & quod præcipuum sit, esse per Galliam non
paucos,

paucoꝝ, neqꝫ uulgares homineꝝ, qui rebus ipſorum faueant, et à rege animum auerterint. Aderam, cum Aquitani legatuꝝ in eam ſententiam ad Caroluꝝ locutuꝝ, ut copias cogeret, hortaretur. Ibi tum Caroluꝝ, ad me conuerſuꝝ, & paululuꝝ ſecedens: uiſdes, inquit, ſollicitatẽ illum, ut belluꝝ moueam, quod ex uſu Galliaꝝ futuruꝝ eſſe dicit: An idẽ quoqꝫ tibi uidetur? Hic ego ſubridens, dicebam, mihi uideri, non futuruꝝ utile. Tum ille: Sum, inquit, ſtudioſior Gallie, quã orator iſte putet. Cum enim unuꝝ modo ſit in Gallia rex, ego ſane cupereꝝ a ſenibꝝ regibꝝ eam gubernari. In hoc ipſo tempore, Eduarduꝝ Angliaꝝ rex, qui putabat conſectas iri nuptiaꝝ cum Aquitano: totis uiribꝝ conabatur impedimentuꝝ aliquod inijcere. Nam quia Ludoꝝ uicuꝝ rex non habebat filiuꝝ hæredẽ: dicebat fore, ut illo mortuo, ad fratrem deferretur principatuꝝ & imperiuꝝ, qui per haꝝ nuptiaꝝ amplificatuꝝ, & florentiſſimarum ditionum poſſeſſionẽ adeptuꝝ: in ſummuꝝ diſcrimen poſſit omnẽ Angliaꝝ aliquando adducere. Vehementer itaqꝫ ſollicituꝝ erat, tamẽſi præter cauſam, tum ipſe, tum Angliaꝝ procereꝝ omneꝝ, ita quideꝝ, ut ſatiſfactionibꝝ Caroli fidẽ non haberent, & quiduiꝝ facturi eſſe uiderẽtur, etiam regẽ adiuturi potiuꝝ: quã ut matrimoniuꝝ hoc ipſorum uoluntate fieret. Viſdere licet hoc loco, quantis curiſ hi Princeꝝ, ac ipſorum familiares diſtineantur in ſummiꝝ & arduiꝝ

S iñ negocijs,

negocijs, quorum finem & exitum præuidere non possunt. Nam in istis sollicitudinum & grauissimarum cogitationum molestijs, è uita decesserunt, alij post alios, inhiantes auidissimè, alter alterius mortem, maxima curarum & occupationum mole relicta suis hæredibus. Quanquam sane Ludouicus, Carolo filio, moriens pacatam tradidit Galliam, hac in re benignior in illum, quàm in seipsum. Erat enim quietis & ocij impatiens; per omnem ferè uitam implicatus bellis atq; dissensionibus, à quibus uix egrè sub mortem fuit expeditus. Aquitanus interea, dum ipsius legati Carolum ad bellum hortàtur; minus commoda utebatur ualetudine. Cumq; rex apud Xanthones, oppidum quoddam obsideret, legati hoc perfecerunt, ut Carolus Atrebatum profectus, conduceret copias, ac Peronam deinde cum exercitu longe maximo proficisceretur. Habebat enim inter alios mille ducentos cataphractos expeditissimos. Dum apud Atrebatès commoratur; duo simul ferè nunciij adferuntur, primum; Calabriae & Lotharingiae Ducem Nicolaum, aduentare matrimonij causa. Hunc, posteaq; aduenit, humaniter excepit, bona quadam spe iniecta. Deinde, postero die sunt allatae literæ à Simone Quintio, qui ipsius erat apud regem legatus, quibus ille significabat, Aquitanum è uita demigrasse, & regem bonam eius ditionis partem iam occupasse. Earum literarum sententiam multi deinde alij confirmabāt. De genere

genere mortis non una fuit opinio. Carolus eum casum immoderatissime tulit, & instigatus à nonnullis, dat literas ad multas Aquitanie ciuitates, odiose scriptas in Regem, sed parum ijs profecit. Nec enim ullus extitit motus, tametsi puto, regis negocia summam habitura fuisse difficultatem, si longior ipsius fratri uita cōtigisset. Iam enim Britannii erant instructi, neq; longe aberant, & multi per Galliam ipsorum rebus fauebant, sed interuentu mortis Aquitani, conciderunt omnia consilia. Sic exacerbatu Carolus, progreditur cum exercitu, & bellum incipit in Veromāduis, atrox admodum & funestum. Quacuncq; enim transiret: incendijs omnia vastabat, omnino præter morem. Primum agmen obsidione cinxit castellum eius regionis, Nelam, in quo præsidium erat aliquot sagittariorum. Hi legatum ad ipsos missum de deditioe facienda, interficiunt, & cum de inducijs coeptum esset agi: omnia eius rei mentione, & impetu facto, ui expugnantur. Qui supererant à cæde, suspenduntur, nonnullis præsecantur manus, paucis quibusdam commiseratione militum dimissis. Crudele quidem erat istud belli genus: sed Carolus uolebat uideri, iustam habere causam, cur ita faceret. Primum enim, odiose admodum et acerbè loquebatur de morte Aquitani, secutus aliorū sermonem. Deinde, eorum oppidorum, quæ sunt ad Somiam flumen, iacturam, grauissime tulit. Quo tempore cogebat hunc

S iij exercis

exercitum: legati regis, Petrus Doriollus, Gallia Cancellarius, & alij nonnulli proceres, non semel ad ipsum uenerunt, ante mortem Aquitani, & secreto de pace agebant. Sed quia Carolus in primis uolebat sibi restitui illa Picardiae oppida, nihil quicquam perficiebant, recusante rege: qui nunc demum, postea quam instructum uideret Carolum, assensit, his conditionibus: Vt Ambianum & Sanctoquintinum, & alia, de quibus erat controuersia, redirent ad Carolum: ut de Comite Niuernensi & Conestablio, eiusque facultatibus omnibus, liberum esset Carolo statuere, pro suo arbitratu: ut ab amicitia & foedere Aquitani & Britanni Carolus discederet, eosque permetteret inuicem potestati regis. Eas conditiones Carolus iureiurando sanciuit, & aderam ipse, Regis quoque legati, simili se religione obstrinxerunt, & simul suadebant Carolo, ut contineret exercitum, uti rex eo promptius redderet, quae promississet, oppida. Sed & cum à Carolo iam discederent, Simonem Quintium unam secum abducebant, ut is coram uideret, ea, de quibus ipsi pacti essent, à rege confirmari. Sed quum rex per dies aliquot differret: allatus est de morte fratris nuntius. Qua re cognita, Simonem Quintium frigide admodum dimittit, neque iureiurando uoluit teneri. Quod implacatissime tulit Carolus, & se ludificatum esse querebatur. In castris etiam maximus erat fremitus, & omnis generis contumelias plerique in regem

regem dicebant. Qui lecturi sunt aliquando ista, iudicabunt, ut est credibile, uel parum fideles & integros fuisse Principes, de quibus loquor, uel me criminari illos & uituperare. Certè, nullius honorem aut existimationem uelim per me uiolari: sed ut historię sua constet ueritas & ordo, nō fuit integrum, ea, quæ dixi, silentio præterire. Sed quæcunq; tandem futura sint hominū iudicia: si quis alios quoq; principes intueatur, multò fortasse plura, quæ reprehendantur, comperiat. Nunc autem, ex his duobus, uter insidiosè & astutè egerit, uideamus, ut iuniores aliquando Principes, consimilibus implicati negocijs, rectè sibi caueant, ne circumueniantur. Nam etsi non omnes æquè sunt ad fallendum propensi: tamen utile est, memoria complecti superiorum temporum res gestas. Vt igitur, quod res est, dicam, arbitror eò spectasse omnia illorum cōsilia, ut alter alterum falleret. Eaq; in re similibus prope modum sunt usi rationibus. Ambo instructum habebant exercitum, & rex aliquot iam oppida tenebat, & interea dum de pace ageret cum Carolo, ualde urgebat fratrem, à quo complures è nobilitate iam defecerant. Ipsius exercitus erat non procul à Rupella, quod est in Xanthonum finibus oppidū maritimum, munitum & locuples. In eo multi erāt ab ipso non alieni, & partim ob crebram pacis mentionem, partim propter ægritudinem Aquitanī, certis conditionibus iam cœperant pacisci. Hæc enim

enim regis erat, nisi fallor, sententia, ut si uel bellum
iis locis foeliciter gereret; uel ipsius frater euita mi-
graret; non interponeret iusiurandum. Sin autem
eo bello, quod cupiebat, non consequeretur; ut
tum uitandi periculi causa, seruaret propositas con-
ditiones, ideoq; diligentissime obseruabat tempo-
ris momenta. Nam Simonem Quintium, Caroli le-
gatum, per dies octo distinuit, atq; interea demor-
te fratris allatus est nuncius. Et quia sciebat illum
uehementissime cupere Ambiani & Sanctoquin-
tini restitutionem, neq; temere idcirco prebiturum
esse causam ullam offensionis; putabat se non diffi-
culter posse perficere, ut quindecim aut etiam eo
plurium dierum moram leniter ferret. Interea, si
quam commoditatem tempus adduceret, expe-
ctabat. Posteaquam de rege sum locutus; dicen-
dum nunc est de uoluntate & consilio Caroli, & ui-
dendum, quid regi permiserit, siquidem mors A-
quitani non interuenisset. Simon Quintius man-
datum acceperat ab eo, petente rege, ut simul atq;
rex iureiurando sanxisset pacem; in Britanniam pro-
fectus, cuiusmodi essent conditiones, Britanno de-
nunciaret: Deinde placuit, ut Aquitanie Ducis le-
gati, qui tum aderant, principi suo idē significarent.
Quod ideo rex uolebat, ut Britannis, cum à Caro-
lo, cuius uirtute & præsidio magnopere niteban-
tur, sese destitutos esse intelligerent, pauorem & tre-
pidationem adferret. Erat autem Quintio datus à
Carolo

Carolo, ueluti comes itineris, inter alios, Hanoius quidam Parisiensis, homo prudens, Ei Carolus abeunti dedit literas, quas ad Quintium ipse scripserat, in quibus hoc solum inerat, ut ijs, quæ dicturus esset Hanonius, fidem haberet. Sed mandauerat ei Carolus, ne eas literas Quintio redderet, priusq; et à rege discessisset, & Nānetes, quod est ad Ligerim oppidum Britanniae minoris, peruenisset: utq; eo primum loco sua mandata illi exponeret, in hanc sententiam: Vti Quintius, nomine Caroli, iuberet Britannum esse firmo animo & ocioso, non se deferendum esse uel ipsum, uel Aquitanum etiam, sed omni ratione, totisq; uiribus adiuturum: inijsse quidem se pactiones cum rege, sed non alia de causa, nisi ut amissas urbes recuperet, à rege sibi præter ius & æquum, contraq; fidem & promissum, pacis tempore ademptas: his oppidis recuperatis, nunciaturum se regi, ut à bello Britannico & Aquitanico abstineat: Nec enim promissa & iusiurandum se magis seruaturum esse, quàm ipse priora pacta seruauit, tam illa, quæ prope Lutetiam Parisiorum, quàm quæ postea Peronæ facta sint: ademisse illum sibi pacis tēpore, quas antea dederat urbes: oportere nunc etiam, ut patienter ferat, ijsdem artibus illas abs se recuperari. Quantum ad Connestablium & Comitem Niuernensem pertineat, licet ab ipso destituti sint, & sibi permissum ex pacto, ut de ipsorum fortunis pro suo iudicio statuat: se tamen, et si

T iustam

iustam habeat offensionis causam: condonaturum
eis esse culpam, nec uelle quicquid ipsis auferre, ideoque
orare se, ut ipse ad eundem modum agat cum Aquita-
no & Britanno, eosque patiaturocio & pace uti,
sicut apud Luteciam constitutum sit. Quod si non
impetret, non se neglecturum esse sociorum iniurias:
Et quo tempore hæc nunciaturus sit regi perles-
gatos, habiturum se esse omnia ad bellum apta &
parata. Hæc erat summa eorum, quæ Carolus &
nunciabat illis, & cogitabat perficere: sed longe aliter
accidit. Nam interitus Aquitanix Ducis inter-
uertit omnia consilia. Rex enim neque restituit Caro-
lo, quas ille petebat urbes, & simul morte fratris au-
ctus est Aquitanix accessione. Suprà diximus,
quemadmodum illi, qui erant in præsidio Nelæ,
capti fuerint. Carolus inde digressus, Roiam cir-
cumsedit, quod est in Bellouacis oppidum, ubi mil-
le & quingenti erant sagittarii cum aliquot cata-
phractis. Maiorem exercitum ante id tempus nul-
lum habuit. Postridie quam eò uenisset: hostes me-
tu perculsi, deserta statione, quum per muros sese
eiecissent, dedunt se Carolo: Quæ causa fuit, ut &
reliqui cataphracti: compositione facta, disceder-
ent. Constituerat Carolus illinc ad Normannos
transire: sed prius uenit Bellouacum, eiusque oppidi
suburbium unum facili manu occupauit prima
ipsius acies, cui præerat Cordæus, qui deinde aliam
quoque urbis partem tenebat: uerum quòd nimium
breues

breues erant scalæ, & perpaucæ quidem illæ: nihil potuit perficere. Duobus quibusdam tormentis igitur obiectam portam oppugnabat. Quod si plures habuisset machinas, & continenter fuisset eiacularus: haud dubie potitus fuisset oppido, sed accesserat malè instructus ad eam rem perficiendâ. Præter oppidanos initio nullus erat ibi ferè miles. Nostri, ea parte, qua tormentis erat interrupta porta, cominus in hostem pugnabant. Interea Cordæus Carolus sollicitat, ut celeriter cum reliquo exercitu progrediatur, si uelit oppidum occupare. Dum hæc geruntur: ex oppidanis aliquis conijcit faces ardentes in nostros, qui ad portam uisum faciebant, cumq; iam incendium lateuagaretur in porta: nostri coguntur referre pedem, donec extinctus esset ignis. Carolus, ut eò uenit, putabat & ipse captum iri iam oppidum, oppressa flamma. Et sane, si partem exercitus collocasset uia Parisiensi: aditu & itinere prohibuisset omnibus, qui auxilio ueniebant. Sed difficultatem sibi fingebat et periculum, ubi nullum erat, et quod tenue flumen interlaberetur: noluit transire, ac deinde, cum iam hostium equitatus magnus in oppidum uenisset: constituit in eam partem transire, consilio multum ancipiti & periculoso, à quo tamen uix summa difficultate poterat dimoueri. Incendium illud totum diem permansit, & sub uesperum, decem dumtaxat cataphracti, nobis inscientibus, dum occupamur ponendis castris, & quod ad eam partem nulli

1472.

Tunc essent

essent nostrimilites, in oppidum peruenerunt. Prima luce, propius ad mouemus tormenta, in eoq; temporis uestigio conspeximus ad ducentos cataphractus in urbem ingredi, quorum aduentu recreati oppidani, ut est credibile, deditiois nullam fecerunt mentionem. Sed Carolus tum exacerbatus ob res antea factas, ut diximus, uolebat ui capere. Quod si accidisset, erat dubio procul omnia uastaturus incendio. Post equitatum illum in urbem receptum, totos quindecim dies oppugnabat eos acerrime tormentis, sic, ut ad impetum faciendum militibus esset patefacta uia: Sed quoniam fossa stagnabat aquis: efficiendi nobis erant duo pontes, ad latus illius porte, quæ fuit exusta, et ab altera parte eius portæ perueniri poterat ad murum absque periculo, nisi quod unum modo propugnaculum, propter ipsius humilitatem, difficilem habebat oppugnationem. Et quanquam fortissimi duces, lectissimiq; equites oppidum defendebant, et inter hos Connestablius, nisi fallor: Carolus tamen constituit ui oppugnare, contra omnium opinionem: & noctu, quieti sedaturus, rogabat e suis familiaribus, an putarent hostem ad sustinendam oppugnationem habere satis uirium & animi: Cum plerique affirmarent ob illorum multitudinem, deridens, aiebat fore, ut ante exortam lucem, omnes ex oppido se eijcerent, ac fugam darent. Postridie, mane, ceptum est uehementissime oppugnari. Pontem illum ex nostris militibus trans

ut transeunt, plerique etiam in muro confisterunt, & cominus diu multumque praeliantur. Erant destinati recentes ac integri, qui primis aut interemptis, aut relictis aut defatigatis succederent, sed cum frustra eos moliri uideret Carolus: iubet referre pedem. Hostes, quod conspicerent se numero superari: continebant se intra munitiones. Ex nostris desiderati sunt ad centum & uiginti, uulnerati autem circiter mille. Insequenti nocte, hostes eruptione facta, quoniam & equites erant omnes, & pauci, & hastis inuecti in tabernaculorum funes, impediabantur: nulla re perfecta, recipiunt se in oppidum. Octauo post oppugnationem die, Carolus constituit rem tentare uia & porta Parisiensi, bipartito exercitu, sed quod urbs a multis & lectissimis hominibus defendebatur: omnes eum dehortabantur. Quod nunc demum cogitabat perficere, id si principio fecisset: multo rem egisset feliciter. Cum non succederet conatus, soluit obsidionem, & futurum putabat, ut discedens inuaderetur ab hoste. Quod si facerent, cogitabat eos excipere: sed quum nulla fieret eruptio: contendit in Normanniam. Promiserat enim Britanno, se Rothomagum usque cum exercitu profecturum esse, quod & Britannus uenturum se cum suis copiis dixerat, sed accepto nuncio de morte Aquitani, mutata sententia, domi sese continuit. Carolus, captis aliquot oppidis & castellis Normannia, & incendio uastatis Aulercorum agris, ad por-

T iij tas usque

tas usq; Depæ, quod est maritimum oppidum, tandem apud Rothomagum confedit. Sed interceptis ab hoste pabulatoribus, quoniam & hyems suberat, & cibariorum magna esset inopia: domum reuertitur. Confestim post ipsius abitionem, Regii milites omnia, quæ ijs locis occupauerat, sine negotio recuperarunt.

PHILIPPI COMINAEI

commentariorum Liber Quintus.



AD hoc ferè tempus dedi me in clientes iam & familiã Regis, qui & plerosq; sui fratris familiares, post mortem illius, recepit, & tum in Britannia bellum gerebat. Sed post crebras utrinq; missas legationes, constituit omnino pacisci. Quod ut maiori suo commodo faceret: familiares aliquot Britanni, à quibus ille totus pendebat, ipse inutilis & ignauus, promissis & largitionibus ad suas partes traduxit. Eorum autoritate & cõsilio, reperfecta, & constituta pace, in Picardiam contendit. Per hyemem ferè consueuerant ipse & Carolus aliquot mensium pacisci inducias: Idem nunc quoq; faciebant. Verum legati regis, cum de pace Britannica exposuissent: nolebant Britannum inter socios Caroli comprehendí,

hendi, quod ab eius fœdere nuper ille discessisset. Legati autem Caroli, et in his Cancellarius, affirmabant, Britanno esse liberum, ut intra certam diem accederet in utrius partis amicitiam uellet; illum antea quoq; defecisse à fœdere, & literis hoc significasse, nec tamē idcirco defuisse officio: pendere quidem illum ab alienis consilijs, & suorum authoritate gubernari totum, sed tamen sequi tandem saniora consilia, & facere, quod sit ex usu rerum suarum. Dum de his rebus agitur: magnus erat utrinq; fremitus aduersus Connestablium. Oderat eum rex, & multi Galliæ Principes admodum acerbè: Carolus etiam multo infestius, propter ereptum Ambianum & Sanctoquintinum, & quòd redintegrati belli ipsum habebat præcipuum authorem. Nam induciarum tempore Connestablius cum ipso blandissime agebat: sed exorto bello, persequabatur odiosissime, & inuito uolebat extorquere filiam, ut supra demonstrauius. Has odiorum causas etiam illud auxit, quòd quo tempore Carolus cū exercitu prope Ambianum consedit; ille factis incursionibus in Hannoniam, castellum quoddam ijs locis cremauit, nouo planè & inusitato exemplo. Cum enim ab incendijs antea temperatum esset utrinq;: Carolus indignitate rei commotus, & secutus morem illius, in Galliam quoq; deinde flammam & ignem intulit. Excitatis in eum multis aduersarijs, fit coniuratio, & utriusq; Principis legati consilia inter se communis

municabant. Habebat enim ille suas possessiones
 non uno in loco. In Veromanduis occupabat Sans-
 ctoquintinum, locuples & firmum oppidum, in
 propinquo tenebat Hanium & Bohenium, arces,
 quæ facile poterant præsidij firmari: Deinde, præ-
 ter summum illud munus, quod in Gallijs obtine-
 bat, pensionem annuam habebat à rege, ad quadra-
 gintaquinque francorum millia, sed & uestigal atque
 portorium ei pendebant mercatores, qui uina ex
 Gallijs, per ipsius fines deportabant in Flandriam
 aut Hannoniam. Ad hæc, non in Gallia tantum, sed
 per Caroli quoque ditiores multorum sibi gratiam
 & benevolentiam adiunxerat. His de causis, non
 poterat eum rex, nisi adiutus à Carolo, solus op-
 primere. Per inducias agebatur potissimum de illis
 us capite ac fortunis. Qui à rege erant ad eam rem
 destinati, referebant omnia ad Imbercortum, qui &
 à multo iam tempore illum oderat, & nuper etiam
 maius conceperat odium. Nam quodam in conuen-
 tu, dum utriusque Principis legati de controuersiis
 agerent: ille mendacij Imbercortum insimulaue-
 rat. Quam ad criminationem iste prudenter & mo-
 deste respondit, iniuriam illam non ad se, uerum
 ad regem, cuius fidem secutus eò uenisset legatus,
 & ad Carolum, cuius ipse locum obtineret ibi, per-
 tinere, cui etiam sit commemoraturus omnia. Hæc
 sola uerborum contumelia, summam & extremam
 ei perniciem attulit, ut postea sum dicturus. Quo-
 circa

etia, qui sunt magno loco apud Principes: magnopere sibi cauere debent, ne quid atrocius dicant. Nam quò potentior est & maior is, qui iniuriam facit, eò grauius dolent ij, quibus infertur. Propter auctoritatem enim eius & amplitudinem qui intus lit, putant hoc magis ad infamiam suam pertinere. Quòd si Princeps quoq; durius aliquid ipse dixerit: tunc uero spem omnem illi abijciunt, ullos uel honores uel opes ab eo consequendi: Deinde, sic est ferè comparatum inter homines, ut pleriq; spe percipiendi commodi magis excitentur: quàm memoria iam accepti beneficij. Sed ut ad institutum reuertar: Regij legati super ea re potissimum agebant cum Imbercorto & Caroli Cancellario, ad quem etiam aliqua pars eius iniuriæ, quam Imbercortus acceperat, pertinebat. Breuiter, eò res deducta fuit, ut Bouilli, quod oppidum à Namurcis non longe abest, legati conuenirent. Connestablius autem certior factus, quid ageretur: crebros dimittebat ad utrunq; Principem nuncios, & regi quidem persuasit, Carolum eò spectare, ut se redderet à Gallijs alienum. Magna igitur celeritate rex mandat suis, ut aduersus illũ, certis de causis, nihil statuunt, & inducias tantum extrahant. Cum is adferretur nuncius: iam peracta res erat & confirmata literis: uerũ tantus erat inter legatos animorum consensus, ut eas literas utrobq; redderent. In ijs hoc perscriptum erat, Connestablium multis de

V

causis

causis iudicatum esse hostem & regis & Caroli; ideoque iureiurando & fide data promiserant, ut uter ex ipsis duobus prior eum cœpisset; is uel intra dies octo supplicium sumeret, uel in socij potestatem daret, eamque rem publicè denunciandam esse; nec id modo, uerum etiam omnes, qui auxilium ei præberent unquam, hostium numero habendos. Rex præterea pollicebatur, redditurum se Carolo Sancto quintinum & illius omnia mobilia bona, quæ sint in Gallijs: facultates etiam illius omnes, quas in inferiori Belgica teneret, ei largiebatur. Decretum & hoc fuit, circumsidendum esse illum ab utrisque in sua arce, intra certum tempus. De his omnibus ita conuenerat, ut diximus: uerum superueniente illo nuncio, mutatum est consilium, & Connestablio fuit constitutus dies, quo cum rege, accepta fide, in colloctionem ueniret. Id fuit tribus à Nouioduno miliaribus. Connestablius eò uenit, comitatus inter alios, circiter trecentis nobilibus cataphractis, ipse armatus sub ueste discincta. Cum rege erant sexcenti cataphracti, & in his Comes Dammartinus, hostis illius grauissimus. Rex, præmissis alijs quot equitibus, quoniam prior ille uenerat, excusabat moram: tandem & ipse uenit. Eramus cum eo pauci quidam in ea colloctione. Connestablius primum excusat, quòd armatus uenisset: factum id à se propter Dammartini præsentiam, à quo capitaliter dissideret. Post multam colloctionem uoluit

rex.

rex, ut præteritarum offensionum aboleretur memoria. Cum deinde in eam partem, ubi rex erat, transisset (Nam tabulatum quoddam intererat) sit inter eum & Dammartinum, intercessione regis, compositio. Inde cum rege profectus Nouiodunum, postridie Sanctoquintinum reuertitur, plane reconciliatus, ut ipse quidem dicebat. Plarique omnes fremebant & indignabantur, alij uero etiam ridebant, in colloctionem uenisse regem cum suo cliente & beneficiario; qui interiecto sepimento, non esset ueritus in sui Principis conspectum uenire armatus, & equitum circumclusus cohortibus, qui quidem omnes & regis essent imperio subiecti, & alerentur ab ipso. Qua re intellecta, rex, cum & ipse apud se diligenter omnia reputaret, qui iam ante inimico in eum animo fuisset, multo grauius hoc dolore exarsit. Et quanquam institutum istud regis incusari fortasse potest: non absque causa tamen factum ab eo fuit. Arbitror enim Carolum, non habita ratione eorum, de quibus antea conuenerat, libenter fuisse cum illo rediturum in gratiam, si modo potuisset ab eo recuperare Sanctoquintinum. Sed quantum ad Connestablium pertinet, tametsi ingenio ualebat: minus prudenter tamen egit, quod ad eum modum, ut diximus, prodijt in conspectum sui Principis. Quanquam sane, cum prope & coram constitisset ante regem: uidebatur esse attonitus, & timētis præbebat speciem, sed neque

V ij diu

diu moratus, ad regem trāsiit, erat enim in magno discrimine. Puto equidem & illum, & eius familiae res credidisse, hoc ad laudem suam pertinere, quod rex uisus esset ipsum metuere. Erat quidem aliquanto rex timidior, sed iusta & necessaria de causa. Non ita pridem explicauerat se ab eo bello, quod cum Galliae Principibus ei intercesserat, quos muneribus & pollicitationibus pacificauerat. Plurique credebant, eum timiditate quadam & animi consternatione ita sese demittere, quæ causa fuit etiam, ut quidam non dubitarent ipsum bello deinde lacessere: sed infœliciter eis accidit. Nouerat enim exactissime temporum momenta, sic, ut ausim affirmare, me non alium uidisse rebus aduersis prudẽtiorẽ. Verum ut ad institutum redeam, credibile est, ut dixi, Connestablium hoc spectasse, ut metueretur à rege. Affirmare quidem nihil uelim, & eò solum ista commemoro, ut illos, qui Principum negotia tractant, officij commune faciam. Mihi si quis esset apud aliquem Principem amicus aut propinquus: huic sua serim, ita se comparet, ut diligatur, non autem ut metuatur. Nam qui diuersam rationem ingrediuntur: ut periculum tandem & calamitatem euadant, fieri non potest, eiusque rei multa proferre liceat documenta, non ex Galliis modò, uerum etiam ex Hispaniis & Anglia. Fere autem fit, ut qui bonam & fidelem operam præstiterunt: arbitrentur, sibi aliquanto plus, quàm alijs licere. Principes

cipes contra, longe aliter sentiunt, & equius esse ducunt, ut qui se ipsorum clientelæ & ministerio tradiderunt officio fungantur. Memini, quo tempore in hanc sententiam rex mecum loqueretur, (& suum nominabat authorem) affirmans fieri aliquando, ut egregiæ operæ minus liberaliter remunerentur, id est non tam ingratitudine Principum, quam eorum, qui præstiterunt operam, uisio: dum elati quadam confidentia, propter rem bene administratam, insolenter & proteruè multa faciunt. Aiebat præterea, foeliciter agi, sua quidem sententiâ, cum eo, cui nullo suo magno merito Princeps benefacit: & ut quis beneficio sit obstrictus Principi, id multò præstare, quam ut princeps clienti aut famulo alicui suo multum debeat. eoq; se ingenio esse dicebat, ut qui sibi ob aliquâ beneficentiam deberent: eos plus diligeret, quam alios, quibus debere se aliquid ipse putaret. Tàm est difficile in omni genere uitæ, accõmodare se & ita gerere, ne quid erres. Magnum igitur est Dei beneficium, ualere sensu communi, & iudicio naturali. Sub hoc ferè tempus colloqui inter Regem & Connestablium, Carolus profectus erat, ut Geldriæ possessionem occuparet, quam ad se pertinere dicebat. Et quoniam memorabilis admodum est causa, non grauabor eam recitare, ut potèntiam & opera Dei contemplemur. Erat id temporis Geldriæ Dux, Adolphus, adolescens, qui uxorem duxerat ex familia Borboniorum. Is horri-

V iij bili&

bili & inaudita quadā audacia patrem suum, de nocte, quum esset quiescens se daturus, acerrima hyeme ceperat, & per quinq; miliaria deductum absq; calcibus, in deterrimū carcerem & obscurissimum detruserat, in eoq; per sex menses eum detinuit, & hac demum occasione graue fuit excitatum bellum à Duce Cliuensi sororio senis captiui, aduersus Adolphum. Intercedebat quidem Carolus, ut eos pacificaret, sed frustra. Cumq; Pontifex etiam Romanus & Cæsar tandem sese immiscerent: Carolus, illorum mandato, captiuum Arnoldum ex carcere liberauit. Adolphus enim, quoniam & auctoritatem Pontificis atq; Cæsaris, & Caroli quoq; potentiam uerebatur: non audebat ei petenti hoc negare. Vidi ipse, cum ambo suam causam, non semel, apud Carolum, in cœtu & concilio multorum hominum disceptarēt. Vidi, quum pater filio deferret duellum. Carolus, etsi cupiebat eos cōponere: magis tamen erat propensus in filium, cui & Burgundiæ præfecturam & Geldriæ possessionem deferebat, uno tantum excepto oppido, Grauiam uocant, quod est ad Mosam, Brabantiaë uicinum. Illud patri uoluit seruari, & simul tria florenorum millia quotannis, & tantundem ex annua pensione, & Geldriæ titulum. Vt eas conditiones Adolpho proponeremus, mihi fuit cum alijs, me prudentioribus, à Carolo mandatum. Verum ille respondit, se malle præcipitem dare parentem in puteum, & seipsum deinde eodem

eodem coniungere potius, quàm eiusmodi conditiones accipere: Patrem iam præfuisse per totos quadraginta quatuor annos: æquum esse, ut tandem & ad se quoque redeat principatus: ferre se posse, ut ille quotannis habeat ad tria florenorum millia, sed ea conditione, ut ex Geldria discedat, neque unquam eò reuertatur. Hec & id genus alia multa nobis, parum quidem prudenter, respondit, & accidit istud, quo tempore rex Ambianum ademit Carolo, qui tum unà cum his duobus, parente & filio, erat Dorlani, et accepto nuncio de occupato Ambiano, disceptationē hanc intermisit, et Hefdinum sese contulit. Adolphus autem, sumpta ueste Gallica, comitatus uno solum famulo, rediturus in Geldriam, cum apud Namurcum trañceret flumen, & pro uectura persolueret, agnitus ab uno & altero, captiuus Namurcum deductus est, & in carcere detentus fuit, donec mortuo Carolo, Gandauenses ipsum eriperent, eiq; bello, quod cum Toronacensibus gerebāt, præficerent, quo quidem in loco miserabiliter fuit trucidatus, ultore & uindice Deo, qui scelus nullum finit impunitum. Interea dum filius est in carcere, pater e uita discessit, & moriens Carolum instituit hæredem, propter ingratitudinem filij. Hoc iure ac titulo fretus ille, Geldriam usurpauit, quæ tametsi resisteret; non poterat tamen sese tueri, & sub imperio permansit, tam Caroli, quàm ipsius hæredum, in hunc usque diem, quoad uisum

uifum fuerit summo rerum moderatori Deo. Hæc per occasionem eò recitauī, ut ostenderem, eius generis atrocitatem à Deo grauiffimè puniri. Carolus, occupata Geldria, factus alacrior, domum redierat, & cepit animum adijcere ad res Germanicas, præsertim, cum Cæsar esset demiffiori animo, & ut ne sumptus faceret, quiduis pateretur, quam alioquin absq; Germaniæ Principum accessione, parum poterat: Producit igitur inducias cum rege Carolus, ut ea, quæ moliebatur, perficeret. Dehortabantur nōnulli regem, ne pacisceretur longiores inducias, nec sineret illum ita progredi, & amplificari. Rectè quidē isti & fideliter, sed quod non haberent satis magnum usum, loquebantur parum prouide. Verum alius quispiam ex regis familiaribus, maiori cognitione præditus, & rerum Germanicarum non imperitus, suadebat, ut omnino pacisceretur, eumq; sineret in Germaniam impingere, cuius maximum esset & incredibilis robur fore, ut ille uno aliquo oppido capto, uel controversa aliqua sedata, progressurus sit longius, & noua semper moliat: mentem eius inexplebilem non posse una aliqua re satiari: quò pluribus sit inuolutus negocijs, eò semper maiora ipsum uelle tentare: non posse regem commodius illum ulcisci, quàm ut sinat eum ita progredi, nec significationem ullam præbeat offensionis: imò certam iniectam spem seruandarum induciarum, & auxilij quoq; non

nonnihil præbeat potius,quàm ut ipsum auertat ab instituto: Germaniæ tantas esse vires, ut fieri non possit,quin eo bello totus atteratur: etiam si Cæsar non commoueat se: Principes tamen Imperij non passuros eum longius grassari. Atq; ita quidem accidit. Cum enim duo quidam contenderent de Archiepiscopatu Coloniensi: Carolus alterius partes uoluit tutari, sperans hac ratione se posse quædam ijs locis occupare, ideoq; circumsegit Nouesium, quod est oppidum ad Rhenum, quinque milliarijs infra Coloniã. Vno eodemq; tempore cogitabat res maximas cõficere, sed oneri tandem succubuit. Eduardus Angliæ rex, instigatus ab eo, paratũ habebat exercitũ. Vt autem hunc in Galliam ille trañceret, ualde studebat, & simul Nouesium circumualauit, quam urbem si cepisset: relicto ibi præsidio, & in quibusdam alijs locis supra Coloniã, cogitabat aduerso Rheno penetrare in ditionem Phirtensem, quam tum adhuc possidebat, atq; ita per ingens spacium in potestate habuisset flumen longe maximum, in cuius ripa plurimæ sunt insignes urbes, & castella munitissima, & in Hollandiam usq; ubi in mare influit Rhenus, iter habuisset patefactum. Et quoniam induciarum dies, quæ pactæ fuerant in sex menses, iam cedebat: Rex, ut spacium & ocium haberet Carolus moliendi aliquid in Germania: cupiebat illas extrahi. Carolus autem, quoniam Eduardo regi promisserat auxilia: noluit assentiri.

X lum

lum hoc Nouesianum non quidem propriè pertinet ad nostrum institutum, neq; coràm ipse spectat: sed tamen quoniam alia quædam ex eo dependent, necessario mihi facienda est mentio. Tenebatur oppidum illud firmo præsidio equitum & pediatum. Iis præerat frater alterius Episcopi, quem Carolus oppugnabat. Maiorem exercitum Carolus ante id tempus non habuit, equitatum præcipuè. Nam inter alios accersiuerat ex Italia circiter mille cataphractos. Cogitabat enim aliquid in Italia moliri. Iis præerat Neapolitanus quidam Comes, Campobachius, uir prauo & uitioso ingenio. Deinde, præter copias in sua ditione coactas, habebat circiter tria millia Anglorum, & tormentorum uim maximam, & hunc quidem exercitum instruxerat, ut se cum Anglis coniungeret, qui & ipsi in hoc erant toti, ut primo quoq; tempore essent expediti: sed interuenit ferè longior aliqua mora. Nam reges Angliæ nihil tale, nisi conuocatis primis ordinibus, & assentiente populo, suscipiunt, quæ quidem consuetudo ualde mihi laudanda uidetur. Interueniente enim populi uoluntate & assensu, crescit robur & potentia regum, & maior est ipsorum autoritas, & foeliciores progressus. Eduardus igitur conuocato concilio, exponit quid constituisset facere, simul auxilia petit, Angliæ consuetudo fert, ut extra ordinem subsidium nullum dent regibus, nisi cum belli gerendi causa, uel in Galliam transiunt uel in Scotiam

Scotiam proficiscuntur. Tunc enim libentissimis animis auxiliantur, & pecuniam contibuent, præsertim, cum in Galliam itur. Reges igitur, qui populi naturam & ingenium habent exploratum, quoties cogere uolunt magnam aliquam uim auri: bellum parant in alterutram gentem, & collecta nonnunquam pecunia, quantum satis est in annum, post trimestre copias dimittunt, eamque rationem optimè callebat Eduardus, & non semel usus est illa. Dum paratur in Anglia exercitus, cōsumitur ferè annus. Eius moræ pertæsus Carolus, ad initium æstatis, Nouesium petit, ea spe & consilio, ut intra paucissimos dies eo bello confecto, & captis in ea regione nonnullis oppidis, perueniret quod uolebat. Mea sic est sententia, ut putem Deum clementer admodum tunc respexisse Galliam. Habebat enim Carolus ingentem exercitum, & iam per alia quot annos consueuerat grassari per Galliam, ita quidem, ut prælio nemo cum ipso decertaret. Quamquam hoc prudenter & consultò rex faciebat, propterea quòd suas & Galliaë fortunas nollet obijcere periculo, non tam metu Caroli: quàm quòd populi defectionem uerebat, si forte infoeliciter pugnasset. Nam quia populi, maximè uero procerum uoluntatem à se putabat auersam: ea causa fuit, ut quoties bellum à Carolo inferebatur: ipse munitis tantum oppidis & præsidio firmatis sese contineret. Quò fiebat, ut & hostes tandem ultrò dilaberentur, &

X

ij

tur, &

tur, & Gallia, nullo accepto magno detrimento, periculum euaderet. Totum hoc tribui sanè debet prudentiæ & ingenio regis. Et quanquam hæc ita se habent: tamen si exercitus Anglicus ad constitutum tempus cum Carolo sese coniunxisset: Gallia duobus procul in maximo fuisset discrimine. Nec enim ante id tempus unquam ipsi uiribus in Galliam penetrarunt Angli. Aderant omnes eius regni proceres, & præter insignem peditatum, circiter mille & quingenti cataphracti, & sagittarii ad quatuordecim millia, lectissimi, & ad prælium omnes idonei milites. Ad hæc, erant ab Eduardo destinati ad tria millia, qui Britannis sese coniungerent. Vidi tum temporis binas literas, quibus Eduardo nuntiabat Durfius, uir nobilis Britannia, Principem suum, fauore & gratia & auctoritate, plus perfecturum esse in Gallijs intra mensem unum, quam & Anglicæ & Burgundicæ uires, quantæuis magnæ, intra semestre. Quod si progressio facta fuisset, ut institutum erat, non dubito, quin uerum ille scripserit: sed longe secus accidit, ut postea sum dicturus. Eas literas rex deinde grandi pecunia emit à quodam Edwardi scriba. Nouesij obsidio difficilior erat, & longior opinione. Colonienses enim, quod Caroli potentiam metuerent: singulis mensibus in hoc bellum impendebant centena aureorum millia: & inito foedere cum alijs ad Rhenum positis ciuitatibus, exercitum cogeant, ad quindecim hominum millia, qui

lia, qui tormentis alijsq; rebus instructi, positis castris ex aduerso Caroli ad Rhenum, impediabant, ne quid aduerso flumine ex Geldria supportaretur ad hostem. Deinde, Fridericus Cæsar, & Imperij Principes, conuocato concilio, decernebant oppidanis auxilia. Quod ut facerent, magnopere etiam rex sollicitabat. Itaq; Cæsar & Principes legatum inuicem mittebant ad eum, ex Bauariæ Ducum familia, canonicum quendam Coloniensem. Is descriptum adferebat numerum exercitus, quem ipsi decreuissent, modò rex copias quoq; suas coniungeret. Ille humanissimè excepto legato, & datis literis, sigillo suo consignatis, promittebat, simulatq; cum exercitu Coloniā ipsi uenissent: confestim se miserum esse auxilio, uiginti hominum millia. Quare nunciata, conducitur undiq; miles, dum pecuniam, & quicquid usui esse poterat, omnes Principes ac ordines Imperij singillatim conferunt. In eum apparatus septem fuerunt consumpti menses. Rex bus omnibus instructis, Cæsar non procul à Carolo consedit, tanto cum exercitu, ut Anglorum & Burgundionum coniunctæ copię, uix tertia parte, multorum iudicio, illum adæquarent. Positis prope Nouesium castris: Cæsar, & suo & reliquorum Principum nomine, legatum denuò mittit ad regem, ut sponsioni & pacto satisfaciat: nisi fecerit, se cum hoste compositurum esse. Rex iniecit spe aliqua, & quadringentis aureis dono datis

X iij legas

legato, Ioannem Tercelinum illi adiungit, & ad Cæsarem mittit. Ea durante obsidione, de varijs rebus agebatur. Nam rex magnopere cupiebat uel pacificare Carolum, uel saltem inducias proferre, ne Angli mare transcerent. Eduardus autem in hoc totus incumberebat, ut Carolum ab obsidione reuocaret, hortatus eum, ut seruaret promissa, & bello Gallico sibi ferret opem: amitti pulcherrimas occasiones, neq; multum idonei temporis superesse. Carolus uero pertinaciter insistebat oppugnationi, & uidebatur ei Deus ademisse mentem. A multis enim annis, & per omnem propè uitam, sollicita uerat Anglos, ut Galliarum bellum facerent, nec ante id tempus unquam impetrare potuit. & nunc, cum à rebus omnibus illi essent paratissimi: cum in Britannia etiam esset coacta non mediocris manus, haberet obstinate in re summæ difficultatis, & omnino tali, quam perficere non potuit. Miserat autem Romanus Pontifex, legatum ad Cæsarem, pacificandæ gratia. Danie quoq; rex eò uenerat eadem de causa, nec procul à castris aberat. Quò magis integrum erat Carolo, non iniquis conditionibus pacisci, & summam belli unà cum Anglis in Galliam transferre. Sed aspernatus recta consilia, & leuiter excusans, dicebat se non posse desistere negotio: fore alioquin, ut insignem faceret iacturam. Minus prudenter istud quidem & maximo suo cum detrimento. Nec enim Anglicæ istæ copiae erant ex eorum numero,

numero, qui bellum aliquando gesserāt in Gallijs, sed erant insueti nostrarum rationum, & opus habebant Carolo, militię magistro, saltem per aliquod tempus, & initio. Dum hæc geruntur, bello Carolus aliunde laceffitur. Nam Lotharingæ Dux, qui ante id tēpus fuerat amicus: & nuper à morte Nicolai Calabrię Ducis, priuatim cum eo & familiariter de nonnullis rebus egerat: productis copijs, & adiutus à Cranio, uīro nobili Gallo, ditionem eius Lutzburgicam inuadit, capto & diruto quodam ibi castello, Petrofortum uocant, duobus à Nanceio milliaribus. Ad hæc, ciuitatibus aliquot ad Rhenum, quarum è numero sunt Argentina & Basilea, dissidium intercedebat cum Heluetijs, uerum opera & industria regis composita lite, fœdus in annos decem paciscebantur. Grauius etiam dissidebat ab Heluetijs Sigismundus Austriaeus. Ea quoq; controuersia, rege authore, sedata fuit: qui eò spectabat, ut Sigismundus ditionem Pfirtensem, quam acceptis centum aureorum millibus, Carolo oppignorauerat, ad se reciperet. Per eius ditionis quatuor oppida, Heluetij uolebant sibi transitum patere, quouis tempore. Introducta lis fuit ad Regem: Is causa cognita, secundum Heluetios pronunciauit. His confectis rebus, præfectus Pfirtensis, Petrus Hagebachius, à Carolo constitutus, de nocte capitur ab Heluetijs, & dimissis militibus, circiter octingentis, quos custodiæ causa secum esse uoluit,

uoluit, Brisacum adductus, quod est infra Basileam oppidum ad Rhenum, capitis damnatur. Ab eius interitu, Sigismundus prouinciam illam illico recuperat, & in propinquam Burgundiam Heluetij mox bellum inferunt, & captis ibi castellis alijs quot, ac uastatis agris, domum reuertuntur. Ad hoc tempus exibat induciarum dies, quas, cum frustra rex petijisset à Carolo produci: Trunceum arcem obsidet, ac paucis horis capit. Postridie me ad eos misit, qui Mondiderij erant in præsidio. In rebus omnibus saluis oppido excefferunt. Idem quoque faciebant, qui erant Roia, quod est in Bellouacis, eo quod auxilij spem nullam haberent. Nam si fuisset in propinquo Carolus, non tam facile erant deditorem facturi: sed utrunque deinde oppidum, contra fidem à nobis datam, exustum fuit. Illinc digressus, Corbiam, quod est inter Peronam & Ambianum, ad Somiam oppidum, obsidet. Erat in eo Contæus, & alij complures, qui cum aliquot dierum oppugnationem sustinuissent: deditioe facta, discedebant. Eius etiam oppidi consimilis fuit ac aliorum fortuna. Nam exurebatur totum. In hac rerum difficultate sperabat Rex Carolus ad inducias permo- ueri posse, ideoque constituerat exercitum reducere. Sed scemina quædam mihi non ignota, cuius nomen, quoniam adhuc uiuit, non edam: datis ad eum literis, hortabatur, ut in Atrebatem conuerteret imperium. Et quia locuples erat ea mulier, ac nobili genere

nerenata: Rex consilium eius minimè contemnendum esse putabat. Missis igitur copijs, Ammiralio Duce, quicquid inter Abbeuillā & Atrebatum intreriacet, uastat incendijs. Atrebates diuturnitate pacis insolentiores, militem, cuius præsidio tenebantur, compellunt eruptionem facere. Illi ad eum modum eiectioni: cum multitudine & numero essent inferiores, interfecti sunt plerique, captis aliquot ipsorum ducibus. In his fuit Iacobus Connestablii frater, & Contaus, & alij quidam propinqui eius foeminae, quæ regem ad hoc bellum incitauerat. Quæ licet & ipsa in hac communi calamitate, detrimentum, quod fieri necesse erat, accepisset: liberaliter tamen remunerata fuit. Factum hoc ad ipsius laudem minimè pertinet. Nec enim fide aut beneficio erat obstricta, ut id faceret. Rex Legatum miserat eum, de quo diximus, Tercelinum, ad Cæsarem, orans, ne pacisceretur cum Carolo, & simul excusans, quod ad constitutum diem auxilia promissa non misisset, affirmabat se primo quoque tempore missurum: non se interea fuisse ociosum, & hosti non uno in loco bellum intulisse: rogare se, ne separatim alter absque alterius assensu & uoluntate cum illo pacificetur, & ut ea res iureiurando sanciat: recte facturum Cæsarem, si prouincias Caroli omnes, quæ sub clientela sint Imperij, occupet: idem se de Flandria, & Artesia, & Burgundia, quæ ad Galliarum imperium pertineant, facturum esse. Cæsar, tam

Y metfi

metſi parum erat animoſus Princeps: ingenio tamē ualebat, & quoniam grandi erat ætate: longo rerū uſu plurima cognouit, deinde, aſſueuerat iam noſtris actionibus, & tædebat eum belli, tametſi nulla magna ipſius impenſa fieret. Principes enim omnes, collatis auxilijs, ſumptum pro ſe quiſq; ſingillatim faciebant, ut fieri ſolet in rebus, ad Imperij ſalutem pertinentibus. Acceptis Legati noſtri mandatis: Fuit, non procul, inquit ille, à quadam urbe Germaniæ, ingens aliquando uſus, qui totam uicinam regionem multum infeſtabat. Eius oppidi tres quidam iuuenes ueniunt, ut conſueuerant, ad cauponem, rogant prandium ſibi præberi: fore, ut intra biduum perſoluant omne debitum, ſeſe capturos uſum illum uaſtatores: eius pellem magno poſſe uendi, & futurum, ut aliquo præterea munere cohoneſtentur à ciuibus, ob interemptam beſtiã, quæ tantum dederit damni. Caupo conditionem accipit, pransi contendunt ad latibulum feræ, in quam, quum opinione citius incidiffent: perterriti ſubito occuſu, in fugã abeunt. Ex ipſis in arborem unus conſcendit, alius ad urbem, quantum poteſt, fugit, tertium uſus comprehendit, & proſtratum pedibus conculcat, rictum deinde propius ad aurem admouet. Interea miſer ille mortui præbet ſpeciem & hominis exanimati. Ea enim eſt uſi natura, ut ſi, quod cepit animal, mortuum eſſe putet: non infeſtet amplius. Itaq; cum & iſtum crederet ex-

ret ex

ret extinctum : relinquit, inq̃ speluncam redit. Ille tandem ubi cōsurrexit, urbem petit. Qui in arborē confugerat, incolumem illum esse uidens, accurrit, & ualde cupide rogat, quid in aurem immurmurasset belua: Hoc, inquit ille, mihi p̃ceptum dedit, ne quam ursi pellem deinceps uendam, nisi capta primum fera. Præter hanc fabulam, nihil tum aliud Legato respondit, obliquè significans Regi, ut cum exercitu, quem promiserat, ueniret, atq̃ coniunctis uiribus hostem, si possent, caperent, ac ipsius deinde facultates inter se partirentur. Suprà dixi, quem admodum Iacobus Connestablii frater, cum alijs nonnullis, apud Atrebates captus fuit. Eam rem grauiter tulit Connestablius: uerum nulla uenit sola calamitas. Hoc enim ipso tempore, captus etiam fuit eius filius, Comes Rossius, Burgundiæ præfectus, & simul euita decessit uxor, quæ soror erat Reginæ: quod in his acerbitatibus unicum esse poterat subsidium. Nam quæ Bouilli facta fuit in eum conspiratio, non intermittebatur, & ille, cognita re, sicut diximus, ualde sibi metuebat, neq̃ iam dubitabat, quin regem haberet uehementer iratum & offensum. Aberant non procul à Sanctoquintino Comes Dammartinus, & alijs multi, cum mediocri equitatu. Ille igitur, metu periculi, continebat se in oppido, cum trecentis circiter peditibus, quos e sua ditione coëgerat. Cataphractis enim suis, eò quod alebantur à rege, nihil magnopere confide-

Y ij bat.

bat. Sed interea Rex eum urgebat crebris nuncijs, ut adducto equitatu in fines Hannoniæ, quo tempore Ammirallius incendio uastabat Atrebates: circumuallaret Auennium. Paruit quidem ille, sed ualde timide, cumq; per paucos admodum dies ibi substitisset, multis circum se dispositis stipatoribus: domum redijt, & misso ad regem nuncio, purgandi sui causa, dicebat, certio rem se factum esse, Regem summisisse duos, qui se caperent, atq; ita loquebatur uerisimiliter, ut parum abesset, quin ex his duobus alter in suspicionem ueniret, extulisse aliquid ad illum, quod tacitum & occultum esse debebat. Dum hæc geruntur: frequenter mittit ad Carolum, eo, nisi fallor, consilio, ut ab obsidione ipsum reuocaret. His reuersis, nunciabat fere aliquid regi, quod sciebat ei futurum esse non ingratum, & simul, quam obrem eò misisset, exponebat, arbitratus hac uia se posse illum flectere ac mitigare. nonnunquam etiam, ut metum aliquem iniiceret, significabat res Caroli non malo esse loco. Sic enim timebat sibi à ui et insidijs, ut Carolum sollicitaret, quò fratrem suum, Iacobum, qui tum ante Nouesium erat, cum alijs nonnullis, ad se quam primum mitteret, iniecta spe, & promissione facta, Sanctoquintinum se patefacturum illis esse. Quò posteaquam illi uenissent, fides eius atq; pollicitationem secuti, ipse mutata sententia, diuersum renuntiabat, & hoc quidem ter accidit. Quicquid est huius rei: à multis fide dignis, præcipue

præcipue autem ab ipso, de quo loquor, Connestas
blii fratre cognoui, qui captius in Galliam addus-
ctus, in hunc modum recitabat Regi, præter me, ne-
mine præsentem: & quoniam liberaliter ad ea, quæ
rex perconctabatur, respondit, commodè hoc ei ac-
cidit. Interrogatus, quantas habuisset copias, quo
tempore cogitabat in oppidum peruenire: ait, se
tertiò habuisse ad tria millia. Deinde, an occupata
urbe, fratris fuisset secuturus parteis: respondit,
primò quidem atq; secundo se illuc uenisse, quò
subsidiùm ei ferret. Postremo autem, quòd animad-
uerteret, Principem suum & se quoq; ab illo ludifi-
cari: si tum in oppidum fuisset admissus: Carolo se
fuisse illud seruaturum: non se quidem uim ullam
facturū, sed inuito illo fuisse ibi cōmoraturum. Ab
eo colloquio rex illū è carcere dimisit, & suæ familie
adscripsit, & in magno habuit honore, propterea,
quòd ingenuè & prudenter responderat. Per occas-
sionem obsidionis Nouesianæ sum delapsus ad a-
lia, quæ quoniam in idem ferè tempus inciderunt,
præterire non licuit. Durauit enim ea obsidio to-
tum annum, & ut eam solueret, duæ potissimum
res Carolum impellebant, primum: motum à rege
in Picardia bellum, exustis aliquot oppidis, & A-
trebatum agris uastatis: Deinde, Anglicanus ex-
ercitus, ipso auctore conscriptus. Nam Eduardus,
& qui erant cum eo Proceres, admodum irati Caro-
lo, propter interiectā moram, quum precibus nihil

Y in profis

proficerent, & sumptus ingentes facerēt, & rei bene gerendæ dilaberentur occasiones: ceperunt etiam comminari. Carolus autem ad suam existimationem & laudem magnopere pertinere putabat, obsideri à se tam longo tempore oppidum, in aspectu tantæ multitudinis hostium, à quibus cogi non posset, ut illinc discederet. Verum ista gloriola magnò ei constitit, Nam qui fœliciter bellum gerit: ad eum redit omnis honos rerum gestarum. Pontificij Legati intercessione, pax tandem facta fuit, eâ conditione, ut Legatus in oppidi possessionem immissus, teneret illud, quoad Pontificis & Cardinalium auctoritate aliquid statueretur. In quanta uero sollicitudine, & cogitationum acerbitatibus, credibile est Carolum tunc fuisse, quum & bellum sibi uideret inferri à rege, & interminationes audiret Anglorum, qui socij erant & confœderati, et oppidum obstinate circumuallatum uideret in eas angustias adductum esse, ut intra paucissimos dies, inopîa rerum omnium, ad deditiorem cogi posset? Nam è Ducibus unus, qui circumfessus ibi fuerat: quem in suam deinde familiam rex adiunxit: recitauit aliquando nobis, cū ab eo discederet Carolus, potuisse capi intra decimum diem. His igitur de causis, ut diximus, obsidiōem soluit. Interea Eduardus proficiscitur Daruernum, oppidum maritimum, ut traiescto mari, Caletos perueniret. Quantus fuerit exercitus, & quàm instructus, antea diximus. Quæ cum ita sint:

1475.

ita sint: credibile est, Deum conturbasse mentem Carolo, ut hac omnium pulcherrima relicta occasione conficiendi belli Gallici, pertinaciter inhæreret oppugnationi difficillimæ, & tempus tereret. Habebant enim Angli in re militari opus ipso, tanquam præmonstratore. Nam quo primum tempore in nostros fines perueniunt: ualde sunt impediti, & minus idonei, sed breui tempore magnum usus armorum sibi comparant. Ille uero non modo non formabat eos ad nostrum militiæ genus, quod in primis erat necessarium, si modo uellet uti aliqua ipsorum insigni opera: uerum etiam sua confatione & pertinacia hoc effecit, ut administrandi belli amitterent propemodum occasiones. Deinde sic erat ipsius exercitus attenuatus, ut exhibere illum Anglis & repræsentare non auderet. Nam ex diuturna illa obsidione desiderabat ad quatuor millia selectissimorum militum. Atq; ita uidere licet, quemadmodum fatali quodam malo, consilia sua & actiones omneis, uidens atq; sciens & prudens instituerit in suâ ipse perniciem. Erat tum Eduardus Daruerni, & quò facilius transiret: misit ei Carolus Zeladia circiter quingentas naues, idoneas transportandis equis. Verum, & si hoc adminiculum haberet à Carolo, & licet magna diligentia rebus omnibus ipse prouideret: tamen inter eum portum & Caletos treis hebdomadas nauigatione consumpsit, cum sit interuallum septem duntaxat miliarium. Quò magis ui-

gis uideri potest, quàm sit Anglis difficile, in Galliam traicere exercitum. Quod si rex maritimam rationem belli tam bene cognitam habuisset quàm terrestrem: absq; negotio, traiectu interclusisset illum, & aditu prohibuisset, eo præsertim anni tempore: sed nec ipse intelligebat, nec etiam illi, quibus administrationem belli commiserat, Eduardus, antequam Daruerno proficisceretur: datis ad regem literis, bellum ei denunciabat. Earum literarum, quæ sane perquam eleganter sermone Gallico fuerunt conscriptæ, hæc erat summa: Vt Galliarum possessiorem, quæ iure ad se pertineat, sibi reddat, quò nobis litatem & ordinem Ecclesiasticum, pristino iuri & libertati restituat: Id si non impetret, earum calamitatum, quæ postea sint ex hac iniuria nascituræ, culpam à se remouebat: Quæ quidem contestationis formula est usitata Principibus, dum alter alterius hostem se profitetur. Rex, ubi solus eas literas legisset: in uestiarium se recipit: & accersito fœciali, incipit, Sibi certò constare, Eduardum non sua sponte, sed impulsum à Carolo & multitudine, huc descendisse: iam magnam ætatis præterisse partem: Carolum ex diuturna obsidione fractum habere exercitum, & rebus omnibus necessarijs carere: de Conestablio se non dubitare, quin is cum Eduardo communicarit consilia, propter eam, quæ sit inter ipsos affinitatem: sed nihil ei fidendum esse: quod suo exemplo cognosci possit, qui sit præclare de ipso me

lo meritus: illum uero perpetua quadam uti simulatione, & ad suas commoditates omnia referre. In eam sententiam ubi multa dixisset, dabat illi trecenos aureos, & si pacificaretur, promittebat mille: palam uero iussit ei dari triginta ulnas preciosissimi panni serici. Fœcialis ad ea respondit, se, quicquid ad pacem ullo modo conferre possit, libenter esse facturum: existimare se regem Eduardum non fore difficilem, aut nimis durum: sed eius rei non esse ullam faciendam mentionem, prius, quàm exercitus mare traiecerit: Tunc statim mittendum esse nuncium, qui tutum iter legatis impetret: Hunc simul atq; uenerit in Anglorum castra, iubet ad Hauartum, qui magnæ sit apud Eduardum authoritatis, accedere, seq; illi in eo adiutorem fore profiteatur. Dum rex priuatim ei loquitur, multi foris expectabant, ut quo esset uultu, aut quid diceret, uiderent. Ille me statim accersit, iubet, ut interea, dum comparantur, qui nuncium deducant, familiariter cum ipso colloquar, eo consilio, ne quis alius interpellaret. Post hæc, paucis quibusdam euocatis, incipit loqui de literis, easq; recitari iubet, nec ullum dabat offensionis signum. Nam fœcialis ille sermo ipsum recreauerat. Hoc loco mihi digrediendum est ad Conestablium. Is quod Carolum ludificauerat, deq; spe recuperandi Sanctoquintini deiecerat: in maximo uersabatur metu: De Regis immutata erga se uoluntate, nihil etiam dubitabat, præsertim,

Z

cum

cum è suis familiaribus ad illum nonnulli iam trans-
iissent. Veruntamen ex ijs alter, Mouius, commea-
bat inter utrosq; & mandato regis illum ad collo-
cutionem euocabat. Connestablius ait non se recu-
sare, si Rex interposito solenni iureiurando, quod
super cruce sancti Lupi Andegauensis facere con-
suevit, fidem sibi præstaret. Vt autem ad eam iuris-
iurandi formulam rex descenderet: omninò se fa-
cturum esse negabat, sed paratus erat quacuncq; alia
ratione ipsi cauere. Certè, si quis intueatur omnia
propius, comperiet miserabilem esse uitæ nostræ
conditionem, qui tantis laboribus, uigilijs, curis &
acerbis cogitationibus nos defatigamus ipsi & af-
fligimus. Erant hi duo in magna sollicitudine, &
crebri mittebantur utrinq; nuncijs. Sed non minus
interea laborabant Eduardus & Carolus. Nam &
filius ad Caletos traiectus, & huius cum Cæsare pa-
cificatio, in idem propè tēpus incidit. Carolus, obsi-
dionerelicta, paruo comitatu ad Eduardum profis-
ciscitur: reliquum exercitum in Lotharingiam &
Barrensem ditionem mittit, ut ibi uastatis agris, nō
nihil sese reficerent. Parum sane prudenter hoc ab
eo fiebat; Angli enim expectabant, ut ille cum ma-
xima manu sese coniungeret ipsis. Nam quò magis
accelerarent, & citius mare traicerent, hoc eis pro-
miserat; nec id modo, uerū etiam nunciauerat se tri-
mestre citius, quàm alioqui factururus fuerit, bellum
regi intulisse, ut ipsi, postea quàm in Galliam uenisse-
sent, res

sent, recentes ac integri, defatigatum reperirent hostem & attenuatum. Digressi ambo Caletis, & per Bononiam facto itinere, Peronam ueniunt. quo in loco minus amice Carolus illos excepit. Nam & portis adhibuit custodias, & in oppidum eos, nisi exiguis cohortibus, non admisit. Dum hic moratur, mittit ad eum Connestablius, purgandi sui causa: quod Sanctoquintinum ad diem non tradidisset, consulto factum abs se: nam alioquin omnem se fuisse rationem amissurum, & occasionem agendi aliquid præterea: nullam deinceps auctoritatem, nullam se habiturum in Gallijs fuisse facultatem communicandi consilia: Nunc uero, quandoquidem in propinquo sit Eduardus: facturum se quiduis. Et quò maiorem faceret fidem, per eundem Legatum dat literas ad Eduardum in hanc sententiam, ut ijs, quæ Carolus ipsi nomine suo dicturus esset, fidem haberet. Alijs deinde literis Carolo promittebat opem, quouis in bello, nec ipsi tantum, sed omnibus etiam confœderatis atq; socijs. Acceptam epistolam Carolus Eduardo reddit, & quid ille nunciasset, recitat & aliquantò plenius quàm res erat, exponit. Nam & Sanctoquintinum, & alia multa se recuperaturum esse illius opera confirmabat. Eduardo facile persuasum fuit, quoniam & sororius erat Connestablij, neq; illum credebat tam fore temerarium & imprudentem, ut in ijs angustijs positus, quod sibi, quod Carolo promississet,

Z ij non

non seruaret: Idem quoq; sentiebat Carolus. Verum neq; metu regis, nec ulla re alia potuit ille impelli, ut satisfaceret promisso: & ex usu rerum suarum esse putabat, ut pro consuetudine sua cautè ac simulatè ageret, existimans, inueniri semper à se posse rationes non malas, quibus illi placati, paterentur sese duci. Eduardus autem, eiusq; familiares, quia nostrarum rerum erant imperitiores, non tam facile senserunt dolum. Angli enim omnes, ñ præsertim, qui non sunt apud exteros peregrinati, ualde sunt biliosi: quod proprium est omnibus ad septentrionem pertinentibus populis. Galli uero, quoniam positi sunt in regione bene temperata, cincti Hispanijs & Italia & Anglià & Germania, medium quiddam obtinent, neq; præcipites, neq; nimium etiam tardi, aut remissi. Exhilaratus igitur his Connestablijs literis et mandatis Eduardus, tametsi iam antea poterat aliquid odorari: unà cum Carolo digressus Perona, proficiscitur Sanctoquintinum. Aliquot illius cohortes, quasi certa & explorata oppidanorū amicitia, læti præcurrunt, sed propinquiores facti, tormentis excipiuntur, & desideratis nonnullis, cœlo multum pluuio & incommodo, regrediuntur ad suos, uehementer irati Connestablio, quem & proditionis insimulabant. Postero die, Carolus abitionem parat. Quæ res magnopere contra opinionem Anglis accidit, eò quod author ipsis fuerat, ut mare transirent. Cogitabat autem ad exercitum suum, qui

um, qui Lotharingiam uastabat, proficisci, multa se facturum esse promittens, quæ sint ex ipsorum usu. Verum Angli, cum aliqui suspicionibus indulgeant, & quod essent planè hospites in ea regione, grauius admodum tulerunt hunc illius discessum, neque persuadere sibi poterant, ipsum habere ullum coactum exercitum. Præterea factum illud Connestablii impatientissime ferebāt, & Caroli satisfactio- nem, qui multis de causis illud accidisse diceret, nullo modo accipiebant, & quoniam hyems sub- erat: pacem potius quam bellum spectabant. In hoc ipso temporis uestigio, dum Carolus abitionem parat, adolescens quidam Gallus capitur ab An- glis: Adductus ad Eduardum & ad Carolum, cui- stodiæ mandatur. Carolus illinc digressus, Braban- tiam petit, ubi partem aliquam habebat copiarum. Adolescētem, eò quod primus erat, quem ex hosti- bus cepissent; Eduardus dimitti iubet. Is, cuius an- tea meminimus, Hauartus, abeunti dat aureum nummum, simul mandat, ut suo nomine regem Lu- douicum, si conueniendi facultas detur, salutet. Ille celeriter profectus, Regi, qui tum erat Compendij, mandatum exponit. Rex initio ueritus explorato- rem aliquem esse, quod ipsius heri fratrem intellis- geret apud Britannum esse in autoritate: iubet ar- ctè custodiri: sed tamen ipsius mandato multi com- pellabant eū, ut certi aliquid cognoscerent. Is om- nibus uidebatur, nihil subesse doli, & audiendum

Z in esse.

esse, Postridie, mane, rex ei denuo loquitur, & uinculis quidem expediri: sed tamen seruari præcipit. Cum uentum est ad prandium: diu multumq; se cum deliberat, num sit in Anglorum castra quempiam missurus: & antequam assideret, secreto mihi quædam dicebat. Venit ei in mentem, quod Angliæ fœcialis nuper dixerat, ut simulatq; mare traiecisset Eduardus: ilicò mitteret aliquem eò, qui per Hauartum sit habiturus aditum. Vbi confedit, & aliquandiu pro suo more cogitasset: iubet, ut surragam (sic enim ferebat eius cōsuetudo, ut semper aliquos mensa sua dignaretur) & in cubiculo pranderam, simul adolescentem quendam nominat: huic ut quacumq; ratione persuadeam, iubet, uti publicus nuncius Anglorum exercitum adeat. Eo accersito adolescente, mirabar, quid rex sibi uellet. Nam nec corporis figura, nec animo mihi uidebatur ad eā rem idoneus: sed fallebar. Nec enim ingenio carebat, et erat in eius sermone blanda quædā suauitas, ut postea cognoui. Rex, cū semel tantum ei locutus esset, hoc statim in eo deprehenderat. Vbi quid uellem, exposuissem: ita fuit attonitus, ut ad pedes proiectus deprecaretur, non secus ac si in præsentis uitæ discrimine positus esset. Confirmabam eum, quibus potui ratiōibus, & magna pollicebar, & ut magis auderet, dicebā ab Anglis hoc emanasse, ut mitteretur aliquis: Eramus omnino soli, & inter prandendum, quid fieri oporteret, edoceo, Paulò post

post euocor à rege; quid egissem, expono, simul alios, qui mihi uidebantur magis idonei, profero: sed ipse hunc unum præferebat omnibus. Tandem in coenaculum meum uenit, comitatus uno solum famulo, & locutus adolescenti, paucis uerbis magis eum excitabat, quàm ego sermone proluxo. Cumq; pauorem omnem & dubitationem ab illo expulisset; iubet illico uestem consui, cuiusmodi Fœciales uti solent. Eius enim generis nulla tum erat parata, quòd Rex in ijs rebus minime erat ambitiosus. Ea ueste secretò confecta; clam adducitur equus, in manticam imponitur uestis, & propinquior factus Anglorum castris, iubetur eam circumferre palàm. Quò eò peruenit, sistitur, & ad Eduardi tabernaculum adducitur. Interrogatus, quid uellet: à Galliarum Rege se missum esse dicebat ad Eduardum, & iniunctum sibi, ut per Hauartum adiret. Pransus, ad Eduardum reducitur. Ibi mandatis expositis, ait Principem suum cupere modis omnibus, firmam & perpetuam inter Anglos & Gallos amicitiam intercedere: Id facile ex eo posse intelligi, quod interea, dum apud Gallos imperium obtineat, nihil unquam aduersus Angliam sit molitus: Quod à Comite Beruicensi fuerit non alienus, illud odio Caroli tantum fuisse factum: à quo nunc sit accersitus & impulsus Eduardus ad hoc bellum, non alia de causa, quàm ut ipse adiutus opinione fœderis & societatis Anglicæ, maiora consequatur in Gallijs, & ampliori

pliori suo commodo paciscatur. Si qui alij bellum suadeant, eos hoc solum spectare, ut priuatis suis rationibus consulant: de salutē Angliæ nihil magno pere sollicitos esse: iam impendere hyemem: non dubium esse, quin magnos in hoc bellum sumptus fecerit: & quanquam in Angliā complures bellum cupiant: tamen, si pacis mentionem non excludat, Ludouicum Regem non esse defuturum officio, qui & Legatos ad ipsum ea de re sit missurus, modo id sine periculo liceat: aut si malit aliquem locum medium utriusq; legatorum colloquio deligere, futurum id Regi nō ingratum. Iis cognitis postulatis, Eduardus eiusq; familiares, re deliberata, comprobant eam sententiā: & dato uiatico, literis de periculo cauent uenturis legatis, simul nunciū in Galliā mittunt, qui suis idem impetrent. Data utrinq; fide, Rex inter alios Amirallium mittit. Anglicæ Legatiōis princeps erat Hauartus. Hi postridie apud Ambianum conueniunt. Videatur alicui fortasse, Regem nimium se demisisse: uerum qui iudicio præditi sunt, ex ijs, quæ suprā demonstrauimus, uident, in quanto fuerit tum Gallia discrimine, nisi Deus illam eripuisset: qui & Regi author fuit haud dubiè optimi consilij, & Caroli mentem ita conturbauit, ut ea sequeretur consilia, quæ summū ei detrimentum attulerunt. Sparsa tum erant per Galliam multa dissensionum semina, quæ tametsi tuebantur adhuc, erant tamen eruptura breui post tempore,

pore, nisi Rex in herbis illa necasset. Ex Britannia potissimum ingens quædam tempestas nobis impendebat: quò magis credo, Deum singulariter & unice, tunc respexisse Galliam.

PHILIPPI COMINAE I commentariorum Liber Sextus.



Ostridiè quàm noster Fœcialis redierat: Legati, ut diximus, constituto loco conueniunt. Inter utrosq; exercitus interuallum erat quatuor milliariū. Vbi cōditiones aliquot nostri proposuissent: Angli profua perpetua consuetudine, petebāt omnem Galliam, aut saltem Normanniā & Aquitanie partem sibi reddi. Id uero nostri obstinatè negabāt: & quanq̃ in eo conuenire inter ipsos non poterat, tamen, quoniam pacis erant utrinq; cupidi: perfectum aliquid fuit. Ipsorum hæc tandem fuerunt postulata, primum, ut Rex Eduardo statim dependeret septuaginta duo aureorum millia: deinde, ut ipsius filius Carolus, qui nunc rerum potitur (Delphinum Galli uocant) uxorem duceret natu maiorem Eduardi filiam: Ad hæc, ut in educationem filie rex aut certam Aquitanie partem daret: aut per annos nouem quinquaginta aureorum millia quotāns persolueret

a

solueret Londini: quibus annis elapsis, illi perfecto matrimonio, fructibus omnibus Aquitanix, sine contentione utantur fruantur. Alia quedam humilia, quæ ad mercatorum negocia pertinent, de quibus etiam agitatum ibi fuit, nihil attinet commemorare. Postremo, ut per annos nouem firma sit pacificatio, & ut socios quisque suos in ea comprehendat, & in his Carolum etiam atque Britannum, modo uelint ascribi. Ex altera parte, Eduardus ultro deferebat (quod in primis mirum uideri potest) se patefacturum esse Regi quosdam Gallix proditores. Cum ex Legatis, quid illi peterent, Rex cognouit: conuocato concilio, cui & ipse intereram, deliberat. Nonnulli putabant eos agere insidiosè: Rex autem longe aliter sentiebat, his potissimum de causis, quod imminente iam hyeme, non possent quicquam magni efficere: quod receptaculum nullum haberent: quod à Carolo male essent accepti, & iustissimas haberent in eum offensionis causas: quod Connestablius non esset ipsis locum ullum munitum, in quem se recipiant, daturus: idque sibi constare dicebat, quod frequentes ad eum mitteret nuncios. Deinde, non nesciebat, Eduardum delicijs & otio deditum esse. Quocirca decreuit eam pecuniam oportere persolui, & eius corrogandæ statim initæ sunt rationes, & singuli conferebamus aliquid, pro suis quisque facultatibus, ut absque mora dependeretur. Hæc enim erat sententia Regis, ut diceret, se

nihil

nihil non esse facturum, quò domum illi redirent: non se passurum tamen, ut possessiones ullas in Gallijs obtineant: & potius quam hoc ferat, extrema se omnia tentaturum. Connestablius interea, quòd perpetuo metueret illam contra se factam Bouilli conspirationem: in maxima erat sollicitudine, quæ causa fuit, ut crebris nuncijs Regem interpellaret. Et dum hæc agitantur, mittit Ludouicum Creuillium, honesto loco natum, & unum è scribis, Ioannem Richerium. Hi Bocagio & mihi, iussu Regis, quid uellent, exponunt. Forte aderat eo die Constæus, qui cum esset apud Atrebatum captus, ut supra diximus, fide militari subinde ueniebat ad Regem: & si pacem conficeret, pro sua, qua ualebat apud Carolum autoritate, promittebat ei rex libertatem absq; precio, & magnam præterea uim pecuniæ. Auditurus igitur Connestablij Legatos, Constæum intra cubiculi fores collocat, meq; illi adiungit, ut legatorum orationem Carolo recitaret. Atq; ut plenius intelligeremus omnia: sellam suam iubet deferri proximè ad fores, intra quas eramus abditi. Illi incipiunt: à Connestablio se missos nuper fuisse ad Carolum, ut ab Anglorum societate ipsum auerterent: Illum autem uehementissime tunc iratum fuisse Eduardo, & minimum abfuisse, quin ei persuaderetur, ut nò modo defereret, uerumetiam, ut cum exercitu discedentem inuaderet. Dum hæc illi recitant: simul student, quò magis Regi gratificari
a ij carentur,

carentur, Caroli uocem & gestus repræsentare, quibus ille concitatus ad iram, uti consueuit; ac inter alia dicebant, eum nominasse Eduardum, sagittarij cuiusdam filium, & id genus alia multa. Rex in risum solutus, ait se grauius audire: rogat igitur, ut ea quæ dixissent, repeterent. Creuilius magno quodam affectu rursus omnia commemorat. Contæus, qui unâ mecum post fores latebat, ualde mirabatur, & nisi coram ipse audisset: nulli fidem habiturus erat. Mandatorum hæc erat summa: suadere se regi, ut periculi uitandi gratia, in quo esset, pacisceretur cum Anglis inducias: Connestablium in ea re fore adiutorem, neque dubitare, quin sit perfecturus. & quò facilius persuadeatur Anglis: uideri Connestablio, rectè facturum esse Regem, si unum & alterum oppidulum illis det hyemandi causa. Sciebat Anglos inimico esse in se animo, propter acceptam contumeliam apud Sanctoquintinum: & ut eos placaret, ideo ad hunc modum loquebatur. Rex, cui satis erat sustinuisse personam, & hoc perfecisse, ut Contæus illorum orationem intelligeret, hoc solum respondit, se cum Eduardo acturum esse, atque ita dimisit Legatos, è quibus alter, fidem Regi dabat, interposito iureiurando, si quid ullo tempore sentiret, quod ad ipsum pertineret, se patefacturum esse. Regi ualde molestum erat & graue, non respondere aliquid ad eam sermonis partem, qua illi suadebant, Anglos in oppida recipiendos esse: uerum

rum quod metueret, ne Connestablius aliquid grauius admitteret: ita respōsum temperauit, ne quod offensionis signum illi deprehenderēt: simul ē suis aliquot ad illum crebro mittebat. Nam propter modicum interuallum, paucis horis alter de altero cognoscebant. Contāus impatientissime tulit, principem suum, à legatis, qui tenuis essent conditionis homines, ad eum modum ludificari, præsertim, cum in hoc tempore Connestablius magnum simularēt amorem, & cum Carolo de uarijs rebus agitaret, eiq; spem ingentem faceret. Itaq; nihil magis optabat, quàm ut primo quoq; tempore, domum reuersus, Carolo rem omnem exponeret. Cum igitur perfecto negotio, cuius causa uenerat, discederet: Rex datis ad Carolum literis, petit, ut ijs, quę dicturus esset Contāus, fidem haberet. Præter alia, de quibus inter Regis & Eduardi legatos conuenerat, hoc etiam fuit constitutum: ut ad collocutionem ipsimet Reges uenirent, ac iureiurando pactiones confirmarent: ut Eduardus accepta pecuniā, quam petebat, obsides daret duos procures, & alterum ex ijs Hauartum, qui in Gallijs essent, donec ille cum exercitu mare traiecisset. Anglię quoq; primoribus Rex promittebat annuam pensionem, ad sedecim aureorum millia, & ea pecuniā statim persoluta fuit in primum annum, & uasa multa argentea dono illis data. His rebus cognitis, Carolus, qui tum Luxemburgi erat, magna celeritate contendit ad Eduardum.

ardum, sedecim comitatus equis. Vbi uidisset Eduardus, miratur quid sit, rogat quamobrem uenerit. Carolus ait se uelle colloqui: tum ille, priuatim ne, an palam? Ibi Carolus rogat, an pacem fecerit: Ille respondit, se pactum esse nouem annorum inducias, in quibus & ipse, modo uelit, sit comprehensus: rogare se, ut assentiretur. Carolus coepit indignè ferre, & stomachari, & Anglicè locutus, exponit, quanta fuerit ipsius maiorum, Angliæ regum uirtus, qui exercitu in Galliam sæpe traiecto, præclare ibi multa fecerint, cum ingenti ipsorum gloria: pacificationem hanc esse uehementer indignam & abiectam: se quidem fuisse illi authorem, ut mare transiret, non quod ipsius haberet opus auxilijs, uerum ut hac ratione, uetus patrimonium etius, quod ad ipsum, quod ad Angliæ Reges à plurimis nunc annis pertineat, recuperaret. Et quò magis constet, quàm facile carere possit eius adminiculo, non se facturum esse inducias cum Rege, nisi tribus mensibus post ipsius in Angliam traiectionem. Hæc locutus abiit. Eduardus, & qui erant cum eo, sermonem hunc grauiter tulerunt: alij, quibus ea compositio displicuit, laudabant. Sicut constitutum erat, Eduardus propius Ambianum accedit. Rex è porta urbis prospiciebat aduenientes copias: Illico trecenta plaustra generosissimi uini dono mittit. Et quoniam induciæ erant: illi sub armis magno numero in urbem ueniunt. Quòd si Rex insidiosè uoluisset ali

quid

quid moliri: facile poterat eos opprimere, sed aliò spectabat. Mensas duas longiores iusserat hinc inde per uiam disponi, ad introitum urbis, prope portam, ijs cibis, qui sitim prouocant, optimisq; uinis instructas: simul ad eas collocauit è nobilitate quosdam præpingues, & bene curata cute nitidos, qui comiter illos exciperent, & ad computationem inuítarent. Ad hunc modum in ipso propè limine excepti, ac deinde longius in oppidum progressi, quocumq; diuerterent, lautissime per quatrimum habitifuerunt, sumptu regis. Interea Connestablius, qui pactionem hanc indigne ferret, non minus quam Carolus: conscientia facinoris instigatus, è sacrificiis quendam mittit ad Eduardum, ac magnopere hortatur, ne Regis orationi, & promissis fidem habeat: sed hybernis unum & alterum oppidum, quæ dicebat nominatim, sumat, ijsq; sit contentus: Intra bimestre, sua diligentia & opera, longe commodius ei paratum fore hospitium. Hæc ille quidem oblique & dubitanter, sed tamen ample & prolixè. Et ne qua maiori necessitate coactus Eduardus, indignum aliquid admitteret: promittebat mutuo dare ad quinquaginta aureorum millia, multaq; alia eius generis nunciabat. Regem antea fuerat hortatus, ut Anglis illa, de quibus diximus, oppida per hyemem daret. Ea res quoniam ad Eduardum emanauit: Rex, ne qua parte offenderet, iam illa traderat. Eduardus respondit, se pactum esse inducias, nec

nec uelle quicquam immutare : quòd si fidem ille sibi seruasset, nò se descensurum fuisse ad eas pacis conditiones. Ibi uero Connestablius omni spere conciliationis excidit. Dum ad eum modum, ut diximus, Angli comessantur Ambiani : Regem de eo certiore facit Torcius, uir nobilis, cumq; ille stomacharetur : obmutuerunt omnes. Dies ille representabat eum, in quem Innocentium puerorum dies eo anno inciderat. Regis autem erat consuetudo, ut per eum diem, nemo quicquam ad ipsum de negocijs deferret, et mali ominis esse putabat, si quis ulla de re graui & seria cum ipso loqueretur : & ipsi, qui hunc ipsius morem non ignorabant, si quando interpellassent, ualde irascebatur. Verum ubi audivissem in urbe iam esse ad nouem Anglorum milia : putavi non esse contemnendum periculum. Accedens igitur ad illum, tametsi hunc diem religiose colas, inquam, tamen quo loco sint res : opus est, ut dicam. Ordine deinde commemoro, quid fieret, & quemadmodum illi augescerent, dum metu ne offendantur, sine discrimine omnes intromittuntur. Ille placide respondit, religionem hanc, in eo rerum statu, solui posse : iubet, ut còscendam equum, et experiar apud Duces, si qua ratione queant reuocari : uelle se cum ipsis colloqui, & paulo post ad portam esse uenturum. Sic ut imperatū erat, feci, quantum licuit : uerum uno aliquo discedente, multi alij ingrediebantur. Post me Gijum mittit, nunc Gallie

Galliæ Mareschallum. Ingređimur cauponam, largiter ibi potabatur, & personabant omnia uocibus ebriorum. Ibi tandem cœpi remittere curam, & iudicabam nihil esse magni periculi, & ad Regem hoc statim enunciabā, qui & ipse nō multo post ad portam uenit, magno comitatu, & secreto iubet armari ad trecentos cataphractos, & ad portæ custodiam, loco superiori, multos constituit. Ipse in ianitoris domo prandet, & cum eo multi ex Angliæ primoribus: Eduardus de suorum intemperantia certior factus; nunciat Regi, ne quem omnium intromittat. Rex minime se quidem istud facturum esse respondit: uerum si commodum ei uideatur, mittat aliquem suorum stipatorum numerum, qui quos uelint, admittant. Placuit ea ratio, itaque factum est, ut plerique omnes ab urbe excederēt. Post hæc, inijcitur mentio, circumspiciendum esse locū idoneum colloctioni. Ad eam rem conficiendam, Bocagius & ego mittimur à Rege: Ab Anglis uenit Hauartus & Calangerius cum fœciali. Diligenter inspecta omni regione, et ora illa, quæ est ad Somiam flumē: opportunus uisus est nobis locus, Piccenium oppidum, tribus infra Ambianum milliaribus, tamen si Carolus nuper illud incendio uastauerat. Vtraque uia, quā uenturi erant diuersis itineribus ambo Reges, admodum erat amœna: nisi quod per spaciū aliquod, locus, quā ueniendum erat Eduardo, propter angustias, opportunus erat insidijs & iniuriæ,

b

iniuriæ, si quis mala fide rem egisset. Angli enim, quod & suprà dixi, non sunt in eiusmodi rebus tam ingeniosi & prouidi, quàm nostrates. Vbi conuenit de loco: placuit efficiendum esse pontem, in quo illi congregerentur. Materiam omnem ad eā rem nos subministrāuimus. In medio ponte fit cauea, mediocri altitudine, qualibus coherceri uidemus leones. Eius foramina erant ea magnitudine, ut brachium aliquis laxè infereret. supernè tota erat contabulata, pluuiæ arcendę causa, ita quidem amplè, ut utrinque duodeni consistenter. Ea cauea complectebatur utramque oram pontis, sic, ut transitus in alterutram partem nullus pateret. Ad flumen solum erat una scapha, cum duobus uectoribus. Et quoniam ad hunc locum uentum est: non grauabor recitare causam, cur sepimentum istud Rex iusserit ædificari, ut alij quoque Principes in colloctionem aliquando uenturi, habeant quod sequantur. Carolus Galliarum rex, eius nominis septimus, multum adolescens, affligebatur admodum ab Anglis. Nam Henricus quintus Angliarum rex acriter obsidebat Rothomagum. Oppidani plerique omnes aut subiecti erant imperio Ioannis Burgundiæ Ducis, aut rebus eius alioqui fauebant. Huic grauis intercedebat cum Aureliano Duce similitas, ita quidem, ut tota fere Gallia factionibus & studio alterius partis esset diuisa, maximo cum detrimento Reipublicæ. Nam eiusmodi factiones, ubi semel radices egerint, uix magna difficultate

ficultate sedari possunt. & in hac dissensione Aure-
 lianus Lutetiæ fuit interfectus, anno proximè ante
 Rothomagi oppugnationem. Ioannes autem Bur-
 gundiæ Dux, magnum habebat & instructum ex-
 ercitu, quò obsidionem solueret. Utq; facilius, quò
 spectabat, perueniret, deq; uoluntate regis non du-
 bitaret amplius: uisum fuit, ut cum Rege in collo-
 cutionem ueniret Monstreli, quod circiter uiginti
 miliaribus supra Luteciam est oppidum, ad conflu-
 entem Sequanæ & Ionæ. Fuit igitur ibi inædifica-
 tum ponti sepimentum quoddam, uerum ita, ut
 per ostium, quod utrinq; claudabatur, alijs ad alios
 pateret aditus, modo utriq; uellent. Cum eò uen-
 tum est: incipiunt colloqui Principes. Ac licet ma-
 gno comitatu uenissent ambo: Burgundiæ tamen
 Dux, quatuor tantum è suis adduxit, & paulò pòst,
 uel quòd inuitaretur, uel quòd alioqui cuperet ho-
 norem aliquem Regi deferre: ab ea parte, quâ erat,
 aperit fores, cumq; ab altera parte idem fieret, trans-
 sijn ad Regem, & confestim fuit interemptus, quæ
 quidem cædes maximarum deinde calamitatum
 causa fuit, ut constat. Istud quidem nō propriè per-
 tinet ad nostrum institutum, ideoq; non immora-
 bor amplius, sed ad hunc modum, ut dixi, Rex mihi
 recitauit ipse. Quod si, quo tempore fuit institutum
 illud colloquium, sic fuisset aptatus locus, ut occa-
 sio nulla extitisset, illum euocandi: non fuisset ea
 perpetrata cædes, cuius erant authores nonnulli fa-

b ij milia

miliāres Aureliani Ducis, magnæ apud Carolū Regem authoritatis. Rebus omnibus ad colloquium paratis: postridiē ueniunt eō Reges ambo, & Ludouicus quidem prior cum octingentis cataphractis: Eduardus autem cum omni exercitu. Sed duodenos tantum singuli secum adducunt, & interea dum colloquuntur: ex ipsis quatuor erant designati, tanquam inspectores eorum, quæ apud nos gererentur: ex nostris totidem erant in ipsorum castris, eadem de causa. Cum Rege præter alios aderant Ioannes Borboniæ Dux, eiusq; frater Cardianalis, A multis annis Rex eum habebat morem, ut suis unum aliquem sæpe uellet eodem esse cultu corporis, quo ipse erat. Eo itaq; diē me delegit ad eam rem. Posteaquam Eduardus eō uenit, comitatus inter alios fratre, Clarentiæ Duce, complentur se inuicem ualde amanter perforamina illa sepimenti, & Ludouicus sermonem inchoans: Aduentus, inquit, tuus, cognate, mihi longe est gratissimus, adeo quidem, ut nullius hodiē principis conspectu & colloquio malim frui, eoq; nomine gratias ago immortalī Deo, cuius beneficio, hīc perpetuæ amicitie firmandæ & reipub. causa conuenimus. Adea cum Gallice respondisset Eduardus: eius Cancellarius sermonem excipit, & uaticinium extare dicebat de futura insigni quadam apud Picenum inter Galliæ & Angliæ Reges pacificatione. Tribuunt autem Angli plurimum uaticinijs, & quum

& quum de rebus arduis tractant, in medium semper aliquid tale adducunt. Ea habita oratione: proferuntur literæ, quas de pactionibus Ludouicus miserat Eduardo. Ibi tū Cancellarius Regem interrogat, an ratas habeat utrobique latas cōditiones? Cum assensisset ille, ponitur in medium liber sacratus, & alia quædam religiosa. Iis ambo superimponunt manus, & sanctissimo iureiurando pollicentur, omnia se bona fide seruaturos esse. Posthæc, Ludouicus, quoniam facetus erat & urbanus in dicendo, recte, inquit, erit cognate, si quando Luteciam uenias: Iucundè uiuemus & suauiter, tecū oblectabis cum eius urbis lectissimis fœminis: adhibebo tibi Cardinalem Borbonium: Is quicquid peccaris, pro ea, quam habet, potestate, facile expiabit. Eo sermone fuit exhilaratus Eduardus. Cumq; amice admodum & blande ad eum modum essent aliquandiu locuti: Rex iubet nos, qui cum ipso eramus, aliquō secedere. Qui cum Eduardo uenerant, iniussi diuertunt. Paulò post, accersit me Rex, et Eduardum rogat, an cognoscat. Ille & se nouisse respondit, & nominatim, quibus in locis uidisset, dicebat. Nam quo tempore adhuc eram in familia Caroli, præstiteram ei meam operam. Tum Rex ad illum: Si Carolus, inquit, nolit seruare inducias (admodum enim fastuose respondit) quid agendum tibi esse uidetur? Ad hoc Eduardus, denuo licebit experiaris, ait, & conditionem deferas: quod si no-

b iij

lit com

lit comprehendi : agite inter uos pro uestro arbitratu. Per occasionem deinde Rex delabatur in mentionem Britanni, nam idcirco in hunc sermonem descendit, & cum illo quid agendum sit, rogat, si nolit ratas habere inducias : Tum Eduardus, nullum se rebus aduersis habuisse fideliores amicum respondit, ideoq; rogare, ne quod ei bellum inferatur. Conticuit Rex, & complexus illum, humanissimèq; salutatis eius familiaribus, Ambianum reuertitur, & illi ad exercitum redeunti, subministrat omnia, quorum aliquis esse poterat usus. Dux Clocestrius Eduardi frater, & alij nonnulli procures, quod grauitè ferrent eam transactionem : non interfuerant ei colloquio, sed tamen eò deducta res fuit, ut hi omnes deinde ad regem uenirent, acceptis ab eo pulcherrimis donis, uasis argenteis, & equis lectissimis. A colloquutione, quum rediremus Ambianum : Rex in itinere mecum duabus de rebus præcipue loquebatur. Primum, animaduertèrat Eduardum facili momento potuisse impelli, ut Luteciam ueniret : Id molestum erat ei. Nam formosus, inquit, est Princeps & elegans : delectatur cōsuetudine mulierum : facile sit, ut Luteciæ aliquam reperiat delicatulam, cuius amore & suauiloquentia captus, cupiat eò subinde redire : atqui maiores ipsius, nimium ibi inueterauerunt. Quamdiu intra regni sui fines sese continebit : expeto illius amicitiam, citra mare autem non potest ulla mihi cum eo firma esse

esse aut certa societas. Alterum erat, quod paulò durior ille fuisset, quando de Britanno facta fuit mentio. Nam & hoc ei moleste accidit, & quia magnos pere cupiebat inferre bellum Britannia: denuo per legatos eum sollicitat, ut sibi hoc ipsius pace liceat. Sed ille cum urgeretur: respondit, si bellum excitetur aduersus Britannum, se denuo traiecturum esse mare, ut illum propugnet. Ad eum sermonem legati conticuerunt. Dum essemus Ambiani: ueniunt ad Rēgem aliquot eius familiares, qui pacis fuerant principes. Ex ijs Hauartus ad eum secretò, Si uelis, inquit, facile perficiam, ut Eduardus huc ueniat, & fortasse Luteciam usq; animi recreandi causa. Insuaue hoc erat Regi, dissimulans tamen, & lotis interea manibus, ut pranderet, nihil admodum respondit, & ad me tacitè, quod suspicatus, inquit, eram, id accidit. A cœna, cum in eundem sermonem illi denuo incidissent: illatum aliquid fuit ad excusationem, quàm fieri potuit ciuillissime, & Regi cōtra Carolum magna celeritate proficiscendum esse dicebatur. Si quis memoria repetat, quantis calamitatibus Angli plurimis annis, & nostris etiam tēporibus Galliam afflixerint: ei non uidebitur mirum, tantam fuisse Regis diligentiam, ut eos, quacumq; ratione placatos dimitteret. Postero die Angli maximo numero ueniunt Ambianum. Ex ipsis quàm plurimi dicebant, eam pacem Sancti spiritus beneficio factam fuisse. Nam quo die Reges consue-

uenerant; columba candida confederat in tabernaculo Eduardi, nec ullo strepitu aut clamore fugari potuit. Pluerat aliquantulum, eamq; pluuiam insecutus est: deinde fulgor solis, & columbam aliqui dicebant exiccandi sui causa, insedisse ei tabernaculo, quod præ ceteris eminebat. Hanc rationem adferebat mihi Vasco quidam nobilis, ex familia Eduardi, Pacificationem hanc ille grauiter, ut alij multi, ferebat; & quoniam uetus inter nos erat notitia: familiariter mecum locutus, inter alia dicebat, non dubium esse, quin Eduardum aliquando ludificaremus. Rogabam, quàm multa fecisset ille secundæ præliæ. Nouem, inquit, quibus omnibus interfuit ipse. Quàm multa, inquam, aduersa? Vnum, ait, nempe hoc ipsum, & uestra quidem calliditate. Et quoniam istud in se admisit: collectam è superioribus bellis gloriam, hoc uno totam obscurauit. Rex per me certior de eo factus, ait, esse hominem seditiosum, & prouidendum, ne quid turbaret. Vocatur igitur ad prandium, & si commorari secum uellet, magnas deferret conditiones: Dono deinde datis mille aureis, pollicetur eius fratribus, qui per Galliam erant, omnem beneuolentiam. Ego quoq; in aurem illi aliquid admurmurans, orabam, ne quid moueret. Rex in primis erat sollicitus, ne quod dictum sibi imprudenti excideret iocosum, quod Angli ad sui derisionem interpretarentur. Postridie autem colloquutionis, cum esset in cubiculo, & ex nobis aliquot

quot unâ cum eo, uerbulum aliquod facit ei ex-
cidit; dum forte de uino & ijs rebus, quas in illorum
castra miserat, loquitur. Respiciens, de improviso
conspicit mercatorem quendam Vasconem, qui eò
uenerat, petens, ut sibi liceret uina sine portorio il-
linc in Angliam exportare. Vbi uidit: obstupescit,
simul miratur quemadmodum eò penetrasset: Ro-
gat qui sit, et unde, & an uxorem habeat in Angliâ.
Ille, habitare se quidem in Anglia respondit cum
uxore, sed exiguas habere facultates. Posteaquam
deinde certis conditionibus cum illo egissem: Rex
largitur, quod petebat, nec id modo, uerum etiam
eo in loco, unde originem habebat, munus publi-
cum dabat, & mille francos dependit ad euocan-
dam ex Angliâ coniugem atq; familiam: Ea profes-
ctio ipsius fratri committitur: Ipse Burdegalam ire
iubetur, & ne quò defleceret, additur ei mandato
regis, comes itineris. Ad hunc modum Rex, quod
minus circumspectè locutum se fuisse intelligebat:
hac pecunia se multauit ipse. Dum hæc gerunt: ue-
nitâ Connestablio legatus Rapinius. Eum ut au-
diremus, Ludeo mihiq; Rex mandat, Contæus,
quem supra diximus ad Carolū fuisse profectum,
ut Connestablii consilia patefaceret: redierat iam
ab illo, & erat cum Rege. Legatus in hunc modum
uerba facit: Connestablium habere pro explorato,
quàm grauiter sit accusatus, sed ex ipso rerum euen-
tu facile Regem iudicare posse, falso delata esse om-
nia,

c

nia,

nia, quòd in ipsius detrimentum nihil hactenus ad-
miserit. Et quò maior sit fides: docet quomodo per-
suaderi possit Carolo, ut discedentem Eduardum
adoriatur & opprimat. Nos ad ea respondimus,
uelle nos uti pace cum Anglis. Ludeus etiam ser-
monem longius progressus, rogat, quo loco reposi-
tam habeat pecuniam Connestablius. Mirabar,
hanc illi uocem excidisse, multò magis etiam, quòd
ille, postquam hoc intellexit; hero suo non fuerit aus-
thor, ut profugeret. Nam quid ageretur, facile pos-
tuit ex eo cognoscere. Sed ita ferè fit, ut pauci admo-
dum expedire se possint à periculis, & tempestiue
illa uitare. Alij, quòd experientiam nullam habeant,
neq; similia exempla obseruarint: alij studio & a-
more liberorum, uxorum, familiæ & possessionum
cauere sibi non possunt, & tametsi præmoneantur:
tamen his uinculis impediti, in maximas sæpe calas-
mitates incidunt. Vbi de postulatis illius à nobis
Rex cognouit: scribam accersit. præter Bocagium
& me aderant unà Contæus & Hauartus: & hic
quidem ignarus, quid ageretur. Dat literas ad Con-
nestablium in hanc sententiam: Se pactum esse cum
Eduardo, & nunc uarijs occupari negocijs: ita quis-
dem, ut eiusmodi capite, quale sit ipsius, uehemen-
ter opus habeat. Inde ad Hauartum & Contæum:
Corpus, inquit, illius non requiro, & solo capite sim
futurus contentus. Eas literas dat Rapinio, cui cle-
menter admodum & amice dictum esse uidebatur
istud

Istud à Rege, nec quò pertineret, intelligebat. Post hæc, Eduardus binas Connestablii literas ad se scriptas, mittit ad Regem, & quicquid unquam nunciãuerat, patefacit. Quò magis uidere licet, quàm fuerit deploranda illius cõditio: qui tres potentissimos Principes eodem tempore habebat infestissimos. Eduardus à Rege accepta pecuniã, magnis itineribus Caletos proficiscitur. Nec enim à Carolo tantum, uerum etiam à promiscua multitudine per Galliam, sibi metuebat. Et si quis militum à reliquis copijs aberrasset, aut paululum modo diremptus esset ab alijs: uixerat, ut non interficeretur. Obsides autem reliquit in Gallijs Hauartum & Ioannem Seneium, quoad mare traiecisset. Suprà diximus, illum non magnopere propendisse in hoc bellum: Nam simulatq; Daruernum uenit, quod est trans mare oppidum, cõtra portum Iccium, & antequam illinc solueret: cœpit nobiscum aliquas rationes inire. Vt autem ad nos trañceret, duo potissimum erant in causa. Primum, populus pro sua perpetua consuetudine bellũ expetebat, & Carolus etiam instigabat. Deinde, cogitabat magnam eius pecuniæ partem, quam in hoc bellum exegerat, sibi retinere: Angliæ enim reges, præter certos & annuos census, nullam suis imperant pecuniã, ut antea quoq; diximus, nisi in bellum Gallicum autoticum. Et ut populo satisfaceret: alia quadam arte fuit usus & calliditate, Londino secum & ex alijs urbibus ad

c ij duode

duodecim ciues adduxerat, homines locupletes, obesos, et uitę molliori affuetos, qui et accepti erant multitudinē, & profectiōem in Galliam ualde suaserant. Et quanquam satis habebantur commodē in tabernaculis; tamen quod ei uitę generi non assuescent, statim eos tæduit. Putauerant enim fore, ut traiecto mari, intra paucissimos dies cum hoste dimicaretur. Interposita autem longiori mora, cum & bellum duceretur, & de pace mitterentur Legati: Eduardus fastidium illis etiam auxit, ut eò uehemētius pacem urgerēt, ac se, cum rediisset domum, purgarent; si forte præproperum ipsius reditum populus indigne ferret. Nam ab Arturi temporibus, Angliæ rex, cum maioribus copijs in Galliam nullus unquam uenit. Collegerat autem in hoc bellum grandem pecuniā, cuius multò maximā partem sibi seruauit, quum opinione citius dimitteretur exercitus. Atqui, non erat ea uirtute & industria, quali præditum esse oportet eum, qui uelit in Gallijs magni aliquid bello perficere. Deinde, Rex communierat se sic satis, tametsi in tanto aduersariorum numero, non poterat undiq; sibi cauere. Sed & Eduardus, quia magnopere cupiebat matrimonium, de quo constitutum erat, perficere plurima nobis concedebat. Post illius abitum, rex Veruinum proficiscitur, quod est ad Hannoniæ fines oppidulum. Auennij erant pro Carolo Cancellarius & Cōtaus cum alijs nonnullis. Non ignorabat rex, quantis alijs

tis aliquando calamitatibus Angli affecissent Gal-
liam (fuerat enim ipse spectator earum aliqua ex
parte) quò magis etiam commotus fuit hoc illorum
transitu, & ut minus sibi metuendum esset ab illis:
cupiebat cum Carolo pacisci. Nunciabat ei Can-
cellarius, ut medium aliquem locum deligeret, quo
cum ipsius legatis in colloquium uenirent. Eo acces-
pto nuncio, ipse, tametsi nonnulli dehortarentur:
ad constitutum locum accessit, adductis unà secum
obsidibus Anglicanis, & ijs præsentibus excipit
Caroli Legatos, qui instructi uenerant magna
militum & sagittariorum manu. Postquam utrinq;
salutassent: nulla re alia perfecta, Rex ad pran-
dium illos secum abducit. Ex Anglis qui aderant,
quidam ad me conuersus, quòd impatienter fere-
bat factam esse pacem: Si multos, inquit, eiusmodi
milites uidissemus in comitatu Caroli, quo tempo-
re ad Eduardum nuper uenit, non eramus pacifica-
turi. Tum Archiepiscopus Narbone, qui sorte ades-
rat: An uero tam eratis, inquit, simplices, ac rerum
imperiti, ut existimaretis, eum non habere multas
eiusmodi copias? Habebat sanè complures, & resi-
ciendi sui causa, tantum dimiserat illas: Sed uos ita
magnum tenebat desiderium patriæ, ut sexcenta
uasa uini, & pensio quædam annua, quam accipi-
tis à rege, facile uobis abitionem persuaserint. Tum
ille grauissime indignatus, hoc, ait, illud est, quod
plurimq; nobis prædicebant, fore, ut nos ludificaretis.

c. iij. An

An eam pecuniam, quæ nobis persoluiturà Rege, pensionem uocatis? tributum est, non pensio. Certe minimo negotio fieri possit, ut uestris ludibrijs prouocati, denuo in Galliam traſciamus. Ego sermone hunc interrompens, iocose dictum esse interpretabar. Ille uero minime contentus, ad Regem aliquid extulit, qui ob hoc ipsum uehementissime fuit exacerbatus in Archiepiscopum. Inter Caroli legatos & nostros, in quibus etiam erat Petrus Doriollus, Gallie Cancellarius, magna fuit altercatio. Nostri, quid egissent, referunt ad Regem, ac inter alia dicebant, Burgundiones multum esse feroces in omni sermone: se uero nihil inuicem ad illos dissimulasse. Rex minime istud probabat, affirmans, hæc omnia, de quibus iam disceptaretur, antea sæpe numero in controuersiam uenisse: non hoc agi isto tempore, ut de rebus omnibus integrè definiatur, sed ut induciæ solum fiant: nolle se quicquam asperius dici, adeoque se ipsum uelle colloqui. Remotis igitur omnibus, præter Ammirallium & Bocagium & me, paciscitur nouem annorum inducias. Illi uero petebant, quandoquidem Carolus iactauerat, non se facturum inducias, nisi mensibus aliis quot post Eduardi discessum ex Gallijs: ne statim diuulgarentur, ut ne uideretur illas apud Picenſium factas, habuisse ratas, in quibus omnino comprehendendi non uellet. Eduardus, qui grauiter alios qui ferret illam Caroli pertinaciam: certior factus, Regem cum eo pacisci: legatum mittit Thomam Mulgoſ

Mulgo merum, orans, ne præter eas, quas ipsi constituisserent, alias faceret inducias, & ut ne Sancto quintinum illi reddat: Quod si bellum etiam inferre uelit, pollicetur se cum exercitu, primo uere, aut sub initium æstatis, denuo traiecturum esse mare, & auxilia præbiturum, ijs conditionibus, primum, ut Rex, detrimentum, quod sit accepturus ob immixtum uestigal, sibi refarciat (nam ex lana colligitur portorium illud Caleni, ad quinquaginta aureorum millia quotannis) deinde, ut belli sumptuum dimidiam partem dependat: se reliquum esse daturum. Rex, gratam se habere uoluntatem eius confirmans: excusat, id sibi iam non esse integrum: de inducijs quidem se pactum esse cum illo, sed esse plane easdem cum ijs, quas ipsi fecissent: et hoc solo differre, quod ille separatim eius rei literas postularit. Eo dato responso, legatus & obsides duo, qui cum Rege fuerant hæctenus, magnis amplificati muneribus, domum reuertuntur. Mirum in primis uidebatur Regi, tales ab Eduardo sibi fuisse oblatas condiciones, ac periculi plenum esse iudicabat, præbere illi nouam traiciendi occasionem, propterea quod coniunctis copijs, inter Anglos & Gallos, facili momento sit oriturum dissidiū, neque difficilis futura sit Anglorum cum Burgundionibus reconciliatio, quod magis cupiebat cum Carolo pacisci. His confectis rebus, illa inchoata nuper aduersus Connestablium actio, renouatur: Interponitur utrinque fides, & confi-

conficiuntur literæ in eandem plane sententiam, ut Bouilli constitutum fuit. Ea re cognita, qui cum ipso erant honestiores homines: paulatim se subdebant. Ipse, quod sciebat Eduardum suas literas & mandata omnia patefecisse Regi: & quia non ignorabat, quorum impulsu & quamobrem essent factæ induciæ: magnopere fuit commotus, & misso ad Carolum legato, petebat, ut sine periculo sibi liceret cum ipso colloqui. Diu multumque deliberauerat antea, quoniam se potissimum reciperet. Egerat aliquando cum suis famulis Lotharingis, eorumque ductu cogitabat in Germaniam profugere, & quantum posset auri secum deferre, & castellum aliquod in his locis comparare, in quo se tueretur, donec ad Principum amicitiam tutum haberet receptum. Alias decreuit subsistere Hanij: quam arcem in hoc munierat, ut rebus parum secundis esset ei receptaculum. Sed quoniam eius familiares prope omnes, aut Regis erant aut Caroli imperio subiecti: non reperiebat homines idoneos, quibus se committeret: ac tantus erat in eo fortasse pavor, ut suis non auderet se patefacere totum. Nam alioqui crediderim pluresque ei non fuisse defuturos. Et periculosius ei futurum erat, circumuallari ab altero solum: quam ab utroque simul. Nam permixti Burgundionibus Galli, non erant disuturna usuri pace. A multa deliberatione, cum ei de periculo cautum esset: constituit proficisci ad Carolum: & comitatus uiginti circiter equis

ter equitibus, Montium petit, Hannoniæ oppidum, cuius præfectus erat ei summè amicus. Ibi per dies aliquot commoratus: à Carolo, qui bello uexabat Lotharingiam, nuncium expectat. Ea de re certior factus Rex, uidebat sibi prouidendum esse magis, ne qua ratione ille Carolo recõciliaretur. Profectus igitur Sanctoquintinum: cogit ad octingentos cataphractos, & ubi propius uenit, ex oppidanis obuiam ei nonnulli procedunt. Illico iubet, ut ingressus in oppidum, remoueam quæ collocata ibi erant præsidia. Post hæc, ingreditur equitatus: hunc ipse deinde sequitur, honorificè admodum exceptus. Qui Connestablii rebus fauebant, in Hannoniam plerique sese recipiunt. Quid actum esset, èuestigio Rex ad Carolum enunciat, ut ei spem omnem recuperandi oppidi per Connestablium, adimeret. Eo accepto nuncio, Carolus Montij præfecto mandat, uti modis omnibus prouideat, ne Connestablius aliquò discedat. Ille imperata facit, quam certè nō tam erat arcta custodia, quin ille pro suis facultatibus & potentia, potuisset aliquam inuenire fugæ uiam. Quid autem hoc loco dicas de fortuna, mundi gubernatrice: ut nonnulli putant. Obtinebat ille summam in Galliis authoritatem: finitimus erat utrique Principi: arcem habebat munatissimam, & rebus omnibus instructam: præfecerat eum Rex quadringentis cataphractis: ualebat ingenio, & peritia rei bellicæ præstabat: magnum
d habebat

habebat rerum usum, & auri uim ingentem possidebat. Statuendum est igitur fortunam, qua nihil est mutabilius, ei fuisse planè aduersariam. Sed res uera nihil aliud est fortuna, quàm figmentum poetarum. Quin potius ita iudicandum est: iratum ei fuisse Deum, & grauiter offensum. Et si de consilijs arcanis fas esset ulli homini pronunciare: dicerem illum excitasse iram Dei aduersum se hac una re potissimum, quòd per omnem uitam mente & animo totus in hoc fuerat, ut perpetuum bellum aleret. Nam in eo positam esse putabat suæ dignitatis materiam, ac ueluti segetem. Neque uero difficile ei erat istud perficere. Tota enim natura & moribus & ingenio Principes inter se dissidebant. Vix igitur credendum est, fortunam aliquam eò dementiæ adduxisse uirum longè prudentissimum, ut eos principes aduersum se concitaret, quorum fuerat per omnem uitam in rebus omnibus contraria & diuersa uoluntas: qui nullam rem unquam simul ex animo comprobauerunt, nisi hanc in illius caput factam coniurationem. Mitto Eduardum, qui neptem eius habebat in matrimonio: qui suæ coniugis propinquos omnes, ac in primis Sanctopaulianam familiam ualde amabat. Sed ne hunc quidem amicum habere potuit. In eas itaque tandem redactus fuit angustias, ut ex amicis nemo per noctem unam auderet eum hospitio recipere. Consimiles exitus multis sæpe sunt experti, & experientur alij post longam & diuturnam

diuturnam prosperitatem. Dum sic detinetur Montij: Rex confestim urget Carolum, ut pactioni staret, eumq; uel ad se quamprimum mitteret, uel capitis afficeret supplicio. Ille facturum se respondit ex ijs alterum, simul Peronam deduci iubet. Iam autem nonnulla ceperat Lotharingia & ditionis Barrensis oppida, & Nanceium obsidebat, strenuè se defendentibus, qui intus erant. In Campania Rex magnum conficiebat equitatum. Ea res metum alique illi iniecit. Nam etsi pacta erant inducia: tamen hoc ei concessum non erat, ut Lotharingum, qui in hac rerum acerbitate ad Regem confugerat, profligaret. Interpellatus autem à Rege frequenter, ut pacta seruaret, quanquam promittebat: tamen ultra constitutum diem distulit. Cumq; metueret, ne sibi impedimentum aliquod obijceretur à Rege, quò minus Lotharingicum bellum conficeret: quod in primis cupiebat, ut è Lutzenburgo restitutum haberet aditum in Burgundiam (occupata enim Lotharingia, continentes habebat prouincias, inde ex Batauis in Lugdunensem usq; agrum) His, inquam, de causis Cancellario & Imbercorto, qui Connestablii erant infestissimi, et summam administrationis obtinebant: mandat, ut Peronam profecti, ad certum diem, illis, quos eò Rex missurus esset, Connestablium traderent. Ipse Nanceium interea tormentis acriter quidem, sed frustra oppugnat. Nam is, de quo diximus Comes Cam-

d ij pobachius,

pobachius, qui maximam habebat in castris auctoritatem: promiserat Lotharingo, se moram esse illaturum obsidioni, & perfecturum, ut ea, quæ ad oppugnationem usui esse possint, desiderentur. Hoc erat ueluti præludium quoddam maioris calamitatis, quæ deinde secuta fuit. Carolus in spem uenerat, ut opinor capiendi oppidi ante eum diem, quo Connestablium ex pacto cogeatur tradere. Quod si fortuna consilium eius comprobasset: fortasse non erat daturus. Rex etiam, ut est credibile, si maius illi & ad præscriptum diem accepisset à Carolo: maiora Lotharingo daturus erat auxilia. Nam de coniuratione Campobachij, & communis catis inter ipsos consilijs, iam audiuerat: sed ei negotio non se immiscebat, tametsi coercere poterat Lotharingum, si uoluisset, quoniam in propinquo magnas habebat copias. Quum autem ante eum diem frustra moliretur expugnationem Carolus: ij, quibus mandatū erat, Connestablium, quem ualde oderant, ad portam Peronæ, cupide tradunt in potestatem Amiralli, qui cōtinuo Luteciam illum adduxit. Tribus ferè post horis, ut à nonnullis accipi, uenit magna celeritate à Carolo nuncius, ut neprius illum, quàm captum esset Nanceium, traderent. Luteciæ coeptum est ilico de illius causa cognosci. Quicquid ad instruendum iudicium poterat conferre: non modo Carolus, uerum etiam Eduardus subministrabant, & quas ab illo singulis temporibus

poribus acceperant literas & mandata , proferebant: Senatum etiam Rex urgebat, ut accelerarent: & delecti fuerunt ad eam rem homines idonei. Paucis igitur diebus cognita causa, capite damnatur, & publicantur eius bona. Grauiſſime quidem ille utrumque offenderat, neque crimen eius ullum purgare uelim: sed tamen inusitata fuit hæc & præproperea festinatio. Certe, Caroli splendore maxime fuit indignum, quod eum, cui fidem dedisset, quem accersuerat, comprehendit, ac deinde, non tam metu, quam cupiditate quadam impulsus, necandum exhibuit. Et sane, post hoc tam pudendum facinus, res illius paulatim magis atque magis ad interitum spectabant. Nec enim maleficium ullum Deus inultum sinit, etiam si diuturniorem impunitatem aliquando concedat. Nam quoties in magnis principibus aliquam insignem rerum uidemus commutationem: certo statuere debemus, illam a Deo proficisci. Propter potentiam enim illorum & opes, quibus, tanquam propugnaculo quodam muniti sunt: nullus casus facile possit eos affligere. Sed est Deus, qui repentina quadam tempestate concitata illos inuoluit & exagitat, in primis autem eos, qui crudeliter grassati sunt. Per complures annos floruit Burgundica domus, ita quidem, ut in nostro orbe nulla fuerit honoratior. Nam alia quædam, & si potentiores erant: tamen & bellis & multis alijs diuexabantur acerbitatibus. Hæc autem perpetuum
d in tenuit

tenuit & foeliciffimum fortunæ curfum, quatuor in ea principibus ordine regnantibus. Primus ex ijs Philippus, cognomento Fortis, Caroli quinti Gallicarum Regis frater, in matrimonium duxit Flandriæ Comitæ unicam filiam, eaq; ratione fibi adiunxit Flandriam, Artesiam, Burgundiam superiorem, Niuernensem & Rethelensem agrum. Huius filio Ioanni successit Philippus cognomento Bonus, qui Brabantiam, Lutzburgum, Hannoniam, Limburgum, Hollandiam, Zelandiam & Namurcum, ijs, quas diximus prouincijs, adiecit. Ab eius morte delatus est principatus ad Carolum filium, qui nostri temporis omnium Principum fuit longe clariffimus & ditiffimus. Habebat enim præter florentiffimas prouincias, maximam copiam exquisitiffimarum rerum. Pecuniæ quidem alio quanto plus apud quosdam alios uidi (Nam à multis annis Philippus pater nullum exegerat tributum) reperit tamen supra ter centena aureorum millia. Deinde beneficio patris laudatiffimi Principis, pacatos habuit uicinos omnes. Verum ea pace non utebatur diu, sedq; bellis implicuit, cuius tamen rei culpam omnem in eum transferre nolim, & ad alios ea quoq; pertinet. Ad hæc, populus ultrò ferè largiebatur ei extra ordinem, ad trecenta & quinquaginta aureorum millia quotannis, per annos decem, in eaq; contributione non erat comprehensa Burgundia. Et quo tempore Connestabulum in potestatem

potestatem Regis dedit, duplicatam collegit eam summam. Quicquid erat mobilium rerum Connestablii, aestimari poterat ad octoginta aureorum milia. Levis igitur fuit & exigua causa, cur illud in Connestablium admitteret. Sed non tulit impune. Nam hostem Deus excitauit ei, minime potentem quidem illum, & plane iuuenem, nulla in re exercitatum. Nec id modo: uerum etiam de suis ipsi familiaribus, quorum usus erat bona & fideli opera: sinistre suspicari coepit. An non haec sunt illa praeludia, qualibus olim uidemus usum fuisse Deum, quoties magnam aliquam conuersionem moliebatur? Illum, in quo erat dignitatis atque potentiae gradum & splendorem, suae tribuebat ipsius uirtuti & industriae, & quoad uixit, eam retinuit opinionem.

PHILIPPI COMINAEI

commentariorum Liber
Septimus.



Riusquam exhiberet Connestablium: coepit diffidere suo populo, & prope modum eos despiciebat. Ex Italia enim circiter mille cataphractos euocauerat, usque utebatur etiam in obsidione Nouesiana. Comitem uero Campobachium quadringentis equitibus

bus præfecerat. Is, quoniam Andegauensis familiae partes, quæ bellum Neapoli gessit, sequebatur; proscriptus, & omnibus bonis exutus; in Galliâ se receperat, & maximam partem cum Renato Siciliæ Rege, uel in Prouincia Massiliensi fuerat, uel in Lotharingia, post etiam apud Nicolaum Calabriae Ducem, à cuius morte, Carolus eum excepit, & magnum præterea numerum Italorum. Missus autem à Carolo in Italiam, ut equitatum cogeret; accepit ab eo quadraginta aureorum millia. Cumq; per Lugdunum iter faceret; incidit in Simonem Papiensem medicum. Familiariter cum eo locutus, Regi significabat, si uelit secum pacisci: daturum se Carolum in ipsius potestatem. In eandem sententiam loquebatur etiam cuidam Regis apud Pedemontanos legato. Reuersus deinde ex Italia cum equitatu, denuo pollicebatur Regi, simulatq; futurus, esset ad exercitum: se uel interfecturum esse illum, uel capturum: simul quomodo id perficeret: demonstrat. Caroli consuetudo sic erat, ut paruulo equo uestus, & modico stipatus comitatu, totum exercitum obiret. In eo temporis puncto confirmabat, se posse, quod uellet, perficere. Ad hæc, si quando committeretur prælium: illo deserto, se transiturum ad Regem, modo ipse condiciones inuicem præstaret. Eam improbitatem atq; perfidiam Rex egre tulit, & ut singularem aliquam uirtutem ostenderet: omnia per Contæum Carolo renunciat. Ille autem,

autem, quia putabat hoc à Rege fieri captiose: si-
dem non habuit, & domesticum proditorem multò
maiori beneuolentia, quàm prius, complectebatur.
Quò magis apparet, Deum ipsi mentem omnem
prorsus eripuisse. Occupata Lotharingia, & recu-
perato Sanctoquintino cum duobus Connestablî
oppidis, & reliquis eius facultatibus acquisitis: in-
iecta fuit mentio colloqui, quò Rex & ipse uenturi
erant. Constituit enim exercitum suum ex diutino
labore defatigatum reficere, & cohortes aliquot
præsidio collocare, per aliquot oppida Comitum Ro-
montij in finibus Bernatum & Friburgiorum, quib-
us bellum inferre cogitabat: primum, quod quo
tempore Nouesium circumfedit: incursionibus ue-
xassent Burgundiam: deinde, quòd ipsorum ope-
ra potissimum sibi esset adempta ditio Pfortensis, ut
suprà docuimus: postremò, quòd Comitem Ro-
montium parte aliqua suæ ditionis illi dispolias-
sent. Colloquiũ Rex ualde urgebat, & hortabatur
eum, ut Heluetios sineret uti pace, neq; miseram &
tenuem prædam ibi sectaretur, & exercitum potius
recrearet. Heluetij, quum ad fines ipsorum uideret
illũ habere præsidia: legatos de pace mittunt, & pol-
licentur quicquid ademerant, restituere. Sed Ro-
montius contrà magnopere sollicitabat, ut præsens
opem sibi ferret. Eo probato consilio, statuit omni-
no bellum eis facere, & priusquam illud suscepit,
cum Rege paciscitur, ne propter Lotharingicum
c bellum

bellum ullus inter ipsos motus existeret. E Lotharingiæ finibus profectus, ubi cum exercitu in Burgundiã accessit; alij ueniunt ab Heluetijs ad ipsum legati, cum amplioribus mandatis, quorum hæc erat summa, paratos esse Heluetios, non solum restituere omnia, quæ occupassent; uerum etiã à quauis alia societate discedere, & ipsi militem aduersus Regem subministrare. Quum autem obstinate eis omnia negaret: ea spe deiecti, cum uicinis ad Rhenum ciuitatibus ineunt foedus, in annos decem, ut supra demonstrauius, quo loco diximus, quem admodum Caroli per Pfirtensem ditionem præfectus, capitis poena mulctatus fuit; qui, quoniam insolenter & proteruè multa faciebat: defectionis causam dedit. Magno igitur studio prouidere debent principes, ut ijs, quas nuper occuparunt prouincijs, idoneos homines præponant. Nam is, de quo diximus, præfectus, cum æquum esset, ut eius ditionis populum humanitate quadam singulari sibi adiungeret: crudeliter & auarè multa designabat, summo cum detrimento Caroli. Nam illa ciuitatum & Heluetiorum confœderatio, rege authore facta, maiores quàm pleriq; putant, Galliæ commoditates attulit, usq; eò, ut existimem, inter alia multa, Regem hoc unum prudenter admodum excogitasse. Nam oppresso Carolo, qui se ipsi opposeret, nullus erat omnium Galliæ principum. Maximum igitur ea res ad Galliæ salutem attulit momentum: quando in

do ingenti labore & sumptu foedus illud conciliasset. Heluetij, cum ad pacem nullum uiderent adiatum sibi patere, statuunt illatum bellum defendere. Carolus in eam Sabaudia partem cum exercitu profectus, quam illi Romontio ademerant, & castellis aliquot recuperatis, obsidione cinxit Gransonium, quod oppidum Heluetij Castलगionio, uis ro nobili ademptum, praesidio circiter octingentorum militum, lectissimorum hominum munierant, eò quod ipsorum finibus adiaceret. Ex Italia magni ueniebant ad ipsum comitatus, atque etiam e Sabaudia. Poterat e suis ditionibus maximam optimorum militum manum colligere: sed praeferebat eis externos. Nam Connestablii caedes, ac aliae quaedam suspiciones erant in causa, quamobrem suis non confideret. Tormentorum autem uim habebat ingentem: & quò maiorem ad Legatos Italarum & Germanorum haberet auctoritatem: magnifice instructus erat rebus omnibus, & quicquid omnino preciosum erat atque eximium in ipsius bonis: hoc eò secum aduexerat. Per Insubriam putabat habere se multos amicos, & de Mediolanensi Ducatu uaria secum in animo uersabat. Gransonio per dies aliquot acriter oppugnato tormentis: qui intus erant: illius potestati sese permittunt. Eos omnes deinde iubet interfici. Conuenerant tum Heluetij, non ita magno numero, ut ex ipsis audiui. Nam opinione pauciores copia intra fines ipsorum coguntur, &

c ij tunc

tunc aliquantò minores, quàm hodie. Nam ab eo tempore, agriculturâ & alias operas quotidianas, bellistudijs cōmutare cœperunt. E socijs autem uix pauci tum aderant. In celeritate enim totum erat positum, & tempore exclusi, non expectatis sociorum auxilijs, cogeabantur progredi, ut obsessis opem ferrent. In itinere, de deditione & indigna suorum nece cognoscunt. Carolus, contra plurimorum sententiam, constituit ad fauces montium, ubi tum illi consistebant adhuc, obuiam eis properare, minus prudenti sanè consilio. Nam erat in loco æquissimo et percommodo, circumuallatus et tormētis, & parte aliqua lacus, ita quidem, ut ab illis nihil ipsi magnopere metuendū esset. Præmiserat autem ad centum sagittarios, qui ex aduerso eius montis, aditum & angustias uiaē seruarent. Ipse cum reliquis copijs sequebatur. Primū agmen, & maxima ferè pars exercitus, cum adhuc essent in planicie: obuium habuerunt hostem, ac dum primi ordines student retrocedere: uulgus militum, qui sequebantur, quòd fugæ similis ea uideretur profectio: cum propius uentum fuit, fugæ se mandabant omnes, quò factum est, ut Heluetij impedimentis omnibus, & tormentis, & totius exercitus tabernaculis, & ijs, quæ Carolus charissima habebat, potirentur. Desiderati sunt à Carolo septem modo cataphracti: reliqui omnes, & in his ipse, fuga salutem sibi petebāt. Ioannes Gallicarum Rex, quo tempore prælio uictus fuit ab Anglis,

Anglis, & captus apud Pictones, ferebatur amisissē laudem omnem & gloriam rei militaris. Hoc ipsum multò rectius in Carolum aliquis dicat. Nam ille, dum strenuè præliatur, & fortiter sese defendit; captus fuit. Ante id tempus ita se gessit Carolus, ut eius consilijs laudem & emolumentum ferret: Prima autem hæc est calamitas, in quam sua quadam obstinatione incidit. Dici enim non potest, quantum hac una re uulnus acceperit. Nam ex amicis quatuor Principes, qui rebus secundis ad eius amicitiam accesserant; ad motum fortunæ se quoque moverunt. Comes Romontius, mercatori cuidam Heluetio, cum per ipsius ditionem iter faceret; ademerat currum onustum pellibus ouium. Ea fuit bellicausa. Quod nisi Carolum Deus planè destituisset; non est credibile, illum pro re tam exigua bellum suscepturn fuisse, præsertim, cum et Heluetij amplas proponerent conditiones, & propter ipsorum agritenuitatem, nulla uel utilitas magna, uel gloria posset ex eo bello sperari. Nec enim tam celebre tum erat ipsorum nomen, nec illæ facultates, quæ hodie non die. Qui primò fuerunt ad eum de pace missi legati & deprecatores, inter alia demonstrabant; tantam esse ipsorum inopiam, ut calcaria & equorum frena per ipsius exercitum, pluris deberent aestimari; quam omnis ea pecunia, quæ ex ipsorum agris cogi posset. Hoc mihi recitauit, qui princeps fuerat eius legationis, Rex, qui multos habebat exploratores,

c iij à me

à me ferè magna ex parte dimissos, certior factus de
 aduerso prælio; magnopere fuit exhilaratus, & hoc
 unum grauitèr modo ferebat, quòd non maior esset
 edita strages. Morabatur autem Lugduni, ut & in
 ea propinquitate crebriores acciperet nuncios, &
 ut Caroli cōsilijs occurreret. Magnopere enim me-
 ruebat, ne uir & armis ille sibi Heluetios adiungeret.
 Sabaudiam enim Carolus habebat sibi fauentem;
 Mediolani Dux fœdere cōiunctus erat, & Renatus
 Siciliæ Rex, cogitabat eum instituere hæredem:
 Itaq; si fortuna comprobasset eius consilia: quic-
 quid interiacet agri, inde ab oceano Germanico
 usq; ad mare mediterraneum: id omne tenuisset,
 & occupata Sabaudia cum Lotharingia & Massili-
 ensi prouincia: nostri bellum ei facere, nisi mariti-
 mum, non potuissent. Verum ubi infœliciter dimis-
 cavit, ad Regem undiq; ueniunt legati, à sorore eti-
 am ipsius, Sabaudia domina, & auunculo Siciliæ
 rege: Sed uix agrè illos audiebat, & ad Carolum
 ire iussit. Ipse interea Germanos diligenter solli-
 citabat, & obsessis undiq; uis, utebatur mendicis,
 & id genus hominibus internuncijs. Germani fe-
 rociter respondebant, nisi Carolo bellum inferat,
 se pacem cum eo facere, ac ipsum decreuisse oppu-
 gnare. Quocirca ualde sollicitus erat, ne tandem co-
 geretur hostem se profiteri, multò magis etiam, ne
 quos emiserat exploratores, interciperentur. Nunc
 uideamus, quæ fuerit prælium illud secuta rerum
 conuersio,

conuersio, & quemadmodum prudenter omnia sua Rex instituerit. Hæc enim alijs conferent, qui per ætatem temere multa sæpe faciunt, & rerum exitus non prævident. in eo sane multum uituperandi, quòd illos, quorum consilia sequi debent; aspernantur. Statim, accepto detrimento, Carolus Contraum mittit ad Regem, cum mandatis admodum demissis, omnino præter morem suum & naturam: Orat, ut seruet inducias: Quòd ad colloquutionem, ut constitutum erat, non uenerit; excusat, & breui, quemcumq; locum Rex ad eam rem delegerit: se uenturum esse pollicetur. Rex humanissime excepto illo, facile patitur hoc abs se impetrari. Iudicabat enim nondum uenisse tempus, ut secus faceret: neq; nesciebat, quantum esset populi studium & uoluntas erga Carolum. quòd facilius putabat eum ex aliqua tempestate posse remergere & eluctari. Constituit ergo eius euentum belli expectare, neq; partibus ullam præbere causam, inter se paciscendi. Habebatur quidem à Rege Contraus amicus: sed uitare tamen non potuit, quin carmina quædam audiret decantari passim, ad Heluetiorum laudem, & infamiam Caroli composita. Galeacius autem Mediolani Dux, quanquam fœdere iunctus erat Carolo: ualde tamen fuit eius calamitate recreatus. Cum enim animaduertere, esse multos per Italiam, qui rebus Caroli fauerent: metu adductus, amicitiam illius & fœdus ambiuerat. Accepto autem nuncio de clade

clade illius : confestim legatum ad Regem mittit, ciuem Mediolanensem, hominem obscurum. Is per alium quendam me adit, & literas sui Principis redidit. Vt de postulatis illius cognoscerem, Rex iubet. Nam iratus erat illi, quod se relicto, transisset ad Carolum, præsertim cum essent affinitate coniuncti. Legatus ad hunc modum locutus est : Ad Galeacium esse delatum, Regem in colloctionem venturum esse cū Carolo. Id multis de causis (in quibus, tamē nihil erat ferē solidi) grauiter eum ferre. Quod si Rex iureiurando confirmet, nō se pacificaturum esse : centum aureorum millia pollicetur. Rex ubi cognouit à me quid uellet : accersito illo, & præter me, nemine præsentē : quæ tui sit aduentus, inquit, causa, Cominæus exposuit. Ad Galeacium autem hæc uelim referas : facile me carere posse ipsius muneribus, & triplō maiorem pecuniæ summam me colligere quotannis, quàm ipse faciat : de pace uel inducijs facturum me esse pro iudicio meo & arbitrato : ueruntamen, si meæ societatis repudiata, & initi fœderis cum Carolo ipsum pœniteat : non repugnare me, quò minus ad pristinū statum reuertamur. Ille, gratijs actis, magnopere petit, ut fœdus ad eum modum, sicut antea pactum fuerat, pronuncietur : habere se plenam eius rei procurandæ potestatem. Rex assentitur, & à prandio publicè recitatur induciæ. Cumq; legatus in Insubriam hoc statim significasset : Mediolani etiam fuerunt diuulgata.

gata. Primus hic est scopulus, in quem Carolus impigit, accepta clade, nempe iactura potentissimi amici, qui nuper ante tres hebdomadas, splendida missa legatione, foedus cum ipso pactus fuerat. Renatus Siciliæ Rex, cogitabat eum instituere heredem, ut supra diximus, eoq; nomine Castelgionis miserat Carolus, ut Prouinciæ Massiliensis possessionem occuparet, & ad deuinciendum eius regionis procures, dederat ei uiginti aureorum millia. Verum, ubi de pugna rumor increbuit: agrè cum suis comitibus euasit, & adempta fuit ei pecunia. Sabaudia domina, quæ rebus Caroli summè fauebat, cum de clade audisset: Renatum hortabatur ad constantiam, & acceptum detrimentum extenuabat. Vtebatur autem Prouincialibus quibusdam internuncijs, quibus interceptis; quod inter Renatum & Carolum clam agebatur negocium, plane fuit detectum. Rex igitur confestim equitatum mittit ad fines Prouinciæ, & Renatum amanter ad colloquium euocat; nisi ueniat, consilium sibi capturum esse dicebat. Venit ille tandem Lugdunum, & à Rege fuit exceptus honorificèssimè. Aderam, quum primò congregerentur. Ibi tum quidam ex Renati familiaribus, Ioannes Cossius Neapolitanus, uir honestus, & nobili genere natus, Prouinciæ præfectus, ad Regem; Mirum, inquit, uideri tibi non debet, Renatum, auunculum tuum cogitasse aliquando, Carolum instituere heredem: Nos ipsius ne-

f cessa

cessarij, huius consilij fuimus auctiores. Tu enim, qui nepos es è sorore, minus amicè & liberaliter cum illo egisti; Barrèsem arcem et Andegauensem, quæ sunt ipsius, occupasti, nec ullam amoris aut beneuolentiæ significationem hæcenus dedisti. Suasimus igitur illi, mentionem aliquam futuræ donationis iniiceret, ut eius rei fama ad te perlata, leniorem te nobis & placatiorem redderet. Hanc orationem Rex prudenter & benignè excepit. Verum enim ille dixerat, & totius rei tractatio pendebat ab ipso. Paucis deinde post diebus, facta fuit compositio; & Rénatus, Carolo deserto, Regi totum se dabat, amplis ab eo muneribus cohonestatus, non ipse modo, sed & eius familiares. Alterum istud est naufragium, quod à prælio Carolus fecit. Sabaudia quoque domina, quæ multis annis, auerso animo fuerat à Rege fratre; Montagnium mittit, uirum nobilem, qui me prius interpellato, quam obrem illa fuisset hæcenus alienior à Rege, demonstrat. Exitus orationis eò spectabat, ut illa, quanquam non discederet aperte ab amicitia Caroli: uideretur tamen Regis beneuolentiæ affectare. Legatus ab eo responsum tulit satis commodum & amicum, me inter nuncio. Dum hæc geruntur; interea multæ aliæ Germaniæ ciuitates, coniuratione facta, magnis animis bellum aduersus Carolum parant; ita quidem, ut qui plurimum ei noceret; is maxime crederetur officium fecisse. Fugiente Carolo, Heluetij
ingens

ingentem prædam fecerant, sicut supra diximus: uerum, quantas consecuti essent opes, ignorabant: Tabernaculum quoddam illius, longe pulcherrimum & exquisitissimum, partitum fuit ab eis in multa frustra. Patinas argenteas nonnulli, cum stanneas esse putarēt, uilissimo precio uendebant. Adamantem ipsius, toto orbe celeberrimum, cui erant appensi aliquot uniones, quidam, ubi reperisset, in pyxidem reposuit, mox sub currum abiicit: paulò post reuersus, sustulit, & sacrificio cuidā uēdidit aureo nummo. Is deinde, à sui oppidi magistratu, cui miserat, accepit aureos duos. Breuiter, quicquid eximium ille habuit, in eorum manus totum peruenit, eaq; primū occasione, quæ sit uis auri, cœperunt cognoscere. Nam ad bellum educti, Regis impulsu & opera, magnas deinde consecuti sunt diuitias. Et qui ueniebant ab ipsis ad Regem legati: splendidis affecti fuerunt donis. Causam illi aliquam offensio- nis habebāt in Regem, quòd non se profiteretur ho- stē Carolo: sed largitionibus permulsi, remittebant iram. Tunc quoq; primum cœpit Rex eis polliceri pensiones annuas, quas deinde persoluit. Et quā al- tero prælio Carolum illi postea uicissent: pactus fuit eis dare quotannis, ad quadraginta aureorum mil- lia. Eius pecuniæ dimidiam partem pendebat ciui- titabus: reliquum uero magistratibus priuatim, sic ut existimem, eos inde à primo prælio fuisse auctos à Rege decies centenis aureorum millibus. Caros

f. ij

lus præ-

lus prælio uictus, Lōsanā, quod est oppidum ad lacum Lemanum, restitit ægrotus. Nam ex mœrore morbum contraxit, & ab eo tempore uidebatur multum pristini uigoris amisisse. Colligebat tamen undiq; militem, & paucis in diebus magnas habuit coactas copias. Quicquid autem est eius rei, non uidi quidem ipse; uerum audiui, quum Tarentinus princeps, frater Neapolitani regis, commemoraret oīa regi. Is ante annum uenerat cū insigni comitatu ad Carolum, spe filiam eius in matrimonium ducendi. Carolus autem ducebat tempus: & spe tunc alebat Sabaudia dominam, quasi ipsius filio daturus eam. Ille uero moram & tergiuersionem hanc grauiter ferens; misso nuncio petebat à Rege, ut sibi per Galliam, sine periculo, ad parentem, a quo reuocatus esset; transire liceat. Rex liberaliter respondit; neq; dubitabat, quin et ille iam de Carolo minus præclare sentiret. Sed antequam nuncius è Gallia reuertèretur; conuenerant Germanorum copiae & auxilia; neq; procul à Carolo confederant. Tarentinus autem, qui superiori prælio interfuerat, secutus mandatum parentis, pridie quàm altera pugna committeretur, discessit. Obsidebat tum Carolus Moratum, quod est Comitis Romontij oppidum, in Bernatū finibus. Heluetij cū ijs socijs, qui tum aderant, ad triginta circiter millia peditū, & quatuor millia equitum, eò contendunt. Lotharingæ Duci ualde commode accidit, quòd eius negocia curæ nobis essent,

essent. Rex enim & pecuniæ nonnihil suppeditabat, & magnum equitatum illi attribuit, qui in Germaniam ipsum deducerent. Amiserat autem & Lotharingiam omnem & Vaudemontensem ditiosum, & magnam partem agri Barrensis, & quod reliquum erat in eo, Rex occupabat, sic, ut planè esset exutus omni possessione. Sed & promiscua multitudo, ipsius imperio subiecti, & familiares etiam eius, ultro militabant Carolo. Quò minor spes erat, ex istis aliquando fluctibus & undis eluctandi. Deductus ad hunc modum, ope Regis, peruenit ad Helvetios, paulisper ante prælium, exiguo comitatu. Nostri enim equites, ubi ad fines eum deduxissent, domum redierunt. Ea profectio multum ei profuit. Nam si aliam fuisset ingressus rationem: paucos erat habiturus amicos. Quo tempore in Helvetiorum castra uenit, iam erant expeditæ utrinque acies. Totum enim triduum illi confederant prope Caroli castra, loco munito: & commisso prælio, statim primo concursu, hostem in fugam coniecerunt, sic ut nemo defendendi causa resisteret. E superiori pugna septem cataphractos tantum desiderabat Carolus, eò quòd Heluetij nullum haberent equitatum. Nunc uero longe secus accidit. Nam ipsorum equites fugientem hostem acerrime persequébantur. Tarentinus confirmabat regi, Carolum habuisse ad uiginti tria millia lectissimorum militum, præter catrones, & eos, qui alijs operibus erant destinati. Nuz

f iij meraues

merauerat autem ille omnem exercitū, quando pontem transiit, & instructissimum esse prædicabat. A prælio uenit ad Regem Contaus, neq; dissimulabat, Carolum ex eo cōflictu desiderare ad octo milia, præter uulgus hominum. Quod reliquum erat temporis, consumptum fuit persequendo hoste. Noctis autem interuētu, redibant omnes in castra. Carolus ex fuga in Burgundiam se recepit, ut alijs comparatis copijs, bellum renouaret. Valde autem consternatus fuit ea clade, neq; iam dubitabat de immutata uoluntate & studio amicorum, præsertim, quòd sciret, quid iam illi, statim à priori pugna, quæ ante treis hebdomadas commissa fuerat, cœpissent agere. Secutus igitur consilia quorundam, Sabaudia dominam, uel inuitam, iubet in Burgundiam adduci cum altero filio. Nam maiorem natu, familiares aliò traduxerant, & ij, quibus hoc ab illo fuit iniunctum, metu periculi cogeantur accelerare. Timebat autem, ne ad regem illa transiret: Ea causa fuit, ut eam accerferet. Nam quòd Sabaudicam domum propugnasset; ideo se dicebat in hanc incidisse calamitatem. Vbi uenisset illa: iubet in castellum Rouernum deduci, non procul à Diuione, quod est inferioris Burgundia potissimum oppidum. Custodias quidem filii ponebat: sed tamen omnibus patebat ad eam aditus, in primis autem Marchio Rethelensis & Castelgionius, quos Carolus cupiebat in matrimonium ducere illius filias, ad ipsam
uentis

uentitabant. Natus maior filius Philibertus, Cambericum, Sabaudia primarium oppidum, abductus fuit. Quò cum & Geneuensis Episcopus uenisset, è Sabaudia Ducum familia natus, homo planè delectatus ocio & uoluptatibus: Rex apud eum, & quemdam equitem Rhodium, à quo totus ille pendebat, hoc perfecit, ut arcem Cambericensem, & Mommeslianam traderent in potestatem Philiberti, eiusque fratris. Ipse interea castellum quoddam aliud, in quo matris illorum, suæ sororis, erant ornamenta: seruabat in ipsorum usus. Illa, cum & occupari Carolum, nouo cogendo exercitu, & imminutam eius uideret apud suos authoritatem: cœpit inire consilia, quemadmodum ope Regis illinc eriperetur. Vetus illi cum Rege & diuturnum intercessit odium: alioqui nisi summa necessitate & angustiis coacta, non erat se in illius potestatem datura. Mittit igitur Riuerolum Pedemontanum, uirum nobilem. Hunc, ubi quid uellet, ex me cognouisset: Rex accersit, & collocutus respondit, tametsi dissideant: tamen in eo rerum statu non se defuturum sorori. Quòd si illa se ipsius fidei permittat: fore, ut eam eripiat, et ad se traducat: Eam rem se mandaturum esse Carolo Ambrosio, Campanie præfecto, magna uirtute uirò. Certior facta de uoluntate Regis, assensit, sub ea conditione, ut Rex liberos & arces sibi restituat, ac sine periculo & fraude domum remittat, suamque dignitatem tueatur. Id si faciat: pollicetur se des

se desertis alijs, pacem cum eo facturam, & fœdus perpetuum. Acceptis conditionibus utrinq̃, Carolus Ambosius iter ingressus, & sine maleficio profectus: foeliciter negocium perficit, & illam unâ cum comitatu omni in proximam Galliæ partem, Regis imperio subiectam, adducit. Rex, quum per aliorum nuncium illi de periculo caueret: Lugdunò discesserat, ubi per sex menses commoratus fuit, ut Caroli conatus infringere, seruatis tamen inducijs. Nam hoc ipso, dum sineret eum progredi, & clam summittebat aduersarios: magis eum oppugnabat, quàm si bellum aperte fecisset. Alioquin ille, pro suo ingenio & natura: posthabitis rebus omnibus, in regem iturus erat totis uiribus, nec in eas, ut est credibile, calamitates incidisset. Lugdunò Rex digressus, ad Ligerim contendit, & secundo flumine, ubi primū nauigatur, Turonum proficiscitur: quo in loco de sorore accepit, ac lectus eam adduci iubet. Aduētanti obuiā mittit ex nobilitate quàm plurimos. Ipse quoq̃ pro foribus & porta Plessij castelli, complexus illam: Gratissimus, inquit, est mihi tuus aduētus, Burgundiæ domina. Illa, quod ex uultu statim iudicabat eum iocose loqui, et facere: sum inquit, Gallicana, modis omnibus parata gratificari tibi, & morem gerere. Vbi prolixè collocuti essent: Rex mandat suis, ut ad amplissimam tractationem nihil reliquum facerent. Nouerant alter alterius ingenium: Rex cupiebat illam primo quoq̃ tempore domum

domum redire: sed & ipsa nihil aliud spectabat. Mihi fuit igitur iniunctum à Rege, primum, ut pecuniam illi ad necessarios sumptus corrogarem: Deinde, ut fœderis & amicitiae formulas notarem. Dehortabatur eam Rex ab ijs, quorum antea meminimus, matrimonijs: uerum illa per filias se excusabat, quæ non possent à sententiâ dimoueri. Octauo post die, sancito per iusiurandum fœdere: discedit, & maximo cum equitatu, quem illi Rex attribuit, domum reducitur, omnibus, quæ rex occupauerat, recuperatis. Carolus, ut supra demonstrauimus, fugiens, in Burgundiam se receperat. Ibi per sex hebdomadas moratus: nouum parabat exercitum, sed lentè tamē & remisse. Obstinatione autem quadam magis, quàm alia quauis de causa, erat propensum solitarius, ut postea sum dicturus. Nam ad Gransonium re infœliciter gesta, contristatus, in egritudinem incidit, quæ tanta fuit, ut aucta bile & calore naturali, cogeretur à uino abstinere, & uti pharmacis refrigerantibus. Ea uero tristitia sic deinde prorsus immutauit eius naturam: ut contraria essent adhibenda pharmaca, quibus pristinum calorem recuperaret. Barbam tunc alebat prolixā: sed cōsilio medici detonsa fuit omnis. Et, meo quidem iudicio, per eum morbum decessit ei mentis plurimum & ingenij. Atque adhuc modum uexantur omnes, qui morbis nullum inuenire possunt remedium: in primis autem Principes fastuosi & sublimēs

g

limes. Verum in eo rerum statu, primum est, ut ad Deum cōfugiamus, & peccatis ueniam precemur. Alterum est, ut ex amicis, cui plurimum tribuimus, nos patefaciamus totos, & animi uulnus, quo affligimur, denudemus. Nam ad reficiendum animi uires, nihil est efficacius. Huc etiā si labores, & corporis exercitia, & honestæ accedant occupationes: magnum ea res momentum adfert. Vt enim alio quo modo affectus illi consumantur, oportet. Carolus autē longe diuersam rationem ingressus, in hac animi perturbatione sese abdebat, nec ullius amici leuabatur oratione uel consilio. Nam quā durus erat, & suprā modum asper in suos: nemo quisquam audebat interpellare, & sinebant eum uiuere suomore, ueriti, ne si aliter fecissent: in malam partem acciperet. Interea dum in Burgundia cōmoratur, multi simul in eum conspirant: deserunt eum amici & socij, & apud suos, quod rebus aduersis fieri solet, in contemptum uenire cōpit, & per Lotharingiam aliquotiam oppida rursus amisit. Cumq; de illius aduersitate fama percrebuisse: Lotharingæ Dux, coactis, quas potuit, copijs, quoniam in propinquo plerāq; omnia, præter Pontemontium tenebat: uenit ante Nanceium, in quo firmum erat præsidium militum, nō unius gentis aut linguæ: & in his trecenti Angli, quibus præerat Cohinus, tenui quidem familia, sed excellenti uirtute. Hi, tametsi non oppugnarentur admodum: impatient

ter tas

ter tamen longiorem moram ferebant. Et certe uehementer Carolus errabat, quòd opem illis non ferret. Nam ut ea loca tueretur, magis erat ex ipsius usu: quàm ut Heluetios ulcisceretur, à quibus cladem, sua quadam pertinacia & temeritate, acceperat. Sed quantumuis diligenter eum sollicitarent obsessi, & auxilium implorarent: ipse tamen nulla necessaria de causa diutius hæsit in Burgundia. Quòd si uoluisset initio: poterat sine contentione illis subuenire, cum nullam adhuc haberet aduersarius coactam manum. Et defensa Lotharingia, per Lutzemburgum, inde à suis longinquioribus prouincijs, iter habebat in Burgundiam expeditum. Itaq; si fuisset ea uis mentis, qua solebat: aliter ei prouidendum erat. Interea dum obsessi expectant subsidium: Cohinus Anglorum dux tormento interficitur, maximo sanè cum detrimèto Caroli. Nam unus aliquando uir magnū adfert ad salutem momentum. Neq; uero semper ad generis nobilitatem, sed ad uirtutem potius & ingenij bonitatem respiciendus est. Quò magis prædicari debet Ludouicus rex, qui diligentissime cauebat, ne suorum ducum, & excellentium uirosum iacturam ullam faceret. Angli amisso duce, incipiunt de auxilijs desperare: uerum nō satis agnoscebant, & quàm esset exigua Lotharingi potentia, & quàm magnas facultates haberet Carolus instaurandī exercitus. Longo iam tempore nulla gesserant externa bella, quæ causa

g ij fuit,

fuit, ut obsidionum non intelligerēt rationem. Tandem in colloctionem ueniunt cum oppidi præfecto, quem Carolus cōstituerat: minantur nisi cum hoste componat, se pacturos esse. Ille tametsi egregius alioqui uir, parum erat animosus, & ad preces conuersus, multa, quæ ad suam sententiam facerent, demonstrabat. Quòd si masculè fuisset locutus & audacter, utilius, ut opinor, rem gessisset. Verum credibile est, aliud fuisse Dei consilium. Impulsus igitur ab illis, deditionem facit, & biduo post Carolus cum mediocri exercitu eò uenit, & oppidū obsidione denuo cingit. Quod si quorundam secutus consilia, præsidij uicina loca muniisset: breui tempore Nanceium recuperasset, in quo parum erat annonæ, & facile, ne qua importaretur, prohibuisset, & interea suas copias recreasset, uerum longe diuersam rationem suscepit. Dum ea durat obsidio: ex domesticis & familiaribus multi in eius perniciem moliebantur, & iam undiq; fiebant in eum graues conspirationes. Campobachius autem in primis uitam illius petebat. Hunc ipse post mortem Nicolai Calabria Ducis, acceperat egenum & exulem, & statim initio dabat ei quadraginta aureorum millia, quòd per Italiam colligeret equitatum, ut supra docuimus: & tunc quidem primum, in itinere, conuertit se ad clandestina consilia, nec unquam ab eo conatu destitit. Et hoc ipso tempore, quum uideret impeditiſſimas esse rationes illius: cum Lotharingo,

ringo, & cum nonnullis ducibus, quos in Campa-
nia Rex habebat, consilia communicabat, ijsq; pro-
mittebat securaturum, ut ea quæ sint ad oppugna-
tionem necessaria: deessent. Nostris etiam homini-
bus pollicebatur, se uel interfecturum esse illū, uel
capturum, eoq; nomine petebat uiginti aureorum
millia, & ditionem aliquam in Gallijs idoneam.
Dum hæc geruntur: nobiles aliquot Lotharin-
gi conabantur in oppidum ingredi, foeliciter qui-
dem alijs: sed ex ijs capti fuerunt nonnulli, è quo-
rum numero fuit Prouincialis quidam, Cifronius,
quo tanquam internuncio & interprete utebatur
Campobachius ad Lotharingum, in ijs, quæ cum
ipso communicaret. Eum ilico suspendi iubet Ca-
rolus, affirmans, quòd simul atq; circumfessum est
à Principe oppidum aliquod, & tormentis oppu-
gnatum: si quis tum in illud ingredi, & obsessis os-
pem ferre studeat, hoc ei esse capitale. Hanc dicebat
esse militiæ legem. Verum ea non est apud nos usi-
tata, quanq̃ alioqui nostra bella sunt grauiora Ita-
licis & Hispanicis, quibus in regionibus ea lex lo-
cū habet. Ille, cum se deploratum esse uidet, nunciat
Carolo, se quædam ei dicturum esse, quæ ad ipsius
pertineāt salutem. Eum sermonem nobiles aliquot
deferunt: & tum forte aderat Campobachius, qui
de Cifronij periculo certior factus, diligenter obse-
rabat omnia, metuens ne proderetur. Carolus res-
pondit, eum seruandi sui causa colloquium obdu-
g iij cere,

eere, simul, quid uellet, iubet sibi per alios nunciari,
Hunc sermonem excipit Campobachius, & collaudat; solus enim cū scriba quodam aderat, Cifronius ait, se nemini, præterquam ei soli dicturum esse. Carolus in sententia persistit. Inter eundem multos ille obtestatur, ut Principem permoueant: habere se quod ei dicat, graue quiddam, & tanti momenti, ut nihil supra. Ex ijs qui nouerant, multos ad misericordiam flexit, & hi denuo interpellaturi Carolum, excludebantur à Campobachio, qui pro foribus cubiculi uersabatur, & aditu prohibebat omneis, asseruans, mandatum esse principis, ut è medio tolleretur: simul tribunum militum urgebat, ut acceleraret supplicium. Itaque suspensus ille fuit, summo cum detrimento Caroli, qui si humanior fuisset, & dicentem placide audisset: haud dubie se suasque provincias omnes seruasset, præsertim, cum per Galliam multæ postea difficultates & incommoda sint exorta. Sed est credibile, Deo longe aliter uisum fuisse, posteaquam ille contra fidei & iurisiurandi religionem, Connestabulum in potestatem regis tradidit, & literis iudicium instruxit in illius caput atque fortunas omnes. Nam etsi iustissimam habebat ordinis causam in illum; tamen, quod data fide cepit, ac deinde uendidit, nulla prorsus ratione potest excusari. Vendidit enim, non tam ut Sanctoquininum recuperaret, & illius facultates acquireret, quam, ut ne quod impedimentum à rege sibi inferretur, quod
minua

minus Nanceium occuparet. Nisi enim pactioni
 stare, minabatur ei Rex per legatos. Et sicut apud
 Nanceium iniquè iussit necari Cifronium, repudias
 to colloquio; sic etiam eodem ferè loco circumuens
 tus fuit, & proditus ab eo, cui plurimum tribuebat.
 Hęc autem omnia scribo, nō quòd iudicium ullum
 mihi sumam (hoc enim soli Deo conuenit) uerum,
 ut demonstrem, quantopere Principes oporteat es
 se alienos ab eiusmodi facinoribus, quale uidemus
 à Carolo fuisse commissum, & ut ne prauis consilijs
 obtemperent. Nec enim rarò fit, ut ipsorum famili
 ares ad huiusmodi res eos impellant, partim adula
 tione, partim metu ne offendant; sed eiusmodi con
 siliarijs nullum est genus hominum perniciosius.
 Diximus, quemadmodum Deus cōstituit Campo
 bachium, ut ulcisceretur Connestablii necem, eo ip
 so loco, & eadem plane ratione, qua Carolus fuerat
 usus, imò crudelius etiam. Nam eum ille, à quo be
 nignissime fuerat exceptus, & senex, & omnium res
 rum egenus, & exul, & à quo innumeris erat affe
 ctus beneficijs, prodidit. Et principio, quum ad es
 am rem animum adiecit, aperuit se Simoni Papiens
 si, medico, & reuersus ex Italia cum equitatu: con
 stans in suscepta deliberatione, pollicebatur se tra
 diturum esse Regi omnia, quæ Carolus per Lotha
 ringiam cepisset: aut si Rex cum exercitu in illum
 iret: certo signo dato, cum suis copijs ad ipsum esse
 transiturum. Deinde, se uel capturum esse illum, uel
 inter-

interfecturum primo quoque tempore, cum esset lustraturus exercitum, qua quidem in re non facile potuisset aberrare. Habebat enim hunc morem Carolus, ut simul atque descendisset ex equo: commoratus alicubi in castris, ademptis grauioribus armis, & leuiori equo uectus, cum paruo comitatu circumiret omnes copias, & rebus necessarijs prouideret. Eam nactus occasionem, facile poterat ille, quod uolebat, perficere. Rex autem perfidiam hominis detestatus, & quod induciæ erant, & quod ignorabat, quamobrem ille suam operam, in re tam impia deferret; uoluit omnino liberaliter agere, & per Contrauim prolixè omnia Carolo significabat, neque dubito, quin ille diligenter & ex fide recitarit. Carolus autem aliorsum accipiens, dicebat, quod si reuera istud ageretur, Regem non sibi fuisse denunciaturum. Et istud quidem multò antè, quàm Nanceium ille ueniret, accidit, tantaque fuit ipsius obstinatio, ut arbitrer eum nihil unquam eius rei dixisse Campobachio. Nam ab eo tempore plus ei, quàm unquam aliàs, tribuebat. Obsidebatur Nanceium tempore hyberno cum paucis copijs, & male instructis, & plerisque agrotis. Ex primis ordinibus nonnulli conspirauerant in eum, ut diximus: multi etiam indignabantur (quod rebus aduersis euenire solet) & reprehendebant eius omnia consilia: sed in eius caput & uitam, nemo præter Campobachium, moliebatur. Lotharingus interea sollicitabat Heluetios pro

pro auxilijs, ut prælio dimicaret. Ad eam rem prompta quidem erat illorum uoluntas: & solum restabat, ut pecuniâ conficeretur. Rex causam eius apud Heluetios magnopere per legatos commendabat, & simul quadraginta francorum millia suppeditabat. Campaniæ quoque præfectus, habebat per ditionem Barrensem circiter octingentos cataphractos, & magnam manum sagittariorum. Itaque Lotharingus ad eum modum adiutus à Rege, magnas conduxit Germanorum copias, tam equitum quam peditem: adiunxit etiam se illi magna Gallorum nobilium manus. Qui per Campaniam erat Regis exercitus, non se quidem commouebat: sed euentum belli expectabat. Tandem Lotharingus cum insigni Germanorum comitatu, uenit Sanctonicolum, qui uicus à Nanceio duobus miliaribus abest. Erat id temporis in Gallia Lusitaniæ rex, in novum mensem. Cum eo Ludouicus rex foedus iniit erat aduersus Hispaniarum regem, eum, qui hodie rerum potitur. Et Lusitanus quidem, spe consequendi auxilia uenerat, quò bellum ex Cantabria uel Nauarra in Castiliam moueret. Tenebat enim loca quædam & arces in finibus, & arbitror foelicitate eum fuisse belligeraturum, si Rex, ita ut aliquoties constituerat, eum adiuuasset. Cum uero mutata Regis uoluntate, per annum aut eò amplius frustra sperasset: domi quoque res ipsius magnum accipiebant detrimentum. Nam quo tempore in Galliis

h amdis

am discessit: plerique omnes Lusitaniae proceres rebus ipsius fauebant. Verum ubi diutius abesset: languidiores facti, cum Alphonso & Isabela, qui nunc Hispanias obtinent: paciscebantur. Rex autem, quò minus opem ei ferret, in excusationem adduxit bellum Lotharingicum, seque uereri dicebat: ne si Carolus hostem foeliciter oppugnaret: tota belli moles in Galliam transferretur. Lusitanus igitur, uir bonus, quò facilius quod petebat consequeretur: legationem sibi ad Carolum consobrinum suscepit, compositionis tentandae causa. Nam contra plurimorum sententiam in Gallias abiuerat, ideoque pudebat eum redire domum, nulla re perfecta. Ingressus iter grauissima hyeme, uenit ad Carolum ante Nanceium, & expositis, quae acceperat à Rege mandatis, offendit in eo summam difficultatem. Commoratus ibi per biduum, parat abitum, Carolus instabat, ut aliquandiu differret, & Pontemontij (quod à Nanceio quatuor miliaribus abest) subsisteret, eumque aditum seruaret. De Germanis enim, qui erant Sanctonicolai, iam intellexerat. Ille excusans, dicebat, nec armis ad eam rem, nec copiis, nec ulla re necessaria se instructum esse. Reuersus igitur Luteciam, quum diu restitisset ibi: coepit male suspicari de Rege, quasi insidiosae ageret, & aduersario suo, Castiliae Regi se cogitaret prodere. Mutatis ergo uestibus, ne agnosceretur, tribus tantum comitatus, constituit proficisci Romanam

mam, & ibi monasticum uitæ genus amplecti. In
 itinere comprehensus fuit à Robineto Norman-
 no. Rex eo nuncio ualde fuit offensus, & non
 nihil eum puduit. Iubet igitur naues aliquot ar-
 mari in Normannia, quæ domum ipsum reduces-
 rent. Causa belli, quod gerebat cum Hispano, hæc
 erat. Habebat è sorore Henrici Castiliæ Regis, uxore,
 neptem. Eam Isabela soror Henrici excludebat
 à successione & principatu Castiliæ, & ex adulterio
 natam esse dicebat. Percrebuit enim fama, Henrici
 cum fuisse corpore malè affecto, sic ut liberos pro-
 creare non posset. Et quanquam sub specie matris
 monij nata erat ei filia: Castiliam tamen obtinuit
 Isabela cum marito, Arragoniæ & Siciliæ Rege.
 Hanc puellam neptem suam, Lusitanus cupiebat
 in matrimonium dare filio Ludouici regis Caro-
 lo, qui nunc rerum potitur, eaq; de causa uenit ad
 Regem, & quum infecta re discederet: ualde indoluit,
 nec multò post, quàm domum redierat, è uita dis-
 scellit. Diligenter itaq; prouidere debent Principes,
 quos mittant legatos. Nam si illi, quos in Galliam
 prius miserat, foederis ineundi causa, fuissent homi-
 nes prudentes ac circumspecti: diligentius explo-
 rassent de rebus nostris omnibus antè, quàm Prin-
 cipem ipsum, ut eam protectionem susciperet, hor-
 tarentur. Quum illud inter Regem & ipsos inire-
 tur foedus: aderam ipse mandato Regis, cum alijs
 nonnullis. Hanc narrationem licebat præterire: sed
 h ij uoluit

uolui demonstrare, quòd antea non semel dixi: Nò debere Principes ipsos eiusmodi profectiones obire, neq; se alterius potestati subijcere. Vix iter diei processerat Lusitanus, quum Lotharingus & Germanorum exercitus discederent Sanctonicolao, ut manus cum Carolo consererent. Eo autem ipso die uenit eis obuiam Campobachius, ut institutum perficeret, & cum octingentis Cataphractis transijt ad eos, indigne ferens, quòd nihil atrocius in Carolum designasset. Qui Nancei obsidebantur, ad conditionem spectabant, sed certiores facti de Campobachij defectione, ceperunt sperare melius. Nam in fossam oppidi quidam se coniecit, ad eosq; penetrauit, & de Campobachio ac Germanorum auxilijs nuntiabat. Aduentante hoste, Carolus, præter morem ferè, conciliū indicit. Plurimorum hæc erat sententia, ut Pontemontium se reciperet cum exercitu, & quæ passim circa Nanceium tenebat oppida, præsidijs muniret: Germanos, importatis in oppidum cibarijs, domum esse redituros: fore, uti Lotharingus pecunia destitutus, longo tempore non possit tantas denuò copias colligere: alimoniam autem omnem intra paucos menses consumptam iri: & oppidanos in maiori tum difficultate & angustijs rerum omnium esse futuros, quàm prius: Interea tempus & ocium ei superesse, augendi exercitus. Vix enim quatuor habebat hominum millia in uniuersum, ex hisq; mille tantum & ducenti erant ad præ-

ad prælium instructi & idonei, ut ex fide dignis accepi. Non deerat ei pecunia, nam in arce Lutsemburgi habebat ad quadringenta & quinquaginta aureorū millia, quò facilius potuisset copias conducere. Sed perturbauit eius mentem Deus, ac ueluti tenebris circumfudit. Nam incitatus à nonnullis penè furiosis, & omnium deterrimum secutus consilium: decreuit periclitari fortunam, & dimicare cum exiguis, quas habebat, & male instructis copiis: tametsi de uiribus ac numero hostium, & de Regis exercitu, qui non procul aberat, diligenter esset præmonitus. Vbi Campobachius ad Lotharingum transisset cum suis cohortibus: Germani denunciant ei, ut è castris excederet, propterea quòd proditorem nullum uellent apud se ferre. Coactus igitur, recepit se Condium, quod est castellum in propinquo, sperans fore, ut Carolus profligatus & fugiēs, in suas manus incideret. Decreuerat autem uel interficere illum, uel capere: postquam id difficilius uisum est, neq; facultas perficiendi dabatur: constituit, commisso prælio, transire statim ab eo ad hostem, ut subita illa & inexpectata defectione, totum exercitum uehementius perterrefaceret. Hoc etiam pollicitus erat, si profugeret ille, non esse incolumem euasurū, eò quòd è suis familiaribus esset dispositurus ad quatuordecim equites, homines maxime fidos, quorum alij, progredientibus ad pugnam Germanis, fuga facerent initium: alij uero diligenter

h iij ter &

1477.

ter & intente illum obseruarent, ac fugientem interficerent. Ex ijs, quibus hoc erat mandatum officij, treis equidem noui. His rebus procuratis, redit ad exercitum Caroli, quem deinde uenientibus Germanis deseruit. Atq; hinc uidere licet, in quantas angustias & periculum se coniecerit Carolus, dum recte consulentibus non obtemperat. Posteaquam propè & in conspectu constitissent ambo exercitus: Burgundiones, qui duobus antè prælijs uicti, et pauci admodum erant, & male instructi, primo statim concursu fuerunt profligati. Quos fuga periculo non eripuit, ij uel capti fuerunt omnes, uel interempti. In his fuit etiam Carolus. Et quoniam ei prælio non interfui, quemadmodum sit interfectus, non facile dixerim, sed ab ijs tamen audiui, qui uiderunt eum ex equo deijci, & quòd capti essent: non poterant opem ferre. His quidem præsentibus, non fuit occisus: uerù superueniente postea noua cohorte interemptus, & in magno cadauerù numero, cum nò agnosceretur, denudatus est. Torquem illius quendam, ualde præciosum, & eleganter fabrefactum, quem collo gestare solebat, & honorifice circumferre: uidi postea Mediolani, quo in loco duobus aureis uenditus fuit. Et hic quidem est exitus potentissimi Principis, quo maiorem aduicinos Reges atq; populos auctoritatem nemo habuit. Qua potissimum re Deum in se uehementius concitari: nò facile dixerim, nisi quòd omnem, qua fruebatur, sollicitas

licitatem, à suo pendere putabat ingenio & uirtute. Præditus erat sanè multis eximijs dotibus; operam dabat, ut homines excellenti uirtute familiares haberet; multis cupiebat benefacere; suorum negotia & controuersias cognoscebat ipse; & liberaliter eos audiebat. Quamdiu cum eo uixi, ingenio erat satis placido; postea uero crudelior euasit, quæ quidem res indubitatum erat signum futuri occasus. In cultu corporis & uestium luxu, alijsq; rebus omnibus prope nimius erat; legatis & externis hominibus magnū deferebat honorem; cupidissimus erat gloriæ; eaq; fuit præcipua causa, cur bella susceperet. Hoc enim spectabat in primis, ut sicut præci quidam heroes, celebraretur. Animi magnitudine & robore & audacia nulli cedebat. Non facile dixerim, illine Deus, an ipsius populo magis fuerit iratus. Interfectus enim ipse fuit, ut diximus, temporis ferè puncto, sine ullo maiori cruciatu; Sed eius prouinciæ, ab eo tempore, perpetuis bellis diuexantur, à quibus, ob ciuiles inter ipsos factiones, non possunt expediri. Deinde, qui nunc eos propugnant actuentur, sunt homines externi, nempe Germani, qui paulo ante fuerant hostes. Breuiter, à morte Caroli nullam experti sunt firmam amicitiam; & si quis eorum intueatur actiones; uidentur non minus perturbata esse mente, quàm ipse Carolus. Repudiatis enim optimis quibusq; consilijs, in suam ipsi perniciem moluntur; & qui nunc est res
rum

rum status: uidentur uix egrè plagam hanc esse curaturi. Sic igitur sentio, Deum, prout uult affligere aliquam gentem: tribuere illis principem, & accommodare. Burgūdicus populus, longe florētissimus fuit sub tribus ordine principibus, optimis & prudentissimis uiris, supra centum & uiginti annos. Tandem uero Deus excitauit eis Carolum, qui continuīs bellis, laboribus atq; sumptibus eos exercuit, defatigauit, & exhaustit, hyeme præsertim. Ante No uestium autem factum fuit initium calamitatum, quæ deinde tribus aut quatuor aduersis prælijs durarunt, donec interficeretur. Quo quidem tempore sic erat debilitatum ipsius omne robur atq; potētia, ut omnes, in quibus aut aliqua facultas erat, aut uoluntas præclara: uel mortui essent, uel capti, uel grauiter afflicti. Vidi equidem, & cognitam habeo potissimam Europę partem: sed florentiorem nullā noui prouinciā, quā erant hæ Caroli ditiones, quo tempore in ijs uixi. Et nunc ecce, Deus tam insignem & potentem familiam, ac clarissimorum uiros, domicilium, nostro orbe celeberrimum & honoratissimum, per centum & eò plures annos, breui temporis puncto, planè subuertit. Quum reliqui omnes circū populi diuexarentur bellis, alijsq; incommodis: hæc sola domus foelicissima semper fuit, ita quidem, ut externi multi Principes, ad eam, uelut in opportunissimum portum, è fluctibus & tempestate sese reciperent. Ludouicus Rex adolescens,

cum

cum à parente suo dissideret: ad Philippum Caroli patrem sese contulit, honorifice admodum et amanter ab eo, per sex annos habitus. Eduardi Angliæ Regis ambo fratres, Clarentius & Clocestrius, & Lenclastrijs multi, rebus aduersis, opem & patrocinium ab hac domo petierunt. Breuiter, ingens fuit eius familiæ splendor & gloria, & nunc ecce miserabiliter est afflictæ, sic, ut uicinis omnibus exemplo esse possit. Est nimirum Deus, à quo salus regnorum omnium, & incrementum, & occasus, & initia dependent,

PHILIPPI COMINABII

commentariorum, Liber

Octauus,



Ex nuper in Gallijs instituerat cursores, qui per dispositos equos, incredibili celeritate iter conficerent, rem plane nouam & inusitatam in Gallijs, ante id tempus. Per eos ilicò de fortuna Caroli cognoscebat, & singulis penè momentis expectabat certiora de rebus omnibus. Ei, qui primus omnium aliquid memorabile attulisset, munus aliquod dabat, & prius quàm aliquid adferretur: dicebat se liberaliter ei, qui primus nunciasset, daturum. Per Bocagium & me certior factus fuit de prælio, ad Moratum facto:

i

& utrunq;

rum status: uidentur uix egrè plagam hanc esse curaturi. Sic igitur sentio, Deum, prout uult affligere aliquam gentem: tribuere illis principem, & accommodare. Burgūdicus populus, longe florētissimus fuit sub tribus ordine principibus, optimis & prudentissimis uiris, supra centum & uiginti annos. Tandem uero Deus excitauit eis Carolum, qui continuis bellis, laboribus atq; sumptibus eos exercuit, defatigauit, & exhaust, hyeme præsertim. Ante No uestium autem factum fuit initium calamitatum, quæ deinde tribus aut quatuor aduersis prælijs durarunt, donec interficeretur. Quo quidem tempore sic erat debilitatum ipsius omne robur atq; potētia, ut omnes, in quibus aut aliqua facultas erat, aut uoluntas præclara: uel mortui essent, uel capti, uel grauiter afflicti. Vidi equidem, & cognitam habeo potissimam Europæ partem: sed florentiorem nullā noui prouinciā, quā erant hæ Caroli ditiones, quo tempore in ijs uixi. Et nunc ecce, Deus tam insignem & potentem familiam, ac clarissimorum uiros, domicilium, nostro orbe celeberrimum & honoratissimum, per centum & eò plures annos, breui temporis puncto, planè subuertit. Quum reliqui omnes circum populi diu exarentur bellis, alijsq; incommodis: hæc sola domus foelicissima semper fuit, ita quidem, ut externi multi Principes, ad eam, uelut in opportunissimum portum, fluctibus & tempestate sese reciperent, Ludouicus Rex adolescens, cum

cum à parente suo dissideret; ad Philippum Caroli patrem sese contulit, honorifice admodum et amanter ab eo, per sex annos habitus. Eduardi Angliæ Regis ambo fratres, Clarentius & Clocestrius, & Lencastrijs multi, rebus aduersis, opem & patrocinium ab hac domo petierunt. Breuiter, ingens fuit eius familiæ splendor & gloria, & nunc ecce miserabiliter est afflictæ, sic, ut uicinis omnibus exemplo esse possit. Est nimirum Deus, à quo salus regnorum omnium, & incrementum, & occasus, & initia dependent,

PHILIPPI COMINAE
commentariorum, Liber
Octauus.

REx nuper in Gallijs instituerat cursores, qui per dispositos equos, incredibili celeritate iter conficerent, rem plane nouam & inusitatam in Gallijs, ante id tempus. Per eos ilicò de fortuna Caroli cognoscebat, & singulis penè momentis expectabat certiora de rebus omnibus. Ei, qui primus omnium aliquid memorabile attulisset, munus aliquod dabat, & prius quàm aliquid adferretur: dicebat se liberaliter ei, qui primus nunciasset, daturum. Per Bocagium & me certior factus fuit de prælio, ad Moratum facto:

i & utrunq;

& utrunq; insigni dono cohonestabat. Ludæus, qui foris tuebatur extra Plessium castellum: de cursoris aduentu primus cognouit, & quod honesto loco erat apud Regem, obtinuit à cursore literas, quibus de prælio Nanceno significabatur. Prima statim luce, Regi dat eas literas. De morte Caroli nemo confirmabat: in hoc autem omnes consentiebant, eum fugisse. Rex eo nuncio sic fuit exhilatus, ut nihil supra. Hoc unū modo uerebatur, quòd si captus esset à Germanis, ne cum eis, data pecunia, pacisceretur; deinde, ne prorsus euassisset, metuebatur. Proxima deliberatio fuit, an ditiones illius esset occupaturus, in eaq; re minimam esse putabat difficultatem, plerisq; omnibus, qui resisterent, per illa superiora prælia, interfectis. Qui cum Rege erant, omnes dabant significationem læticiæ: sed pleriq; uidebantur sibi uim ipsi facere, & utrunq; dissimularent, maluissent certe Caroli res meliori esse loco. Cuius quidem rei causa fortasse fuit, quòd rex natura timidior erat, & idcirco uerebatur, ne solutus omni metu, multa moueret domi atq; turbaret. Ex ijs etiam qui aderant, nonnulli unā cū Galliæ principibus & Carolo, ipsum oppugnauerant. Habita deliberatione, post peractum sacrum, in cubiculo prandet, multis ad mensam, pro sua cōsuetudine, adhibitis. Inter prandendum loquebatur de rebus nouis. Hic ego cum alijs nonnullis obseruabam diligenter uultus eorum, qui prandebant: Sed ne uisus

nus quidem hilariter sumebat cibum. Mœrore ne istud fecerint, an lætitiâ; non facile dixerim. Pudore certè nullo faciebant, nam consueuerant omnes cum eo prandere sapius. A prandio secedens aliquandiu, nonnullis, Caroli possessiones quasdam, si mortuus esset, donabat. Amirallium autem & me, cum amplis & necessarijs mandatis dimisit, ut eos, qui se uellent in ipsius clientelam atq; fidem dare, reciperemus: potestate nobis facta, ut quicumq; inter eundum nobis occurrerent cursores; eorum resignaremus literas, quò de rebus omnibus certi aliquid cognosceremus. Ingressi iter asperrima hyeme, uix dimidijs diei uiam processimus, cum occurrìt tabellarius. Acceptis ab eo literis, intelligimus Carolum inter alios repertum fuisse mortuum, & agnitum à quodam adolescente cubiculario, & meo dico Lusitano, per quem Campaniæ præfectus certior factus, hoc ipsum Regi significabat. Progressi contendimus ad Abbeuillæ suburbia. Per nos primum, ijs locis rescuerunt de illius morte. Oppidani iam ceperât pacisci cum Torcio, uiro nobili, quem à multis annis magnopere diligebant. Qui præsidio relictì fuerant ibi à Carolo: per internuncium à nobis præmissum, de compositione nobiscum agebant, & nostris pollicitationibus confisi, quadringentos cataphractos illinc remouerunt. Hanc opportunitatem conspicati ciues, Torcio patefaciunt urbem, non absq; magno dispendio eorum, quos

i ij ante

antèdiximus, quibus, mandato regis, & pecuniam, & annuam eramus polliciti pensionem. Sed earum rerum nihil acceperunt, propterea quòd per ipsos non erat facta deditio. Est autem Abbeuilla, ex ijs oppidis unum, quæ Ludouici pater Philippo principi dederat, ea lege, ut si nulli extarent masculi hæredes, ad imperium Gallicum redirent. Non debet igitur uideri mirum: si facilem nobis aditum præberent. Inde profecti Dorlanum, sollicitamus Atrebatum, Artesia primam urbem, ac uetus Comitum Flandriæ patrimonium, cuius quidem regionis imperium, ad fœminas non minus quàm ad mares deferitur. Rauestenus & Cordæus, adiunctis aliquot primarijs ciuibus, colloctioni nobis diem constituant, in uicina quadam Abbatia. Mihi cum nonnullis alijs iniunctum fuit, ut actioni interesssem. Et quia parum erat spei, confici posse negotium: non ibat Amirallius ipse. Nostra postulata hæc erant, ut urbem nobis patefacerent: prouinciã illam omnem, morte Caroli, ad Regem pertinere: si recusent, periculum esse, ne cogantur: cæsum esse principem, & exercitum, tribus aduersis prælijs deletum prope omnem. Illi contrà, per eius urbis atq; senatus præsidem demonstrant, quemadmodum inde à Margaritha, quam Philippus, cognomẽto Fortis, in matrimonio habuit, iure successiõis, Artesia omnis delata sit ad Caroli filiam hæredem. orant igitur, ne quas cum Carolo Rex fecisset inducias, uiolaret.

larēt. Non fuerunt multa inter nos commutata uerba; nec inopinatō nobis responsum istud oblatum fuit, & præcipua causa colloctionis hæc erat, ut per eam occasionem quosdam ad nostras partes traduceremus. Nec infœliciter quidem iste conatus cecidit. Reuersus ad Amirallium; cognoui, Regem aduentare, qui paulò post nos ingressus fuit iter, & līteras huc illuc, tam suo, quàm alieno nomine scripserat, quibus euocabat certos homines, quorum opera sperabat se posse ditiones illas omneis in suam potestatem adducere. Magnam enim animo conceperat lætitiā, quòd aduersarios omnes uidebat è medio sublato esse. Connestabliū, & Ducē Nemorēsem, & alios nōnullos capite multauerat; Frater, Aquitaniæ Dux, è uita decesserat; Andegauensis familia omnis erat extincta; cuius postremi fuerunt Principes, Renatus Siciliæ Rex, Ioannes & Nicolaus Calabriæ Duces, eorūq; propinquus, Cenomanorum & Prouinciæ Comes. Horum omnium facultates ad ipsum erant delatæ. Sed quò potentior erat Burgundica domus omnibus alijs, & quò grauiora bella gessit, Anglorum ope, in Gallijs, per annos triginta duos; & quò maiores habebat ob propinquitatem occasiones diuexandi Galliam: eò grandior etiam fuit & uberior Regis lætitiā, oppresso Carolo, sic, ut uicinos circūm populos nihil iam magnopere formidaret. Pacem enim nuper fecerat cum Anglis, & eam studebat confirmare. Sed

i iij

re. Sed dum in hac securitate uersatur: hoc solum ad integram fœlicitatem ei defuit, quòd non ex æquitate negotium gubernabat. Nam & si Deus multis & clavis indicijis ostenderet, grauiter & acerbè se uelle Burgundicam domum affligere: non idcirco tamen est, ut aliquis dicat, Regem, ita ut oportet, in ea re progressum esse. In prouincias enim illas nihil habebat iuris: uerum amore & beneuolentia, perq; connubium, aut iustum aliquem titulum; licebat eas adiungere Gallijs, & facillimè quidem, in ea consternatione, & propè omnium desperatione, rebus afflictissimis. Eam rationem si fuisset ingressus: firmam & diuturnam pacem in Galliam intulisset, & populum continuè bellis exinanitum, magnopere recreasset. Dum uiueret adhuc Carolus: non semel mihi Rex commemorabat, post mortem illius, si uita superaret ipse, filium suum in matrimonium se daturum esse illius filia: & si propter teneriorem filij ætatem illa recusaret: se procuratorum tamen, ut è Gallia principibus alicui nuberet; quò & hac ratione pacatam haberet omnem eam regionem, & illa, quæ putabat ad se pertinere, absq; grauiori ullo motu recuperaret. Hæc erat eius adhuc sententia, die octauo prius, quàm de morte Caroli allatum esset: uerum ab ea discessit, & longe aliter constituit, quo tempore Amirallium & me in Picardiam mittebat. Et quum nos deinde sequeretur: deferebantur ad eum crebri & iucundinuncij,
Nam

Nam arces duę Conneſtablię, Hanium & Boheni-
um in eius poteſtatē ilico uenerunt: Sanctoquinti-
num ultro deditiōem fecit: de Perona nihil dubi-
tabat: & de uoluntate Cordæi ſpem certam habe-
bat. Tonforem quēdam ſuum Oliuariū, miſerat
Gandauum, & alios aliō, magna cum ſpe, ſed plæ-
riq; non respondebant expectationi. Cum propius
ad Peronam ueniſſet: ibam ei obuiam. Præfectus
oppidum mox patefecit: Per eum diem reſtitit ibi,
& à prandio incidit in mentionem eius, quod Ami-
rallius & ego apud Atrebates egimus, neq; ſatisfa-
ctum erat eius uoluntati, et iudicabat nihil nos pro-
pmodum effeciſſe. Incipit deinde commemorare,
quemadmodum tonforem ſuum Oliuariū miſiſ-
ſet Gandauum, cuius opera & uirtute ſit adeptus
eam urbem: idē ſe ſperare conſequi poſſe multis
alijs locis, per eos, quos dimiſiſſet. Atq; ut ſtimulum
aliquem adderet: Ludæum ſummiſit, & quosdam
alios, qui coram ipſo, mecum ſuper ea re diſcepta-
rent. Quanquam uero meum non erat, eius opinio-
nem impugnare: tamen reſpondi, me uereri, ne
Oliuarius, & alię quos nominaiſſet, in ijs urbibus nō
perficerent, quod uellent. Id autem ideo dicebam,
quod uiderem, eum ſententiam mutaiſſe, de qua ſu-
prā diximus, & confiſum ſecundiori fortuna, ſpem
ingentem concepiſſe, omnia ſine contentione occu-
pandi. Cupiebat enim in primis Burgundicam do-
mum delere totam, & eius imperij prouincias om-
nes in

nes in multos huc illuc partiri: simul eos nominabat, quibus Namurcum & Hannoniam, finitima Galliae loca, daturus esset. Quantum ad maiores illas ditiones pertinet, Brabantiam & Hollandiam: constituit nonnullis Germaniae principibus, ut eas acquirerent, auxiliari, quos à se putabat non alienos, quorum deinde opera uti posset ad perficiendum ea, quae moliebatur. His de rebus omnibus mecum non semel loquebatur, eo quod hortatus eram, ut alteram rationem, de qua supra dixi, susciperet: & uoluit, ut causas, quam ob rem id non faceret, quod sua eram, intelligerem: affirmans, hoc suum consiliū esse longe utilissimum Galliae, quae per eam familiam, propter ipsius potentiam, uehementer fuisset, multis nunc annis afflictā. Certe, si quis humana tantum intueatur & ciuilia: graues erant & magnae, quas adferebat, rationes. Ad aequitatem autem mihi respicienti, longe diuersum uidetur, tametsi tanta erat in eo uis ingenij, ut magis prouidus & acutus nemo quisquam esset. Verum in rebus tam arduis, Deus Principum et Regum uoluntates gubernat, ita ut consilia sequantur accommodata ijs, quas cogitant deinde perficere, actionibus. Nam si beneficio Dei perstitisset in ea sententia, quam ipse met ante mortem Caroli iudicabat idoneam esse: non fuissent ea consecuta bella, quae tum temporis orta, ne hodie quidem consopita sunt. Sed actiones nostrae pacem nullam diuturnam merentur, qua fruturi

turi eramus alioquin, & huc, tanquam ad fontem, referri debent calamitates nostræ, non autem ad incogitantiam Regis, qui sane circumspectissimus omnium hominum erat. Hæc omnia paulò prolixius recito, ut demonstrem, super eiusmodi rebus diu multumq; & grauius esse deliberandum, ut quod honestissimum est & æquissimum, amplectamur. Sed in primis interpellandus est Deus atq; rogandus, ut quod optimū est, nobis suggerat. Nam ab eo cuncta pendent, ut & scripturæ testimonijs, & ipso rerum usu doceri potest. Non hoc equidem ago, ut Regem incusem aut criminer, quasi minus recte fecerit: nam fortasse multi alij ipsius familias res in eadem cum illo erant sententia, quanquam hoc certo scio, neq; tum, nec usquam alibi super ea re disceptatū fuisse: Verum ita res habet, ut qui scribunt historias, non respiciant ad laudem eorum, de quibus loquuntur, & multi sæpe, quæ non exacte norunt, prætereant. Et quantum ad me pertinet; nihil sum dicturus alienum à uero, nihil quod uel ipse non uiderim, uel ab hominibus fide dignissimis acceperim, in eoq; nullam habebo ratiōem affectatæ laudationis. Certò enim cōstat, nullum esse principem tam prudentem, qui non erret & labaturalis quando, imò sæpenumero, si longior ei uita contingat, ut ex illorum actionibus ac consilijs, si uerè perscriberentur omnia, facile iudicari posset. Omnes profecto omnium temporum senatores ac uiri præstantes,

k

stantes, qui uel fuerunt aliquando, uel hodie sunt, errarunt, & saepe errare possunt atq; labi. Testatur hoc experientia quotidiana. Rex cum prope Peronam in quodam uico substitisset: profecturus in oppidum, mandabat mihi, ut ad Pictones & Britannię fines proficiscerer: simul hoc priuatim et secretò dicebat, quòd si Oliuarius apud Gandauos nihil perficeret: si Cordęus etiam ad senon transiret: tum se incendijs uastaturum esse Atrebares, omnemq; uicinum agrum, & ad Turones rediturum. Antequam abirem, commendabam ei quosdam, qui meo impulsu & hortatu, ad ipsum transierant. Iis annuam pensionem pollicitus eram: & cum ipsorum nomina accepisset à me notata, promissa præstitit. Erat cum ipso Ludaus, homo sui priuati commodi ualde studiosus, & Regi multis in rebus non iniucundus. Ille sic erat natura, ut sicut temere ipse alios fallebat: ita quoq; leuiter persuasus, à multis sepe ludificaretur. Educatus fuerat cum Rege, à prima statim adolescentia, & artes, quibus ei placeret, optimè callebat. Is abituro mihi ad Pictones, mandato Regis, ut dixi: quid, inquit subridens, tu nunc discedis in hoc tempore, quo pulcherrimę sese offerunt occasiones amplificandi tuas facultates? Deferruntur ad Regem quotidie uaria negocia, in eiusq; manu est, quibus bene uult, & quos complectitur, temporis ferè momento locupletare: Quantum ad me pertinet: spero me futurum esse Flandrię præfectum,

ctum, & totum me inaurabo. Magno cum risu pronuntiabat ista: Verum ego, quod metuebam, ne à Rege manassent: nihil minus auebam quam ridere, & pro re pauca locutus, respondi, fore mihi longè gratissimum, si res bene succederent: sperare me, regem mei futurum esse non immemorem. Paulò ante, quidam ex Hannonia nobilis ad me uenerat, & de quibusdam alijs, quos, ut ad Regem transfirent, literis sollicitaueram, certi aliquid attulit. Est mihi propinquus ille, & uiuit adhuc, itaq; nomen non proferam. Is inter alia paucis uerbis indicabat rationes, quibus firmissima quæq; loca Hannoniæ daret in regis potestatem. Abiturus hæc aperio Regi: Locutus cum eo, dicebat mihi, nec hunc nec alios, de quibus dixeram, esse idoneos, nec ullus erat, in quo non aliquid desideraret: ipsorumq; pollicitationes iudicabat esse uanas, & ea quæ deferrent omnia, putabat se facile posse & breui, citra ipsorum operam occupare. Ludæus tamen ipsius mandato, cum eo nobili collocutus, initio statim rogabat, ecquid muneris habiturus esset ab ijs ciuitatibus, ut ipsorum causam regi commendaret: Erant sanè diuersæ admodum utriusq; rationes. Alter ex Hannonia uenerat, ut amplificaretur: hic uero non modo nihil promittebat: uerum etiam, quasi beneficium ultrò præstaret, uolebat remunerari. Aspersus natus tum eos rex, uerum incidit postea tempus, quo magnò redemisset ipsorum operam: & opinor

k ij diuini

diuinitus hoc etiam accidisse, ut ne ex animi uoto omnia ei cederent, aut ne ditiones illas, quæ pertinerent ad imperium Germanicum, occuparet. Quod ei duabus de causis licitum non erat, primum, quod ius nullū haberet, deinde, propter antiquū fœdus, pactum inter Cæsares atq; Galliarū reges: quod ipsum rex uidebatur non ignorare. Cum enim Cameracum, & Quercetum in Hannonia, & quædā alia teneret; ex ijs aliqua reddidit, & Cameracū, eo quod esset Imperij ciuitas, pristino iuri ac libertati restituit. Et quanquam id temporis aberam: missus ad Pistones, ut supra dixi, tamen ab ijs qui interfuerunt, omnia plenē cognoui, deinde, quod utriusq; regionis morem atq; naturam ex æquo noueram: non erat mihi difficile, quid ageretur, & quis esset futurus euentus, intelligere. Oliuarius, tonsor Regis, Gandauum profectus erat, ut diximus, cum literis & mandatis ad Caroli filiam, ut priuatim ei loqueretur, eamq; ad partes regis traduceret. In eo autem summam sciebat esse difficultatem, nec etiam istud potissimū agebat; uerum eò spectabat, ut Gandauī, quam urbem nouit ad seditiones propensam esse, magnum aliquem motū excitaret, præsertim, cum in ordinem essent redacti superioribus annis, & ex utriusq; priuilegijs: à Philippo quidem Principe, belli tempore, quod cum eo gesserunt: à Carolo autem, quum debellatis Leodiensibus, rediisset ad eos uictor. Hæc non ignorabat Oliuarius, atq; ideo in maiorem

iorem spem uenit, & secretò multos interpellabat, pollicitus, effecturū se, ut à Rege priuilegia omnia recuperarent. Publice uero nihil agebat, & hoc solum tentabat, si quid apud puellam posset antea cōficere. Post aliquot uero dies, iubetur legationis causam exponere. Venit igitur ad concilium, splendidius aliquanto uestitus, quā pro ipsius cōditione. Erant cum puella dux Cliuensis, & Leodiensis Episcopus, & alij proceres, magno numero. Redditis puellę literis, iussus est exponere mandata. Refert sibi iniunctum esse, ut soli puellę loqueretur. Illi contrā, & inusitatum hoc esse dicebant, & indecorum, eò quòd & adolescētula esset, & innupta. Cum persisteret in sententia: illi incipiunt minari, & uelle cōgere. Opinor, quo tempore literas in concilio reddidit, nondum præcogitasse illum, quid diceret. Ad hunc modum igitur discessit, non absq; ludibrio. Plærīq; enim ridebant eum, & propter generis obscuritatem (nam originem habebat ex quodam uirgo, non procul à Gandauo) & ineptum sermonem. Certior autem factus, imminere sibi periculum, & fore, ut in flumen abijceretur: profugit Tornacum. Quę ciuitas, tametsi tum utebatur libertate: ualde tamen erat studiosa Regis, ad cuius imperium ita pertinet, ut quotannis ei sex francorum millia persoluat, alioqui libertate sua fruitur, & omnis generis homines admittit. Ciues etiam & ecclesiastici ordinis uiri, possessiones ac facultates suas habent per

k iij

Han

Hannoniam & Flandriā, uicinas regiones: Ideoque per ea bella, quæ Philippus Burgundiæ Dux gessit cum Carolo septimo, Galliarum rege, soliti erant ei dependere quotannis, ad decem francorum millia, eamque pecuniæ summam, uidi quum etiam Carolo persoluerent. Sed in hoc tempore, quum Oliuarius eò uenisset: immunitatem obtinebant. Atqui, non tam Oliuarius, quod munus iniunctum suscepisset: quam alij, quod iniunxissent, reprehendendi erant. Et quanquam is fuit eius legationis exitus: tamen uirtutem aliquam declarauit postea. Videbat Tornacum esse finitimam urbem utriusque populo: rebus gerendis & diuexandæ Flandriæ opportunam, modo presidio aliquo teneretur equitum, quos in propinquo Rex continebat. Vt autem oppidani presidium aliquod ultro reciperent: sciebat frustra sperari, propterea quod neutrius erant factionis. Nūciat igitur Oliuarius prefecto Sanctoquintini, ut suas cohortes equitum, & alias e uicinis locis, Tornacum adducat. Is quum ad horam præscriptam eò uenissent: offendunt Oliuarium, & cum eo circiter quadraginta uiros, qui partim fauore, partim imperio & ui obiectum sepimentum amoliti: equitum omnem intra portas admittunt. Eam rem non multitudo quidem ciuium: sed urbis præfecti grauitus tulerunt, e quibus octenos Luteciam misit. Post equites, alij quoque sunt ingressi, qui uillas & ædificia multa uastabant incendijs, maiori fere cum detrimento ciuium, quam hostium. His iniurijs incitati
Flandri,

Flandri, Geldriæ ducem, è carcere, in quem à Carolo coniectus fuerat, eripiunt, & copijs præficiunt. Vbi Tornacum uenissent: primo statim concursu in fugam coniecti fuerunt, multis interfectis, & ipso quoq; Principe occiso, dum postremis laborantibus opem ferre conatur. Alius quispiam, maiori ingenio præditus, quàm Oliuarius, nō erat fortasse rem tantā perfecturus. Apparet certè, Deum, in ista quidem actione, perturbasse mentem Regis. Nam si maiori deliberatione fuisset usus, & illam cupiditatem atq; uindictæ studium, quando Burgundicam domum uoluit delere totam, deposuisset; dubium non est, quin hodierno die, prouinciæ illæ omnes penderent ab imperio Gallico. Recuperata Perona, legati ad ipsum eò ueniunt, à filia Caroli, omnes pariter, in quibus aliquid consilij aut dignitatis erat, idq; non admodum prudenti sane consilio, quòd tam frequentes simul uenirent: Sed ita erant afflicti & consternati calamitatibus, ac morte sui Principis, ut quid potissimum agerent, aut inciperent, ignorarent. In ijs legatis erat eius ditionis Cancellarius, Gulielmus Hugonetus, summæ uir authoritatis apud Carolum, & Imbercortus, quo nō alium ex nobilitate noui, uel prudentiorem, uel maximis rebus tractandis magis idoneum. Antequam publice Rex audiret, sollicitabat eos priuatum. Omnes demisse & reuerenter admodum, pro se quisq; separatim responderunt, ut solent, qui metunt.

unt. Sed illi, quorum facultates atq; possessiones longius aberant à Gallia: nolebant ullo pacto adstringi, nisi de matrimonio Delphini & puellæ, cuius erant legati, Rex pacisceretur. Cancellarius etiam & Imbercortus, quia cupiebant retinere auctoritatem, & quod facultates habebant in finibus Gallia: hic in Picardia, ille autem in Burgundia: dabant se Regi, & ab eius postulatis erant non alieni, suamq; operam ei pollicebantur: & si matrimonium perficeretur: quin ad ipsum plane transirent, non recusabant. Ea ratio quanquam optima erat: displicuit tamen Regi, qui & ægrè ferebat, quod non uestigio ad se transissent: ueruntamen, quia cogitabat eorum uti quacumq; opera: dissimulabat. Cordæum, Atrebatum præfectum, iam pridem habebat suis rebus fauentem. Eius consilium secutus, petebat à legatis, ut quò facilius esset ad compositionem uia: traderent sibi alteram Atrebatum partem. Est enim urbs bipartita, muro, & fossa, & portis dirempta. Post multam disceptationem, assentiuntur legati, in primis autem Cancellarius & Imbercortus, ac datis literis, Cordæum à fide & religione custodiendæ urbis eximunt, & ut eam in potestatem Regis tradat, iubent. Libenter ille & cupide imperata facit. Rex intromissus, ilico mandat extrui propugnacula & uallum, aduersus alteram urbis partem. Cordæus cum suis cohortibus & signis militariibus oppido excedit, & liberum erat unicuiq; sequi quacumq;

cumq; uellet partes. Ipse, quoniam arbitrabatur se non amplius iam obstrictum esse puellæ, propter acceptas ab eius legatis literas: constituit se totum regi dare. Nam originem ducebat ex Bellouacis, & quoniã morte Caroli urbes illæ omnes ad Somiam flumẽ, redibant ad imperium Gallicum: putabat se, qui nomen & ortum ex ijs locis haberet, ad Regem honeste posse transire. Hac igitur ratione factus est regius, absq; crimine quidem, ut arbitror, nisi forte nouo iureiurando sese puellæ deuinxerat. Alij aliter sunt hoc illius factum interpretati: quantum ad me pertinet, nihil affirmo. Hoc solum habeo comperitum, fuisse eum à Carolo perductum ad summam dignitatem & maximas opes. Nam & totius Picardiæ, & multorum oppidorum erat præfectus: & à morte Caroli, eandem apud Regem obtinuit administrationem. Rebus Atrebatî confectis, Hefdinum Rex ilico circumfedit, & erat cum eo Cordæus, qui ante treis modo dies, eius arcis & oppidi præfecturam gesserat, & suorum militum præsidio tenebatur adhuc locus. Qui intus erant, præ se ferebant initio non uelle mutare imperium, eò quòd religione et fide essent deuincti puellæ. Sed cū per dies aliquot impetum sustinuissent: in colloctionem cum Cordeò, sub cuius imperio nuper fuerant, ueniunt, ac deditionem paulò post faciunt. Nam consultò gerebantur omnia. Boloniã dein de rex proficiscitur, et simili plane ratione occupat,

I tametsi

tametsi periculi plenum erat hoc institutum, si modo præsidium ullum in oppido fuisset. Dum ibi per quinque circiter dies in oppugnatione commoratur: Atrebates incipiunt agnoscere & uidere periculum; nam undique cincti erant hostibus. Vicinas igitur urbes, Douacum & Insulas, de auxilijs interpellant. Douacii erant aliquot equitum cohortes, & cum his Vergesus, nobili genere natus. Hi omnes euaserunt ex prælio Nanceno. Constituunt igitur Atrebatum proficisci, coactis circiter trecentis equitibus, & sexcentis peditibus. Douacenses oppidani, ferocius id temporis, cogebant eos inuitos, meridiano tempore discedere, stultò plane consilio. Nam omnis illa regio est planissima, & longè lateq; patet prospectus, & est interuallum quinque miliarium. Quod si de nocte fuissent profecti: perfecisset quod cogitabant. Qui Atrebatii erant in præsidio, Ludeus & alij nonnulli, certiores facti de illorum aduentu, statuunt obuiam eis properare, & omnia potius periclitari, quàm ut sinant eos in urbem ingredi. Videbant enim, se non posse alioqui alteram oppidi partem, quam custodiendam acceperant à Rege, tueri. Et licet periculosum esset ipsorum inceptum: strenuè tamen et magnà cum uirtute hostem adorantur, & profligant, plarisque omnibus aut interfecit, aut captis, in quibus fuit etiam Vergæus. Post tridie, rex illuc accessit, magnopere exhilaratus eo nuncio. Captiuos omneis in suam potestatem recipit, &

pit, et expeditum numero multos interfici iubet, ut alijs, qui circùm erant, terrorem atq; metum inferret. Vergæum autem in carcere diu detinuit, qui tametsi arctissimè custodiretur & uinctus erat: adduci tamen non potuit, ut ei fidem daret, cumq; per annum & eò amplius in uinculis fuisset, uix tandem expugnatus precibus matris, morem gessit, & prudenter quidem. Rex & amissas facultates ei restituit omnes, & quas ad se pertinere dicebat, concessit, & auxit annuis prouentibus, ad decem francorum millia, & munera multa publica donabat. Qui in eo prælio fuga euaserant: in oppidum perueniunt. Rex igitur tormētis, quorum uim maximam habebat, eos oppugnat, & quia milite carebant atq; præsidijs: magnus eis timor incessit. A Cordego pleriq; oppidani erant non alieni: deinde, fieri non poterat, ut cum unam oppidi partem Rex teneret: altera sese tueretur diutius. Faciunt igitur deditio- nem certis legibus, quæ parum tamen religiose fuerunt seruata, Ludæi præsertim culpa. Plurimi enim ciues & alij honesti homines, in ipsius conspectu, supplicio fuerunt affecti, & Ludæus ipse mihi confirmauit, se tum fuisse auctum uiginti aureorum millibus. Oppidani præterea mutuo regi dabant ad sexaginta aureorum millia, sed opinor eam pecuniæ summam eis fuisse redditam, ut Cameracensibus, qui quadraginta millia prius dedebant. Interea dum Atrebatum obsidetur: filia Car-

I ij roli

rolierat Gandauī in potestate ciuium, magno certe suo cum detrimento, & Regis maximo commodo. Sic enim comparatum est, ut quod uni prodest: alteri ferē noceat. Nam Gandauēses, nunciata Caroli morte, insolentiores facti, quòd extra periculum se positos esse credebant: seditiose & proteruē multa designabant, senatoribus præcipuis, numero uigintifex, interfectis. Eius rei causam hanc adferebant, quòd pridie capitis poena multassent quendam plebeium, ac licet eam poenam ille meritus esset: dicebant tamen eius rei potestatem ad ipsos minime pertinere, extincto Carolo, per quem fuissent in eum ordinē asciti. Ex necessarijs quoq; Caroli multos afficiebant supplicio, quorum nonnulli, me presente, Carolum aliquando placauerant, ne quod cōstituerat, eius urbis bonam partem uastaret. Ab his supplicijs ad puellam transeunt, & cogunt, ut priuilegia, quæ & pater & auus Philippus ademerant, confirmaret. Ea priuilegia perpetuam ipsis materiam litis & contentionis præbent aduersus Principem suū. Natura enim student suorum Principum uires infirmare, quos, dum paruuli sunt, amant, grandiores autem auersantur. Mortuo Carolo, si motus omneis uitassent, & Reip. salutem spectassent: præsidio militum haud dubiē munissent Atrebatum, & fortasse Peronam. Sed ad turbas tantum & rebellionem, animum habebant intentum: Veruntamen cum obsideretur Atrebatum, uenerunt

runt ad Regem legati; Nam ex omni populo delecti fuerunt nonnulli, qui de summa Reipub. tractarent. Gandauenses tamen, qui puellam haberent in potestate, pro suo arbitratu omnia gerebant. Ii legati, inter alia commemorabant, ea quæ de compositione proposuissent: à puella esse profecta, quæ in rebus omnibus decreuisset obtemperare consilio & authoritati delectorum populi; Petebant igitur, ut à bello tam Burgundico quam Atrebatensi abstineret: ut ad certum diem indiceretur concilium, & de pacificatione agerent, atq; ut interea belli administratio omnis cōsisteret. Rex, quoniam & se peruenisse putabat, quò uolebat, & milites omnes atq; duces non ignorabat uel occisos esse, uel grauiter afflictos: & quia multi puellam deseruerant, in primis autem Cordæus, quod summi erat momenti: (Nā huius opera paucis diebus plus profecit, quàm alioqui longo tempore potuisset ui armorum) His inquam de causis, legatorum postulata leuiter estimabat. Deinde, si Gandauenses principatum et administrationem obtinerent; non dubitabat, quin reliquos omnes perturbaturi essent, quò minus rectè & foeliciter bellum gererent. Nam homines uirtute aliqua præditos, & qui apud principem, honestum obtinuissent locum, non modo non adhibebant illi suis consilijs; uerumetiam acerbè persequabantur, Burgundiones autem in primis, eò quòd in honore fuissent apud Carolum atq; Philip-

l iij pum,

pum, oderāt infestissime. Ad hæc, sciebat quo essent ingenio, & quemadmodum cuperent singulis temporibus principum suorum potentiam debilitari, modo ne detrimentum aliquod aut incommodum ipsi acciperent. Constituit igitur alere seditionem, & ipsos, ut tumultuose omnia facerent, impellere. Nam erant imperiti rerum plerique omnes, nec ullum habebant usum, præsertim in negocijs tam arduis, quum ipso interim nihil esset acutum magis & prouidum. Dixerant legati, ut supra docuimus, puellam uelle morem gerere consilij, & stare uoluntati delectorum. Eum sermonem rex, ueluti fundamentum aliquod sibi sumpsit actionis, affirmans, non recte ipsos, quæ uel puellæ mens esset, uel eorum, à quibus illa penderet, accepisse. Certò sibi constare, illam ex arbitrio paucissimorum quorundam esse facturam omnia, qui pacis minime sint cupidi, & fore, ut hanc ipsorum orationem, illa non habeat ratam. His auditis, legati, ut homines parum exercitati, subito respondent: constare ipsis eorum, quæ dixissent, rationem, et si res ita postulet, exhibituros quæ accepissent à suis, mandata. Huic obijcitur, proferri posse literas, quæ confirmet, puellam omnia sua commississe quatuor duntaxat hominibus, quorum sequi uelit auctoritatem. Quum illi in sententia persisterent: rex monstrari literas iubet, quas Cancellarius & Imbercortus attulerant, quo tempore apud ipsum Peronæ fuerunt. Eæ literæ scriptæ erant,

erant, partim à puella, partim ab eius nouerca, Eduardi Angliæ Regis sorore, partim à Rauesteno: sed exierant nomine & mandato puellæ, & quò maior esset earum uis atq; fides: triplici erant scriptura notatæ. Earum hæc erat sententia, primum: ut ijs, quæ Cancellarius & Imbercortus dicturi essent, rex fidē haberet; deinde, hanc suam esse mentem, ut negotiorum administrationem omnem, uellet esse penes nouercam suam, & Rauestenum, et Cancellarium, & Imbercortum, ideoq; petebat à Rege, ut per eos quatuor tantum, ageret secum de rebus omnibus. His literis inspectis, ualde fuerunt illi commoti, & uehementer offensi, eamq; indignationem nostri etiam idoneis uocibus augebant. Tandem fit eis potestas literarum, ac nihil præterea cum ipsis actū fuit. Neq; uero ipsi multum de eo solliciti erant, & ad res nouas tantum spectabant, nec qui futurus esset exitus, præuidebant. Urbis Atrebatii iacturam et amissionem debebant potius deplorare: sed quantum accepissent uulnus, ob imperitiam & rerum nouandarum studium non sentiebant. Gandauum igitur redeunt, ubi cum puella tunc erat Dux Cliuensis, eius propinquus, ætate grauis, qui & in ea familia fuerat educatus, & pensionem annuam habebat, sex aureorum millia, & frequenter ibi uersabatur, honoris & officij causa. Per id uero temporis ibi hærebat, spe matrimonij. Cupiebat enim in primis puellam nubere filio suo: & si mores illius placuissent,

euissent, facile, ut opinor, impetrasset: uerum erat domesticè notus, ac fieri potest, ut ea quoq; res impedimentum aliquod attulerit. Præter hunc aderat etiam Leodiensis Episcopus, è familia Borboniorum, & alij complures. Indictio igitur concilio, cui puella præsidebat, legati quid egissent, exponunt: & illud in primis, quod ad ipsorum institutū pertinebat, quemadmodum inter ipsos & Regem, magna fuisset & acris, de uoluntate puellæ disceptatio: & quid tandem acceperant ab eo responsi. Eo sermone offensa puella, quum existimaret literas non fuisse exhibitas: constanter negat. Ibi statim ex ipsis quidam è sinu profert eas literas, & palàm in conspectu omnium dat puellæ. Quo sane facto, quàm esset illiberali ingenio, clare docebat, nempe qui modestissimam uirginem ad eum modum pudesceret. Nam etià si quid illa peccarat: ad ipsum tamen castigandi partes nō pertinebant. Quātus autem fuerit puellæ pudor, facile qui uis intelligat. Diuersum enim apud omneis dixerat, & ij, quorum facta fuit in literis mentio, Rauestenus & nouerca, et Cæcellarius, & Imbercortus, aderant. Cliuensi & alijs nonnullis iniecta fuerat aliqua spes matrimonij. Hi singuli magnopere fuerunt offensi, & tunc primū graues ortæ sunt inter eos dissensiones. Cliuensis putauerat Imbercortum suis rebus fauere: cognitis autem his literis, acre desperata: quòd se ludificatum esse uidebat, odium in illum concepit. Sed &
Leodis

Leodiensis Episcopus, propter superiora bella minus amabat eum. Connestablii uero filius, Sancto pauli Comes, & ipsum & Cancellarium, eò quòd parentem suum Peronæ tradidissent in potestatem regis; oderat infestissime; deinde, Gandauēses erant inimico in ipsos animo, nulla de causa, nisi quòd apud Carolum in summo fuissent honore. Nocte igitur illa, quæ concilium hoc est insecuta, capti sunt ambo, & licet præmoniti fuissent; periculum tamen uitare non poterant, quod alijs multis sæpe accidit. Vt autem caperentur; opinor aduersariorum impulsu aliqua ex parte factum fuisse. Gandauēses, obseruata aliqua iuris formula, præter morem suum, è senatu nonnullos deligunt, qui de causa cognoscant. Et primum quidē interrogantur, cur Atrebatū regi per Cordem tradidissent: Et quæstio hi non multum inhærebant. Nam neq; mouebat eos debilitata potentia puellæ, neq; detrimenti magnitudinem intelligebant. Postposita igitur ea quæstione, duo potissimum obijciebant; primum; quòd in quadam controuersia & lite, sententia secundum ipsos & Rempub. lata, pecuniam accepissent. Ad hoc illi prudenter respondebant, se iudicasse in ea lite secundum ipsos, quòd æquitate & iure uincerent: non se prostituisse iudicium, nec ullum affectasse munus: oblatum uero non recusasse. Alterum crimen erat, eiq; potissimum insistebant: Ipsos & præsentem Carolo, & per eius absentiam multa fecisse,

cisse aduersum ciuitatis priuilegia: quod apud eos sanctissimo iure sit capitale. Hac sanè criminatio nulla nitebatur ratione. Nam neq; ciues erant illi, nec ipsorum subiecti imperio, et si qua uel Carolus, uel eius pater ademerant eis priuilegia, pactionibus illud factum erat, post diuturna bella. Sed quātumuis illi se purgarent: tamen, duabus postremis de causis, damnati sunt capitis. Hac tam crudeli sententia perterriti, quod unicum supererat remedium: prouocant ad Regem & senatum Parisiensem, ut ea interposita mora, per amicos & necessarios eriperentur periculo. Dum captiui detinerentur: subiecti fuerunt quæstioni & tormentis, ac intra sextum diem de capite ipsorum fuit pronuntiatum, & nulla ratiōe habita prouocationis, tres tantum horæ fuerunt eis concessæ, intra quas de suis rebus ac salute cogitarent, postea deducuntur ad supplicium. Filia Caroli certior facta, senatum adit, & propemodum supplex deprecatur mortem. Quum nihil proficeret: uenit in forum, ubi multitudo erat omnis in armis, & ut miserabilior esset: cultu corporis admodum neglecto, summum testabatur dolorem. Lachrymans igitur, passis crinibus, magno pere sollicitabat populum, ut illos sibi donaret. E ciuib; multi eò inclinabant, alij cōtrā, sic ut ad contentionem res atq; præsentem pugnam spectaret. Eorum autem, qui supplicium uolebant, maior erat numerus. Li sublato clamore, carnifici mandabant,

bant, ut acceleraret. Desperata igitur salute, tristis & afflicta, propter iacturam summorum uirorum, domum redit. His rebus perfectis, Gandauenses Rauestenum & nouercam, eo quod in ijs erant notati literis, quarum supra meminimus: à puella submouent, & auctoritatem omnem in illam sibi sumunt. quò miserior erat eius conditio, tum propter amissas urbes, tum quod in ipsorum esset potestate. Videre autem licet in ipsorum actionibus insignem stoliditatem cum malitia coniunctam. Nam qui magistratum apud ipsos gerunt, & auctoritatem habent: plerumque sunt opifices, & homines plebei, earum rerum omnium, quæ pertinent ad Reipublicæ gubernationem, imperiti. Malitia duabus in rebus potissimum consistit, primum: quod suos Principes cupiunt esse quàm maxime infirmos & tenues: alterum, quod simul atque facinus aliquod admiserunt, ac se inferiores uident: artem optime tenent, deprecandi culpam, ueniamque petendi, in eoque nec sumptui parcunt ulli, nec labori. & quibus uti debeant intercessoribus, omnium hominum optime norunt. Interea dum Rex in Picardiæ finibus foeliciter rem gerit: alter ipsius exercitus, in Burgundiam quoque bellum infert. Delectibus agendis præerat Auraicæ Princeps, qui tametsi è superiori Burgundia genus duceret, tamen ab amicitia Caroli iam secundò discessit, & quoniam in utraque Burgundia plurimum ualebat & facultatis

m ij bus

bus amplissimis, & gratia & clientelis: peropportune Rex illius utebatur opera. Summæ autem belli præfectus erat Cranius, qui præmissis Auracæ Principe, per ipsius industriam & gratiam, non modo Diuionem, ijs locis firmissimam urbem: sed aliâ quoque inferioris Burgundiæ omnia, & superioris nonnulla oppida deditione cepit: uerum Auxona, & aliâ quædam castella strenue sese tuebatur. Auraco magnę fuerunt propositę cōditiones, & amplissimi honores designati. Mouerat ei litem auunculus de possessionibus aliquot & bonis, eaq; controversia fuit ad Carolum introducta, qui conuocato cōcilio nobilium & doctorum hominum, aduersus ipsum pronunciauit. Ea re commotus, transiit ad Regem, qui inter aliâ promittebat ei restitutionem eorum, quæ sibi per iudicium erepta esse dicebat. Sed Cranius, Regis legatus, eorum bonorum nactus possessionem, tametsi crebro interPELLARETUR, etiam à Rege, tamen recusabat ea reddere, neque fore putabat, ut Auracus omnem illam prouinciã ad defectionem & rebellionem aliquando permoueret. Gandauenses, cum ad eum modum, ut diximus, essent tumultuati, & puellam in potestate haberent: nouum constituunt magistratum, ueteres loco submouent & proscribunt, in primis autẽ Burgundicæ domus necessarios, nulla prorsus meritorum habita ratione. Illos autem omnes, qui ex Burgundia genus ducerent, acerbissimè persequuntur, &

tur: Et cum rex totus in hoc esset, ut e familia Caroli plerumque ad se quacunque ratione traduceret: illi suis moribus & ingratitude, et asperitate hoc ipsum precipue agebant, ut libenter isti ad Regem transirent. Sed Geldria Ducem in primis, qui mandato Caroli diu captiuus fuerat, eximunt e carcere, & ijs copijs, quas una cum socijs aduersum Tornacenses educebant, praeficiunt, & Tornaci suburbia uastant incendijs, imperite sane & imprudenter. Quod si Atrebatum mature firmassent praesidio: recte cum sibi, tum toti prouincia consulissent. Nam eo genere belli, quod gerebant, nullum inferre poterant Regi detrimentum, qui pecuniam nullam ijs locis, aut uestigal, aut tributum imperabat. Geldrus igitur, ubi Tornacum uenit: ignem in suburbia coniecit. Erant urbis praesidio relictis circiter quadringenti cataphracti, qui discedentem hostem persecuti, in fugam uerterunt. Sed Geldrus, magno uir animo, & singulari uirtute, conuerso equo inuectus, ut uiam suis expediret, interficitur cum multis. Filia Caroli dicitur, eo accepto nuncio ualde fuisse exhalata. Nam fama percrebuit, Gandauensium hoc esse propositum & uoluntatem, ut ei, nisi occubisset, in matrimonium illam darēt. Qui lecturi sunt ista, mirabuntur, non dubium est, quod a morte Caroli, ad hunc usque locum, Anglorum mentionem nullam feci, & alienum eis uidebitur, quod illi Regem ita sint passi occupare Boloniam, Atrebatum,

m iij

Heldis

Hesdinum, & alia loca munita, prorsus ad ipsorum fines, nec id modo, uerum etiam obsidione cingere Sanctomarum. Causa nimirum est in promptu, Rex ingenij ui, multis partibus Eduardo præstabat: quanquam certe præclarus & hic erat Princeps, octo prælijs uictor, quibus ipse pedes interfuit omnibus. Verum ea diuersis temporibus facta fuerunt, neq; magnā aliquam ipsius industriam requirebant. Semel enim parta uictoria, utebatur deinde pace, donec nouum exoriretur bellum: & Angliæ consuetudo fert, ut intra paucissimos dies, commisso prælio, de summa belli decernatur. Galliæ autem rationes longe erant diuersæ. Nam præter administrationem bellicam, oportebat Regem multis locis intentum habere animum, & quid uicini Principes molirentur, summo studio cognoscere, & obseruare. Sed in primis danda ei fuit opera, ut Angliæ Regi satisfaceret, & crebrę mittendæ legationes, & donis ac pollicitationibus tentanda res, ut ne nostris ille negocijs & occupationibus sese immisceretur. Anglis enim omnibus est quædam animi incitatio & alacritas naturaliter innata, bellum in Galliam inferendi. Primum, quod illam ad se iure pertinere dicunt: deinde, propter amplissimam prædam. Maiores enim ipsorum multas obtinuerunt insignes per Galliam uictorias, & continuata possessione per trecentos ac quinquaginta annos: bonam & Aquitaniam & Normanniam partem tenuerunt.

Et quan

Et quanquam à Carolo septimo, Ludouici patre, profligati sunt : tamen redierunt domum, onusti spolijs opimis, et nostris exuvijs amplificati, concepta spe certissima, redeundi aliquando. Sed profecto tunc agrètales erant nostris temporibus habituri occasiones, Ludouicus enim Rex nunquam erat periclitaturus fortunam, nec eò descensurus, ut prælio cum ipsis dimicaret, quod alicubi factum fuit, infelicitè, & magno cum Gallia detrimento: Verum multò prudentius omnibus prouidisset rebus, ut uidere licet ex eo, quod supra commemorauimus de pacificato Eduardo. Et quoniam hæc illorum cupiditatem ac ardorem gerendi belli non ignorabat: hoc sibi modis omnibus laborandum esse uidebat, ut ipsos in amicitia contineret, eos præsertim, qui uidebantur ad pacem magis inclinare, & oblata munera non esse recusaturi. Pensionem igitur illam, quinquaginta aureorum millia, quotannis Londini, ad diem, & liberaliter persoluit Eduardo, & in ipsius familiares distribui iussit ad sedecim aureorum millia, & legatos illius, etiam si minus iucunda nunciassent, omni humanitatis genere, & donis placatos dimittebat. Et quanquam aliqui sentiebant hoc ab eo fieri, temporis extrahendi, & perficiendi belli causa, quod ijs locis gerebat: tamen quæstus et emolumenti magnitudine deliniti, dissimulabant. Præter annuas enim pensiones dabat etiam intimis consiliarijs luculentissima dona, & is, de quo

de quo sæpè diximus, Hauartus, accepit ab eo intra biennium, præter pensionem, ad uiginti quatuor aureorum millia. Et hi quidem omnes, accepta pecunia, regijs quæstoribus dabant chirographa, quæ in ærario ponebantur. Vnus tantum Hastingsus, Eduardo familiarissimus, ægrè potuit adduci, ut pensionem à nobis acciperet, ac uix tandem ei persuasum à me fuit: Nam quo tempore cum Carolo uersabar: perfecti, ut ad eius amicitiam adductus, mille aureos pateretur sibi ab eo dari quotannis. Id ubi Rex à me cognouit: mandat, ut eum ad se traducerem; oblata etiam maiori conditione. Regem uero sic oderat, ut etiam à morte Caroli, rebus filia magnopere faueret, ac Eduardum, ut illi contra regem adesset, hortaretur. Cœpi igitur eum sollicitare literis, & Rex pensionem ei designabat, duo aureorum millia quotannis, cum à Carolo mille tantum accepisset. Eam pecuniæ summam deferrebat Petrus Claretus, uir nobilis & industrius, cui mandatum à rege fuit, ut tradita pecunia, chirographum postulare, quò demonstrari aliquando posset atq; uideri, quemadmodum & summus Angliæ Regis cubicularius, et Cancellarius, & Ammirallius, & magister equitum, & alij multi proceres, pensionem à Galliarum Rege accepissent. Claretus diu multumq; & familiariter cum eo Londini locutus, posteaquam mandata exposuit: obtulit ei, quam acceperat pecuniam: simul chirographum sibi dari petit.

petit. Quod cū ille recusasset facere: alter orat, ut sal-
tē breuibus aliquot uerbis regi significaret, se pecu-
niam accepisse, ne Rex, qui suspicionibus indulge-
at, putet à se fraudem aliquam esse commissam.
Tum ille: Quod petis, inquit, equū est quidem: sed
tuus Princeps donum hoc ultro mihi misit, nō roga-
tus à me. Si uis ut capiam, opus est, ut in uestem ipse
mihi imponas: testimonium autem à me nullum
aut literas es habiturus. Vt enim illud de me iactes-
tur, & chirographum meū inter ratiōes quęstorum
ararij conspiciatur, minime committam. Claretus,
cum aliud non posset, relicta illi pecunia, domum
reuerfus, quid egisset, exponit. Rex ægrē tulit, quòd
literas ab eo nullas obtinuisset: ipsum uero, qui re-
cusasset dare, magni faciebat, eaq; fuit causa, cur ei
deinde pensionem absq; chirographo persolueret.
Ad hunc modum tractabat Anglos: ueruntamen
filia Caroli, fidem Eduardi & auxilium implora-
bat, eo usq; ut ille misso ad Regem legato, peteret
uel pacem uel inducias cum ea fieri. Conuocato
enim concilio, illi qui præmium aut pensionem nul-
lam habebant ex Gallijs, hortabantur eum, ne pu-
ellam defereret, sed auxilijs omnibus iuaret. Eas-
dem fuit multitudinis & populi sententia, qui & lu-
dificari se à nobis, & matrimonij spem nullam sub-
esse dicebant. In colloctione prope Piccenium
ita conuenisse, ut Ludouicus Eduardi filiam ad se
reciperet intra annum, ac deinde suo filio, cum tem-

n pus

pus postulareret, in matrimonium daret: iam pridem uenisse diem, nec ullam dari significationem seruandi promissi. Verum, quantum uis acriter illi bellum suaderent: Eduardus tamen incitari non potuit. Nam & obesior erat, & ocium atq; delicias amabat, & laborem militare uix ægrè sustinuisset, & annua pensio mitigabat eum, & quos in Galliam mittebat legatos, n̄ tam humaniter excipiebantur à rege, omnis generis beneuolentia, ut ab eo alieni esse non possent, & cum eiusmodi mandatis ferè dimittebantur, ut suspicio nulla suboriretur, tempus à rege capdari & extrahi. Nam hoc semper addebatur, fore, ut Rex intra paucos dies in Angliam mittat legatos, homines idoneos, qui controuersias omneis componant. Et cum ad hunc modum eos dimisisset; tribus circiter hebdomadis post, aut amplius eò, mittebat rursus ad illum, ac semper diuersos à superioribus, ut si quid illi promississent, quod seruatum non esset: hi facilem haberent excusandi rationem, ut qui aliorum pollicitationes non possent neq; deberent præstare. Atq; interea tamen hi sermone omnem ita temperabant, ut Eduardus pareretur sibi persuaderi, neq; rem nouam tentaret ullam. Matrimonium enim, de quo pactum erat, adeo uehementer cupiebat: ut hac potissimum de causa, non audire teos, qui bellum ab ipso prætermitti dicebant, magno cum Angliæ detrimento. Et quò contemptius nonnulli per Angliam de nuptiis illis loques

loquebantur : eò magis ipse metuebat, ne is rumor in Galliam delatus, impedimentum aliquod inferret. Quantum uero ad Ludouicum Regem pertinet; nunquam erat assensurus, eò quod Eduardi filia Delphinum ætate antecedebat. His artibus aliis quot consumptis mensibus; iam administrandi belli præterierant occasiones. Nisi igitur spes illa matrimonij continuisset Eduardum; dubio procul non erat passurus Regem ita progredi. Et si statim initio puellam propugnasset; Rex, qui sua noluisset in periculum deuocari, non sic erat Burgundicam domum debilitaturus. Hæc autem eò commemoro, ut quantæ sint rerum humanarum uicissitudines, demonstrarem; & ut illi, qui Reipub. gubernationi præsunt, habeant quod intueantur. Nam etiam ut ingenio maxime præstent; eiusmodi tamen rerum notitia, non est ipsis futura inutilis. Quòd si filia Caroli uoluisset nubere fratri uxoris Eduardi; magna fuissent ei subministrata auxilia. Sed impar erat matrimonium, quòd ipsa omnium esset sui temporis locupletissima puella; ille uero tenuior, & opibus & generis nobilitate. Varijs autem de rebus inter se Ludouicus Rex & Eduardus agitabant, & si copias uellet coniungere Eduardus, ac partem aliquam ditiorum Caroli occupare; non recusabat Rex, quò minus Flandriam libere teneret. Ad hæc, promittebat se periculo suo traditurum ipsi esse quatuor potissimas Brabantia ciuitates, ac stipendia præbiturum ei,

rum ei, per menses quatuor, in decem hominum millia, quò belli sumptum eò facilius toleret; subministraturum etiam tormenta & currus, & quicquid usui esse possit, & interea dum ipse Flandriam oppugnet, se diuersa parte bellum ipsis facturum esse. Eduardus ad ea respondit, Flandriæ & Brabantiae urbes, ob magnitudinem & firmitatem, habere difficilem oppugnationem: & ut captae sint, ægrè tamen posse defendi: & bellum istud, Anglis, propter mercaturam esse prorsus inutile & intolerabile. Verum, si ex ijs oppidis, quæ iam in Picardia Rex cepisset, nonnulla sibi tradat: missurum se copias auxilio. His actionibus extrahebatur tempus, atq; interea uiribus puellæ multum decedebat indies. Nam ex ijs belli ducibus, quia morte Caroli superstitēs erant, complures ad Regem transibant, in primis autem Cordæus, & cum eo multi alij, partim necessitate coacti, quòd facultates haberent in ijs ipsis locis, quæ Rex iam occupauerat: partim spe & cupiditate augescendi. Liberaliter enim Rex tractabat eos, & iam paulatim magis atq; magis accendebantur in urbibus factiones, Gandauī præsertim. Dum hæc geruntur: multus erat omnium sermo de puella; aut reperiendum ei maritum esse, cuius uirtute & industria, quod reliquum habebat, tueretur; aut nubendum filio Regis, quò totum seruaret. Et hæc quidem ratio multis uidebatur longe commodissima, etiam ipsi puellæ, ante mortem Imbercorti

bercorti & Cancellarij. Nonnulli uero, quòd filius Regis adolescentulus admodum erat, uix nouem annorum, dehortabantur: alij de Anglià, de Clituensi alij loquebantur, alij Maximilianum Cæsaris Friderici filium proferebant. Puella, quòd Regem, patefactis literis, authorem esse iudicabat necis Imbercorti & Cancellarij: oderat eum acerbius, præsertim, cum & ipsa fuisset palàm eo nomine pudefacta, & intimis suis ac necessarijs hominibus esset exuta per Gandauenses, quorum tanta fuit intemperantia, ut ijs, quæ cum puella erant, foeminis, integrum non esset, ullas accipere literas, aut etiam loqui puellæ: nisi primum indicassent. Leodiensium Episcopus, de quo non semel diximus, magnopere cupiebat matrimonium Gallicum perfici, & si filius Regis fuisset ætate maior: erat fortassis utriusque parti futurum non incommodum. Ille uero deposita spe, factus alienior, domū rediit. Suberat haud dubie maxima difficultas in ea re, & opinor illos, qui procurationem eius cogitabant suscipere: parum fuisse laudis tandem habituros. Id cum plerique deprehenderent, abstinebant ab omni actione: ueruntamen coacto concilio deliberatum fuit: Et cum cæteris intererat nobilis matrona, quæ facile primum dignitatis locum apud puellam obtinebat, Halluinam uocant. Ea, cum disceptaretur: nobis, inquit, opus est aliquo uiro, non autem puero. Iam ea est ætate puella, ut liberos gignere possit, quod

n iij nobis

nobis, & toti prouinciæ maxime necessarium est. Ea uicit in concilio sententiâ, tamen nonnullis uis debatur esse locuta liberius. Alij uero commodè interpretati, dicebant eam de matrimonio solum dixisse. Hoc unum igitur restabat, ut idoneus inueniretur maritus. Opinor equidem, si modo Rex uoluisset, eam libenter fuisse nupturam Duci Angolisensi. Gallicam enim affinitatem ualde cupiebat. Sed aliter Deo uisum fuit, cuius rei quæ sit causa: ne hodie quidem nobis constat, nisi quòd ex rebus antea actis uidemus, per Austriacum illud connubium maxima grauissimaq; fuisse introducta bella, quibus & Brabantia & Flandria non fuissent diuerxata, si quidem Angolisensis eam in matrimonio habuisset. Dum ita deliberatur: Cliuensis magnopere pro filio sollicitabat, uerum illius mores nec puella, nec ipsius necessarii probabant, ut supra quoq; demonstrauius. Cœptum est igitur cogitari de Maximiliano, nunc Romanorum rege. Nam huius patri, cum Carolo, eius rei mentio quædam aliquando intercesserat, & ipse literas habebat ad se missas à puella, iussu patris, et adamantem, quibus literis illa promittebat, se nuptijs illis, ut à parente suo constitutum erat, assentiri. Fridericus ergo Cæsar, Maximiliani pater, legatos ad eam mittit. Li cum Bruxellam uenissent: iubentur expectare, donec nunciatur. Istud à Cliuensi profectum erat, qui aduentum illorum grauiter ferebat, eoq; spectabat, ut aliquam

aliquam eis præberet occasionem offensionis, quò discederent. Verum illi, tum ab alijs, tum à puellæ nouerca in primis, admonebantur, ut eius, quod nunciatum esset, nulla ratione habita, pergerent, & Gandauum proficiscerentur: simul quomodo esset instituenda, cum eò uenissent, actio, docetur, et firmo iubentur esse animo, quòd ipsorum rebus, non puella tantū, sed & ex ipsius familiaribus multifauerent. Hoc consiliū illi secuti, ueniunt Gandauum, inuitissimo Cliuensi. Dictus est igitur dies, quo de ipsorum postulatis cognosceretur. puella etiam, quomodo se gerere debeat, edocetur, ac primum quidem, ut illos, ubi mandata exposuissent, humaniter exciperet, deinde, ut diceret, se deliberatione habita, quid sui propositi sit & uoluntatis, declaraturam. Intra hos ueluti cancellos includebant eius orationem, nec ut longius egrederetur, permittebant, ipsa non dissentiente. Vbi legati in conciliū uenerunt: redditis literis, exponunt, quēadmodum inter Fridericum Cæsarem & Carolū de matrimonio conuenerit, ipsa puella nō repugnante, quæ & literas & adamantem ad Maximilianum eius rei gratia misisset. Rogant igitur nomine Cæsaris, ut & patris illa uoluntati, & suę promissioni satisfaciat. Literas etiam & adamantem proferunt, ut hac uia certum aliquid ab ea uelut extorquerēt. Illa, nō interposita deliberatione, statim respondit, & scriptas a se literas, & missum adamantem, iussu patris, & plac

& placere sibi, quod tum promississet. Eum sermo-
 nem magnis gratiarum actionibus exceperunt le-
 gati: Cliuensis autem indignissime illum ferebat,
 iratus etiam puellæ, quod aliter, quàm constitutum
 antea fuerat, esset locuta. Verum ipsa respondit, si
 bi non esse integrum, aliter facere, aut uiolare pro-
 missa. Ille igitur omni abiecta spe, cum plerisque
 omnes puellæ sententiam uideret approbare: sta-
 tuit paucis post diebus redire domum. Interea Ma-
 ximilianus Coloniam petit, quo in loco legati alii
 quot puellæ ad ipsum uenerunt, & pecuniam, nisi
 fallor, subministrabant, patrem enim habebat lon-
 ge parcissimum. Vbi cum octingentis circiter equi-
 tibus Gandauum uenisset: rem obtinuit, & quia te-
 nuior erat: non magnam habebat auctoritatem, &
 potentiæ ac splendori Regis conferri non poterat,
 eiusque familiares & comitatus omnis, & lingua &
 moribus & institutis, plurimum à Burgundioni-
 bus differebant: Vixerant enim hi apud Principes
 longe florentissimos, in summa lautitia & elegātia:
 Germani uero sunt asperioris naturæ, nec eam ob-
 tinent, quam nostrates, ciuilitatem. Quò magis opi-
 nor, singulari beneficio Dei factum esse, quod Im-
 perium Galliæ nō defertur ad fœminas, ut ne sum-
 ma regni sit penes aliquem externum Principem.
 Vix enim ulla est natio, quæ diu ferat peregrinum
 imperium. Galli certe non tulissent, & ubicunque po-
 pulus est aliqua mediocri potentia, uidemus eum
 ferre

ferè ab indigenis gubernari. Ante annos quadraginta, maximas in Gallijs possessiones tenuerunt Angli: Hodierno autem die, præter Caletum, & duo quædam castella, quorum tuitio ipsis magnò constat, nihil habent, & temporis ferè puncto amisserunt omnia. Galli possederunt aliquando, & nostris etiam temporibus, per complures annos, Siciliam & Neapolim. His autem omnibus ita nunc sunt exuti: ut præter maiorum suorum sepulchra, nihil ibi reliquum habeant. Nam etiam ut Princeps aliquis externus benè rem gerat, & commode gubernet: tamen quia moribus & ingenio differt: nec eam erga populum representare potest beneuolentiam, ac si esset indigena: faciles oriuntur dissensionum occasiones. Itaque fit, ut ille, quò principatum ad se delatum, suasque fortunas tueatur: aliunde militem & copias adducat, eorumque se præsidio muniat, qui beneficijs deinde singulariter ab eo, & honoribus aucti, magnam multitudinis inuidiam & odium in se cõcitant. Quocirca, qui externæ alicuius gentis imperium suscipit, nisi magna quadam & eximia sit præditus dexteritate: multis haud dubie, & longe grauissimis implicabitur difficultatibus.

o

Philippi

PHILIPPI COMINAEI

commentariorum Liber
Nonus.



Erfecto eo matrimonio : res ipsorum
 nihilo melius habebant . Maximilianus
 enim, & per etatem, & quod exteranus
 erat, nec ad res magnas institutus
 esset, exiguum habebat usum, eiusque familiares non
 erant, qui magni aliquid perficerent. Itaque in sum-
 mis erant difficultatibus prouinciae illae omnes, hoc
 nomine in primis infelices, quod externum Princeps,
 cuius ope defenderentur, cogeantur accersere.
 Dum haec nuptiae fiunt: amissa fuit Artesia, & ad
 Regem magnae quotidie fiebant accessiones. Nati
 sunt Maximiliano liberi, Philippus, Margaritha, &
 Franciscus, qui Britanniae Ducis nomen repraesentabat.
 Quarto demum anno decessit illius uxor e-
 uita, dum ex equo delapsa, grauiter fuit affecta, &
 simul febris accretur. Incommodum sane illud acci-
 dit populo. Nam erat egregia uirtute mulier, & sui
 coniugis amantissima, & populo ualde accepta, sic
 ut in maiori esset, quam maritus, honore & obser-
 uantia. Tenebat Rex in Hannonia Quercetum &
 alia quaedam, sed de possessione decessit, quod mirum
 plerisque uidebatur, cum nec pacificare uellet, neque res
 liquum aliquid eius familiae uideretur esse factu-
 rus.

rus.

rus. Sed quanquam internecionem eius domus moliebatur; duabus tamen de causis oppida illa restituit. Primum: dicebat ita ferè comparatum esse, ut Reges habere firma & munita loca malint intra suos fines, quàm foris. Deinde, inter Cæsares & Galorum Reges iureiurando sancitum est, ut pacem colant, et alter alterum in suo iure non impediat aut interpellat. Hæc etiam erat causa, quam obrem Cameracum, in quam urbem bona fide receptus antea fuerat, suis legibus uti sineret. In Burgundia uero bellum gerebat minus foeliciter, propterea quòd Germani mercede conducti, fauebant Auriacæ Principi, qui iam ab ipso defecerat. Pro Maximo miliano uix quisquam arma tunc sumpsit. Vicini enim Burgundionibus Heluetij, eorumque socij minus bene uolebant Austriacæ familiæ. In Sigismundo autem ipsius patruo, magnum erat præsidium, si modo uellet, propter propinquitatem loci & Pfirtensem ditionem, quam Carolo prius uenditam, centum aureorum millibus, recuperauerat, non reddita pecunia. Sed parum erat in eo mentis & ingenij, ac prorsus fuit ex eorum Principum numero, qui in suos familiares omnia reijciunt, ipsi plane desides, & ad imperium inutiles. Et qui tales sunt, uix est, ut amicos in necessitate subleuent. Hic etiam impulsus à suis, deserto nepote, Regis sequeretur partes in eo bello, nec id modo, uerum etiam cogitabat facultates omnes adimere suis necessas

o ij rrs, &

rijs, & dare externis, cum liberos nullos haberet. Sed permotus ab alijs, & ad sanitatem reuersus, in Maximilianum nepotem contulit omnia, sibiq; tantum seruauit pensionem annuam, circiter trientem bonorum, deposita omni administratione, cuius ipsum deinde sæpenuerò poenituit, ut accepi, & est credibile. Sed is ferè est exitus eorum, qui uolunt prauis & ocio dediti, nihil ex uirtute faciunt: Qui cum authoritatem summam, beneficio Dei tenent; maximè sane sunt uituperandi, quòd officio suo desint. Iis, qui furore & amentia quadam uexantur, exprobrari nihil potest; qui autem ingenio non sunt destituti, & commoda utuntur ualetudine, non minime deplorari debent, quando per ignauiam & ocium in calamitatem aliquam incidunt. Qui uero ita se comparant, ut maximam temporis partem se rijs occupationibus; reliquum autè liberalibus & honestis oblectationibus impendant; magnam illi sanè laudem merentur, & o foelicem populum, cui talem contingit habere Principem. Ducebatur in Burgundia bellū, propter auxilia Germanorum, ut diximus, quæ tamen erant exigua, neq; Regis potentia conferri poterant. Deerat autem eis pecunia, & à nobis plariq; sollicitabantur ad defectu onem. Cranius Regis legatus, Dolam, superioris Burgundiæ primum oppidum, ad Dubim flumen, parua manu circumfedit, cum hostem despiceret; uerum infœliciter accidit. Nam subita eruptione

ptione ab illis facta, partem aliquam tormentorum amisit, & e suis nonnullos desiderauit. Eo accepto nuncio, rex cogitare statim coepit de nouo per Burgundiam constituendo praefecto, tum propter hanc cladem, tum ob illius rapacitatem, & expilationes immoderatas. Verum antequam loco submoueretur ille: paruulo quodam praelio foeliciter rem gessit, in quo Castelgionius, summæ uir nobilitatis & potentie noster locis, captus fuit. Cranius erat pinguior, & re satis lauta, ideoque non illibenter domum reuerterebatur. Rex autem neque de facultatibus quicquam ei detraxit, & sex cataphractos cum duodecim sagittariis ei attribuit, qui domum deducerent. Et summisit Carolum Ambosium, consilij magni & uirtutis uirum. Is animum statim adiecit, ut Germanos, qui Burgundiam a Rege defendebant, ad se traduceret, non tam, ut ipsorum auxilijs bellum faceret, quam ut dato illis stipendio, facilis, quod adhuc restabat, caperet. Missis igitur ad Heluetios legatis, magnas proposuit & luculentas condiciones. Primum, dabat quatuor illorum ciuitatibus, Bernæ, Luceriæ, Tiguro & Friburgo, & qui sunt his coniuncti, pagis, ad uiginti francorum millia quotannis. Ipsis uero magistratibus, & alijs, quorum priuatim utebatur opera, tantundem. Deinde petijt in ciuium numerum apud ipsos ascribi, & primum intersocios uoluit obtinere locum, eaque de re petebat consililiteras. Aegre quidem illi principio istud ad-

o iij mittebant,

mittebant, eò quòd Sabaudia Dux antiquitus primas partes inter confederatos haberet; sed tandem assentiebantur, simul promittebant Regi continenter subministrare, ad sex hominum millia, quibus menstruum ille daret stipendium, treis aureos. Et hic quidem illorum numerus alebatur à Rege, quamdiu uixit. Tenuior aliquis Princeps, non habuisset eius rei perficiendę facultatē. Regi uero longe utilissimum fuit hoc institutū, ipsis autem Helueticis opinor aliquando nociturum esse. Cū enim ante id tempus exiguum haberent usum pecunię, praesertim auri: nunc ita sunt illecti eius cupiditate, ut à factionibus & dissidio ciuili, minimū absint. Alios quin enim, quia locis continentur natura munitis & asperis, & quoniam ad arma sunt assuefacti, facile & ipsi uim alijs inferant, & illatam defendant. Eo perfecto foedere, cū Germanorum auxilia Burgundionibus essent detracta: omne robur illorum fuit attenuatum, & ut paucis dicam, plurimis tentatis rebus, Ambrosius arcem quandam munitam, non procul à Dola, uocant Rupem fortem, ubi circum sedisset, deditione cepit. Inde profectus, Dolasam, à qua reiectus fuerat Cranius, uis expugnat. Ex his autem Germanis, qui iam ad regem transierant, nonnulli dicuntur in oppidum ingredi uoluisse, ut à Rege illud defenderent: sed quoniam unā cum ipsis maxima nostrorum sagittariorum manus irrupit, non intellecta fraude, pariter ingressi, ad di-

reptios

reptionem omnes properabant. Incensum deinde fuit oppidum, & paucis interpositis diebus, Auxonium circumuallat. In eo multi erant non alieni à nobis, & nostri pro nonnullis ciuibus munera publica petebant à Rege, antequam illos obsiderent, ac facile impetrarunt. Ipse quidem ei bello non interfuit: sed quid ageretur, ex ijs, quæ ad Regem deferbantur, intellexi, & è literis ad eum scriptis, quæ sapius erant mihi legendæ, ut ad eas, ipsius mandato respondere. Tenebatur oppidum nō magno præsidio, & paucis diebus, uoluntate ducum, qui cum Ambosio iam antè pacti fuerant, in deditionem uenit. Itaq; præter aliquot castella, rupibus affixa, nihil restabat expugnandum. Est ijs locis Vesontio, quæ quidem ciuitas, etsi ad imperium Germaniæ eum pertinet: tamen quia cingitur undiq; Burgundia: studet ferè gratificari eius regionis Principi. Hanc igitur ingressus est Ambosius, absq; maleficio, & ab oppidanis amanter exceptus: illinc discessit. Ad hunc modum Burgundiam omnem ille cepit, magna sane industria. Nam instigabat eum rex crebris literis atq; nuncijs, ut ad extremam diligentiam nihil reliquum faceret. Verebatur enim, ne remissius ageret, neue pateretur aliquam sibi difficultatem obijci, primum, ut eò esset illustrior ipse & magis necessaria opera, deinde, ne reuocaretur alio. Locuples enim est atq; copiosa Burgundia, & Cranius, cui summissus ipse fuit, multum ibi suas facultates

facultates amplificauerat. Vtebatur aliquandiu pace ea regio, sed tamē Belna et Virodunum, quod est oppidum ad Araris & Dubis confluentem, rebellionem faciebant. Ambrosius autem ea non multo post, singulari quadam dexteritate recuperauit, dum aduersarij suis rebus parum prouiderent. Atq; ita uidere licet, homo homini quid preestet. Sed profecto sicest, ut quamcunq; partem Deus uult amplificari & florere: ibi quoq; prudentes homines ac industrios excitet. Illa quę diximus oppida, rebellionem quidem fecerunt, sed ij, quorum praesidijs oportebat ea teneri; non fuerunt statim ingressi, & spaciū dabant nostris, contrahēdi copias. Et quod die nostri Virodunum petebant: illi quoq; se receperunt eo, circiter sexcenti, quibus inter alios praeserat Simon Quintius, ut Belnam inde profecti tueretur. Quod si nulla interposita mora fuissent progressi; recuperassent illam dubioprocul, & à nobis facile defendissent: Verum inopia consilij, per noctem ibi commorati, & circumfessi à nobis, ui capti fuerunt, atq; ita Belnam et quicquid erat reliquum, absq; contentione recepimus. His rebus omnibus tunc interfui. Ad Regem fuit à nonnullis perscriptum id temporis, aliquid me fecisse in gratiam quorundam ciuium Diuionensium. Ad eam criminacionem cum & alia quaedam paruula suspiciones accederent: uestigio missus ab eo fui Florentiam, propter excitationes ibi seditiones & motus, inter Pacensem

Pacensem & Medicensem familias, Nam illi, cū
niterentur amicitia Romani Pontificis, & Ferran
di Regis Neapolitani; coniurarunt in caput Lau
rentij Medices, ac omnis ipsius clientelæ: & quum
ab ipso, quem petebant, aberrassent: fratrem eius
Iulianum, & Fuginetum quendam, uirum nobis
lem, eius familiæ clientem, qui se Iuliano obiecit, ut
eum protegeret, in primaria eius urbis æde sacra,
interficiunt. Laurentius autem graui uulnere affe
ctus, in uestiariū templi se recepit, cuius portas
ipsius pater aliquando curauerat ex ære totas ex
trui. Commissum fuit hoc facinus, dum peragi
tur ex more sacrum: & inter ipsos coniuratores de
signo conuenerat, quo dato, cædem facerent. Sed
longè aliter quàm instituerant, accidit. Nam ex ip
sis nonnulli, cū recte putarent omnia procedere:
curiam petebant, ut in ea Senatores, quorum magi
stratus est solum trimestris, trucidarent. Postquam
eò uenerunt, ac in superiorem locum ascendissent:
fores quidam post illos occlusit, & ubi coram con
stitissent, ac se parum esse comitatos uiderunt: uehe
menter fuerunt attoniti, nec quod dicerent, habes
bant. Senatores autem ac ipsorum famuli, cū ē
sublimi conspicerent motum per urbem, & Iaco
bum Pacensem audirent cum socijs ante uestibus
lum tumultuantem, euocato populo nequicquam
ad libertatem: confestim illos, qui cædis faciendæ
causa eò peruenerant, corripunt, & ex fenestris cus
p
niæ sus

riæ suspendunt. In his fuit Archiepiscopus Pisanus. Deinde, cum pacatam urbem, suas ac Medicensium partes sequi uiderent; datis ilico literis, & dimissis nuncijs, mandant perditionem totam, ut omnes, qui fugientium aliquam speciem præberent, comprehensi adducerentur. Iacobus igitur Pacensis, & cum eo quidam à Sixto Pontifice Romano missus, belli dux, ex fuga retracti sunt: & ille quidem suspensus, hic autem capite fuit mulctatus. Alij deinde multi per urbem capti, in primo illo impetu & iracundia necati fuerunt, & in his Franciscus Pacensis. Non multo post hunc motum eo ueni, missus à Rege, & postquam è Burgundia discessi, biduum duntaxat apud Sabaudia dominam, nec multo amplius apud Mediolani Ducem resti, ut Florentinis, quorum erant socij ac confederati, auxilia impetrarem. Illi, tum in gratia regis, tum ut officio non deessent, liberaliter responderunt, missis initio trecentis cataphractis, ac deinde etiam maioribus copijs. Pontifex, ubi de rebus omnibus accepit, Florentinis interdixit sacris, & simul exercitum missi, tam suum, quam Neapolitani Regis, longe maximum, cui præerant egregij duces, qui castellum quoddam, Senæ propinquum, & alia multa loca facile ceperunt. Florentinorum res in magno sane tum erant discrimine, propter insolentiam belli, & diuturnitatem ocij, quæ causa fuit etiam, ut periculis, in quo uersabantur, magnitudinem non intelligerent.

gerent. Laurentius Medices, ad quem delata fuit belli summa, & ij, quorum ipse regebatur consilijs, per ætatem, rebus necessarijs prouidere non poterant, et exiguas habebāt copias. Exercitui uero Pontificis præfectus erat Urbini Dux, uir magna & excellenti uirtute. Aderant etiam Regis Neapolitani ambo filij. Et quoniam à rebus omnibus erant paratissimi: multa passim oppida & castella, quæ circumuallassent, capiebant, sed non tam facile, neque tam breui tempore, quàm nostri milites faciunt, propterea quòd expugnandi loca, & tuendi scientiam illi non tam exactè norunt: instruendi autem & continendi exercitus, & ea omnia, quæ usui esse possunt, procurandi rationem, melius quàm nos, tenent. Subleuabat nonnihil Florentinos fauor & amicitia Regis, sed non quantum ipse cupiebam, qui præter domesticos famulos nullam prorsus habui coactam manum. Per anni spacium apud eos commorabar, humanissime tractatus, ita quidem, ut ad illorum erga me beneuolentiàm quotidie aliud quid accederet. Reuocatus autem à Rege, cum per Insubriam iter facerem: Mediolani ducem, Ioannem Galeacium, quòd Genuam teneret, fide & ius reiurando regi obstrinxi. Quum in Galliam rediissem: excepit me Rex peramanter, & multò familiarius, quàm unquam ante id tempus mecum agebat. Videbatur autem mihi senium aliquod contraxisse, & uti non admodum commoda uoletudinis

p ij ne, sed

ne, sed non statim prodidit sese morbus, & magna prouidētia bellum Picardicum administrabat. Maximilianus Romanorum rex, adiutus à Flandris per id tempus, Terouennam, Morinorum oppidum longe munitissimum, obsidione cingebat. Cordæus igitur Picardiæ præfectus, & regis legatus, omnes copias, quæ passim erant in illis finibus, & octo sagittariorum millia collegerat, ut obsessis opem ferret. Eius de aduentu certior factus Maximilianus, obsidione soluta, cum exercitu ad illum contendit. Habebat ex Flandria circiter uiginti milia, & manum aliquam Germanorum, & ad trecentos Anglos, quibus præerat Thomas Abriganus, qui Carolo militauerat aliquando. Noster autem equitatus, qui numero superabat, equestres illorum copias, quibus Rauestenus erat præpositus, disiecit, et fugientes Aream usq; consecratus est. Interea peditibus sese Maximilianus coniungit. Ex nostris cataphractis, qui erant circiter mille, & eo plures, Cordæus ipse & Torcius persequebantur hostem. Quod tametsi fortiter ab eis & cum uirtute fiebat: tamen erat contra disciplinam militarem, & ducis officium. Nonnulli ex primo & ultimo agmine, dum simulant uelle se tueri castella & oppida uicina: discedebant è prælio, complures alij aperte sese fugæ mandabant. Pedestres Maximiliani copiæ, etsi non nihil uacillabant: constiterunt tamen. Nam cum ipsis erant circiter ducenti nobiles, egregia uir

gia uirtute, pedites omnes, qui in officio multitudinis continebant. In his fuit & Comes Romontius, è familia Sabaudia Ducum, & Comes Nasoui, & alij complures, qui adhuc uiuunt. Eorum singulari uirtute & authoritate, peditatus restitit, quod alioqui mirum uideri possit, praesertim fugiente & disiecto equitatu. Cumq; sagittarij nostri in calones ac impedimenta fecissent impetum: aliquot hostium cohortes, quosdam exijs interficiunt. Maximilianus, etsi plures eo praelio quam nos desiderabat: stationem tamen suam in campo, ueluti superior, tutabatur. Et si Terouennam deuotum circumuallasset: sine contentione, ut opinor, fuisset ea potitus, atq; etiam Atrebatum. Sed non audebat periclitari fortunam, & habuit aliquam metus causam, & in eiusmodi rebus, non semper, quod uolumus, aut quod necessarium est, prouideri à nobis potest. Ei praelio non interfui quidem ipse: uerum à fidedignis accepi, & ut series narrationis cohereat: aliquid omnino mihi dicendum de eo fuit. Eram cum Rege, quando nuncius hic ad eum deferabatur. Grauius admodum tulit, nec enim assueuerat uinci, aut aliquam iacturam facere: ac perpetua quadam utebatur foelicitate, quam singulari uirtute & industria sibi comparabat ipse. Nec enim tentabat temere fortunam, & à praelijs magnopere cauebat. Haec autem pugna plane contra ipsius uoluntatem commissa fuit. Ac quoties bellum gerebat: para-

p iij tiffimus

tissimus erat à rebus omnibus, & ingentem comparabat exercitum. In primis autē dabat operam, ut repētē et ex inopinato aliquid hosti eriperet, ea præsertim loca, quæ uidebat parū esse munita: & posteaq; illa cepit ita firmabat præsidij militum, atq; tormentis, ut recuperari non possent. In locis autem munitioribus, & quæ fraudi uel iniuriæ minus erant exposita, si quis præfectus pecunia redimi sese pateretur: ei dabat liberalissime, nec ullo quantumuis magno precio deterrebat. Inītio cū de facto præliū audisset: magnopere fuit commotus, ac uerebatur maiore subesse cladem, quam si accepisset: quicquid iam in ea regione ceperat: id omne uidebat deperditum esse. Verum, ubi rem omnem, sicut erat gesta, planē cognouit, patienter tulit, & cogitabat deinceps prouidere, ne quid tale, nisi cum ipsius uoluntate & iussu fieret. Ab eoq; tēpore cepit animum adijcere ad pacem, modo illam facere posset conditionibus, plane ex suo usu. Populum eius distiōis sciebat studere nouis rebus: ideoq; cogitabat, queamodum eo adiutus præsidio, Maximilianum coherceret, eiq; facultatem adimeret renouandi belli. Totus igitur mente & animo in hoc erat, ut optimis legibus Gallia constitueretur, & litium forensium tolleretur prolixitas. Et inītio quidem, Senariui, qui ipsorum lingua Parlamentum uocatur, securim aliquam iniecit, non quidem ut eorum uel authoritatem uel numerum imminueret: sed uarijs mo-

his modis decreuerat illorum fidem & administrationem explorare. Volebat etiam eiusdem generis pondo & mensuram obtinere per omnem Galliam, & consuetudines omnes ad eandem normam conscriptas, in uolumen aliquod redigi, patrio sermone, ad euitandum fraudes & expilationes Aduocatorum, quæ maiores profecto sunt in Gallijs, quàm in quauis alia regione, quæ mihi quidem nota sit, atq; hoc ipsum tota ferè nobilitas liquidò testari potest. Quòd si longior ei uita contigisset, nec incommoda fuisset usus ualitudine; magno quodam beneficio Galliam affecisset, quam sanè plus, quàm è suis maioribus ullus alius, afflixerat. Vt autem sanio rem aliquam Reip. formam institueret, eisq; mederetur incommodis, quæ partim ipse, partim ipsius maiores, partim temporis longinquitas inuexerat; autoritate quidem & admonitione alius cuius minime potuisset impelli, sed relinquendum erat totum ipsius arbitrio & cōsilio. Volebat enim ipse unus & princeps & author esse huius mutationis, & facturus erat haud dubiè aliquid præclari, si firmiorem ei ualitudinem Deus fuisset largitus. Itaq; dum suppetit facultas & ocium, & quamdiu mentis atq; corporis sanitatem concedit Deus; benefaciendum est. Pacem, de qua diximus, Rex instituit facere per Gandauenſes, his omnino conditionibus, ut ipsius filius, nunc Galliæ Rex, in matrimonium duceret Maximiliani filiam, utq; Boloniensem,

niensem, Matifonensem, Altissiodorēsem, & Carolotēsem comitatus in sua potestate retineret. Ipse uicissim Atrebatum agrum oēm pmittebat restituere, seruata sibi tamen urbis ea parte, quam munierat. Vtriusq; uero Burgundiæ, & eorū quæ sunt ad Somiā flumen, nulla fuit ab eo facta mentio. Gandauenses, qui animo essent ab his omnibus non alieno: durius agebant cū Maximiliano, & eius uxore, aliarūq; ciuitatum legatis. Ac dum his derebus agitur, induciæ erant, & pacem omnino Rex uolebat fieri, præsertim ijs locis, uerum ex arbitrato suo, ut supra quoq; diximus. Cœpit autem per id tempus minus commodè ualere, & iam ad senectutem uergebat, cumq; esset in officinis ferrarijs prope Ciconium, agri Turonensis oppidum, repente fuit morbo correptus, et afflīctus, ita quidem, ut loquendi facultatem amitteret. Sublatus à mensa, propius ad ignem admouetur, clausis undiq; fenestris, ad quas cū accedere uellet, cohibitus fuit à familiaribus. Per Martiū istud accidit, & destitutus erat omni plane cognitiōe, quo quidē in temporis puncto, illustris fuit opera tua, doctissime præsul, qui per anum iniecto illi pharmaco, iubebas aperiri fenestras, & aërem admitti. Quo facto, statim ille & sermonem aliqua ex parte, & intelligendī uim recuperauit, & conscenso equo, redibat ad ferrarias, à quibus non procul in morbum inciderat. Dum ibi moratur: nutibus & signis, quid uellet, indicabat, & inter

inter alia iussit Officialem Turonensem, ut peccatis ueniam impetraret, ac me, qui aberam in prædio quodam meo, decem ab eo loco milliariis, accersiri. Postquam ueni, ad mensam eum reperi, cum duobus medicis. Eorum, quæ dicebantur, uix paucula quædam intelligebat; dolorem uero non sentiebat ullū, & mihi significabat, ut in ipsius cōclauicubarem. uocem uero nullā articulatam formabat. Eram cum eo totos quadraginta dies in hac ipsius ualitudine. Biduo post, cœpit loqui melius, & cognoscere, seq̃ putabat à me omnium optimè intelligi, ideoq̃ uolebat me continenter adesse, & me presente sua delicta religiose cōmemorabat ei, quem diximus Turono euocatum fuisse. Nam opus erat ipsi interprete. Sed paucis antè diebus, cū ex more Galliæ regum curasset egrotos, qui struma uexabātur; expiauerat pro sua cōsuetudine peccata, ideoq̃ nihil ei magnopere dicendum restabat. Vbi se commodius ualere sensit: cœpit inquirere, à quibus fuisset in morbo uiretentus, ut suprà docuimus. Quæ essent nominati, statim eiecit omneis, quosdam etiam loco. mouit & honoribus, alios uero discedere iussit, & uetuit, ne quando redirent. Hanc ipsius asperitatem pleriq̃ reprehendebant, eò quòd optima fide rem egerant. Et uerè quidem isti: sed Principum uariæ sunt cogitationes, nec quiuis eas intelligit. Ille uero in primis metuebat, ne, quam hætenus obtinuit authoritatem longè maximam,

q̃ cam.

eam per hunc morbum amitteret, neué populum deinceps haberet minus obsequentem. Ipsius pater, quo tempore cœpit ægrotare, suspicionem conceperat, uenenum sibi paratum esse, quo tolleretur è medio. & ita quidem uehementer hoc in animum impressit, ut prorsus abstinere à cibo: sed de medicorum consilio, per uim ingesta illi fuit alimonia, neq; multo post è uita cessit. Hanc autem uiolentiam Ludouicus magnopere semper uituperauerat, & nunc in ægritudine constitutus, ac suo motus periculo, magis etiam detestabatur, grauissimèq; tulit, se fuisse ui detentum à suis, nec id obscure præ se ferebat. Hoc enim unum uerebatur, ne ipsius necessarii et familiares, auctoritatem sibi sumerent & administrationem rerum, quasi ipse propter mentis alienationem non esset ad imperium idoneus. Postea diligenter perquirat, quid interea, dum ipse quiescit, priuatim & publice actum esset. Summam rerum obtinebat Episcopus Albiensis, eiusq; frater Burgundiae præfectus, & Ludæus. Nam hi, cum inciperet ægrotare, aderant, & eisdem in ædibus cum illo morabantur. Literas omnes, & quicquid per ipsius morbum erat allatum, uoluit cognoscere & uidere, in eorū me utebatur interprete, & quum recitarem: simulabat se intelligere, & ubi in manus accepisset, uidebatur eas ipse perlegere, tametsi nihil ferè intelligeret, & uerbulis aliquot pronuntiatis, quid responderi uellet, signis indicabat. Sed dum

dum eius morbi finem expectamus; consistebat omnis rerum administratio. Nam erat nobis aperte cum eo agendum, & omnis uitanda offensionis causa. Post dies quindecim, quibus ita fuit afflictus, loquendi quidem facultatem & intelligendi recuperauit: sed erat uehementer infirmus, ita quidem, ut commodioris ualeitudinis spem exiguam præberet, & alioqui sic ferebat eius consuetudo, ut maximam partem medicis non obtemperaret. Cum haberet aliquantò melius: ilico iussit Cardinalem Baluensem à carcere liberari, quem per annos quatuordecim detinuerat captiuum, ac sæpe frustra, cum ab alijs, tum à Pontifice Romano interpellatus: nunc ultro non solum exemit à uinculis, uerum etiam eius culpæ ueniam à pontifice deprecabatur. De consilio autem Cordæ, Picardiæ præfecti, maximam & intolerabilem pecuniæ summam toti Galliæ nuper imperauerat, uti perpetuum aleret exercitum, ad decem millia peditum, & supra duo millia fossorum, qui ad omneis casus parati essent ac instructi. His addebat mille quingentos cataphractos, qui cum usus posceret, relictis equis, pedites sese coniungerent illis. Carros etiam maximo numero parari iussit, quibus includerentur omnes copiæ, & tabernaculorum uim ingentem. Hanc rationem acceperat à Carolo, & constabat omnis hic apparatus, quindecim francorum millibus quotannis. Rebus omnibus paratis, in Normanniam profectus,

q. ij. apud

apud Pontarcium, quod est supra Rothomagum, quatuor milliaribus oppidum, ad Sequanam, in ualle quadam spectabat omnem exercitum. Aderant autem Heluetiorum sex millia, quem numerum illi promiserant subministrare, quo tempore cum Carolo Ambosio, Burgundiæ præfecto, pacti fuerunt, ut supra demonstrauimus. Eo delectu habito, reuersus in Turonos, recidit in morbum, ac per horas duas mortui hominis præbebat speciem, decumbens in storea, quodam in deambulacro. Quo primum tempore cœpit ægrotare, prope Cionium oppidum: qui cum ipso erant, quod pro mortuo haberent, missis huc illuc literis, cogitabant irritum facere illius edictum, quo pecuniam illam, ut diximus, mandauerat. Sed quum iam de nouo affligeretur: Bocagius & ego, & ex ijs qui aderant, alij multi, uotum pro ipso fecimus, diuo Claudio. Mox recuperauit uocem, & statim cœpit huc illuc per ædes, licet multum infirmus, deambulare. Non multò post etiam foras prodijt, & Argentonium in ædes meas diuertit, quo in loco per mensem unum grauiter decubuit, atq; ibi constituit Sancto claudium, qui est uicus in monte Iura, proficisci, ut se religione uoti solueret. Cùm Turono discederet: misit me certis de causis in Sabaudiam, & aliquanto post iussit, ut in Boijs ad se uenirem. Posteaquam eò ueni: mirabar illius maciem & deformitatem, multo magis etiam, quòd equitandi laborem ferret. Erat

ret: Erat quidem corpore uehementer afflicto & debili, sed animi præsentia & uirtus eum non nihil subleuabat. Dum esset apud Boios: accepit de morte uxoris Maximiliani. Eum nuncium ilico mihi recitabat ipse, lætus admodum, simul hoc addebat, liberos illius, Philippum & Margaritham, à Gandauen sibus educari, quos Burgundicæ familiæ sciebat esse multum infestos. Et quoniam Maximilianus adolescens erat, & patrem habebat minus liberalem, et undiq; premebatur bello, & quia quòd in his regionibus erat hospes, pauci admodum ipsius rebus fauebant: idcirco putabat Rex, oblatam sibi tunc esse rei bene gerendæ occasionem. Cœpit igitur mox per Cordæum sollicitare Gandauenses, & agere de matrimonio sui filij & Maximiliani filia, Margarithæ, quæ nunc est Galliæ regina. Cordæus aditum ad reliquos habebat, per unum & alterum eius ciuitatis scribam, homines plebeios, quorum magna erat authoritas. Rex Turonum reuersus, abdebat se totum, & conspiciebatur à paucis, & de omnibus male suspicari cœpit, & magnopere metuebat, ne sibi uel adimeretur imperium, uel immi nueretur potestas. Itaq; suos familiares omnes à se remouit: de fortunis autem illorum nihil detraxit, & ijs qui tum ipsius actiones intuebantur, uidebatur esse parum sanæ mentis: uerum isti fallebantur, neq; satis nouerant eius ingenium. Nam ad suspiciones quantum pertinet: obnoxij sunt ei morbo ple

q iij riq

namq; omnes reges, maximè uero prudentiores, & illi qui multos habent aduersarios, & qui complures offenderunt. Ipse uero nō ignorabat, plerosq; Gallicæ Principes inimico esse in se animo, & ex reliquis ordinibus sciebat multos esse exacerbatos. Nam priorum regum nemo Galliam sic afflixerat ut ipse: quanquam sanè cupiebat eam recreare tandem ex istis erumnis, ut suprà diximus, uerum debebat incoepisse maturius, nec tantam interposuisse moram. Eius pater Carolus, qui singulari uirtute suorum, electis Anglis obtinuit Normanniam et Aquitaniam partem, primus omnium pro suo arbitratu pecuniam imperauit, sine consensu populi. Et tunc quidem aliqua suberat causa, cur id faceret, primum, ut prouincias recuperatas præsidij muniret; deinde, ut cohortes militares, quæ passim diripiebant agros, dissiparet. Vt autem uoluntate Principum sibi liceret exigere pecuniam per ipsorum ditiones: promittebat eis pensiones annuas. Magnum ille profecto uulnus inflixit Gallicæ, quod non facile curabitur, suæq; & successorum saluti male consuluit. Cohortes etiam equitum, ut est Italicæ consuetudinis, instituit, quibus perpetua dantur stipendia. Postremo uitæ anno, collegit in uniuersum ad decies & octies centena francorum millia, & alebat circiter mille & septingentos cataphractos, & eos quidem ad custodiam & tuitionem Gallicæ; non autem ad detrimentum illius in officio
contis

continebat. Ludouicus autē longē maiorem summam exegit, nempe ad quadragies & septies centena francorum millia, & equitatum alebat, tertia ferē parte maiorem illo, quem diximus, ac peditatum præterealonge maximum. Non debet igitur uideri mirum, si cū tales haberet metuendi causas; uaria secum cogitabat, tamen si ex beneficiarijs & clientibus pleriq; non erant eum, ut opinor, in ullo rerum statu deserturi. Cū igitur omnibus prope diffideret: in Pleisium castellum, urbi Turono propinquum, ubi tū erat, neminem ferē admittebat, præter famulos domesticos, & sagittarios numero quadringentos, ē quibus multi simul ad eius loci custodiam excubabant. Gener ipsius, nunc Borbonię Dux, nonnunquam eō ueniebat: ex reliquis autem Principibus nemo ferē. Vestibulum castelli totum, cancellis admodum densis circumsepsit, & qua parte patebat introitus, uerua præfixit muro, præacuta multis cuspidibus, & pro fossa ædificabat quatuor ædículas ferreas, ijsq; sagittarios quadraginta imposuit, qui non minus interdū quā noctū ibi excubarent. Iis mandauerat, ut in omnes, qui de nocte, uel etiā mane, priusquam aperiretur porta, propius accessissent, eiacularentur. De suis enim familiaribus hanc opinionem habebat, facile ipsos, data occasione, ut auctoritatem & administrationem sibi arrogarent, excitari posse. Nec temere quidem ita suspicabatur. Nonnulli enim cogitabant inuas

inuadere in castellum, & in ocio illo, dum nihil priuatim aut publice fieret, sumere procuracionem negociorum: sed ea deliberatio nō uenit in actum, & ut aliquid illi fuissent moliti; frustra tamen id futurum erat, in magna illa regis prouidentia. Præter ea, quæ diximus, crebro mutabat etiam cubicularios & famulos domesticos, affirmans naturam hominis delectari rebus nouis. Vnum & alterum; exiguæ conditionis, & parum laudatos homines; admodum habebat sibi familiares, qui nihil omnium rerum ad eum deferebant, nisi forte quid ad summam imperij pertineret. Hoc enim modo spectabat, ut pacem aliquam uel inducias constitueret. Medico dabat menstruum stipendium, decem aureorum millia, sic ut intra quintum mensem ille acciperet ab eo ad quinquaginta quatuor millia. Maximas facultates & opes donabat Ecclesijs; uerum illæ donatiōes, quoniam erant immodicæ, nullam obtinuerunt. Inter alios uitæ sanctimoniam claros, audiuerat de quodam heremita, Roberto. Hunc ex Calabria finibus ad se accersiuit, & in eius gratiam, qui nunc rerum potitur, Carolus octauus, templum prope Plessium ædificauit. Is duodecim annorum adolescens, speluncam subijt, & in ea cōmoratus fuit ad quadragesimum tertium ætatis annum, quo tempore primum Rex eum euocauit, per quendam nobilitate, cui comitem se adiunxit princeps Tarentinus, Neapolitani Regis filius. Nisi enim

nim Pontificis Romani & sui principis mandatum atq; consensus interueniret: non erat profecturus. Posteaquam ad illud uitæ genus accesserat, abstinuit ab omni ferè cibo, quo plarumq; uescimur omnes. Erat illiteratus, nec eruditionis ullam partem unquam attigerat, & tamen prudenter admòdum ac sancte, suprâ quàm credi possit, de rebus omnibus loquebatur. Quum Neapoli iter faceret, maximo fuit à Rege & ipsius liberis affectus honore, ac de plarissq; rebus ita differebat, quasi per omnem uitam in Principum familijs fuisset educatus. Quum Neapoli Romam uenisset: inuisebant eum Cardinales omnes: ac ter cum Pontifice, per interualla priuatim diu multumq; loquebatur, assidens in sella propius illum, splendide exornata. Cuiuscunq; rei mentio incidisset: ad eam ita respondebat, ut omnes pariter obstupescerent. Eius autem colloquio sic afficiebatur Pontifex, ut ei permitteret instituire nouum ordinem eorum, qui dicuntur Hæremitæ diui Francisci. In Galliam ubi uenisset: rex non minus quàm Pontificem ipsum Romanum, honorabat, procumbens illi ad pedes, & uehementer obsecrans, ut uitâ sibi proferret. Ille uero, ita ut hominem prudentem decet, ad ea respondit. Audiui non semel, quum Carolo Regi, qui nunc præest, in corona multorum principum loqueretur: sed profecto uidebatur esse diuino numine afflatus, alioqui non erat dicturus tam multa, planè supra
r fidem

fidem humanam. Et quia adhuc uiuit, eoq̃ fieri potest, ut aut melior, aut etiam deterior euadat: idcirco nihil amplius addā. Ex nostris pleriq̃ ridebant eius aduentum: sed ij prudentissimi regis consilium, & causam, cur euocasset, non intelligebant. Suprà diximus, quemadmodum rex inclusus Plessio castello, præter sagittarios, nullum ferè comitatum haberet. Augescebant in eo quotidie suspiciones, ideoq̃ magnopere prouidebat, ne quis omnium, de quibus parum bene sentiret, aut in urbem admitteretur, aut etiam propius ad eam regionem accederet. Derebus omnibus nihil quicquam ad eum deferabatur, nisi quid proprie ad ipsum, & ad regni summam pertineret. Corpore sic erat attenuato & exhausto, ut uix hominem repræsenteret: atq̃ ut eam maciem & deformitatem tegeret, splendide uestiebatur, ex ijsq̃ uestibus ultro sæpe dabat suis familiaribus. Quoq̃ maiorem obtineret auctoritatem, grauissima cōstituit supplicia, & in eos qui deliquissent, seuerè admodum animaduvertebat. Hoc adeò mihi referebat ipse. Deinde creabat nouos præfectos, remouebat ueteres, & nihil fere domi, aut etiam foris, relinquebat intactum, & alioqui sic erat natura, ut huiusmodi occupationibus delectaretur. Atq̃ ut crederetur esse firma ualitudine: magnam sui famam per omnem fere Europam excitabat. Conspiciebatur enim à paucissimis, ut dixi, eoq̃ fiebat, ut externi, quum de illius quotidianis actio-

actionibus audirent, uix crederent egrotare. Legatos autē interea multos huc illuc dimittebat. Quas Anglię regi & illius consiliarijs debebat pensiones: eas liberaliter persoluit, & alebat eos perpetua spe matrimonij, de quo iam sæpe diximus. Hispanias quoq; modis omnibus in amicitia & fide continere studebat. In Britannia uel Hispanijs, grandi pecunia comparabat sibi canes: In Sicilia mulam aliam quam egregiam: Neapoli speciosos equos: In Africa genus quoddam paruulorum leonum, magnitudine uulpis: E Dania iussit adduci duo quædam genera ferarum, ex ijs unum est magnitudine bubali, corpore cerui, breuibus & spissis cornibus: aliud damas refert corpore & pilo, nisi quod ampliora habet cornua. Pro singulis pendebat quatuor aut reorū millia, & quingentos. Verum ut erat operosus & sollicitus in ijs omnibus conquirendis: ita etiam leuiter æstimabat ea, quum essent adducta, & plerumq; ijs, qui adduxissent, non loquebatur. His rebus efficiebat, ut non à suis tantum, uerum etiam ab externis ualde metueretur. Sed nunc ad matrimonium Delphini & Maximiliani filię, nobis redeundum est. Maximo cum dolore ferebat istud Eduardus, Anglię rex, postea quàm se ludificatum esse uidit. Nam & ipse & coniunx maximopere cupiebant suam filliam nubere Delphino, sicut antea constitutum fuit: adeoq; magnā eius rei spem conceperant, ut ijs, qui dubitare uiderentur, r ij bantur,

bantur, fidem non haberent. Nam re ad commune consilium introducta, quo tempore Picardiam rex oppugnabat, plerique omnes dicebant fore, ut eo bello confecto, Caletum & loca propinqua tentaret. Idem confirmabant Maximiliani & Britanniae Ducis legati. Verum Eduardus, ut id crederet, adduci non potuit: quod ab eo factum fuisse puto, non tam inscientiarum, quam ut ne pensionis annuae iacturam faceret, atque ut ne delitias, ocium & uoluptates, quibus totum se dederat, intermittere cogeretur. Per Flandriam ergo cogitur concilium, eius matrimonij causa, & aderat Maximilianus ipse, quem Gandauenses parum habebant reuerenter, dum & nonnullos proscriberent, & ipsius filio nouam attribuerent familiam. Quibus rebus confectis, quid sui esset propositi, declarabant, & ipsum, ut matrimonium illud, quod suis fortunis necessarium esse dicebant, approbaret, cgebant. Nam & adolescens erat, & qui consilio uel re potuissent eum iuuare, proximo Tornacensi bello, interierant: prope omnes, & alioqui destitutus erat hominibus idoneis, & quoniam e uita cesserat eius uxor: non tam libere, quam consueuerat, loquebatur. De uoluntate Gandauensium, et quid esset actum, regem ilico certiorē facit Cordus. Itaque constituitur dies, ad quem puella deduceretur Hefdinum. Paucis ante diebus, Aream, oppidum Artesiae, quidam e familia Croiorum, eius loci praefectus, accepta pecunia tra-

nia tradiderat Cordæo, & quoniam est ad Flandriæ fines, ea quoque res matrimonium ipsum magis accerabat. Nam etsi Gandauenses cuperent sui Principis debilitatam esse potentiam: tamen ut regem haberent finitimum, minime sibi ferendum esse putabant. Legatos igitur Flandri in Galliam mittunt communi consensu: uerum negotij summa dependebat à Gandauensibus, quod & uiribus reliquos præcederent, & sui Principis liberos haberent in potestate, & quod rebus nouis alioqui præcæteris ualde student. His quoque Maximilianus adiunxerat aliquot è suis, homines adolescentes, ac tantis rebus explicandis parum idoneos. Rex tum grauissime afficiebatur morbo, & uix ægre sui conspectum præbebat, & ut pacis cōditiones iureiurando sanciret, difficillime potuit adduci, idque eò faciebat, ut ne conspiceretur à legatis. Veruntamen iurauit tandem, & erant ei conditiones omnes multum utiles. Nam sapius antè, matrimonium hoc expetiuit, eoque nomine poposcerat solum uel Arthesiam, uel Burgundiam superiorem: Gandauenses autem non solum utranque ditionem illi dabant: uerum etiam Matisconensem & Carolotensem, & Aistiffiodorensensem agrum concedebant ei, libenter quoque daturi, si fuisset eis integrum, Hannoniam & Namurcum, & quàm late per Burgundicum imperium Gallica lingua patet, ut eò humiliorem & infirmiozem principem suum redigerent. Rex pro
r iij sua

sua prudentia satis intelligebat, Flandriam, nisi coniuncta sit Artesiæ, quæ Galliæ finitima est, non se posse tueri. Nam ex Artesia cogi potest mediocris manus optimorum militum, quibus Flandriæ multuantes cōherceantur. Quò sit, ut Flandriæ Comes, Artesia denudatus, minimum possit, & à Gandauensium arbitrio totus pendeat. Vbi domum reuertissent legati: puella statim deducta fuit Helderum, ubi Cordæus illam excepit. Erat in eius comitatu, præter alios, uxor Rauesteni, filia illegitima Philippi Burgundiæ Ducis. Aduenientem in Galliam, exceperunt deinde Borbonius cum uxore, & alij multi Principes, mandato Regis, & Ambosam, ubi filius Regis erat, adduxerunt. Maximilianus libenter eam, si potuisset, erepturus erat, qui deducebant, antequam à Flandria discederēt. Verum Gandauenses omni ratione prouiderant, & iam illius minuebatur indies authoritas, & ad Gandauensium partes multi quotidie transibant. Erat autem cum Philippo Maximiliani filio, quem illi educabant, Rauestenus, frater Ducis Cliuensis, tanquam ipsius moderator atq; rector. Connubium hoc acerbissimè, & summæ ignominiae loco tulit Eduardus, Angliæ Rex, ueritus, ne pensionem ex Gallia deinceps nullam acciperet, multo magis etiam, ne iam despiceretur à suis, qui recte monentibus, & euentum rei præsignificantibus fidem non habuisset. In primis autem metuebat, ne per hanc occasio

occasionem, populus rebellionem faceret, praesertim in ea propinquitate regis, quem magna moliri uidebat. Cum igitur eius rei cogitatione uehementius perturbaretur: incidit in morbum, neque multo post euita decessit. Inscienter nimirum faciunt Principes ac inconsulte, quando suam priuatam sententiam multorum iudicijs anteferunt. Dici enim non potest, quantum saepe malorum ex eo proueniat. Rex aliquantò post certior factus de illius morte, nullam dabat letitiae significationem, et paucis post diebus accepit literas ab Eduardi fratre Richardo, Duce Glocestrio, qui necatis sui fratris duobus filiis, principatum occupauerat, & Regis ambiebat amicitiam, pensionis, ut opinor, consequendae causa. Rex autem propter immanem ipsius & execrandam crudelitatem, neque legatos audire, nec ad eius literas uoluit respondere. Nam mortuo Eduardo, fidem & iusiurandum ille suo nepoti, maiori natu dederat: quod in eo fieri consueuit, quem ut magistratum et principem agnoscimus, neque multo post, atrocissimo parricidio, ambos e medio sustulit: nec id modo, uerum etiam sorores illorum, suas neptes, frequenti conuocato senatu, pronunciauit illegitimas. Sed non diu tulit impune. Nam Deus illi confestim excitauit aduersarium, qui in summa rerum omnium necessitate positus, imperium Anglicanum nullo iure sibi poterat arrogare: sed statura corporis & forma erat eleganti, & multa perpeffus fuerat, maximam partem captiuus in Britannia minori,

nori. Is adiutus à Rege Ludouico modica pecunia, & coactis per Normanniam circiter tribus hominum millibus, traiecit in Vualliam, quo in loco socer ipsius cum uiginti sex millibus hominum sese illi adiunxit, & cum intermissis aliquot diebus Richardum haberet obuium: interfecto illo, regni possessionem adeptus est. Hoc eò pertinet, ut ostendamus, Deum esse scelerum ultorem, nec crudelitatem ullam impunitam dimittere. Confecto matrimonio Flandrico: Rex omnem illam ditionem habebat pacatam. Britannii etiam pace utebantur, sed tamen, quia copias equestres propius ad ipsorum fines Rex continebat: in magno erant metu. Pacem quoque colebat Hispania cum eo. Ditionem Ruscinonensem, quæ pertinet ad Pyrenæos montes, ac mare mediterraneum, acceperat à Ioanne Arragoniæ rege, patre regis Castiliæ, qui nunc rerum potitur, et acceperat certis conditionibus, quæ modum impletæ sunt. Hispanus igitur, ob eam propinquitatem, cogebatur & metueret, & sumptus facere. Italiæ proceres ac ciuitates, erant ab eius amicitia non alieni. De Heluetiis pro suo ferè iudicio statuebat. Scotus & Lusitanus ab eo toti pendebant. Gallia omnis ad nutum & uoluntatem eius omnia faciebat. Quicquid iussisset, è uestigio conficiendum erat, nulla uel mora uel excusatione interposita. Quæ putabantur ad ipsius ualitudinem aliquo modo pertinere: mittebantur ad eum, ex omnibus mundi plagis. Pontifex Ro-

sextus Romanus, Sixtus, ubi cognouit, eum religiosa quadam propensione desiderare linteum illud, cui panem azymum sacrifici superimponunt, quo diuus Petrus, dum sacrum faceret, utebatur: misit ei cum alijs multis diuorum reliquijs. Illa, quæ in Rhe morũ urbe seruatur pyxis, cum oleo sacrato, quum ante id tempus non fuisset è loco submota: in ipsius tunc cubiculum delata fuit. Cõstituerat enim uelle inungi, ad eundem plane modum, quo fuit unctus, cum inauguraretur regno. Plarique putabant eum uelle toto corpore inungi: sed uix est credendum, propter exiguitatem olei, quod in ea pyxide conseruatur. Qui nunc est Turcarum Cæsar, per legatum mittebat ei descriptas reliquias, quæ adhuc superessent Constantinopoli: Eas omnes, ac ingentem præterea uim auri pollicebatur ei, quo fratrem suum, qui tum per Gallias erat in potestate Rhodiensium equitum, & nunc à Romano Pontifice captiuus detinetur: diligenter seruaret. Vbi legatus in Prouinciã Massiliensem uenit: Rex ilico mandabat, ne longius progrediretur, neque uoluit audire. Quæ singula satis demonstrant, in quanto esset honore per omnem Europam: Quicquid enim omnino pertinebat ad ipsius incolumitatem: id omne magno studio fuit impensum. Contulerat certe in ipsum Deus maximas dotes, prudentiam, liberalitatem & fortitudinem. Et quemadmodum reliquos Principes, coæuos suos, uirtute præcedebat:

s

ita quoque

ita quoq; illos propè omneis, & aduersarios in primis, uitæ curriculo superauit. Nā & Carolus eiusq; filia, et Eduardus Angliæ rex, & Galeacius Mediolani Dux, & Ioannes Arragoniæ rex, paucis annis ante ipsum, è uita migrarunt. Ac in his omnibus erat, quod & laudares, & reprehenderes (hoc enim humanum est) In Ludouico autem Rege plurima certe erant, & uera Principis ornamenta, quod sine adulatione omni dictum esse uelim. Nam eos, de quibus loquor, omnes prope familiariter noui, neq; leuem aliquam auditionem, ut rem certam pono. Dum hæc geruntur, uoluit cum Delphino filio colloqui. Eum à multo iam tempore non uiderat, & ab hominum frequentia remouerat: partim ob teneram & imbecillam ipsius pueri ualitudinem: partim quòd metuebat, ne Principes illo abuterentur, ad moliendum res nouas, & imperij commutationem. Quum enim ipse esset undecim annorum adolescentulus: procerum aliquot impulsu, bellum aduersus parentem suscepit. Eo igitur domestico exemplo mouebatur, et filium, simulatq; fuit adductus, commendabat nonnullis familiaribus, eiq; magnopere mandabat, ne quid omnino mutaret in administratione regni. Et quò magis persuaderet: adferebat in medium, quemadmodum ipse à morte patris, rerum potitus, complures excellenti uirtute uiros mulctasset: qua quidem ex re periculum sibi creatum esse dicebat, ex orto Principum bello,

& comâ

& communi aduersum se coniuratione facta, Paulò post hoc colloquium, & confecto matrimonio, recidit in morbum, ad eundem plane modum, ut antea, & iam sicerat adflactus, ut manum ægre posset ori ad mouere, & sine lachrymis uix poterat à quoquam aspici. Continuo igitur iubet accersiri generum suum, nunc Borboniæ Ducem. Ei mandat, ut Ambosam, ad filium suum, Regem, proficiscatur, simul ostendit, quos homines ad eum admitti, quos arceri uelit & excludi, & multa dabat egregia præcepta, quæ ad filij institutionem pertinebant: quorum si uel partem aliquam ille seruasset, magno id factum fuisset & publico Galliæ, & priuato ipsius emolumento. Post Borbonium mittit Cancellarium, & quicquid ad eius clientelam pertinet, cum sigillis, partem etiam aliquam suorum satellitum, & è ducibus nonnullos, item aucupes ac uenatores, & quicquid est eiusmodi rerum. Hos omnes abeuntes rogat, ut filio bonam & fidelem operam præstent, ac singulis ferè mandabat aliquid, quod ad filiū deferrent. Vbi loquendi facultatem deinde semel recuperauit, obtinuit eam ad extremum usque spiritū, & intelligendū uim habebat insignem. Crebris enim euacuationibus purgabat cerebrū. Non lamentabatur autem, ut plerique solent ægroti, sed prudenter multis de rebus differens, sexto demum die per hunc morbum decessit è uita.

s ij

Philippi

PHILIPPI COMINAEI

commentariorum Liber
Decimus.



Componam ergo illius acerbitates ac dolores, quos pertulit ante mortem, cum ijs malis & incommodis, quibus alios affecit. Magnitudine quidē inter se differunt, ac longe aliud etiā fuit ipsius munus: uerum, quò prosperiori fuit usus fortuna, & quò maior exstitit eius per omnē Europam authoritas: eò quoque uehementius fuit afflictus, dū prater consuetudinem suam & naturam aliquid perferre coactus est. In eo, quem diximus, heremita, summam perpetuo spem habebat, ac subinde missis nuncijs interpellabat eum, ut uitam sibi produceret. Nam etsi res suas, quasi iam moriturus, constituerat: tamen redintegrato animo, sperabat se posse euadere. Quod si accidisset: facile dissipaturus erat concilium illorum, quos Ambrosam ad filium premiserat. Et quia spem adeo magnam in heremita defixerat: uisum fuit Theologis, & alijs nonnullis, aperte illi dicendum esse, nihil humani praesidij restare, & ut de salute sua cogitet: Ei quoque sermoni debere interesse medicum ipsius, Iacobum Cocterium, cui mensurum dabat stipendium, decem aureorum millia. Ipse duos Galliae Principes, Ducem Nemorensē & Connestas

Connestablium, capite mulctauerat, & quòd alterum necasset; iam cùm esset moriturus, ipsum poenituit: Et quemadmodum illis per homines delectos, denunciatum fuit supplicium, paucis uerbis, & breue temporis spacium, quo de salute sua starent, concessum: ad eundem plane modum isti, nulla uerborum usi circuitione, cùm ei præsignificarent mortem: Vt officio nostro satisfaciamus, aiebant, res ipsa postulat. Spem nullam deinceps collocare debes, uel in heremita, uel in quouis alio, Nam actum est de te prorsus. Itaq; de uitæ exitu cogitare uelis. Nihil enim superest remedi. Ea pronuntiata sententia, cùm pro se quisq; breuiter aliquid ad rem dixisset: Ille, spero, inquit ad futurum mihi Deum, ac fortasse non sum tam imbecillus, quàm existimatis. Quàm acerbū ei fuisse credibile est, eam audire uocem: Nam mortem nullus unquam uehementius exhorruit: nemo etiam maiori studio & ratione de remedijs unquam cogitauit, quàm ipse. Familiaribus suis per omnem uitam, & mihi quoq; sæpenumero mandauerat, si quando ipsum in ea necessitate positum esse cōspiceremus, ut, nulla prorsus facta mentione mortis, ad peccatorum expiationem solummodo adhortaremur, ac uidebatur esse tunc tēporis molliori animo, quàm ut adeo duram sententiam audiret. Pertulit tamen omnia magno & constanti animo, ad extremum usq; spiritum. Filio, quem tunc regem uocabat,

s iij multa

multa uarijs de rebus nunciabat, & ubi sacramenta nostræ religionis ex more percepisset: multum habuit sermonem de ijs, quæ ad filium, & regni administrationem pertinebant. Hoc autem in primis flagitabat, ne Cordæus ante sextum mensem à filio discederet, neuè filius aliquid aduersum Caletos, aut quosuis alios moliretur. In concilio quidem decretum fuisse dicebat, ut Caletum tentaretur, & alia quædam loca: sed periculosum id esse iudicabat, quòd Angli, per hanc occasionem, denuo possent in Galliam excitari. Mandabat igitur, ut per annos quinque, uel eò plures, pacem filius coleret cum uicinis omnibus, quam tamen ipse, dum uiueret, ferre non potuit. Et sane, tametsi magna sit & copiosa Gallia: tamen propter superiorum annorum calamitates, pacem aliquam diuturnam ualde desiderabat. Illud etiam magnopere cauebat, ne Britannia dux Franciscus bello lacefferetur, neuè preberetur ei ulla belli suspicio. Dixi, quemadmodum moriendi necessitas ei non nihil inscideret & asperè denunciata fuit. Verum mensibus aliquot antè quàm moreretur: omnes planè habuit suspectos, in primis autem homines aliqua excellenti uirtute. Filio, quòd eum quoque metueret, magnas posuit custodias: nec erat ulli integrum colloqui cum eo, nisi ipsius concessu & mandato. Sed & filia tandem cœpit diffidere, & genero suo, & indicari sibi uoluit eos, qui castellum ingrederentur. Instituerat antea senatum
in eo

in eo castello, cui Borbonius gener præerat. Ne hunc quidem tulit, & in ijs suspicionibus, totum aboleuit. Borbonius & Comes Dunensis, legatos Flandriæ, qui nuptijs Delphini interfuerant Ambosæ, honoris causa, quod fieri solet, deduxerant. Vbi Plessium reuertissent magno cum comitatu: è stipitorum & satellitum suorum præfectis quendam accersit, & explorare iubet, an essent armati sub ueste, sed ut dissimulanter faceret, mandat, interea dum familiariter cum ijs loquitur. Multos ipse, per omnem uitam, perpetuo metu & sollicitudine excruciauera: & nunc ecce uidemus eum ad consimilem plane modum affligi. Cui enim se committat, qui liberis etiam suis, & genero fidem non habet? Hæc autem non ad ipsum modo pertinent: uerum etiam ad eos omnes principes, qui metui uolunt. Qua quidē in re quanta sit seruitus, quum ad senectutem peruenerunt, tunc demū aperte sentiunt, quia coguntur inuicē plurimos formidare. Quam fuit autem illi acerbum & durum, in eiusmodi metu uersari? Medico suo menstruum dabat stipendium, ut supra quoq; diximus, decē aureorum millia; nec id modo, uerum etiā Episcopatum Ambianensem, eius nepoti, & munera publica multa largiebatur eius propinquis & amicis. Et tamen medicus tam erat uerbis in eū asper & durus, ut nihil super: ualde igitur eum Rex metuebat, & ad suos familiares, de illius asperitate nimia, sepe querebatur, neq;

neq; tamen audebat eum à se dimittere. Nam ille pro sua consuetudine seuerius aliquando interpellans: Non dubito, quin me quoq; sis eiekturus, ait, sicuti reliquos omnes; uerum sanctissimo iure iurando tibi confirmo, post meum abs te discessum, non te uicturum esse supra octauum diem. Ea uoce magnopere perterrefactus, adulabatur illi modis omnibus, & amplissima donabat munera. Sed qui tantam plurimis annis ad omnes Principes atq; populos habuit auctoritatem: ei non potuit non esse ea seruitus longè acerbissima. Iis, qui deliquissent, graues admodum pœnas constituit, ut supra diximus; ideoq; carceres parauit horrendos, & ualde terrosos, nempe caueas aliquot, partim ferreas, partim ligneas, ferreis laminis coopertas, latitudine octo pedum, & altitudine paulò maiori, quàm est statura hominis. Excogitauerat hanc rationem Cardinalis Baluensis, & in eam, quæ primum perfecta fuit, inclusus est ipse, perq; totos quatuordecim annos detentus. Post hunc alij multi sunt eas execrati, & ego quoq; captiuis in ijs, per menses octo fui, mandato regis, qui nunc præest. Compedes etiam ferreas longè grauissimas à Germanis fieri curauit, quibus illigarentur crura. Pedes uinciebantur anulo ferreo, ab eo pendeat immanis quædam cathena, & ad eius exitum maximiponderis globus. Vidi non paucos, magna uirtute uiros, ijs uinculis constrictos, qui postea liberati, summos ab eo consecuti

cuti sunt honores, ac fortunas amplissimas. Et sicut per ipsius imperium carceres illi funesti fuerunt inuenti: ad eundem planè modum ipse quoq; ante mortem, consimilibus omnino uinculis sese induxit, inq; maiori uersabatur metu, quàm illi, quos aliquando captiuos detinuerat. Quod eò pertinet, ut ostendam, neminem esse omnium hominum, qui non aliquo dolore & incommodo afficiatur. Postremo, densis ac ferreis cancellis totum castellum cinxit. Hi cum essent proxime murũ, ad uestibulum pertinebant, ut suprà quoq; diximus. In fossa perpetuo excubabant deni sagittarij, quibus mandauerat, ut in omneis, qui alieno diei tempore appropinquarent, tela cõjcerent. Sciebat quidem, hanc munitionem non posse maiori alicui ui resistere: uerum eò spectabat potius, & omni ratione providebat, ne Principes, coniuratione facta, partim ui & imperio, partim gratia castellum occuparent, & sumpta authoritate, in ordinem ipsum cogerent, ut hominem parum sanę mentis, & administratione indignum. Ante octauam horam non aperiebatur porta castelli, & tunc solum admittebantur eius domesticæ famuli, & præfecti, ac centuriones: qui & ad uestibulum & ad portam disponebant custodias, quemadmodum in locis, quę sunt ad hostium fines, fieri consueuit. Ingrediendum autem erat omnibus, non quidem per patentem portam, sed per paruulum ostium, & præter paucos aliquot fami-

t liares,

liāres, quorum erat opera necessaria, nemo quisquam, nisi uoluntate ipsius, introibat. Quid? an alius quis arctiori custodia coherceri possit: quam ille se ipsum cohibuit? Eæ, quibus alios complures alie quando constrinxerat, caueæ, erant altè pedes octo: & ipse tantus Princeps habebat perexiguum, in quo deambulare, uestibulum. An non maximas credibile est eius fuisse acerbitates? qui se ad eum modum inclusit ipse? qui propinquos & necessario omnes ita metuebat, ut suam salutem non audeat eorum fidei permittere? Quantò autem maior erat ille carcer, quo se induit, quam sunt plerique alij: tantò quoque præstantior erat ipse & amplior, quam alij captiui. Sunt fortasse, qui putent, fuisse aliquando principes, magis quam ipse fuit, suspiciosos. Eæ quidem puto, nostris quidem temporibus, neminem suspicionibus indulgisse magis, quam illum, & uix est, ut aliquis tam prudens, & qui populum habeat tam obsequentem, quam ipse habuit, in eam partem sic incumbat. Et ut aliqui sint hodie tales, aut extiterint aliquando: non fortasse malè sibi conscij, propter antea actam crudelitatem, magnas habuerunt metuendi causas. Ipse uero neminem, nisi à quo primum esset læsus, offendit. Et hæc omnia recito, non solum, ut in quanto uixerit pauore ac metu, demonstrem: uerum etiam ut ostendam, primum: fuisse in his afflictionibus consimilem illius tolerantiam, qualis fuit eorum, quos ipse alie quando

quando diuexauerat: deinde, ut qui post eum uen-
turi sunt, maiori clementia & humanitate misere-
rum populum tractent, neq; tam seuera supplicia
statuant, quàm ipse fecit. Quanquam alioqui nes-
cio, an meliorem uiderim Principem. Nam etsi ma-
gnopere suos premebat; tamē in alio non erat idem
laturus. Ab ijs tandem acerbitatibus eripuit ipsum
Deus, absq; ullo maiori corporis cruciatu, qui quis-
dem deprehenderetur. Loquebatur autem conti-
nenter, ad extremum usq; spiritum, deq; sepultura
constituit, & à quibus deduci uellet funus, præ-
cepit: ac subinde dicebat sperare, non se moritur-
um ante diem sabbati, idq; beneficio diuæ Virgi-
nis, quam religiose admodū per omnem uitam co-
sult, & ita quidem accidit. Cū enim die lunæ pos-
tremo correptus esset morbo: sequenti postea die
sabbati ē uita decessit, secundo calendas Septem-
bris. Parum certē spei & præsidij uulgus hominum
in rebus humanis reliquum sibi esse uidet: postea
quàm tantus Princeps, defunctus plurimis grauiss-
simisq; laboribus & curis, coactus est tandem om-
nia relinquere, neq; momentum aliquod temporis
uitæ curriculo potuit adijcere, quantumuis etiam
cuperet. Familiariter eum & domesticè noui; sed
nullum habuit ferè tēpus, à labore & sollicitudine
uacuum. Venationibus autē & aucupijs multū de-
lectabatur. Interea dum uixi cū eo, non sectabatur
alienos amores. Nam quo primum tempore ad ip-
sum

148.

t ij sum

sum accessi; mortuus est ei filius, grauissimo ipsius cum dolore, atq; tum me presente uotum Deo faciebat, nullius foeminae notitiam se habiturum esse, praeterquam uxoris. Et quanquam hoc ad eius officium alioqui pertinebat: tamen ea uirtus & constantia multum in ipso laudanda fuit, praesertim, cum & obsequentes haberet plerasq; omneis, & ipsius uxor non esset ea forma, quae magnopere aliquem afficeret, tamen si alioquin egregia & honesta foemina. In uenationibus autem non minus molestis, quam uoluptatis percipiebat, ex ingenti labore, dum incitatis equis consectabatur ceruos. Ex pergefactus enim prima luce, prodibat in campum. & longius aliquando, quouis etiam coelo: & nonnunquam domum redibat multum defatigatus, & maximam partem iratus alicui suorum comitum, ut in eo genere exercitationis fieri consuevit. Huic studio uacabat plerumq; donec noua re aliqua oblata reuocaretur. Nam per astatem fere intercedebat aliquid inter ipsum & Carolum dissidium: hyeme uero paciscebantur indutias. Erat ei de Ruscinonensi ditione controuersia, cum Ioanne Arragonie Rege, patre regis Hispaniarum, eius, qui nunc principatum obtinet. Qui licet exiguis esset facultatibus, & Barcinonenses, cuius ciuitatis est longe amplissima authoritas illius orae maritimae, haberet aduersarios: tamen, quoniam Ruscinonensi populo erat acceptus, diu multumq; restitit. Premebatur ergo

ergo Ludouicus perpetuis curis , ut ante diximus,
& in ocio, quod fieri solet, erat maxime negociosus.
Varijs enim occupationibus distinebatur, nec sua
tantum curabat: uerum etiam alienis sese immisce-
bat. Exorto bello, cupiebat pacem aut inducias: fa-
cta uero pace, uix continere se poterat, quin aliquid
denuo moliretur. De minutissimis etiam rebus, &
quæ facile alioqui poterant negligi, prorsus uoluit
cognoscere: & sic erat eius natura, ut ista curiositas
te quodammodo aleretur. Ac sane ualebat memo-
ria, suprâ quàm credi possit, & quid per omnes Eu-
ropæ prouincias gereretur, maxime autem in fini-
timis regionibus, optimè tenebat: magnus profes-
cto uir, & idoneus, qui non unum aliquod regnum
administraret, sed toti terrarum orbi consilio suo
provideret. Quæ fuerit eius adolescentia, non dicâ,
eo quòd nihil habeo comperti. Veruntamen cùm
esset undecim annorum, instigatus à nonnullis, ini-
micitias aduersus parentem suscepit. Grandior aut
factus, uxorem duxit inuitus, Scotiæ regis filiam, et
quamdiu illa uixit, grauiter hoc matrimonium tu-
lit. Ab eius morte, factionibus nobilium adductus,
in Delphinatum, quæ quidem prouincia ad ipsum
pertinebat, sese recepit. Sectabantur eū multi hones-
ti & egregij uiri, plures etiâ, quàm pro ipsius facul-
tatibus. Dum ijs locis moratur, contraxit matrimo-
nium cum filia Sabaudie Ducis: neq; multo post,
ortum est inter ipsum & socerum graue dissidium,
t in & bel

& bellum ualde asperum. Carolus septimus, pater, cum uideret eum nimis habere magnam optis morum ducum et nobilium manum; statuit eò proficisci cum exercitu, ut his praesidijs ipsum denudaret. Ingressus iter, missis literis, & magnis ex more constitutis poenis, denunciabat nobilitati, ut è uestigio ad se redirent. Ei mandato complures obtemperabant, inuitissimo Ludouico, qui patris iram ueritus, tametsi coactas haberet copias; relicta prouincia, & per Burgundiam facto itinere, paruo comitatu, contulit se ad Philippum Caroli patrem, à quo liberaliter fuit & amanter exceptus. Et quanquam hac ratione subleuabatur aliquantulum: tamen quotidianis impensis diminuta pecunia, cogebatur saepe ab alijs mutuari, non absq; magna sollicitudine, ne defereretur à suis. Quod certe graue admodum est & acerbum ijs, qui difficultatibus eius modi non assueuerunt. Itaq; nec in Burgundica quidem familia uixit absq; molestijs. Nam & Philippus Princeps erat ei obseruandus, & eius necessarii, ne fastidirent. Hæsit enim ibi per sex annos, atq; interea pater urgebat Philippum per legatos, ut eum uel defereret, uel ad se remitteret. Quo quidem tempore facile intelligi potest, in quantis ille fuerit angustijs. Quodnam igitur quæso tempus habuit uacuum à laboribus? Opinor equidem, inde à pueritia, perpetuis eum fuisse agitatam curis, ad extremum usq; uitæ diem. Attigit annum sexagesimum primum,

primum, & iudicabat ipse, non se uicturum esse supra sexagesimum, ac dicebat, Gallia Reges, à multis temporibus eum terminum nō excessisse. Nunc de Carolo uideamus etiam. Is nihilò ferè melius habuit, Iuuenilibus quidem annis iucundè uixit, & ante uicesimum secundum ætatis annum, nullis immiscebatur negocijs. Postea uero cœpit dissidere à præfectis domesticis, cumq; uideret eos gratia & fauore patris subleuari: discessit in Hollandiam, & liberaliter exceptus à populo, consilia sua cum Gandauensibus communicabat. Nullas ipse quidem facultates habebat: sed Hollandi locupletes atq; copiosi, plurima donabant. Idem erat studium aliarum quoq; ciuitatum, ut ad ipsius beneuolentiam aditum sibi pararent. Sic enim est comparatum in rebus humanis, ut quorum augescere uidemus potentiam: eos magis obseruemus, quàm illos, qui in supremo gradu positi, non possunt amplius progredi. Hoc etiam Philippus non ignorabat, qui cum audivisset, Carolum esse non ingratum Gandauensibus: respondit, perpetuam esse eius populi consuetudinem, ut futuros quidem principes diligat: ubi autem ad imperium accesserint, exosos habeat. Et uerè quidem istud dicebat. Posteaquam enim ad Carolum delata fuit summa rerum: mutauerunt uoluntatem atq; studia, nec id obscure sapius declararunt, & ipsius posteritatem maximis affecerunt incommodis. Atq; ut ad institutum reuertar, Carolus

uētar, Carolus inde ab eo tempore, quo Galliae Principibus confœderatus, bellum regi fecit, quid, obsecro, in uita solidæ delectationis habuit? aut quibus nō curis atq; laboribus fuit obnoxius? Pro spero cursu fortunę sublatu, initio cogitabat, quicquid erat uspiam, sibi suisq; finibus commodum & opportunum, occupare, & per æstatem ferè continebat exercitum in acie, non absq; magno periculo. Sollicitudinem uero in se recipiebat omnem, ac licet erat potentissimus: ambiebat tamen multò maiora: Primus omnium ad laborem surgebat, & postremus quieti sese dabat, non secus ac si calor num fuisset omnium uilissimus. Per hyemem, si quando à bello abstineret, totus in hoc erat, ut pecuniam corrogaret. Eius consuetudo sic ferebat, ut ab hora sexta, mane, plurimum temporis impenderet serijs occupationibus. Hoc ei iucundum erat in primis. Magno etiam studio legatos externorum Principum audiebat, & in his defatigationibus uitam finijt, occisus ab Heluetijs, ante Nanceium, ut supra docuimus. Posteaquam igitur animum semel adiecit ad cupiditatem et ambitioem, quicquid esse potest in uita suauitatis, amisit. Quorsum uero pertinebat, ut ipse, qui tam erat potens, qui tam multas, tamq; copiosas & locupletes tenebat non urbes modo, sed & prouincias, quæ ad omnem foelicitatem ei satis esse poterant, eiusmodi sese laboribus cruciaret? Ad Angliæ regem Eduardum nunc transeamus.

seamus. Is adolescentulus admodum, patrem suum, Ducem Eboracensem, uidit profligatum & interfectum in prælio, cumq; eo patrem Comitis Beruicensis, qui propter iuuenilem ætatem Eduardi, summam imperij tenebat, ac ipsum deinde Regem constituit, & Henricum profligauit, qui iam longo tempore potitus erat rerum, & mea quidem sententia, iure. Sed cum esset parum prudens: natæ sunt factiones inter proceres, easq; fouebat illius uxor, Renati Siciliæ regis filia, quando Sombreffeti ducis partes tuebat, ac Beruicensem oppugnabat. Quòd si diremisset illa diffidiū: sibi, suisq; fortunis, & Angliæ rectè consulisset. Nam exortum ab ea dissensione bellum, uiginti nouem annos durauit, ac multò maximam partem lectissimorum hominum absumpsit. & illud immoderatum reginæ studium, in causa fuit, ut Beruicensis Comes, Eboracensem domum, odio Lenclastricę familię deinceps propugnaret. Factiones nimirum coniunctæ sunt omnes cum periculo, inter nobiles præsertim, qui multum alioquin in eam partem incumbunt: Dicat fortasse quispiam, illas partium offensiones regibus esse nō inutiles: patefieri hac ratione omnia consilia: nihil esse, quòd non efferatur ad regem: & in maiori ipsum esse obseruantia. Non negarim equidem, si quis Princeps adolescens eiusmodi simultates ac contentiones in gynæceo suscitet: quin maximam sit habiturus ridendi, suisq; oblectandi materiam.

u Nihil

Nihil enim erit adeo secretum, quod in hac mulierum æmulatione & inuidia non resciscat. Verum ut ea consuetudo recipiatur in cœtu uirorum, ingens profecto periculū in eo uersatur. Hoc enim uere sit, ignem in tuis ædibus accendere, quem deinde non possis, nisi maximo tuo detrimento, restinguere. Nam qui Principem à se uident alienatum esse, ij serè nouas incipiunt tentare amicitias, & illis libenter se coniungunt, quos dissidere putant ab eo, quem sui aduersarij partes tueri uident. Ac ut nullum extet aliud documentum: certe factiones illæ Aurelianæ & Burgundicæ familiæ, periculi magnitudinem & luctuosos exitus demonstrare nobis possunt. Ex ijs enim ortum est bellum, quod per septuaginta duos annos durauit, cui permixti Angli, magnam Galliæ partem occuparunt. Sed ut reuertar, unde sum digressus: Eduardus rex erat omnium hominum sui temporis longe formosissimus. Constitutis autem rebus, & profligatis aduersarijs, planè se dabat uoluptatibus & ocio, & uenationibus, atq; ad hunc modum per sedecim propè annos uixit suauiter, quo quidem tempore natum est dissidium inter ipsum & Beruicensem. Et quanquam ab eo fugatus fuit & eiectus è regno: breui tamen post tempore, redintegris uiribus, omnia recuperauit, eoq; bello confecto, redijt ad consuetum uitæ genus, eiq; multò magis etiam indulgebat quàm antea, planè securus, & corpori curando solum intentus:

tentus: Verum in ætate florenti pœnas dedit intem-
 perantiæ, & repentino ferè morbo sublatus, periit,
 filijs ipsius interemptis, & regni possessiõe ab eius
 ablata stirpe, sicut suprà demonstrauius. Ab hoc
 ueniendum est nobis ad alios. Hungariæ admini-
 strationem obtinuit nostra memoria, Ioannes Huni-
 ad, è Moldauiâ, uir excellenti & præclara uirtute,
 qui multis prælijs deuicit Turcas, Hungariæ uicis
 nos, propter occupatas in Græciæ finibus & Sclæ-
 uonia, prouincias. Eo mortuo, grãdior factus Lan-
 celotus, Hungariam & Bohemiã ad se iure trans-
 tulit, & impulsus à nonnullis familiaribus, ut fer-
 tur, Ioannis Huniad filios duos comprehendit, as-
 firmans, illum, se paruulo, nimiam usurpasse poten-
 tiam, & periculum esse, ne filij, patris insistant uesti-
 gijs. Maiore igitur necato, alterum Budæ seruari
 iussit, neq; multò post è uita decessit, ueneno subla-
 tus è medio, Pragæ, quæ Bohemorum est urbs am-
 plissima. Consuetudinem habebat ijs locis, cum foe-
 mina quadam nobili, quæ grauiter ferens, illum in
 matrimonium ducere Caroli septimi, Galliarum
 regis filiam, contra datam sibi fidem & promissum;
 in balneo pomum ei dedit, per medium cultello di-
 uisum, qui ueneno tinctus erat. Ab eius morte, pro-
 cères Budæ conueniunt, regis creandi causa, qui
 mos ipsorum est: quoties non relictis liberis, è uita
 rex decessit. Dum ibi concilium habetur: uenit eò
 Mathiæ mater, amplissimo comitatu, locuples ad-
 uij modum

modum mulier, quò facilius erat ei, breui tempore magnum aliquod satellitium cogere. Credibile est, fuisse in eo principum & nobilium coetu, & in urbe, qui rebus ipsius fauerent, ob mariti recentem & claram memoriam. Posteaquam eò uenit, filium è carcere eximit. Ex nobilitate complures, & ecclesiastici ordinis nonnulli, metu periculi statim profugerunt: reliqui Mathiam crearunt regem, cuius maxima fuit & singularis tum uirtus, tum foelicitas. Multa enim fecit secunda praelia cū Turcis, nullo cum Hungariæ detrimento, sed maximo illius cōmodo. Cæsari Friderico, qui rerū adhuc potitur, Austriam eripuit, eāq; tenuit quamdiu uixit. Summa prudentia & consilio, res suas, tam pacis quam belli temporibus, administrabat. Postremis uitæ annis, cū hostem nullum amplius metueret: magnifice domum instruxit, & ornauit omnis generis exquisitissimis rebus. Quicquid esset grauium negotiorum: aut ipse procurabat, aut quomodo fieri uellet, suis mandabat. Euasit tandem aliquanto crudelior, & metui uolebat à suis. Morbo deinde correptus non sanabili: circiter uicesimum octauum ætatis annum, post multos & erumnosos labores, Viennæ, ad Danubium, mortuus est. Turcarum Cæsar Mahometus, nostra memoria, prudens fuit & insignis princeps, uerum dolo contendebat, & insidijs nitebatur magis, quam uirtute. Cū uigessimum tertium annum ageret: Constantinopolim ui coe-

ei cepit. Vidi depictam eius effigiem in illa ætate:
 & certe magnam aliquam indolem, ac præstans in-
 genium uidebatur representare. Expugnauit eam
 urbem, ut dixi, maximo nostri orbis dedecore, &
 summo cum detrimento. Fuit interfectus ibi Cæsar
 ipse orientis, cum infinita hominum multitudine:
 uirgines uitiatæ complures, ac honestissime nobis
 hissimæq; foeminae maximo numero miserabiliter
 stupratæ: breuiter, immanitatis & non humanæ
 uolentia genus nullum fuit ibi prætermis-
 sum. Pri-
 ma hæc erat illius uictoria, quam deinde summa fœ-
 licitate prosecutus est. Nam memini, cum Veneto-
 rum legatus recitaret Carolo, illum cepisse duo Im-
 peria, quatuor regna, & urbes ducentas. Loqueba-
 tur autem de Constantinopolitano & Trapezon-
 tino imperio, & Siria & Armenia & Peloponneso,
 iuxta quam multas occupauit insulas, et in his Mity-
 lenem. Albaniam quoq; ferè cepit omnem, atq;
 Sclauoniam. & hæc quidem omnia nobis, qui Chri-
 stiano nomine censemur, ademit: suæ autem religi-
 nis Principes non minus bello uexauit, quam nos,
 & exijs complures ad extremam inopiam redegit.
 Maximam negotiorū partem tractabat ipse, quem
 admodum & Ludouicus, & Mathias Hungariæ
 rex. Ac sane fuerunt hi tres omniū suæ ætatis fortissi-
 mi prudentissimiq; principes: uerum Ludouicus
 & humanitate, & honesta uiuendi ratione illos lon-
 ge præcedebat, Quantum ad delitias ac uoluptates
 u in attinet,

attinet, totus in illis fuit immerfus Turcarum Cæsar, & maximam temporis partem illis impendit, & à nulla prorsus uitæ turpitudine aut foeditate abstinuit, eaq; intemperantia deinde morbum ei conciliavit longe grauissimum. Quotannis, ad initium ætatis, ut audiui ex ijs qui uiderunt, intumescere ei alterum crus, magnitudine ferè corporis: & plaga non apparebat ulla: remittebatur deinde tumor, nec ullus unquam chirurgus aut medicus, quid esset morbi, diiudicare potuit. Hoc unum affirmabant pleriq; luxum & uitæ intemperantiam esse in causa. Conspiciebatur autem à paucissimis, & in curru quodam artificiose fabrefacto sese continebat, ut nequàm esset macer & extenuatus, uideri posset, & ne sui contemptus aliquis ex eo nasceretur. Ad quinquagesimum secundum ætatis annum euita decessit, repentina fere morte. Testamentum fecit, cuius exemplar ipse legi, ac inter alia dolebat ei plurimum, quod extra ordinem suis prouincijs imperasset pecuniam. Quocirca mihi uide, quid nostri Principes facere debeant, qui certè ius nullum habent, onus aliquod imponendi inuito populo. Videmus hîc, intra quàm breue tempus, quàm multi potentes ac summi reges mortui sint, posteaquam ingentes sumpserunt labores, ut aufererent & locupletarentur, cum maximo procul dubio corporis, ac etiam animæ fortassis detrimento. Nihil igitur est præstabilius, mediocri uitæ genere, quod

quod qui potest assequi & tueri: is omnium certe est
 foelicissimus . In rebus humanis ita comparatum
 est, ut nullus ferè sit populus, cui non æmulum ali-
 quem & aduersarium Deus excitarit. Gallis oppo-
 suit Anglos, & Anglis Scotos. Hispanis perpetua
 quædam similtas intercedit cum Lusitanis. Italiæ
 Principes magna ex parte retinent possessiones,
 nullo ferè titulo, & acerbè suis imperant. Iis aduer-
 santur reliquæ potentiores ciuitates, Venetiæ, Flo-
 rentia, Genua, nonnunquam etiam Bononia, Se-
 na, Luca. Arragoniæ reges oppugnantur ab Ande-
 gauorum ducum familia. Mediolorani & Insubriæ
 uicecomites, ab Aureliana domo. Venetis sunt infe-
 sti Principes Itali & Florentini. Senenses autem &
 Genuates oderunt Florentinos. Genuates laborant
 & sunt diuisi ciuilibus factionibus Fregosiorum,
 Adornorum, & Auriorum. In Germania magnæ
 sunt inter Austriacam & Bauaricam domum æmu-
 lationes, & quæ sunt ex Bauariæ Ducum stirpe na-
 tæ familiæ, inter se ipsæ dissident. Austriacis princi-
 pibus magnum est & graue odium cum Heluetijs.
 Impugnatur à Cluiensibus Geldri, & hi ualde sunt
 iniqui Iuliacensibus. Quæ sunt ad Oceanum Ger-
 manicum & Balthicum mare ciuitates, bella sæpe ge-
 runt cum Daniæ regibus. In Germania plurimæ sunt
 arces atq; castella munita: quæ res licentius agendi
 multis occasionem præbet. Nam unus aliquis, sa-
 mulo tantum comitatus, ciuitati cuiuspiam denunci-
 are aus

are audet inimicitiam, confisus aliquo castello, in quod receptum habet, & socijs aliquot equitibus. In hoc genus hominum, Germaniæ principes non admodum animaduertunt, quoniam ipsorum opera nonnunquam utuntur: Ciuitates autem, ubi facultas eis datur, seuerissimè puniunt, & facta coniuratione, circumuallant aliquando receptacula illorum, & demoliuntur, simul in eos usus aliquot equitum cohortes alunt. Atq; is est per Europam rerum status, Quid per Asiam & Africam fiat, non habeo compertum: sed dicuntur inter se, non minus quàm nos, imò turpius aliquantò dissidere. Nam in seruitutem se pertrahunt ipsi, seq; inuicem nostris hominibus uenundant, & uidemus, quàm multi quotidie ad Lusitanos deportentur. Apparet igitur, has dissensiones, ueluti stimulum quendam, in rebus humanis esse necessarias. ac mihi quidem, tametsi literarum nullum usum habeo, sic uidetur, potissimum uero, propter quorundam Principum ignauiam & malitiam, qui ingenij quidem satis habent & cognitionis: uerum abutuntur eis, neq; ad res honestas accommodant. Doctrina enim uel meliores reddit homines, uel deteriores, pro cuiusq; natura & inclinatione: sed tamen uerisimilius est, aliquem ea fieri meliorem. Nam quò quisq; magis, quid se deceat, intelligit, eò uehementius ipsum neglecti pudet officij: & etiamsi non omnino sibi temperet à maleficio: tamen ne plane modum excedat, cauet.

cauet. Ac istud quidem usu cōpertum habeo. Multos enim noui, quos à prauis & illaudatis consilijs eruditio sola retraxit. Huc etiam accedit metus diuini numinis. Quanta enim sit peccati magnitudo, & quantopere Deus offendatur flagitijs; docti non paulò melius, quàm homines imperiti, cognoscunt. Qui sunt igitur male instituti principes, quantum sit munus, quod acceperunt à Deo, non intelligunt, & ipsorum familiares, ne malam gratiam sibi concilient, dissimulant; & ut ex omnibus forte sit unus, qui fideliter admoneat: is tamen suæ sententiæ nullos habet approbatores, ac ferè sit, ut ridiculus habeatur. Est sane quædam nobis innata prauitas, adeo magna quidem, ut nulla plane ratio nos ab iniurijs & uiolentiâ coerceat. Potentiores, ubi castellum aut oppidum eripuerunt alicui, quacumq; de causa: nolunt à possessione deinde discedere, & ubi semel aliquem obduxerunt colorem, cur ita fecerint: accedit postea propinquorum & adulatorum assensus, qui hæc omnia collaudant: Magna certe est multorum Principum iniquitas, qui pecuniam pro sua libidine suis imperant, & amplum alunt satellitium, ut miseram multitudinem in metu contineant, eamq; deinde pecuniam temere & uoluptarie profundunt, nullo cum Reipub. bono, et de quotidianis sumptibus nihil remittunt, & suos exhauriunt, & assentatorum stipati sunt turba. Sed est Deus, qui flagitium nullum sinit impunitum,

x

nitum,

nitum, & crudelitatem in primis detestatur. quitaq;
metu non loquitur hominibus hodierno die, sicut
priscis illis temporibus, tamen quæ sit sua perpetua
sententia, & quid à nobis fieri uelit: clare perscrip-
tum reliquit, ita quidem, ut nemo plane, qui modo
sit sanæ mentis, & qui ad iustam aliquam peruenie-
rit ætatem: excusandi sit habiturus locum. Illi igitur,
qui ui & armis imperia sua continent, & quoties
aliquid mandant, capitis constituunt pœnam: ad
supremum illud tribunal Dei quomodo cōsistent?
Multa sæpe crudeliter & inique & insidiosè faci-
unt, dum speciem aliquam iustitiæ prætendunt.
Nam habent eos, qui ius dicunt, suarum cupidita-
tum plarumq; ministros, & quantumuis leue deli-
ctum exaggerant. Si capitale nihil deprehendunt:
rationes excogitant, ut eum, cui male uolunt, im-
mensis uarijsq; sumptibus defatigent, dum & accu-
satores non sistunt, & testimonia nō cognoscunt,
& auidè expectant, num criminationem aliquis in
eum, qui captiuus detinetur, instituat. Quod si pa-
rum tuta uidetur hæc uia, neq; satis ad ipsorum uo-
luntatem accommodata: nouis utuntur perfugijs,
& præ se ferunt, exempli statuendi causa, tali fuisse
opus animaduersione. Si quis autem est ipsorum
cliens ac beneficiarius: in eum multò sunt asperio-
res, ac contra officium & fidem, qua sit obstrictus,
eum aliquid egisse confirmant, & eò totis uiribus
incumbunt, ut aut facultatibus omnibus eum exu-
ant,

ant, aut alioqui uarijs modis affligant. E uiscinis, qui sunt potentiores ac minime stolidi, eos sinunt uti pace: uerum, si quis est infirmior, eum sic perturbant & exagitant, ut quò se tandem recipiat, uix habeat. Causam facile inueniunt: subministrauerit ipsorum aduersarijs auxilia, uel tale aliquid. Quam obrem aut in ipsius ditionem, coactam aliquam militum manum adducent, ut ibi sumptu miserorum alantur, aut alienam aliquam litem aduersus eum, suam facient, aut eius inimicos ope subleuabunt, aut quameuncq; aliam nocendi rationem inuenient. Si quis ipsorum parentibus bonam & fidelem operam præstitit: eum loco submouent, & novos sibi parant beneficiarios. Ecclesiastici ordinis hominibus molestiam de sacerdotijs creant, ut saltem aliquid extorqueant, quò deinde locupletent & augeant eos, qui plærumq; nullum ipsis honestum exhibuerunt officium. Nobilitatem multis uarijsq; laboribus & impensis exhauriunt, quando bella pro sua libidine & arbitrato suscipiunt, incòsultis ijs, quorum absq; uoluntate & consensu nihil tale mouere debebāt. Cùm enim equestris ordinis homines ac uiri nobiles, non modo facultates omnes, uerum etiam uitam & sanguinem in bella profundant: æquissimum est profecto, ut prius, quàm suscipiatur bellum, eius rei consilia cum ipsis communicentur. Quantum ad promiscuam & miseram multitudinem attinet, nihil plane reliquum eis

x ij faciunt,

faciunt, & quum tributū ab eis præter omnem modum & æquitatem exigant: quominus ab equæstribus etiam cohortibus, quas alunt, diuexentur, non cauent: quæ quidem cohortes obequitant huc illuc perpetuo, & non solum uiuunt sumptu miserorum, sed etiam proterue & insolenter in eos multa faciunt. Nec enim contenti sunt ipsi, quæ passim in agris reperiunt, uerum miseris etiam hominibus uim adferunt, eosque cogunt longius abire, & alium de adferre cibaria delictiora: mitto, quod uxorū quoque & filiarum pudicitiam tentant. Huic autem incommodo facile posset occurrī, si bimestri quouis dependerentur eis stipendia, quibus aluntur alioquin ex publico. Sic enim nullam essent habituri causam, qua se purgarent de iniurijs illis, quas inferunt, necessitate quadā, ut aiunt, eò quod ipsis non persoluitur. Atque istud de Gallia proprie dico, quæ præter omnium aliarum gentium morem, miserabiliter his direptionibus uexatur. Aliæ prouinciæ suæ etiam habent incommoda. Et ut ad institutum reuertar, nemo est omnium principum, qui ius habeat, uel teruncium unum exigendi à suis, præter constitutum annuum censum, nisi populus assentiatur. Dicat aliquis fortasse, nonnunquam incidere tempus aliquod, ut non sit integrum, agere conuentus, aut conscribere populum, eò quod eiusmodi mora & coniuncta sit cum periculo, & bellirationes impediatur. Nihil hoc certe ad rem facit. Nam

cit. Nam ut bellum suscipiatur: graui quadam & matura opus est deliberatione, neq; subito uel precipitanter aliquid in eo fieri debet: Deinde, quando reges de communi populi consensu rem gerunt: & sunt potentiores, & ab hoste magis metuuntur. Nullum enim tam subitum oriri potest aut moueri bellum, ex longinquo praesertim, quin multò antefertatur. & quoties tale aliquid incidit: populus libenter sua conferre debet, ac modis omnibus auxiliari. Sed ipsorum principum est etiam prouidere omni ratione, ne leue aliquod bellum pro sua libidine & temere suscipiant, quò per hanc occasio nem pecuniam à suis extorqueat. Ad finium tuitionem opus est haud dubie sumptus facere, etiam paucis tempore, ne inopinantes opprimamur: sed moderate omnia fieri debent, atq; totum hoc in Principis positum est prudentia. Per omnem Europam, quod ego quidem norim, belli temporibus minimum affligitur in Anglia populus, & calamitas tota redundat in dissensionum ac belli authores. Sunt Principes, quibus hoc frequens est in sermone, ut dicant, habere se priuilegia, ut quantum uelint, exigant à populo. Certe Galliarum Rex omnium minime causam habet, ut istud de se iactet. Nec enim uel ipsi, uel cuius alij licet. Qui uero comparandae gratiae causa, potestatem hanc illi tribuunt: ij certe parum liberaliter agunt, & provide. Quid enim finitimorum uoluntates alienare magis possit, quàm

x iij eiusmodi

eiusmodi uoces atq; licentia: Verum si rex ad hunc modum diceret, habere se populum fidelissimum, qui libenter imperata faciat: qui nullum onus recuset: qui patientissime quiduis toleret: qui damnum acceptum moderatissime ferat: maiorem sane laudem ex eo sit habiturus, quàm si prius illud dicat, suumq; priuilegium sibi diligenter seruandum esse contendat. Non sic loquebatur Carolus quintus, Galliarum rex, neq; uero aut Ludouicum, aut eius filium, qui nunc præest, sed ipsorum familiares auidui non semel in eam loquentes sententiam: & prudenter quidem ipsorum iudicio, sed reuera faciebant hoc, partim adulatione, partim inscientia rerum. A morte Ludouici regis conuenerunt omnes Galliarum ordines, ut de summa imperij statuerent: Non deerrant id temporis imperiti quidam, & tenuis conditionis ac nullius usus homines, qui dicebant eiusmodi cōuentus ad crimen læsæ maiestatis pertinere, quòd regum imminuatur eo ipso potestas. Verum qui sic loquuntur, scelere se pollunt, grauissimeq; dubioprocul & Deum & Rempublicam offendunt. Nam eiusmodi uoces solum spectant ad priuatam utilitatem eorum, qui nullo suo merito uel uirtute, auctoritatem obtinent, qui ad nullam rem honestam idonei, clandestinis susurrat-ionibus Principum aures demulcent, & gratiam eblandiuntur, qui conuentus idcirco metuunt, ne ipsorum detegatur improbitas. Dum istud apud
Turos

Turones concilium habetur : Gallia uehementer erat afflicta. Nam per uiginti & eò plures annos grauissime uexata fuit exactionibus. Carolus enim septimus, quod et suprà diximus, imperabat solum duodeuigiescentena francorum millia quotannis : Ludouicus autem filius, ad quadragies & septiescentena millia, præter eos sumptus & operas, quæ faciendæ erant deducendis tormentis & consimilibus rebus. Itaq; miserrimum erat spectaculum, uidere multitudinis et populi erumnas. Hoc tamen erat in eo boni, quòd auare nihil agebat, omnemq; pecuniam impendebat in ædificia, munitionesq; locorum. Ecclesijs etiam plurima donabat, & præstitisset eum hac parte minus fuisse liberalem. Sponsaliabat enim tenuiores ac inopes, ut eos, qui alioquin, abundabant, locupletaret. Ab eius igitur interitu magnæ fuerunt natæ dissensiones. Principes enim ac reliqui ordines, facta rebellione aduersus filium eius, qui nunc præest, cogitabant alium regem constituere, uel ita saltem cohercere illū, ut ne regiā obtineret potestatem. Sed mitigati tandem, iusiurandum & fidem illi ex more dabant, & ex omni numero delecti fuerunt duodeni, quorum ille selectus consilia, tredecim annorum adolescens, regimore, quid fieri uellet, mandabat, & habito concilio, procures ac ordines multa postulabant ab eo, quæ ad salutem regni pertinere dicebant : ueruntamen ad ipsius & delectorum uoluntatem omnia referebant,

ferebant, cumq; uigessies & quinquies centena francorum millia ille imperasset, assenserunt: nec id modo, uerum etiam, ut post biennium alij conuentus agerentur, petebāt, & si ea pecunię summa non sufficeret eius necessitatibus, ultro deferere se daturus, quantum uellet: ac si quis aliquid aduersus ipsum ullo tempore moliretur, se non facultates tantum omneis, uerum etiam sanguinem & uitam paratos esse pro ipsius incolumitate profunderē. Hęc eò pertinent, ut ostendam, quā sit egregia Gallorum erga suum regem uoluntas & beneuolentia. Num iniquum est igitur & inhumanum, si quis, cum populum habeat tam obsequentem & liberalem, uelit eos imperio coercere, quasi liceat sibi quantūlibet exigere? Nonne multo sit honestius, comitate quadam eos ad suam uoluntatem adducere: quā imperiose agere pro sua libidine? Certe, quod supra non semel diximus, nemini omnium licet, absq; populi consensu ullam pecuniam imperare. Sed in utraq; partem ferē peccatur. Nam & Principes immoderatē multa saepe faciunt, & populus nonnunquam grauiter illos offendit, quando nec morem gerunt, & in necessitate deserunt, & rebellionem faciunt, plane cōtra fidem & iusiurandum. In Principibus autem conspicitur magis, & est illustrior Dei potentia, quā in hominibus priuatis atq; plebeis. Nam hi multis opportuni sunt iniurijs, & nonnunq; preterius & æquum mulctantur,

tur, uel prædæ consequendæ causa, uel culpa iudicis & errore. Aliquando etiam iure plectuntur, in eoq; nihil est reprehendendum. Quando uero principes eorūq; familiares, aut ciuitates aliquid delinquunt, quis ea de re quæstionem habebit? & habita quæstione, quis ad iudicem deferet? quis iudicis personam sibi sumet? quis pœnam cōstituet? Quænam est autem huius tantæ licentiæ & prauitatis causa? uel cur in deteriore partem sic propendamus omnes? Incredulitas nimirum hoc efficit. Nam si certò statueremus, esse Deum, qui scelus nullū sinit impunitum: esse perpetuas & sempiternas pœnas, quibus affliguntur impij: credibile est, neminem fore, qui uolenter aut auare uel crudeliter aliquid ageret. Cū ab hoste princeps aliquis detinetur captiuus: an aliquid habet in rebus omnibus tam charum ac preciosum, quod pro sui liberatione non dependat? Certe quicquid undiq; corrumpere potest, tam è suis, quàm è populi facultatibus, totum hoc eò confert, quemadmodum scimus accidisse temporibus Ioannis Valesij, Galliarum regis, qui captus ab Anglis, apud Pictones, dependit eistricies centena francorum millia, et simul dabat tertiam ferè Galliæ partem, quæ tunc ad extremam inopiam redacta, corio, cui modicū erat infixum argenti, loco pecuniæ utebatur. Hæc omnia ille pro recuperanda libertate persoluit, et ut nihil plane dedisset: Angli tamen non erant eum interfecturi, & ut id fecissent:

y

cissent:

cissent: tamē quota fuisset illa, quēso, pars cruciatuū
infernī, quibus afficiuntur post hanc uitam impij?
Cur autem & se suosq; liberos & populum ad hanc
egestatem ille redegit? Ideo sane, quod certō scies
bat, non se alioquin euasurum esse carcerem. Et ta-
men fieri potest, ut quo tempore flagitiū illud,
quodcunq; sit, admisit, propter quod in hanc tām
calamitatem incidit: securus plane fuerit, neq; cre-
diderit, se Deum offendisse. Quiduis igitur ille fe-
cit, ut ē uinculis expeditetur: & uerō tām nulli ferē
sunt aut pauci admodum principes, qui posteaq; se-
mel aliquid occuparunt quocunq; modo; restitues-
re illud uelint. Nam neq; ratio, neq; iusiurandi reli-
gio, neq; metus diuinī numinis, nec æquitas ulla,
nec infernī cruciatus perpetui, mouere illos possūt,
ut quod alienum est, quod à se mala fide possideri
sciunt, reddant. Interrogauī paulo antē, quis habi-
turus sit quēstionem de potentibus, quis illos accu-
sabit, quis litem definiet, quis pœnam irrogabit?
Certe querimonīæ & lachrymæ miserorum homi-
nū, quos crudeliter uexarunt, item uiduarum & pu-
pillorū gemitus atq; suspiria, quos parentibus atq;
maritis inhumane spoliarunt, breuiter eorū, quos
afflixerunt et fortunis omnibus denudarunt, lamē-
tatiōes atq; plangor, erunt accusationis loco, quam
illī corā supremo Dei tribunali sistent. Qui magni-
tudine scelerum offensus, non semper concedit diu-
tiniorem impunitatem, sed illos aliquando uerbes-
rat præ-

rat præsentibus pœnis, ita quidem euidenter & clare, ut dubitari non possit, ipsum esse iustissimum impietatis nostræ ultorem. Plerique uero principes, imperiti quidem illi & inconsulti, quandiu prospera utuntur fortuna; nihil tale metuunt, sed cum maxime securi sunt omnium rerum, tunc ecce Deus repente illis aduersarium aliquem excitat, de quo minime suspicati fuerant. Et quoniã eius rei in omnibus fere libris, ac in his Commentarijs pulcherrime extant documenta; nihil est opus prolixiori demonstratione. Atque ut ad finem aliquando perueniamus: nihil est in hac erũnosa uita potius, quam ut metuamus diuinum iudicium, & studeamus in rebus omnibus equitati, & cõtenti simus mediocri uitæ genere, neque defatigemur ijs curis, quales ferè suscipiunt à multis, nimia quadam cupiditate & ambitione augescendi. Hanc uiam si possemus ingredi, atque tenere: & tranquillius uiueremus, & minus affligeremur uoletudine aduersa, & mortẽ nõ adeo formidaremus. Etenim quanta sit uitæ nostrę miseria, facile potest ex eo colligi, quòd simulatque mortuus est alius

quis, quicumque sit ille: statim omnes abominan-

tur & exhorrescunt ipsum cadauer, & es

uolat anima, sistiturque statim

iudicio ineuita-

bili.

y ij

IOANNES SLEIDANVS

Lectori S. D.



Vanta sit utilitas huius historię, nō dubito, quin satis intelligent omnes, uel tenui ciuiliū rerum cognitione præditi. Et quoniam ad illustrationem horum temporum, in quibus uersamur, maximē pertinet, atq; hanc ob causam potissimum eius interpretationem suscepi: idcirco, ut planior sit & intellectū facilior, quædam paulō altius mihi repetenda sunt. Et principio quidem, uidemus duas potentissimas nostri orbis familias, Francicam & Burgundicam, continentibus ferē bellis cōflictari. Eius uero mali causam ab ipsa stirpe & radice inuestigare oportet, ut uideri possit, quantē sit molis, natum semel inter potentes principes dissidium, itā componere, ut non semper aliqua maneat reliquię. Sic igitur reshabet. Ad Ioannem Valesium, Philippi Valesij filium, Gallię Regem, qui ante annos centum & octoginta ē uita decessit, delata fuit inferior Burgundiā, quæ Ducatus nomen obtinet. Is in prælio captus ab Anglis, apud Pictones, ac deinde mortuus in Angliā captiuus; filios reliquit quatuor, Carolum, Ludouicum, Ioannem et Philippum. Ad Carolum natu maiorē delatus est principatus. Fuit hic, eius nominis quintus, ac propter insignem

y in nem

nam uirtutem nominatus est prudens. In diuidēda hæreditate, minimo fratri Philippo, dedit Burgundiam, à patre acceptam. Philippus igitur Burgundia Dux, cognomento Fortis & Audax, in matris monum duxit, Ludouici Flandriæ Comititis filiam unicam, & auctus per eam fuit Artesia, Flandria, Burgundia superiori, quæ Comitatus nomine censetur, Niuernensi & Rethelensi ditione. Ei successit Ioannes filius. Regnabat autem tum in Gallijs Carolus sextus; Caroli quinti filius: Qui cū exercitum profectus, ut Ioanni Britannia minoris Duci, bellum faceret; ubi ad Cenomanos peruenit; inter equitandū, subito in mentis alienationem incidit. Et quanquam per interualla morbus redibat; summa tamen gubernationis erat penes ipsius patruos. Fratrem iste habebat Ludouicum, Ducem Aurelianum. Inter hunc & Ioannem Burgundia Ducem, Philippi Audacis filium, patruales, orta fuit emulatio quædam atq; simulas de principatu, dum ambo, per ualitudinem Regis, primas administrationis partes obtinere student. Augescente uerò in dies magis atq; magis eo dissidio; Dux Aurelianus, de nocte, quum paucis admodum comitatus domum rediret; Lutecia fuit interfectus. Qui eadem fecerant, profugerunt in ædes, quas tum Flandriæ Comites ibi, ut pleriq; alij proceres, habebant. Hoc postea cognitum fuit, habita quæstione. Postridie conueniunt patruus & propinqui Regis; in his etiam erat

erat Burgundiæ Dux, Ioannes. Cumq; de perpetrata cæde grauis institueretur ab omnibus querimonia: Biturigum Dux animaduertit, in Ioanne uultum atq; colorem mutari. Secedens igitur, priuatim cum eo & amicè loquitur: rogat an sit sibi conscius? Ille suspirans, & in lachrymas effusus, fatebitur summisso à se fuisse percussores. Tum Biturix, heu me miserum, ait, qui uno die duos amitto consanguineos. Burgundus ilico discedens ab eo, quasi mox rediturus: conscendit equum, & paruo comitatu profectus, incredibili celeritate contendit ad Atrebatem, ac pontem à suis, quâ transibat, rescindi iubet, atq; ita incolumis euasit. Collectis deinde copijs, quoniam & deploratam regis ualeitudinem, & factionibus sciebat diuisos esse multorum animos: incursionibus Galliam uexabat, & Parisiensem populum habebat suis rebus fauentem. eoque deducta res tandem fuit post multam disceptationem, ut Carolus sextus, cōpositione cum eo facta, publicis literis fateretur, eadem illam sui fratris, iure, ac Reip. bono factâ fuisse. Verum, ut fieri solet in rebus, quæ parum firmo nituntur fundamento, quum reliqui principes & ordines, Aureliani Ducis filij potissimum, hanc Regis contestationem improbarent, & ab eo, qui parum esset sanæ mentis, profectam esse dicerent: recruduit odium, præsertim cum iam paulatim grandesceret Caroli sexti filius. Renouatis igitur dissidijs, miserrimus erat Gallia ista

lia status. Angli enim qui iam inde à Philippo Valesio Regis proauo, illam uexauerant, hanc occasione conspicati; grauissimum ei bellum inferabant. In his acerbitatibus, coeptum est cogitari de remedio & salute. Cumq; Angli Rothomagum obsiderent, eò deducta res fuit, ut utrinq; data fide, Burgundus & filius Regis (Delphinum Galli uocant) qui postea dictus est Carolus, eius nominis septimus, apud Monstrelum, uiginti supra Lutetiam miliaribus oppidum, ad confluentem Sequanae et Iongae, in colloctionem uenirent. Ibi tum Burgundus, in conspectu Delphini, ad quem transierat, fuit interemptus à quibusdam Aureliani Ducis familiaribus, quos ad colloquium Delphinus adduxerat, anno duodecimo post Aureliani cadē. Hanc patris necem, Philippus filius, cognomento Bonus, ulciscens: foedere se coniunxit Anglis, & illorum adfuturus praesidijs, per triginta duos annos continenter bellum Galliae fecit. Tandem summorum principum intercessione, pax inter eum & Carolum septimum facta fuit Atrebatum, exclusis Anglis, qui nimium acres et duras leges proponebant. Ea pacificatio prorsus erat ex utilitate Philippi. Sic enim tunc afflicta fuit Gallia, ut tranquillitate & ocio uehementer opus haberet. Inter alia, Rex dabat Philippo Duci, & eius liberis masculis, agrum illum omnem & oppida, quae sunt ad Somiam flumen, sub certa cōditione, ut ex his commentarijs clarum

rum est. Ea constituta pace, Rex, quod uoluit, cōsequebatur. Nam belli summā et omne robur, in Anglos, qui tunc bonam Galliae partem tenebant, conuertit, eosq; ex omnibus undiq; locis tandem profligauit, ita quidem, ut ab eo tempore, prater Calyptos, nihil hodiē magnopere citra mare possideant. A morte Caroli septimi, bellum, quod antea uix magno labore sedatum fuit, renouatum est inter eius filium Ludouicum undecimum, & Carolum Philippi filium, ut ex his commentarijs cōstat. Quo interfecto prope Nanceium: Rex Burgundicam domum acerrime persecutus, non modo Burgundiam utramq; sed & Picardiae & Artesiae bonam partem occupauit, ac bellum deinde gessit cum Maximiliano Friderici Caesaris filio, qui Caroli filiam unicam, & florentissimarum ditionum heredem, in matrimonium duxerat. Composito tandem & hoc bello per connubium, & mortuo Ludouico: Carolus filius, eius nominis octauus, grandior factus, Margaritham Maximiliani filiam, spōsam suam, ante annos nouem ad se deductam, domum remisit, & Annam, Francisci, Britanniae minoris Ducis, filiam unicam, Maximiliano, publicē in Ecclesia, per internuncium desponsam, uxorem duxit, ut Britannia, cuius iam bonā partem occupauerat, sine contentione potiretur, eamq; pacatam haberet. Ibi denuo, quod nuper curatum erat uulnus, recruduit, & grauissima sunt exorta bella, propter

pter hanc, quam Maximilianus factā sibi putabat esse contumeliā. Ac inter alia, cum Carolus regno Neapolitano capto, domum rediret; Maximilianus fœdere coniunctus cum Alexandro Pontifice Rom. & Hispaniarum rege, & Venetis, & Ludouico Sfortia, Mediolani Duce, prope Forum nouum, ad radices Apennini montis, illum adortus est. Verum ipse tametsi multò inferior numero; singulari quadam fortuna peruasit. In publicis etiam Imperij decretis, extat quoddam Maximiliani postulatum, ubi à Principibus Germaniæ opem petit aduersus illum, molientem res nouas contra Pontificem, & Italiæ procures. Ab eius morte, delatus est Galliæ principatus ad Ludouicum, eius nominis duodecimum. Et quanquā de odijs nō nihil iam remissum erat; tamen certa nulla fuit inter eos, aut cōstās amicitia, turbante omnia Iulio Secundo Pontifice, qui cum esset infestissimus Galliæ, traduxit ad se quæcunquē potuit auxilia, & in his Maximilianum. Qui quoniam diutissime regnauit: cum Francisco etiā Valesio, eius nominis primo, nunc Galliarū rege, inimicitias exercuit. Et ab eius interitu, quæ sint consecuta bella inter Carolum quintum Cæsarem, Maximiliani nepotem, in quo Burgundica stirps, atquē Caroli posteritas renata esse uidetur, & hunc ipsum Franciscum, in recenti est hominum memoria. Aceò solum hæc omnia ordine recitari, ut & lucem aliquam adferrem his Commentarijs, & ostenderem,

derem, inde ab illa cæde Ducis Aureliani, annis ab hinc centum & triginta octo, ferè perpetuum fuisse diffidiũ Francicæ familiæ cū Burgundica. Quod eò pertinet, ut Principes, ac ipsorum familiares, magnopere caueant dissensionum occasiones. Nato enim semel diffidio, necesse est multas deinde præberi causas offensionum, quod hîc accidisse uidemus. Dum enim perpetuatis odijs, ab illa cæde Aureliani, & Burgundi, nouæ semper dissensionum natæ sunt occasiones; dum Cæsar ereptam sibi suisq; maioribus Burgundiam, & Galliæ Rex ademptum ab illo sibi Mediolanum queritur; dum insigni rerum facta uicissitudine, quas per Italiam nuper et nostra memoria reges Galliæ tenuerunt prouincias, Neapolitanum regnum & Insubriam, Cæsar hodie possidet; uidemus, quò reciderint omnia. Et quantũ ab eo fonte prodierit malorũ, ad hoc usq; tempus, adeò sumus experti, ut omnibus precibus à deo petendũ sit nobis, quò familias illas duas, longè potentissimas, à quibus Europæ summa ferè tota pendet, antea sæpe frustra reconciliatas, firmis amicitia uinculis, ad sui nominis gloriam, ita coniungat, ut certò sperare possimus, ac nobis polliceri, tyrannidem illius, qui latrocinijs, & immanissimo belli genere nos persequitur, non esse longius progressuram.

De Angliã nunc dicendum est, & quamobrem illi Galliam ad se pertinere cõfirmant, ut in his commentarijs apparet. Philippus Galliæ Rex, co-

z ij

gnomen

gnomento Pulcher, qui ante annos ducentos & triginta mortuus est, quatuor habuit liberos, Ludouicum Hutinum, Philippum Longum, Carolum Formosum, & filiam Isabelam, quæ nupsit Eduardo secundo, Angliæ regi. Filij principatum ordine tenuerunt, et quum e uita cessissent, non relictis liberis masculis: Eduardus tertius, filius Eduardi secundæ ex Isabela, missis in Galliam legatis, petebat regnum ad se, qui nepos esset Philippi regis & filia, de ferri. Proceres ac ordines, conuocato concilio, dicebant antiquitus ita & institutum & obseruatum esse, ne foemina ad Galliæ principatum admitterentur: & quâdoquidem ipsius mater in eo nihil habeat iuris, ipsum quoque non posse ullum sibi ius uendicare. Et ut foemina omnino locum habeant: potius tamen esse ius filiarum Ludouici, Philippi, & Caroli Formosi, quàm sororis ipsorum: & meritò illas debere suis patribus succedere, si qua ratione foemina ad regnum pateret aditus. Post multam utrinque disceptationem, ij qui dicuntur Pares Franciæ, Regem constituunt Philippum Valesium, Philippi Pulchri ex fratre nepotem. Eduardus igitur bellum statim denunciat, & acerrime gessit, non ipse modo, sed & illius posterij: ita quidem, ut & Aquitaniæ, & Normanniæ maximam partem, & Luteciā, & quicquid circum est, plurimis annis occuparint: donec à Carolo septimo, Philippi Valesij abnepote prorsus ejicerentur, ut supra diximus. Ab Eduardo igitur

igitur Tertio, & à Philippo Valesij temporibus, qui ante annos centum & nonaginta quinque mortuus est, Angliæ Reges, ea de causa, quam diximus, & Galliam ad se pertinere dicunt, & eius inscriptionem ac titulum sibi usurpant, in hunc usque diem. A Philippo autem Valesio hi fuerunt ordine reges, ex ea gente ac familia, Ioannes, Carolus Quintus, Sextus, Septimus, Ludouicus undecimus, Carolus octauus, Ludouicus duodecimus, et Franciscus primus. Galli eam legem, qua cauetur inter alia, ne foeminae ad regni successionem admittantur: Salicam uocant, & est ipsis quodammodo peculiaris. Hungaria quoque; si non supersit filius, liberam habet electionem. Dania uero maioribus utitur priuilegijs. Nam etiam si multi sint filij regis: iure tamen successionis ad principatum ex ijs nemo quisquam admittitur, & totum ex arbitrio procerum ac ordinum pendet, sicut ipsorummet scripta testantur. Eadem ratio dicitur esse per Poloniam: tametsi cum idonei sunt filij, ferè præferuntur omnibus alijs. Per Hispanias autem, & Lusitaniam, & Siciliam, et Neapolim, & Nauarram, & Angliam, & Scotiam, à Principatu foeminae non excluduntur.

Proximum est, quandoquidem Galliae plurima sit, & locorum in his commentarijs mentio: ut exponam, quibus hodie finibus illa contineatur, quando regum subest imperio, & in quas partita sit prouincias, & quibus ea uocentur nominibus, &

z iij quos

quos illæ populos, quorum C. Cæsar, & alij mentionem fecerunt, comprehendant. Et principio quidem, quàm latè pateat, & quemadmodum posita sit, post C. Cæsarem nemo melius dixit. Manebit igitur illa descriptio immota & integra. Sed hodie non die has ditiones habet maiores, Burgundiam ducatum, Campaniam, Picardiam, Normanniam, Britanniam minorem, Xanthones, Guiennam, Vasconiam, Languedociam, Prouinciā Massiliensem, & Delphinatum. Hæ sunt uelut extremæ oræ, quibus tanquam sepimento quodam & muro, prorsus ambitur interior illa, cuius hi sunt populi, Franci, quorum caput est Lutecia: Carnutes, Cenomani, Andes, Turones, Bituriges, Ambari seu Niuernenses, Boij seu Borbonij, Aruerni, Lemouices, Pictones, Petracorij, Vellaunij. Ducatus nomē obtinent Burgundia, Normannia, Britannia, Guisenna, Bituriges & Borbonia. Normannia completur Neustrios, Ambilates Bellocassos, Lexouios, Eburonices, Aulercos. Britannia continet Ossismos, Diablintres, Venetos, Curiosolitas, Rhedones, Nanetes, Cadetes. Guienna Vibiscos, Cadurcos, Heluios, Rhutenos, Vasconia Tarbellos, Dattios, Bigerones, Aufcos, Cantabros. Languedocia Tholosates, Volcas, Nitiobriges. Delphinatus habet Blagonios, Brannionices, Eburodunos. Porrigitur usq; ad Allobroges, qui nunc Sabaudi, & Taurinos, qui Pedemontani hodie dicuntur. In Burgun-

Burgundiæ sunt Hedui, Mandubiï, Lingones, & pars aliqua Sequanorũ. In Campania Rhemi, Catalauni, Trecenti. In Picardia, Sueffiones, Ambiani, Bellouaci, Veromandui, Morini. His planè sunt vicini Atrebatæ & Neruij: sed ij, propter Flandriam, Cæsaris Caroli quinti parent imperio. Mediam Galliaë regionem obtinent Bituriges, æquali prope spacio undiq; dirempti à finibus. Tenent igitur hodie Galliarum reges omnem Aquitaniam et Celticam, præter Heluetios & Comitatum Burgundiam, quos Gallorum siue Celtarum nomine Cæsar comprehendit: Belgicæ uero partem, à Sequana & Matrona possident usq; ad Atrebatæ et Pleumosios, siue Flandros, & Neruios, & ad Mosam flumē. Tenent, præter Ruscinonensem agrum, Narbonensem omnem prouinciā, & quicquid est trans Rhodanum, usq; ad Allobroges & Taurinos, quorum tamen maximam partem Franciscus primus, ante annos nouem, bello cepit. Guienna & Vasconia propriè ad Aquitaniam pertinent, & eo solo nomine censebantur olim. Quo loco igitur mentio fit in commentarijs, Ludouicum regem fratri suo dedisse partem Aquitaniae: hoc de Guienna solum, non autem de Vasconia intelligendum est. Languedocia, pars est prouinciæ Galliaë, sicut Cæsar, & antiquitus illam uocarunt. Eam uero partem, quæ est trans Rhodanum, uersus mare Mediterraneum, usq; ad Liguriaë montes, Galli peculiariter hodie uocant

uocant Prouinciã. In ea sunt Auenio, & Aquæ
sextiæ, & Massilia, & Arelate, & Tollonum. Britan
niã minor, sic appellata propter maiorem, nempe
Angliã, eas continet ciuitates, quas Cæsar uocat
Armoricas. Totius autem Galliæ longe maximæ
sunt & opulentissimæ, Normannia & Britannia.
Earum extremi fines, sicut & Picardiæ, & Xantho
num, & Guiennæ, & Vasconiæ, pertinent ad Ocea
num: Languedocia uerò & Prouincia Massiliens
sis, ad mare mediterraneum. Normanniam à mulla
tis iam temporibus Galliæ reges tenent. Burgun
diam & Prouinciã quemadmodum Ludouicus
undecimus acquisierit: ex his commentarijs no
tum est. Britanniam Carolus Octauus adiunxit,
quando Francisci Ducis filiam unicam, Annam,
uxorem duxit, quam deinde Ludouicus duodeci
mus, quum nulla Carolo superesset proles, in ma
trimonio habuit. Borboniam & Aruerniam, Fran
ciscus primus, ob Caroli, earum regionum Principi
pis, defectionem ad Cæsarem: sibi uendicauit. Gal
licæ linguæ (quæ nunc est illius usus) principatum
obtinent hodie, Parisienses, Aureliani, Carnutes,
Turones. Ab ijs nonnihil uariant, Normanni, & ali
quanto magis Picardi, ac Burgundiones, præser
tim accentur. Britannia pars illa, quæ est Andibus
propinqua, minimum differt: Interior autem illa,
prorsus alio sermone utitur, sicut & Vascones &
Aquitani, & Languedocij, & Prouinciales, qui ad
Ita

Italicam magis accedunt. In iudicijs autem publicis & senatibus: pure loquuntur omnes ac scribunt Gallice, quanquam forensis ille stylus à latina lingua maximam partem mutuatur.

Diximus antea de Paribus Franciæ. Adeorum arbitrium & iudicium redit omnium rerum & consiliorum summa, & constituendi regis, cum de successione est controuersia, potestatem isti habent, ut accidisse uidemus in Philippo Valesio. Sunt autem numero duodecim, antiquitus instituti, ut ipsorum in primis consilio reges uterentur, quemadmodum in Germania sunt Principes Electores, dignitate & gradu cæteris potiores. Ex ijs tres sunt Duces, Burgundus, Normannus, Guiennus seu Aquitanus: Comites uerò totidem, Flandriæ, Campaniæ, Tholosæ: Deinde sex Episcopi, Rhemensis, Laudunensis, Lingonensis, Nouiodunus, Bello-uacus, & Catalaunus. Ex priori ordine nulli hodie supersunt, præter Flādricæ Comitem. A multis enim annis, Normanniā, & Guiennam, & Campaniam, & Tholosanam ditionem, & à morte Caroli Ducis, Burgundiam tenent Galliarum reges, ac patrimonio suo coniunxerunt. Flandria sola restat, quam Carolus quintus Cæsar, superioribus annis, quando cum Francisco Valesio rege, Madrici, & postea Cameraci pactus fuit: exemit à fide, qua Gallia prius erat obstricta. Nam illinc ad Senatum Parisiensem prouocari solebat, sicut octauo libro recita-

Aa tur

tur de Burgundiæ Cancellario & Imbercorto, qui capitulis damnati à Gandauensibus, appellationem illam interponebant. Nunc autem, quando Franciscus primus ei iuri cessit: prouocationes omnes, uel Atrebatum uel Mechliniam deferuntur. Porro, tametsi nulli extant pares: tamen cum aliquid solenne peragitur, euocantur alij Principes, qui sint ipsorum loco, quemadmodum quo tempore Ludouicus duodecimus, proximus ante hunc, regno fuit inauguratus: Dux Alenconius, & Borbonius, & Lotharingus, & Cliuësis, & Rauestenus, & Comes Fossensis repræsentabant sex illos primi ordinis. Quantum ad reliquos pertinet, ij quoniam sunt Ecclesiastici: manent immoti.

De senatu quoque Parisiensi, & eius autoritate, mentio fit in his commentarijs, libro tertio. Sunt omnino septem eiusmodi senatus per Galliam (ipsi Parlamenta uocant) à quibus prouocare non licet, & ad quos ab omnibus alijs iudicijs appellatur. Ii sunt Parisiensis, Tholosanus, Rothomagensis, Diuionensis, Burdegalicus, Aquis in Prouincia, & Gratianopolitanus in Delphinatu. His omnibus stipendia Rex præbet. De causis omnibus & criminibus isti cognoscunt, & quod à singulis definitum fuerit: ei standum est. Omnium autem latissime patet, ac amplissimam iurisdictionem habet Parisiensis. In eum aliquando uenire solent ipsi reges, quoties aliquid magni decernere uolunt, quemadmodum

modum ante annos octo, mense Ianuario, Franciscus primus, bellum illaturus Carolo Cæsari, uenit eò, & per aduocatatum suum expositis, quas ab illo sibi factas dicebat, iniurijs, demonstrabat, bellum sibi necessario suscipiendum esse, ut Flandriam & Artesiam, quæ nunc illius uitio & culpa ad se pertineant, recuperaret, & Galliæ rursus, è qua prodijissent aliquando, coniungeret. Olim ista referbantur ad publicos conuentus ordinum. Is quoniam aboliti sunt: aliquod adhuc eius rei uestigium manet, dum ad eum senatum itur, quod tamen rarissime nunc fieri consueuit, quando solus rex, pro suo iudicio quiduis decernit. Illud autem adhuc frequens est ac usitatum, ut pactiones regum, & quicquid omninò ad regni constitutionem pertinet: in eo recitetur, & scriptis publicis, quorum ipsi custodiam habent, inseratur.

Et quoniam ad Galliæ descriptionem uentum est: non erit alienum adijcere aliquid de fluminibus, quibus irrigatur. Ex ijs prima et maxima sunt, Matrona, Sequana, Ligeris, Arar, Rhodanus & Garumna. Deinde, Somia, Iona, Elauer, Albis, Axona, Ossa, Druëtia, Isara. Mosam & Mosellam non ponam in eo numero. Nam etsi in Gallijs, prout à Cæsare illa describitur, originem habent: nempe ex Vogeso monte, tamen quoniam extra Franciæ Regum fines labuntur: non huc propriè pertinet. Scaldem eadē de causa nō pono, quī prope Ve-

Aa ij romans

romãduos ortus, perq̃ Neruios & Flandros decur-
rens, non in Mosam, ut Cæsar ait, sed milliaribus
aliquot, infra Antuerpiam, in Oceanum illabitur.
Dubis etiã, quem Cæsar Alduasdalin uocat, nõ de-
bet huc referri: qui supra Vefontionẽ ortus, prope
Viroduinos, Arari sese coniungit. Matrona ortum
habet ex Lingonibus: labitur per Campaniam, &
duobus supra Luteciam milliaribus, in Sequanam
influit. Sequana prouenit ex Burgundia Ducatu,
interlabitur Luteciam, alluit Rothomagum, deins-
de uoluitur in Oceanum. Ligeris oritur in Aruer-
nia, & longissimẽ profluens, infra Nanetes, in Ocea-
nũ exit. Arar scatet ex diuersa parte Vogesi mōtis,
& lapsus per Burgundiã, passibus aliquot infra Lu-
gdunum, Rhodano miscetur. Rhodanus supra Se-
dunos emanans, et per lacum Lemantum deuectus;
ubi Lugdunum præterijt, ad meridiem conuersus,
incredibili rapiditate, infra Arelaten, duobus ostijs
in mare mediterraneum sese eijcit. Isara tamen &
Druetia prius receptis. Garumna descendit ex Py-
renæis montibus: allabitur Tholosam, & prope
Burdegalam exonerat in Oceanum. Iona & Albis
& Osia, sed hæc prius aucta flumine Axona, com-
miscetur Sequanæ. Elauer ex Aruernis profluens,
in Ligerim definit. De Somia satis dictum est in
commentarijs: Influit in Oceanum. Multi sunt aliij
amnes atq̃ riui, sed obscuriores. Ii uero quos dixi-
mus, tam secundĩ quàm primi ordinis, nauigantur
omnes.

omnes. Cæterum, in Rhemorum urbe, Galliarum, reges inaugurantur. Clodoveus rex, qui ante annos mille & triginta mortuus est, omnium primus religionem Christianam complexus fuit, ut ipsorum scripta narrant, & coelitus tunc inter alia dicitur allata fuisse pyxis, olei plena, quo deinceps inungerentur reges. Hoc etiam obiter annotare volui, quoniam eius olei mentio fit postremo libro.

Alterum, cuius te, lector, admonendum putavi, illud est, In his commētarijs uti me uulgaribus atq; protrititis uocibus honorū, ordinum atq; dignitatū, cuiusmodi sunt, Dux, Marchio, Comes, Ducatus, Comitatus, Cācellarius, Mareschallus, Cōnestablius, Amiralus, Cardinalis; Heremita, Canonicus, Officialis, Delphinus, Abbatia, & alicubi Franco- rum nomen, quod est monetę genus apud Gallos. Bini paulo minus aureo coronato æstimantur. His autem uocabulis utendum est nobis, etiam inuitis, nisi magnam uelimus inducere scriptis obscuritatem: & utendum est, donec doctorum hominum approbatione & consensu, meliora fuerint inuenta, & lege sancita. Pluraq; omnia quid sibi uelint, uulgo notum est. Propter imperitos autem rerum Gallicarum, nonnulla sunt explicanda. Mareschallos quatuor habet Gallia, qui sunt uelut magistri equitum, & ad eos introducuntur lites rei militaris. Iis omnibus præest Connestablius, quo non aliud est amplior aut magnificentior honos. Eum digni-

Aa iij tatis

tatis gradum, superioribus annis, apud Franciscum primum obtinuit Carolus Borboniæ Dux, qui ad Casarem postea defecit. Principibus autem propriè conuenit hoc munus: uerum quia per se magnum est, & eximium; reges plerumque tribuunt illud hominibus mediocri conditione & nobilitate, quos facile cohibeant, et qui ex humili loco ad summam dignitatem perducti, magis ipsos reuerentur. Et sicut isti fere sunt acceptiores Regibus: ita uicissim reliqui ordines, ac nobilitas potissimum, malunt principem aliquem ad eam rem deligi. Nam ipsi, qui sunt ex illustribus nati familijs, uehementer dolet, quum tenuiores homines præferri sibi uident, & eorum coguntur imperio parere. Ac multis calamitosum saepe fuit, munus hoc administrasse, quos alioqui uitæ conditio mediocris poterat inuidiæ & periculo subducere. Sed incidit aliquando tempus, quo nullus est Connestablius: & post Caroli Borboniæ Ducis defectionem, per quatuordecim annos, ac eò amplius, nullum Franciscus Rex creauit. Ad Amirallium pertinet omnis procuratio & disceptatio rei maritimæ, & classis regie, sic ut Connestablius quodammodo sit legatus Regis, quum bellum terra geritur, Amirallius autem maritimo bello præsit. Sed totum hoc in regis arbitrio positum est, qui illorum opera, quibus in locis uisum ei fuerit, utitur. Delphinum Galli uocant, aut natus maximum Regis filium: aut si non sit filius, designat

signatum Regem; hoc est, eum qui Regi successus
sus est, ob generis propinquitatem. Ad hunc pro
priè pertinet ea regio, quæ Delphinatus dicitur.
Vt etiam consuetis & hodie receptis oppidorum
& regionum nominibus, ut omnia sint magis pla
na. Quod nunc Cameracum dicitur, à Cæsare Sa
marobrinam putant esse uocatam. Caletum ille
portum Iccium uocat, tametsi & Caletorum memi
nit. Eburones dicuntur esse Leodienses. Menapij,
sunt Cliuenses, Iuliacenses, & Geldri. Ego ne quid
relinquerem obscuri; malui uulgaribus uti. Et hæc
pauca, solum exempli causa posui, ut & de reliquis
idem æstimetur, & ne quis cōqueratur, neglectam
esse à me antiquitatem. Cataphractorum frequens
admodum fit mentio, & necessariò quidem ea uoce
nobis utendum est. Et sicut Cæsar uocat ephippia
tos equites, qui sellis insident inter equitandum; ita
nos eos equites, qui toto corpore sunt armati, cata
phractus uocamus, græco nomine, quia latino des
tituimur. Libro tertio per occasionem fit mentio
Comitis Veromanduorum: Is fuit Herbertus,
qui Carolum Simplicem, Gallia regem, Peronæ,
per prodicionem, dum simularet amicitiam, cepit,
ac in carcere, per biennium & eò plus detinuit, do
nec ille moreretur. Eduardus Angliæ rex, cuius
frequentem mentionem author facit, est eius nomi
nis quartus. Ei successit filius eiusdem nominis,
quem Richardus patruus deinde necauit, occupa
tare

ta regni possessione, Richardum eiecit Henricus septimus, pater Henrici octavi, nunc Angliæ regis. De milliaribus quoties mentio fit: illud intelligendum est, pro cuiusq; regionis modo & cōsuetudine. Postremo, quam interpretandi rationem in hoc opere sim secutus, facile quivis, ut puto, iudicabit. Non astringi me ulli servituti, & hoc solū spectavi, ut quàm verissimè expressam sententiam, familiari & proprio sermone latino redderem. De rebus Anglicis author quiddam prolixius recitat: verum, ne seriem narrationis impeditam redderem, paucioribus illud, libro quarto, explicavi. Author etiam per capita suum opus est partitus: ego vero per libros, ubicunq; argumenti qualitas id visa fuit postulare. Adhæc, ubi de bello scribit, quod à morte Caroli, Rex per Auralicæ Principem in Burgundia gerebat, expatiatur in locos communes, ac multas interferit illustres sententias. Verū ne perturbaretur ordo, in finem operis totū hoc reieci. In reliquis omnibus nihil est immutatum. Quicquid autem in eo cōsumptum est operæ & laboris: Germaniæ, hoc est patriæ, totū est impensum, cui talium rerū cognitionē opinor posse prodesse. Quò magis spero, gratū plerisque futurū esse hoc meum officiū. Ea vero, quæ hīc explicandæ causæ historiæ subieci: veritate nituntur, & ex fide recitata sunt oīa, quod facile agnoscent Gallicarū rerum non imperiti. Vale. Argenting.

XXII. Februarij. M. D. XLV.

Illustriores

ILLVSTRIORES AC

præcipui loci, passim his commen-
tarijs inspersi.

I n temperantiam & luxum Deus punit	39.
Modestia maxime decet principes	39. 215.
Diffidentia summa inter principes	35. 36. 102. 107.
Rebus dubijs debent cælari consilia	45.
Describitur ingenium Ludouici regis	46. 333.
Principes ferè corrumuntur educatione	47.
Vnus aliquis uir, nonnunq̃ est instar multorum	53. 235.
Collocationes priuatæ, belli tempore sunt pericu- losæ.	54.
Ludouicus Rex prudenter dirimit fœdus princi- pum	57.
Vnius alicuius authoritas sæpe est necessaria	60.
Duo sunt genera Principum	61.
Qui sunt confœderati, si dissipentur, in præsens pericu- lum sese coniiciunt	63.
Multorum audiendæ sunt sententiæ in deliberatio- nibus	68.
Aduersum prælium facere, est res plena periculi	72.
So. 191. 225.	
Placidis ingenijs libenter Deus adest	77.
Ad Principes proprie pertinet, multis bene facere	77.
Superbiam ferè comitatur calamitas	81.
Historiarum cognitio Principibus est necessaria	85.
Hominum ætas & mores, in dies magis magisq̃ dege- nerant	86.

Bb Principes

I N D E X.

Principes ignaui & uoluptarij sunt indigni, qui re-			
gnent			87.
Non est consultum, ut reges in colloctionem ipsi ue-			
niant			90.
Non est ullo tempore contemnendus hostis			97.
Hostis desperatus ualde est metuendus			104.
Vulgus habet opus aliquando duce & moderatore			109.
Principes honestam aliquam causam suæ cupiditati			
sæpe prætexunt			118.
Eruptiones eorum qui obsidentur, sunt ipsis ferè peri-			
culosæ			126.
Ingenium Caroli describitur	128.	247.	336.
Quomodo sint tractandi legati tam hostium quam ami-			
corum			134.
Abstinentum est à uerborum contumelijs			152.
Quomodo aliquis gerere se debeat erga suum Prin-			
cipem			156.
Crudelitatem nullam Deus sinit impunitam	158.		319.
Quomodo plurimum noceri possit hosti			160.
Quomodo reges Angliæ pecuniam à suis eliciant			163.
Quomodo Ludouicus rex impetum Caroli fre-			
gerit	163.		167.
Responsum Friderici Cæsaris ad legatum Ludouici			
Regis			170.
Magni sæpe uiri, etiam admoniti, pericula uitare non			
possunt			202.
Bellorum authores plerumq; tristes habent exitus			210.
Principum calamitates oriuntur ab ultore Deo			213.
Nuper acquisitis prouincijs præficiendi sunt uiri boni &			
humani			218.
Rebus aduersis debemus agnoscere peccata, petere ueni-			
am à			

I N D E X.

am à Deo, & consulere amicos	334.
Obtinationis calamitosæ exemplum	337.
Principes debent esse alieni à pravis consilijs	339.
Legatos oportet esse homines peritos & circumspicos	243.
Bonus Princeps, magnum est Dei donum	248.
Reges, non quid ipsis utile, sed quid honestum sit & æquum, respicere debent	245.
Nemo est omnium Principum, in quo non sit aliquid reprehendendum	257.
Effrenis & indomiti populi exemplar	268.
Populus fert iniquus externum imperium	289.
In celeritate magnum sæpe positum est momentũ	296.
Seditio popularis punita	297.
Benefaciendum est, dum sanitatem corporis & mentis largitur Deus	303.
Qui metui nolunt, coguntur tandem alios metuere, ac omnia habere suspecta	327.
Principum fere misera est conditio, eorum præsertim, qui cupidi sunt & ambitiosi	331.
Factiones potentum semper coniunctæ sunt cum periculo	337.
Qui sit status rerum per Europam	343.
Doctrina plærunq; reddit homines meliores	344.
Quibus artibus mali Principes utantur	346.
Nulli Principi licet invito populo pecuniam impetrare	348.
Principes de populi cõsensu debent bella suscipere	349.
Incredulitas nostra, est flagitiorũ & scelerum causa	353.
Malos Principes Deus aliqua repentina clade sæpe punit	355.

F I N I S.

Errata.

Fol.	Vers.	Lege
47	27	uiris bonis.
73	primo	(secum) abundat.
184	16	impetret.
223	26	animaduenteret.
320	18	nondum impletæ,

ARGENTINAE, APVD CRA-
TONEM MYLIVM, ANNO
M. D. XLV. MENSE
FEBRVARIO.



Österreichische Nationalbibliothek



+Z166980506

